

傅紹曾 著

南洋見聞錄

南洋見聞錄

陳寶泉

題識

中華民國十二年十二月出版

南洋見聞錄一冊

定價大洋一元(外埠加郵費匯水)

著者 傅紹曾

鑑訂者 王桐齡

發行者 求知社
社址暫設在北京西城察院胡同十五號


印刷者 北京新共和印刷局

總發行所 北京師範大學圖書館

北京大學出版部

代售處 北京天津直隸書局

本埠各大書坊



序一

印度支那半島與南洋羣島爲馬來民族根據地地居亞洲東南位於熱帶氣候暑濕雨量豐盈草木繁茂百穀叢生爲天然之樂土與亞洲之恒河印度河流域非洲之尼羅河流域南美洲之亞馬孫河流域相似而物產之豐饒交通之便利似猶過之自秦始皇闢地嶺南移民五十萬實邊其東北部始入於中國漢置交趾刺史部吳置交州隋置驩州總管府唐置安南峯州二都護府明置交趾布政使司皆分置郡縣設官如內地自宋室之衰安南始分離而獨立明初雖一時恢復終不能保有其地論史者惜之然印度支那半島全部與南洋羣島對於中國之交通則日益頻繁計自漢迄唐千有餘年我國商船常經由安南暹羅緬甸爪哇蘇門答臘馬來半島等處與印度阿刺比亞及歐洲非洲諸國交通經過宋元兩朝至明而益盛元明盛時曾屢次遣兵經略之一時亞洲東南部海隅之地皆內屬明室之衰閩粵愛國之士多避地海外其中以一介匹夫糾合同胞崛起而稱王稱霸者不乏其人其以白手起家致富至數十百千萬者尤指不勝屈經過有清一代凡三百年間同胞之移殖於此地者益多清廷不善撫馭肆行壓制於是南洋僑胞多生兒女長子孫殖產興業於其地不敢復返故國值歐洲列

強勢力膨脹英法西荷諸國挾武力東下壓制僑胞於是各處政治權多入於歐洲列強之手而經濟權猶握於僑胞每年以所得贏餘匯歸中國爲我國金融上一大補助前清末年民國創業諸偉人屢次起兵謀倒政府其籌備糧餉接濟後路得力於僑胞者尤多至於捐款興學集資助賑舉凡內地各種社會事業慈善事業一有舉動僑胞皆踴躍輸將蓋急公好義爲僑胞特色而數百年來南洋羣島事實上已成爲我國外府其關係可謂密切矣獨惜歷來我國政府對於南洋僑胞漠不關心任其自生自滅毫不加以保護內地同胞見聞固陋更不知南洋爲何地僑胞爲何人南洋僑胞與內地同胞有何關係而南洋僑胞亦以居外國久對於內地情形非常隔閡其中受虐於外人而無處呼籲者亦在所難免此真可爲痛哭流涕長太息者也吾友傅君紹曾績學士也前曾畢業於北京高等師範學校應英國海峽殖民地總督府官立學校之聘充國文國語教員僑居其地者有年暇常與僑胞往來酬酢調查其地風俗習慣土產方言以及歷來之歷史地理人種宗教與最近數十年間之政治經濟教育實業狀況詳細記載於筆記中其中一部分已陸續在中國地學雜誌發表歸國以後復與谷君風參考先賢筆記及近人著作凡有關於南洋者皆擇尤選入著南洋見聞錄一書書成命序於余余

溜覽一遍見其搜羅詳實調查精確可以爲探風記可以作歷史觀可以供遊歷者之指南可以備外交家之參考愛讀小說者可以觀其離奇光怪留心商業者可以觀其羅列詳明舉凡我國政治家教育家實業家著作家皆當人手一編余不長於文而嘉君之志樂於觀此書之風行海內也爰撮 鄙意誌於卷端

民國十年十月二十一日北京高等師範學校歷史地理部教務主任友生士桐齡記於日本東京帝國大學圖書館

序二

我讀了傅君的著述，很有一種感想，我狠覺得現在中國著書的人極少，而著歷史和地理這一類書的人尤少。傅君這種著述，真可謂是先導的改進的。我讀了，狠是佩服，而且傅君一是我們的同學，二是我們的同志，所以我敢以極忠實極誠敬的意思介紹於全國研究歷史和地理的人們。

民國十一年四月八日春假之末

章欽

序三

人皆知畫家有寫生法凡人物山水草木蟲魚莫不撥入尺幅中而惟妙惟肖初不知畫家而外更有文學家之寫生歷史家之寫生地理家之寫生文學家之寫生能舉人生幽鬱飄渺難言之隱胥豁露於詞筆之間令讀者俯仰流連而不置歷史家之寫生能藻繪一代文治武功明君賢相言行事蹟垂之史冊使千載而下如見其人而聞其聲地理家之寫生能描大地上山川洋海實業交通種族狀況社會情形載之遊記之中俾不出戶庭之人得以把卷而見六合之大萬象之殊雖然畫家與文學家之寫生俱寄託於美術祇供靜好者之玩覽歷史家之寫生足以爲興廢之鑑起人親賢遠佞之思厥功偉矣然究無補於當世民生之用其有補於當世民生之用者在揭破其海陸效用物產豐嗇社會民族之眞狀爲世人導引生路焉斯地理之寫生尙矣南洋各島介居亞非美三洲間曬以熱帶之赤日浸以印度洋之清波其民族生息於森林荒谷中率蠻野固陋而不知隨附天演競爭之潮流於是一變而爲白人殖民之地而華僑之筭路藍縷以啓山林者尤具喧賓奪主之勢是實人生一大樂境宜乎有寫生之作供人研究而動其興趣斯有補於世者奚若哉然西文或有專書中文則不啻鳳毛麟角時

於報紙中見其東鱗西爪雖有志於南洋者不能爲具體之觀察也今者潞河傅君紹曾谷君風寄居於南洋有年就其實際閱歷者一一筆之於書共三十六目十餘萬言舉南洋各島之種族物產風俗情狀盡括於尺幅之中斯真地理上之絕大寫生也今而後可置南洋於几席之上益導人以乘風破浪之思其有補於當世者可勝量哉因傅君持稿示余並囑爲序余讀之甚喜遂自忘陋亟誌數行於簡首

民國十年九月二日

白月恒

自序

鄙人性質魯鈍。幼時受學。少有成就。惟甚嗜地理一科。課暇之餘。便參覽世界地理圖籍。追索其當地山川物產人種風俗諸種情況。想像推求。樂而忘倦。惟皆屬乾枯無味的死地理。非活潑有趣的活地理。故其中每多懷疑隔閡。甚缺乏明瞭的觀念。試舉當日讀書實例以證之。前讀瀛寰誌略一書。其關於檳榔嶼一段。謂埠中人口二十餘萬。其中華僑占全數之七成。閱讀之下。不禁生出二種感念。一爲驚奇。以爲檳榔嶼乃英屬地一小島嶼。實際上應土人及英人爲多。竟有此喧賓奪主現象。殊屬奇異之事。二爲懷疑。以爲華僑既如此其多。其風俗習慣語言生活如何。移殖原因沿革如何。土人現狀。與夫檳榔嶼以外華僑之情況如何。英人勢力及其治理屬地情況又如何。凡此諸端。皆在疑團莫解之中。對於書中所言。遂發生一種將信將疑之感念。殊無明確之見地。此研究文字地理時所得之結果也。民國五年。畢業於北京高等師範學校歷史地理部。六年春蒙前校長今教育次長陳筱莊先生。前北京大學校長胡仁源先生。及北京英使館參贊巴爾屯先生。介紹到檳榔嶼華僑學校服務。得親當地諸種狀況。於是前讀檳榔嶼地理之懷疑諸點。盡行證明。恍然解悟。知書中所言。毫無虛謬。其興趣及所得

較前所研究文字的地理。奚啻十倍。後更歷馬六甲新嘉坡及荷屬望嘉麗諸埠。閱時二載。始行歸國。暇將觀察及採聽所得錄出。更搜集書報關於南洋之各項實地記載。錄輯成南洋見聞錄一書。於民國十年脫稿。其目的在於滿足自己之求知心。夏在母校教育研究科畢業。揀拾舊稿。恐久而遺忘。將於今年七月。實行付梓。以便留存。作為將來之紀念。并報告國人喚起對於南洋之注意力。其長處在具體的實地寫真。非似教科書之抽象記載。惟具體抽象各有攸長。具體在詳盡。抽象在綱維。有抽象無具體。其弊也疏漏。有具體無抽象。其弊也渙散。故復撮其要點。計有五奇。書於左方。以符提綱挈領之義。

南洋島嶼。碁布。海洋環繞。與我國僅隔一衣帶水。其中石油。錫鑛。寶藏無窮。椰子。樹膠。甘蔗。稻米。復為環球所羨。其他珍禽奇獸。怪草異木。指不勝屈。儼然一世界之外府。此一奇也。數百萬勤勉無比之華僑。聚族而居。掌握當地商業及金融全權。百萬千萬富翁。初皆赤手起家。馬來人聽其指揮。歐美人仰其鼻息。年中匯寄銀錢。分潤祖國。無慮數千百萬。不啻一中國殖民地。此二奇也。南洋地主。混混噩噩。飢則求食。飽則棄餘。天府之區。不能享受。華僑吮其血液。白人扼其項背。奴隸牛馬。有若天成。此三奇也。南洋以百五十萬方哩之區。四千萬人民之衆。而以

二十萬碧眼紫鬚輩。高坐堂皇。安享利益。指揮宰割。任意所如。華僑土人。終歲汗流。沾背甘爲他人作嫁衣。宛然優勝劣敗。弱肉強食。一幅絕妙畫圖。此四奇也。後起日本。以一萬之醜業婦。與浪子。其人數直等諸九牛之一毛。然其南進之雄心。直欲撼羣島而沼洋海。摧白人而掩華族。將來南洋問題。實有惟伊馬首是瞻之概。此五奇也。描寫此五奇之現狀。推考其原因。報告國人。以備我發展進步之資。此卽編輯本書之微意也。惟學疏才陋。遺漏之處實多。糾謬繩愆。是所望於大雅。且遠東問題。爲今日世界所注目。吾人對此炙手可熱之南洋。不容袖手旁觀。自掃門雪。尙望有志之士。乘風破浪。鼓舞前進。恢復吾先民之聲譽。而張英風於海甸也。是爲序。

民國十二年六月三十日通縣傅紹曾

凡例

本書所載內容純以耳聞目覩者爲主。餘如東方雜誌、南洋華僑雜誌、地學雜誌、南洋實地調查錄、中國與南洋、南洋與日本、地理讀本、中外地理大全、以及各種新聞。凡有關於實地記載者。亦多參考選錄。以期完成一書。

本書體裁。以考查華僑當地各種情況爲主。其餘如土人之狀況。日本及白人之勢力。南洋之物產與其他各項問題。亦稍加論述。惟關此諸項。外人不乏專書。且與我國關係較淺。故略此詳彼。

英荷屬地貨幣。各有不同。英屬一弗。其分量約等於我國銀幣七角。惟時價則貴賤不等。有時跌至四五角。有時漲至一元二三角。則視世界之商情而定。荷屬一盾。其分量等於我國銀幣五角。時價則可至七八角。一英畝合中國七畝左右。一荷畝合中國十畝左右。一吉羅格蘭（或簡稱吉羅）合中國二十六兩六錢。一擔合中國百斤。一噸合中國一千七百六十二斤。

南洋範圍。有廣狹二義之分。廣義的南洋。北起後印度半島。南至澳洲。其中諸羣島。皆包

含在內。狹義的南洋，則只北以馬來半島起算，南至瓜哇島及小巽他羣島爲止。本書以華僑爲主。按華僑勢力範圍，實普及於廣義的南洋。故本書南洋的範圍，亦以廣義爲準。

南洋見聞錄

目次

第一章 後印度半島

第一節 法領印度支那華僑……………一

第二節 旅居暹羅之中國人……………一四

第三節 馬來半島地理概略……………二二

第四節 霹靂埠開礦之情形……………二五

第五節 吧里文礁遊記……………二八

第六節 峇眼色海華僑……………三一

第七節 新嘉坡 *Singapore* 記略……………三四

第八節 星嘉坡華僑生活狀況……………五三

第九節 歐人經營馬來半島史……………五八

第二章 荷屬東印度

第一節	荷屬東印度地理誌略	六五
第二節	蘇門答臘地理誌略	七〇
第三節	望嘉麗。Bingkis 記	七一
第四節	峇眼亞比記	八〇
第五節	利芭蚶記	八二
第六節	民禮埠之實地調查	八五
第七節	玲沙埠	八九
第八節	網甲島 <i>Bangka</i> 華工	九三
第九節	西里伯誌略	一〇〇
第十節	望加錫 <i>Macassar</i> 華僑狀況	一〇一
第十一節	明清制錢通行地之安班瀾 <i>Ampenan</i> 及巴里 <i>Bali</i>	一一五
第十二節	爪哇誌略	一二一
第十三節	爪哇商業中心之泗水 <i>Surabaya</i> 港	一二二

第十四節	三萬華僑之三寶壠	一二五
第十五節	婆羅洲 Borneo 地理誌略	一三〇
第十六節	華僑首創之坤甸及喃吧哇	一三一
第十七節	煙賭世界之山口羊 Singkawang	一三四
第十八節	三發埠	一三七
第十九節	荷人經營東印度史	一四三
第三章	澳僑淚	一四八
第四章	菲律濱	
第一節	舊世界中新式的菲律濱	一五七
第二節	菲島內湖仙答洛華僑概況	一八九
第五章	華僑及日僑概要	
第一節	南洋華僑總述	一九七
第二節	荷屬東印度對待華僑政策	二二四

第三節 拓殖家李馬奔傳……………一二八

第四節 海外政治家鄭昭傳……………一二九

第五節 張傑諸傳……………一三〇

第六節 毀家興學陳嘉庚事蹟……………一三一

第七節 日僑之勢力……………一三五

第六章 土人狀況

第一節 馬來人之文化……………一四二

第二節 暹羅土俗……………一四七

第三節 緬甸土俗……………一五一

第四節 望加錫及泗水土人……………一五三

第五節 爪哇土人……………一五七

第六節 波羅洲生番……………一五九

第七節 梭羅州降王……………一六三

第七章 南洋物產誌

第一節	椰子	二六六
第二節	樹膠	二七一
第三節	蔗糖	二七六
第四節	錫鑛	二八〇
第五節	石油	二八二
第六節	叢錄	二八五
第七節	南洋羣島地力及土地借用制度	二九二
附錄		二九七

南洋見聞錄

第一章 後印度半島

第一節 法領印度支那華僑……：參考書南洋華僑雜誌中外地理大全

法領印度支那之概略 法領印度支那原名安南國。幅員二十六萬七千方哩。住民有二千一百二十四萬。分爲五部。一東京。二安南。三南圻。四老撾。五柬蒲寨。五部皆歸法國印度支那總督節制。歐戰前全境常備兵二萬六千五百六十二名。內有安南土兵一萬六百六十六人。法國兵一萬零九百人。海軍軍艦共十九艘。以西貢爲根據地。設支部於海防及我國廣州灣。歲入四千一百零五萬圓。護境軍費占其半額以上。且因敷設之鐵道營業狀況不佳。至今軍事費仍賴法本國之補助。此地與我國之交通。自滇越鐵路交通以來。往來頗便。共有華僑二十萬。惟一般華人仍不知利用鐵道。有以乘車價高而自甘徒步者。至越南內地由海防至河內線。由河內線至物集線。由河內至南定線。由西貢至美荻線等營業。已進於發展之域。華僑之系別 現在華屬印度支那。其都市間重要人物。實以華僑爲主。約分爲左列三種。

(一) 廣東系

(二) 福建系

(三) 雲南系

雲南商人活動於沿紅河湄公江流域之都市。福建廣東人則發展於沿海岸線。是因彼等出生地之關係。及利用自然與交通便利之結果。自營業上觀之。廣東福建人多業造酒精米等。利用土產。供給土人以及海外輸出品爲目的。雲南人則以輸入品貿易爲主。此外尙有香港系統之一派。要皆爲前三省之出身者。不過因香港設有本店。彼等遂以香港爲標榜。其實無何等之區別。一般華人中亦有輕侮香港系。目爲歸化商人者。

納稅之種類 華人於法國政廳交納之稅額。隨地而異。茲以中等額之河內爲標準列如左。

人頭稅等級	年限及人數	納稅價格
-------	-------	------

一等身稅	每年一人	九十二圓四角
------	------	--------

二等身稅	每年一人	三十一圓五角
------	------	--------

三等身稅	每年一人	七圓三角五分
------	------	--------

老幼婦女	每年一人	五角三分
------	------	------

此外人頭稅附帶徵收寫真料費一圓。惟納一等稅者免寫真費。本稅無男女老幼之別。且於職業之有無無關。一律按前之等級而徵收之。實際卽苛稅之一也。人頭稅之外。又有營業稅。

其概略如下。

營業等級	年限	納稅價格
超等招牌稅	一年	五百五十圓
特等招牌稅	一年	三百五十圓
一等招牌稅	一年	一百五十圓
二等招牌稅	一年	八十圓
三等招牌稅	一年	六十圓
四等招牌稅	一年	四十五圓
五等招牌稅	一年	二十二圓

負擔以上之營業稅者。尙有房捐。按照所納營業稅爲比例。百圓增徵三圓。若一旦歸國時。又必須請領旅行護照。同時每一人徵收六圓以上十六圓以下之護照費。由是觀之。越南華僑之擔負稅額。苛酷已甚。中國政府亦嘗對法政府爲減稅之交涉。法政府拒絕之。迄無結果。惟居留之華僑商人。却不以此爲苦。若視爲當然者。毫無不平之行動。實爲可怪。今略述各地華

僑經營事業之狀態如左。

東京之華僑 東京幅員四萬六千四百英方里。人口七百二十萬。內歐美人約四千。華僑約三萬六千。首都爲河內。有人口十六萬。內歐美人三千二百。華僑二千七百。法國印度支那總督之治所也。物產以米與生絲爲大宗。米輸出年額十六萬噸。其大部分輸出於香港。生絲每年出產額五十萬基羅。五分之一輸出。三分供土人之需用。其他物產如砂糖、咖啡、棉花、烟草、草木藥品等亦不少。生產工業界之狀態。進步雖遲。然已有織布、紡績、製紙、煉瓦、煙草、造酒諸等公司。就中火柴公司。始爲法國人所設立。投資八十五萬佛郎。每年不但不能獲利。且捐耗母金。遂轉賣於華僑。計公司中職工三百人。男女各半。機械爲法國所製。每日製造十萬箱。營業狀態。漸入順境。法人嫉視頗深。今職工悉改用華人。軸木之材料。取諸越南產之杉松。以價格之低廉。爲唯一之目的。有外國人不能企及之特色。煙草公司。原爲華法兩國人所經營。其實權亦落於我華人之手。法人置喙之事項。僅於股東會議有權利之主張。無直接經營上之實權。本公司現造三種煙草。女工多爲越南人。而男工之大部分爲廣東人。每年使用煙草之數量。約五百噸。販路爲本地及雲南廣東。造酒公司。從前亦爲外國人苦心所經營。然無成效。

之可言。換言之。造酒爲華人之專賣。該公司當然歸華人所經營也。酒類中之紹興酒。役使工人三百。酒米鍋十二個。每日平均製造八十桶。此外土人之經業重要者。爲金銀銅鐵錫鏤刻之作品。及寶石細工物首飾等。然除寶石外。皆屬舊式。海外無知之者。至華僑之分布。以河內海防安沛保勝爲最盛。茲分述於下。

河內之華僑共分三大系。一爲廣東系。共有商舖三十二家。就中香港系居多數。三十二家中。有三之一皆收一等稅金。爲有力之富商。其中營業種類。以西洋雜貨爲多。二爲雲南系。共四十五家。其中營業種類。以雜貨商布疋商藥材商洋酒商爲多。三爲福建系。共二十九家。皆屬洋酒商。一見頗令人不可思議。然其實非全然洋酒商。凡飯店酒店等。皆含在其內也。

海防在東京管轄區內。次於河內之繁華地也。人口一萬九千七十餘。內歐美人一千二百。華僑五千四百七十。殆可謂之唐人街。(中國人在南洋者。稱中國曰唐。自稱曰唐人。回中國曰回唐山。洗衣服之招牌。則書洗唐洋衣服。中國人所住之街。則曰唐人街。蓋因中國當唐時。武功赫濯。威振南洋。唐人之名。傳遍各地。後遂相沿莫改。以至於今云。)華僑之態度。比他埠頗強橫。此地政廳奉職之華人。多數與廣東商業會議所及福建商業會議所員相連絡。對抗法

人勢力頗不易屈服。且因擁護己國人。有冒險敢爲之風氣。此華人中之特色也。又此地之企業界。有資本金二百萬佛郎之製土公司。使用職工七百人。其中職師六名。職工長七十名。皆中國人。其他尚有石鹼製造公司。煉瓦製造公司。紡績公司等。此外有英國人所經營之紡織公司。資本金二百萬佛郎。梭機二萬。女工六百五十人。爲當地唯一之公司。勞役者依然爲中國人所占領。是地工商界勢力。當推華僑爲巨擘。商界中尤以藥品商孔之年爲特放異彩。因越南人之醫藥。尙用中國方劑。故自中國輸入此地之藥品。其數不尠。孔之年爲多年之供給者。土人信仰如神。並信草根木皮。有絕大效力。又無不取給於孔家。如川芎、白朮、當歸、茯苓、甘草等藥品。每年到孔家之總量約二萬擔。價格四十萬圓。稅金每百基羅徵收六十法郎。又本地阿片與鹽爲政廳專賣品。華僑無自由營業之機會。

安沛羣山包圍。據紅河流域以爲市。其位置在河內與河口之間。距河口百五十法里。邊境市街。不但爲有望之商業地。兩岸樹木蒼鬱。四顧如碧瑠璃。風光絕佳。此地有人口一萬零九百。內有華僑二百八十。皆爲商賈與河川汽船之勞動者。華僑所經營之商店共三十餘。其中以中國雜貨及洋酒商爲最多。藥品及米穀商亦有之。法國在此地設守備隊一大隊。並有其他

官署故洋酒商西洋煙草商等供給歐美人所嗜好之商店不少又汽船公司有小汽船往來紅河流域。連絡河內海防與雲南間。別有土人之帆船。然上溯保勝即須費數十日以上。故使用汽船者日多。又河川利用蒸汽船。溯流而上。費三十三時間。即至保勝。

保勝與河口隔南溪河南北相對。法領越南北達雲南通路之最終點。是以接續兩國之橋梁。其一半之經費。出自我國。一半由法國政府負擔。故橋之南岸。爲保勝。法國設立客貨監視所。北岸爲河口。有我國稅關守備隊駐紮所。交涉局。電報局等諸官署。唯此中有優等國與劣等國之區別。華人若夜間通行此橋。必須法國當局給與證明書。並不可不攜帶提燈。當地居住之華僑。有四百六十人。去保勝不遠有埠名谷柳。是地有越南土人編成之護境監視兵一大隊。土人戶口不少。華僑百四十三人。其商業狀態。多經營洋酒及舶來雜貨品。就中協同昌最有信用。營業亦廣。

安南之華僑 安南幅員五萬二千一百英方里。人口六百四十七萬九千。內歐美人三百零九。華僑四千九百五十。首府順化。歐美與華僑居住海邊或城下。安南土人多居住山麓。此地之特色。爲前越南王阮木林一家之居住地。又爲貿易之中心。其散在附近之上人。奉天主

教者達四十二萬人之多。開港場係依一千八百八十六年二月二十三日於順化訂結之法
國廣德條約。開放會安、新洲、廣德三處。物產爲生絲、米、雜穀、桑、桂、煙草、砂糖、竹、木、橡皮樹、咖啡、
牛、羊、草木、藥品。輸出品爲生絲、肉桂及砂糖等。輸入品爲紡織絲、茶、石油。此地礦山頗富。廣南
之金、銅、鐵、錫。爲中外所羨望。會安之石炭。開掘方法尙未完全。然每年產出二萬五千噸。樂
之製鐵。所有鑄爐一百二十。每日可製一百二十磅。安南國內無適用之河川。水運不便。加之
鐵路未完全敷設。交通甚難。僅沿海岸各地稍形便利而已。各開港場。除廣南之外。無外國買
易之實力。將來發展之希望。亦非易易。唯此地爲越南王之居城。又有多數之歸化華人。與兩
廣福建自古海上交通繼續不絕。今尙保其繁昌。不可輕視。

依以上之事實。此地華人。殆如土著。從事商業者。亦與他處不同。無稍大之規模。而有土著之
臭味。故善意解釋之。雖謂爲第二之閩粵。無不可也。

南圻之華僑 南圻幅員二萬二千英方里。分設二十一府。西貢爲之首。隄岸爲越南第一

開港場。是地華人之商業甚盛。法國人亦最多。其數合軍人約達一萬。其他歐美人亦將近四
百。金融機關。除東方匯理銀行外。有匯豐銀行。及麥加里銀行。各支店。是地爲越南米之出產

所。每年輸出約九十一萬噸。所轄開港場入港船汽船約一萬噸。土人之佛教信徒有百六十八萬。天主教信徒八萬。

西貢爲法國東洋艦隊策源地。有造船所製鐵所等諸設備。又爲印度支那副總督駐紮地。市街全做歐式。人口四萬九千六百。中有法國人六千九百。歐美人三百三十。華僑五千二百六十三。次於河內之重要地也。此地華人之大部分爲勞働者。商賈雖不少。然大資本家皆在隄岸。此地勞働者之數目。木材公司中二百工人內有七十人。製鐵所中二千工人內有五百餘人。其他供私立公司及個人之使役者。亦所在多有。

華僑上陸。以西貢口岸爲最多。上陸之手續。當汽船入港之際。先檢查身體。次將本人攝影。然後計量身長。並印右手之指紋。每人約費十分鐘。若有多數人入港。順序檢查。往往亘半日至一日。當日不能檢查。翌日仍繼續行之。華人之不平。以此一點爲最。故極怨法國官吏之無理。越南非全體如此。惟西貢與隄岸特別施此嚴苛之制裁。

隄岸爲越南第一製造地。人口十三萬九千。華僑居住是地者。有一萬六千八百。爲有名造酒與糯米之產地。現在精米所九處。七處爲華僑所經營。二處爲德人所經營。每日出米額五百

四十噸。至九百噸。此精米皆經由西貢輸送香港。辦理者皆華僑。不可謂非偉大勢力也。此外有造酒公司二所。皆華僑所經營。殆爲一手專賣之事。就中李衍庭所經營之精米所。使用英人技師二名。一日出米四十擔。鄭昭明設立之造酒公司。有二百萬之資本金。此地之內外人咸稱李爲精米王。鄭爲造酒王。

此地華僑資本豐富者既多。學校及教育機關亦甚完備。且生活程度不讓歐美。法國當局亦承認之。官設之慈惠病院。盲養院等。附屬之學校。有華僑子弟入學許可之特典。越南一帶之造酒業。殆爲華僑所壟斷。法國當局曾極力注意打破之。而移諸己國商人之手。但華僑對抗之力大。法國商之成績全然失敗。蓋造酒方法與法國大異。法人以不堪損失之結果。不得不仍任華僑之經營。但造酒營業利益甚大。將來歸政廳專賣之勢不遠。此華人營業者所杞憂也。

老撾之華僑 老撾幅員九萬八千方英里。首府變布拉班。人口四十六萬。內華僑一萬二千。土地豐饒。物產米、棉花、煙草、菓實、櫛木。及金、錫、鉛、寶石等礦產頗富。因多山地交通不便。鐵路僅有達康尼島四英里之一線。以湄公河爲唯一無二之交通機關。至於米、棉花、煙草、寶石

等商人。多以小規模之交通機關。送達西貢爲目的。無投大資本者。法人之小資本家。設採取寶石公司與伐採檜木二事業。稍惹起上人之注目。華商之購買寶石者。兼從事米煙草棉花等商業之經營。堂堂大商家。此地無望。其他不過開拓此地之農夫而已。

東藩寨之華僑 東藩寨幅員三萬七千餘方英里。人口百五十四萬七千。華僑居住者約二萬人。首府金塔城。華人稱之爲金邊。開港場名曰東藩寨。此地產米、檳榔、煙草、砂糖、桑、桂、咖啡、胡椒等物。就中胡椒尤爲當地名產。課稅之胡椒樹約一百萬株。未課稅之未熟樹約一百五十萬株。每年產出胡椒之數量約八十萬基羅。又是地經過西貢所輸出之物產。爲米、棉花、及煙草。輸入品爲鹽與酒。

中國之輸入品 自我國輸入越南全體之物品甚多。茲舉其大概如左。

爆竹	茶	藥材	紙	筆墨	銀硃	硃砂	青礬
釘	絹絲	丁香	靴	雞毛拂	蒲扇	漆器	磁器
竹細工	木器	琥珀珠	對聯	錫箔	革包	大棗	籐器
菜刀	小刀	羊皮	熟皮	胡麻	象牙器	落花生油	

乾糖菓 刺繡 燕窩 火腿 鹽羊肉 琴絃 杏仁 綿布

首飾 荔茭 高粱酒 甜餅 鹽餅 古銅器 潮州扇

此中象牙器具與落花生油爲歐美人所需要。其他物品則供中國人及上人之用。又海關課稅最重者爲藥品、茶、及小刀三種。就中小刀與茶課稅尤重。此外尙有課二重稅者。爆竹是也。爆竹海關既行課稅。使用之時。當陰歷正月元日及行吉禮時。法國當局對於香港商業會議所。廣東商業會議所。福建商業會議所。有各徵六百五十佛郎稅金之例。

入頭稅之廢止。運動及法國拒絕之口實。中法條約正文。在越南之華僑。應與歐美人受

同一待遇。二者毫不分厚薄。今事實竟與之相反。不但對於他國人所不課之稅金。而獨課之於華僑。且竟課以最苛酷之人頭稅。中國政府曾向法政府屢爲抗議之交涉。謂法政府蔑視中法條約。獨課華僑以人頭稅（他國人則否）爲不當之處置。又徵稅應按資本之多寡而定。今居留之歐美人與中國比較。有歐美人資本豐富。且商業盛大。而所徵收之稅。反比中國資本微末之商人爲廉。此事甚不公平。且按之殖民政策。越南歲出入不合時。苛徵猶有可說。今歲出入既相抵。而華僑仍不免於苛徵。尤屬不合於法。且黃白人之處置既不同。而黃人中日

本人與中國人又不同。日本人無人頭稅。而獨課之於華僑。此不公平之最甚者也。法國當局應鑑此等不法與不公平之處置。速與中國人以同等之待遇。法國拒絕之口實。則謂法國本以華人與外國人謀同一之待遇。奈華人不務正者不尠。法國當局因保護一班之風紀起見。有相當管束之必要。因之爲華人須耗費特別之經費。且華人以粗衣粗食自甘。有他國人所不能及之儲金。若不課以人頭稅。卽失公平徵收之眞理。況人頭稅爲二十年間之重要稅源。一朝廢止。有阻害越南歲入之虞。日本人雖同爲東洋人。然日本人之居住者。多中等以上之人。無不務正者。且保持相當之體面。各放下收益金之幾分。與華人全然不同。以此等理由。則現在華人之待遇課稅。乃萬不得已之處置也。

越南人與物產 原來越南人無對外發展之思想。閉關自守。不知外事。故人民乏商業的頭腦。(南洋土人皆然。非只越南人已也。)雖爲米之出產地。然止於耕作。不解製造及輸出之方法。南圻東滿寨諸地所產之米。自耕地卽引渡於華人。(與南洋羣島土人所產檳榔椰子出買時情況相似。)胡椒半歸官府經營。別爲一問題。生絲橡皮(卽樹膠)與咖啡。經法國人之手。自促蘭港輸出。棉花、煙草、砂糖等。悉入華僑之倉庫。棉業公司。爲華人所經營。土人

之職工。以賤賃而供使役。彼等於己國物品不能處理。反依華僑之頓使。始漸得插足其間。由此觀之。越南人當物產供給之任。而華人乃爲經營者也。

華商之阻勉 不知營利之越南人。不但提供己國土產於華僑。且於中國及外國之商品。亦必經華僑之手購之。中國商品之目錄。已載前項輸入品中。其他舶來雜貨。如大呢、顏料、樟腦、白臘、眼鏡、玩弄品、胰皂、時表等。凡此等商品所到之處。華商皆與己國商品共全販賣。福建廣東之小商人。有背負商品終歲行商。無論如何險僻之地。皆所不懼。其冒險與耐勞。迥非他國人所能比肩。故越南之地角天涯。無不有中國商品及華商之足跡也。

第二節 旅居暹羅之中國人……譯日本支那雜誌

華僑在海外有至大之發展。久爲世界所周知。就中以南洋方面爲最著。惟在暹羅華僑之勢力。世人尙鮮有知之者。暹羅人口六百萬。有華僑百五十萬。其首都曼谷人口之半。幾盡爲華僑。其勢力之偉大。可想而知矣。

政治方面 暹羅政府之待華人也。與待遇其本國普通人一律。華僑之舉動。彼如認爲不利。卽以政府之權力取締之。華僑無力可以抵抗。例如前數年華僑欲行同盟休業。彼卽以兵

力防止之。其他如徵收租稅等事。華人不能不遵令繳納。他國人不取身稅。而獨歛之於華僑。惟老弱婦女可以邀免。此事自一九〇〇年始。三年一稅。蓋有義務而無權利者也。近來華僑雖漸覺悟。擬請國家派代表以保護僑民。惟因民國初建。政府無暇及此。故尙未達其目的也。經濟方面。中國人每年來暹者約十四五萬。然歸國者其爲數亦相等。此等歸國之人。非皆獲得巨資。歸而坐享也。其大部分乃因省視墳墓。整理家事。暫回故里。事畢仍卽返暹。至於從中國之來暹者。大略爲左列各地之人。

- (一) 海南島 (二) 汕頭 (三) 廣東(從前廣肇惠三府地)

上列三系之人。其活動方面。各各不同。海南出身者。多從事於商業及家內勞動。廣東出身者。多從事於商業及技術之勞動。汕頭出身者。多從事於商業及屋外之勞動。其職業類別。大約爲左之數種。

- (甲) 商業 (乙) 漁業 (丙) 航業 (丁) 工業 (戊) 礦業 (己) 農業 (庚) 其他之事業
- 今就各項分述如左。

商業 暹都曼谷附近一切小販商業。悉歸華僑之手。暹人殆無插足之地。曾有人居住該

國數年。並旅行於其各地。謂北至底安馬依。西至半島各地。無不如此。故各國商人之在暹羅者。無論勢力如何偉大。苟不藉華僑之介紹。恐不能發達其事業也。茲將暹羅之貿易額。列之如左。

西歷一千九百零九年至一千九百一十年（暹羅一二七年至一二八年）

輸出 一〇〇七五七三三三銖（內運至中國者一六九七七銖）（銖暹羅國幣名）

輸入 七六八一七九四一銖（內由中國運入者六六〇九〇九〇銖）

暹羅一二八年

輸出 一〇二五七〇四二四銖（內運至中國者三二五〇〇銖）

輸入 六九八一七一一銖（內由中國運入者六〇九〇三八三銖）

暹羅稅關。係用英人管理。其數目雖未可信。然就中暹兩國交通要道香港稅關之調查。其輸出入額兩國出入之數殆不止此。茲列香港之輸出入額於左。以供閱者判斷之資料。

暹羅一二七年

暹羅一二八年

輸出 二六七二五二七八銖

輸出 三四六〇〇五四五銖

輸入 一七九八五一五〇銖 輸入 一五二三七七五二銖

雖經香港者。尙有日美之出入在內。然自大體觀之。則比中暹之出入額較少。由此觀之。暹羅貿易之一半。實在華僑之手。其原因乃由在暹人數之多。是則華僑之掌握暹羅商權。固不可忽視者矣。茲舉中暹兩國貿易之主要品如下。

由暹羅輸入中國者 米 麻栗樹 魚類

由中國輸出暹羅者 爆竹 竹 糧食 旅客攜帶物 銀貨 絹 茶

煙草 金箔

漁業

暹羅漁業之主要地。在湄南河口巴格囊附近。塔城附近。及盤巴康河之盤巴康附近。(中國海岸)次之爲半島東岸之底孟庸附近。及接近東海岸柬埔寨國之底引太蒲里附近。近等地。從事漁業者。以華人爲多。暹人僅居其小半。漁期每年從九月至十二月。乃至一月。漁具用網。以該國所產之麻製成。甚屬堅牢。捕獲之魚。除輸送於都市外。以鹽製之。而行銷於內地及海岸者。數亦不少。其海外輸出額如左。

暹羅一三七年

暹羅一三八年

數量 二六一四九三擔 一九八二一〇擔

價格 一八六〇一三〇銖 一七五〇三三四銖

上表所列。僅就輸出而言。若連行銷內地者合計之。爲數更巨。可知華僑經營漁業利益之不小矣。

航業 暹羅之經濟關係。實在於香港汕頭與盤谷間之交通。從前英人挪威人曾通航往來於此兩路。後爲德國北羅依特航業公司所排擠。遂爾輟業。其後日本郵船公司亦曾於此方面試行通航。復爲北羅依特公司所壓迫。歸於失敗。日本航業停止後。北羅依特公司乃徵收法外高率運費。華僑不堪其苛。乃於一九一〇年。創立華暹輪船公司。每週往返二次。其航路分香港盤谷汕頭盤谷二綫。資本金三百萬銖。雖規定華人暹人皆得入股。然入股者殆皆華人。

華暹輪船公司。目下租用輪船九艘。共載重九千五百八十九噸。速率七至九海里。船中裝設除一等等及甲板船客室外。無何等之設備。要以貨物及甲板船客爲主要目的也。

運費因在競爭中。無一定之價目。遇兩公司同時開航。競爭尤烈。惟因船客及貨之主人。多係

華人雖北羅依特公司徵三元半。華暹公司徵五元。費用較昂。然船客及貨物仍不少。盤谷汕頭間航程須十日。且須共給食料。故仍無利可獲。加之該公司之成立。出於一時之抵抗。新股東多係廣東汕頭海南各地人。意見常不一致。以是營業狀況。未能十分發達也。

北羅依特素爲名譽之公司。基礎極固。區區一航路之競爭。彼實可操左券。結局勝利之在該公司。本無疑意。惟以時局之關係。東洋之勢力。忽被驅除。故本航路遂落於華暹公司之手。

工業 中國人素乏工業之才能。組織公司之事。亦非所長。國內工業。既極彫落。而在海外經營工業者。數亦寥寥。暹羅各地之華人工業。除舂米及製木材業外。殆無足道者。惟暹羅之出產。以米及麻栗樹（質極堅硬。不易腐朽。最宜造船。暹羅爲該樹最有名之出產國）爲大宗。故中國人之工業。頗有起色。茲分述舂米及製木材之工業如下。

米爲暹羅經濟界之生命。（南洋羣島主要農產物爲椰子、檳榔、碩莪、煙草及新興之樹膠。至於食米則皆仰給於暹羅、緬甸等地。瓜哇、雅號產米之區。然猶不足以供本地人之用。尙賴舶來品之接濟。）米作如何。於經濟界有非常之影響。其貿易額常能輸出超過輸入者。亦因其產額饒多故也。每年米之輸出。實居輸出產額之半。觀暹羅國一、二、七、年之關稅報告。總輸出

額爲一七五三八二一四五銖。而米之輸出實爲八五〇七八五八五之多。暹羅工業雖爲發達。然其舂米事業。則使用司蘭式及蘭昆式之機械。此項工業工場。多在盤谷。現在盤谷。共有舂米廠四十五所。皆沿河建設。內中除十一所外。其餘之三十四所。皆中國人所經營者也。其非中國人所經營者。收入亦必經中國人手。（凡南洋羣島各地所產之檳榔椰子諸物。收成以後。其遍赴各地集買之小商販。皆係華僑。蓋此等勤勞細小之事。優逸之歐美人不屑爲。而愚惰之士人則又不能爲。正與此情況相似。）由各地買入。糙米舂白後。乃運往香港及新架坡。

次於米之出產。爲麻栗樹之木材。是項木材。質地密緻。能耐水熱。且無白蟻蛀蝕之患。爲多蟻患之地方及船舶之甲板所不可缺之材料。因水運之便。由產地鋸成適當之身段。順流輸至盤谷。復由盤谷製成各種之木材。輸往各地。現在盤谷之製材場。凡九所。內有三所。爲中國人所經營。此麻栗樹木材製成後。乃輸往香港英國法國新架坡德國意大利及日本。茲將其前數年之輸出額錄如左。

暹羅一二六年

一三三、三五〇、七三七株

暹羅一三七年

一一七九二一六六株

暹羅一三八年

六九七五〇七株

礦業

暹羅礦產無多。僅少額之金及錫而已。就中以錫爲稍多。錫之產地。在馬來半島西岸之蒲克德州。該地之採錫業。素爲中國福建人所專。有惟以採取方法幼稚。獲利不豐。近年已漸落於西人之手。金礦產地在馬來半島東岸。接近英領地方。產額甚少。雖爲中國人所經營。然從事採掘者。不過二三百人而已。

農業

暹羅業農者。多爲暹羅及老撾人。中國人殆少經營農業者。（此種情形南洋各地皆然。非只暹羅一地也。）惟在盤谷附近之華人。則有種植野菜果實及胡椒者。

其他之事業

由暹羅之經濟關係觀之。中國設立銀行固爲必要。然歐美各銀行已設支店於暹境。其基礎堅固。信用顯著。不易爭衡。華人欲設銀行。至爲困難。故僅有爲勞動者或商人送寄銀錢回國之信局。（此等信局附設於其他商舖之內。其招牌恒書曰「回唐保家銀信」）承任書信及銀錢之遞送而已。

營新聞事業者。僅有兩家。雖傳布政治商業之狀況。然內容殊不完善。

教育 在暹華人教育極不發達。僅有少數之學校。二三所之寺院。及天花病院公共墓地等。社會方面之活動。甚為幼稚。惟會館及公所較為完備耳。

第三節 馬來半島地理概略……參考書南洋與日本

馬來半島。自政治上言之。分爲二部。一部爲英領海峽殖民地。英人在新嘉坡設總督直轄之。一部爲馬來聯邦。各有土酋管轄。歸英人保護。此二部各地名稱面積及人口列表如下。

馬來聯邦表

地名	面積	人口
霹靂 Perak	七九〇〇 平方哩	四九·四一二三
雪蘭峨 Selangor	三二一〇〇	二九·四〇一四
芙蓉 Negeri Sembilan	二六〇〇	一三·〇二〇一
彭亨 Pahang	一·四〇〇〇	一一·七五九五
吉冷丹 Kelantan	五〇〇〇	二〇·〇〇〇〇
吉打 Kedah	三二〇〇	二四·五九八六

不里斯 Perlis	三〇〇	三・二七四六
柔佛 Johore	九〇〇〇	一〇・〇〇〇〇
丁加奴 Trengganu	六〇〇〇	一四・六九二〇
合計	五・一五〇〇	平方哩 一九六・一五八五人
海峽殖民地表		
地名		人口
新加坡		三一・一九三五 人
檳榔嶼		二七・八〇〇三
馬刺呷		一一・四〇八一
合計		七一・四〇九六
海峽殖民地人種差別表		
歐美人		七三八六 人
歐亞混血人		八〇七二
中國人		三六・九八四三

南洋見聞錄

馬來人	二四〇二〇六
印度人	八二〇五五
其他各國人	三五二五
日本人	一六一三

物產以錫礦爲最著。樹膠、椰子、檳榔、碩莪次之。市埠之大者。皆在南端與西岸。以新加坡爲第一。檳榔嶼馬六甲次之。觀其人口之多寡。即可推知其繁盛之次第。茲將三埠一九一〇年來之貿易額錄之於左。

港名	輸入	輸出	合計
新加坡	三一八七二六六三磅	二七四〇八六五四磅	五九二八一三一七磅
檳榔嶼	一一〇八二六四二	一一七二四九九八	二三八〇七六四〇
馬刺甲	七七六三九九	八七七二四三	一五六三六四二
合計			七四六一二五九九磅

論馬來半島面積。只與吾國一省相埒。而其輸出入額爲七千餘萬磅。合我國七億餘萬圓。我

國一九一三年總貿易額約九億七千萬兩。合銀圓不足十三億。若以我國土地面積及人民數目作成比例與馬來半島相較。其相差有不可以道里計者。豈不令人愕然失色哉。

馬來半島之輸出入額。所能獲如此之結果者。由於地理上位置優良。故盡人而知之。然亦由明慧穩健之英人。善於經營所致。非然者。香港初一荒島耳。使現今猶屬我國。恐善於研究地理者。亦未必能舉其名。何以數十年間來。驟變爲東亞一繁衝燦爛之商場乎。人傑而後地靈也。吾國處東亞膏腴之壤。天府之上。世不多覩。而不能盡地主之責。使之發生光彩。與新加坡之馬來人同病相憐。是誠吾國民之莫大恥辱也。

第四節 霹靂埠開礦之情形……錄東方雜誌

馬來半島分九州。霹靂其一也。爲錫米（錫礦初自山脉中採出者。其形若米。故曰錫米。）產出最多之地。故我國人之至霹靂者。踵相接。其間由苦力工人。做明壺開溝仔。驟然發見錫米倉。朝爲捉襟見肘之窮人。曾不能得他人斗米之信用。夕卽儼然作富家翁者。比比皆是。余南來之初。有某甲者。貧無立錐。奔走街市間。賴以度日。半月後。竟購大廈。乘高車。賓客盈門。頤指氣使。前後判若霄壤矣。然亦有擁百萬之富。因開礦之故。左支右絀。不數月資財耗盡。繼以借

貸。冀背城一戰。以圖恢復。卒致全軍覆沒。負債如山。蕭條四壁。孑然一身。結果依人籬下。圖一噉飯地。回憶曩時。財雄一埠。曷勝今昔之感。十年成敗。幾多人。霹靂埠中。其貧富之變幻。直轉瞬間事耳。

霹靂錫礦。其公司最大者。首推端洛。端洛之礦。其始爲胡君子春所開創。當胡君之經營端洛也。明知此礦之佳。無如安置機器。雇工太多。幾致破產。卒能發見錫米。成效卓著者。未始非堅忍耐勞之性質。有以成之也。旋以此礦售與德人。價值一百萬元。德公司得十之八。胡君得十之二。經德人經理後。成效卓著。至今尙源源不絕。

罈乞之裕豐公司。其始亦爲胡君所經營。嗣亦售與德人。獲價七十萬元。德公司以無水淘汰泥沙之故。乃於距罈乞三英里之地。設一厚水機械。抽起霹靂河之水。置水管埋地下。直透至該司公。水之用遂有餘而無不足。又設一大車輪。直徑約五六丈。用蒸汽之力。以旋轉其車。車之葉如厚斗。以作起運泥沙之用。遠望之如風輪之旋轉。亦一特別之作法也。現時該公司所出之錫米頗多。因該礦地幾占罈乞全埠之半。凡屬公司礦地。房屋概已拆去。礦中罈出之水。泛溢左近。街衢中幾成澤國。店戶爲所冲毀者。指不勝屈。自該公司興。而罈乞市場日益冷落。

矣。開礦之法有二。一爲暗窿。卽開礦井。一爲明礦。一爲打巖。卽開礦洞。開暗窿者。則以探筒鑽礦。探得錫米在地層若干尺之下。乃於地面鑿一小穴。方四尺許。四面用木板撐住。以防泥沙之崩陷。中置一木梯。以升降其間。直至千數百尺之下。覓得錫米之所在。乃加工開採。往往地面不見一人。而地下之工人。竟有數百人之多。此法探礦。耗費少而收效速。然極其危險。設若木板支撐不牢。地層壓力過重。則礦中之工人無幸矣。或因地下炭氣過盛。而養氣不得入。工人因之而窒斃。故礦人入暗窿時。必須持火前進。火遇炭氣。卽滅。有養氣則燃。藉以測養氣之有無。近來英政府有鑿暗窿之危險。下令禁止。暗窿之探法。不復見於今日矣。

明礦則由地殼之上層。直開以下。倘錫米在數百尺地層之下。則必多具若干資本。以擔去上層之泥沙。往往未見錫米。公司已倒閉二三次矣。然此探法則絕無以上各種之危險。工人多樂就之。

打巖者。則鑛米在巖石之中。必須先用炸藥。炸去巖石。巖石既崩。卽可開一礦洞。橫追巖石之間。以探錫米。礦洞之作法與暗窿不侔。彼則直下。此則橫進。大抵礦之在山者。非此法不可也。礦中往往有水。非人力所能涸。故公司之大者。必須多配汽機。有抽水機器。有起重機器。有淘

洗錫米機器。機器愈多。則工人愈省。非若做溝仔者。僅恃人力所可比也。然而亦有三五人合一小工公司。資本僅千數百元。卒能發見錫米。安置機器。多雇工人。驟致巨富者。是又未可以一例論也。

第五節 吧里文礁遊記……錄南洋華僑雜誌

莽莽炎荒。島嶼碁布。亞洲之南。赤道之中。植物礦產之豐饒。超於他境者。非南洋羣島乎。披荆斬棘。不避艱險。胼手胝足。堅毅忍耐。墾荒開礦。日與蠻烟瘴雨爲伍者。非我黃帝遺裔乎。叢林瀾漫。荆棘盈途。蒿日悽愴之地。一變而爲莊嚴燦爛之世界者。非我神明華胄。以血汗所換來者乎。此吾所以於文礁之遊。不能默然以已。茲謹將文礁一隅見聞所得。亟錄之以貺我同胞焉。

文礁一埠。又名新馬盞。地處半島中截。爲檳城（卽檳榔嶼）往吡叻所必經。又爲吡叻所轄。而與檳城毘連之一小埠也。距檳城約二十六英里。由檳城附火車二小時方抵該埠。埠中工商華僑。幾占八九。內有店戶八十餘間。肩摩轂擊。極形繁盛。僑胞分粵、潮、客、瓊、閩等籍。而尤以潮籍爲衆。大概皆以種植畜牧爲業。餘僅經商傭工而已。有米較（米廠也）一。爲潮籍富逾百萬

之殷商陳羅雄君所經營。較內面積甚廣。占地數畝。遍購鄰畝。收穫之穀。悉用機器磨去其糠。而成白粒。大幫輸出吡叻吉隆以及暹荷各地。斯較誠爲該埠絕大之營業也。

植物種類之夥。幾若恒河沙數。然就其大宗輸出者言之。則爲樹乳（卽樹膠）穀實、椰子、檳榔、亞三（烹飪所用其味酸）二藍染料等。其餘菓實亦多。特不迨此數種爲繁盛耳。

該埠有報社一所。爲歷年歛蓄基金所自置。內附設學校一所。規畫頗屬可觀。其熱心家如陳羅雄黃在田諸君襄助其間。已經多歷年所。無或少懈。誠我僑界不可多得之人物。學校與報社常年經費。全仗舢板往還之收賞。入息頗豐。故生徒三十餘人。概免學費。殆亦賴熱心教育者。爲謀此普及教育之道耳。舢板船渡稅一項。由當地政府招人承辦。以納價最昂者得之。乃往返新馬孺及對面暹屬之江中者也。暹屬小埠。土人名之曰暹地。與本埠相隔一水。此水日必驟長一次。河流稍猛。巨艦亦能灣泊。而遠近各埠往來者甚衆。凡乘舢板渡河者。須納銅元一枚。每次例搭客八人。轉瞬已達暹地。暹地有賭博及娼寮。故染盤龍癬及鴉花柳者。趨之若鶩。遊人商旅。往還如織。其舢板所獲之利。亦日形發達。故商家咸以此宗爲利藪。爭相承辦。後經華僑多方設法。始定其承辦所得餘利。概歸學校報社。故爭辦此業者稍少焉。惟聞邇來意

氣不孚。故態幾致復萌。終賴多數熱心者疏通。其結果則乘舳板返文礁者。仍歸報社學校。而過暹地者。則已非報社學校之所有矣。

暹地賭碼一所。店戶五十餘家。大都屬茶樓酒肆烟館娼寮旅店之類。恒有往遊一宵。犧牲一月或數月之薪金者。特不知彼輩跋涉重洋。鄉關萬里。曾否念及閨中少婦否耳。

各店營業。純係仰給賭客賜顧。自不待言。而開賭碼者之招徠顧客計畫。則於每星期六晚。預先發帖或投郵備筵邀客。迨乎金烏西返。玉兔東升。則絃歌盈耳。觥籌交錯。殊形熱鬧。至侑觴之妓。亦爲賭碼所招。合場大戰。彼勝我負。酒綠燈紅。卿卿我我。而潮劇一班。又復歌舞年年。卜書卜夜。踵其地者。競繁華而逞豪邁。幾不知人間有煩惱事矣。

斯埠雖蕞爾之地。業秦樓者六家。大抵一屋數椽。藏嬌十餘或二十餘不等。其校書年未及笄者。舉目皆是。髻年被鬻。墮落烟花。被人視爲錢樹子。比之泥犁地獄。殆非太過。彼龜搗輩多方鑽營。離却英領土始達目的。(英領地內有雛年爲娼之禁)淑媛何辜而罹此火坑中耶。抑師越南諺。黃紙一帖。膚終身落地獄。三語。作規範耶。(聞法併越南曾頒是例於本地無賴土棍。誣良爲娼。至法庭起訟事時。則給以黃紙符號。遂終身陷於烟花之境)聞暹政府近亦

鑒於賭博之害。甘犧牲大宗賭餉而不惜。擬嚴禁之。事果屬實。則我僑胞受益。良非淺鮮。

第五節 峇眼色海華僑……錄南洋華僑雜誌

峇眼色海位於霹靂之西。東北鄰太平。南接古樓。地勢平坦。南至古樓。西至巴里文礁界。各約十七英里。所屬小埠有三。雷鍍新邦。暗跋監公柳鷄心山。武吉馬拉亞。羅邦士峇。東巴西雙角落峇等。

民國紀元前十五年間。爲華僑人數最盛時代。由祖國來者咸集於蔗園。數約七千有奇。嗣因農業更改。逐年漸減。就現狀考查之。總數僅三千左右。粵人佔五分之三。而粵之潮州人復居粵人三分之二。茲將各處人數列表於左。以供參考。

名	稱	方	位	人	數	僑	籍
峇眼色海本埠		居中稍偏西南		約一千		潮州人最多	閩人其次
						之廣府及客籍最	少

南洋見聞錄

三鏞渡新暗拔監公 東北路

約一千左右

粵人佔多數

柳雞心山武吉馬拉

閩人次之

園內

亞羅邦士容東吧錫 北路

約五百餘人

閩人居十之九

雙角落峇園內

粵人居十之一

宋溪木甲港口園內 西南隅

約四百餘人

閩粵人各佔一半

華人僑於峇，初多暴厲侈靡，迷信鬼神。數人惡習，傳布閩埠。幾相率入於左道。查十餘年前，本埠賭場數所，終年業此者，演戲狎遊，日耽於花天酒地之中。賭敗者則淪於困窮，計所演之戲，一年常百餘臺，侈靡之風，已達極點。嗣於民國紀元前五六年間，居留地政府禁賭，此風於焉消滅。諸事亦隨之而寂寞。惟七月報賽之風，仍為未泯。迨後商務日形發達，正人接踵，匪類潛踪。遂變蠻野為謙讓，化奢華為儉約。然團體力甚屬單薄，間或少數人情意相投，亦分此疆彼界。民國元年以來，諸熱心家志圖團結，組織書報社，定慶弔細則，閩埠人士，視為風化之的。長

社務者則王黎二君相繼。頗洽輿情。諸職員亦樂贊襄。社務年年推進。由是遂危難相扶。喜慶相賀。爭鬥之風賴以息。文明氣象漸萌。不復如曩日之秦越歧視。其轉移風化之敏。足增僑界之光。而少數人猶有保存辮髮。而持守其頑固蚩蚩之風。不無自圭之玷焉。自商務發達之後。外埠遷居於此者。多帶家眷。民國紀元前三四年。諸商家出而創設私塾兩所。學童各十餘人。元年改組學校。命名東華。發軔之初。學生僅八九人。越年餘增多至二十人。同時三鐳渡亦設一私塾。三年私塾停閉。是時東華學校情形亦屬不佳。計至四年終學生只存十一二人。五年初夏。新校告竣。更聘教員課授普通科學。以普通語教授。計男女學生。爲數已達三十。考逐年經過。約分三時期。民國紀元前爲私塾時期。元年至四年。爲私塾改良時期。五年以後始入於學校時期。學務之消長。可由此推知。惟附近本埠處。現尙有私塾存在云。

該埠工業。於十年前爲製造時代。茲則變爲建築時代。蓋十餘年前業農者多種甘蔗。組織製糖公司共十七所。容納工人數千。近因各資木家。因世界交通大勢。轉其目的而注視於樹乳。(卽樹膠又名橡樹)故製造工人。逐漸減少。然商業繁盛。瓦屋年增。建築必須土木。向之從事糖業者。今則轉而爲土木工矣。餘如縫紉修車等工。係屬零星少數。至割樹乳之職工。各園址

均用馬來人及印度人。華僑似不屑爲此。有之僅作僱工之介紹人。包管其燒芭（南洋凡新墾之地。常將該地內之樹木野草刈倒。用火焚之。謂之燒芭。）鋤草而已。

本埠商店。於民國紀元前十年。僅二三十椽草屋。與現在之三鑄渡亞羅邦士相伯仲。後因鐵道築成。商賈輻輳。瓦屋逐年增加。迄今十餘年間。爲數已達百二十餘號。除印度人二十餘號外。俱爲華僑所操。商而富者兼種植。種植利者亦兼貿易。比年以來。商業消長。恒視樹乳之漲落以爲斷。較十年前大相差異。蓋十年前樹乳無幾。（據南洋羣島商業研究會調查報告。馬來半島橡樹之產額。自西歷一九〇五年起至一九〇九年止。五年間增加三十倍。即自七五噸增至二二五〇噸。據此推之。則自一九〇九年以後之增加。亦當視此增加率爲準。）森葱滿目。俱屬蔗園稻田。今則蔗園盡變樹乳。即高地之田。亦皆改種。且加以遍地業樹乳。太平屬之。呵喃馬華人與之交通。所以本埠及各小埠商務。日見擴充。其出口貨現狀。以樹乳爲最。粟次之。檳榔椰子又次之。入口貨則以米油糖布爲大宗。次爲奢侈品。諸貨出入多運以艚船。輪船及鐵路所輸較爲少數。因批發商所積之貨多由水道出入故也。

谷君冬鳴。曾畢業於北京大學。民國六年往新加坡中國交通銀行分行經營商業。對於新加坡情況。知之最悉。歸國後將所記星加坡一稿持以示予。予雖曾僑居星洲。然時日不久。又因星埠較大。對於社會及商情。未能周知。遍訪當編輯本書時。遂將此稿採入。用餉讀者。其間載記周詳。條目暢達。實不啻一星洲之指南針焉。著者識。

星加坡島名亦埠名。簡稱星洲。又名石叻。位於馬來半島之南。相隔不及一英里。形如臥獅。東西約長二十英里。南北約長十數英里。由星東北行海程六日可抵香港。十日可抵上海。西行九日可抵錫蘭。當歐亞交通之要衝。爲南洋羣島之門戶。且係自由港口。故船舶出入頻繁。貨物之集散極稱繁盛。該島原屬馬來人。而開闢之者寔吾華人。聞之當地土著云。明三寶太監下西洋。曾至其地。土人皆尊之爲長。隱然領有其地。惟華人皆趨重商業。不事政治的侵略。故雖領有其地。未入中國版圖。迨歐人東漸。英人始以經濟的侵略。既而爲政治的占領。計英人領有此地。至今不過一百零二年。其初爲一英商人名來佛者。Macle 經商星埠。其商店至今尙存。始則貸馬來國主以巨款。繼因本利過重。無法償還。英人遂行使債權。占有其地。借債亡國。亦可畏矣。今來佛之銅像。矗立星埠維多利亞廳前。英人歌功頌德。固其宜也。

星洲距赤道極近。約一度左右。故氣候炎熱。終年不著棉衣夾衣。皮服更無論矣。最熱時上季在三四月。下季在九十月。最涼時上季在七八月。下季在十二月正月。每當氣候漸涼時。雨水亦漸多。嘗一二月即降雨一次。甚且無日不雨。乍晴乍雨。改變甚速。無北方之纏綿細雨也。又可按雨量之多寡。分爲乾溼兩季。每日正午最熱。幾不能於日中行路。而傍晚則海風徐來。又甚涼爽。至夜十二時左右。則大似北方初秋天氣矣。

物產極爲豐富。其最著者。如樹膠、糖、椰子、錫、碩莪粉、海味如燕窩、魚翅、魚肚、海參等。香料、煙草、皮料、咖啡、米、染料、眞珠等。皆大宗也。華人所經營者。在昔以米爲大宗。自暹羅禁米出口。安南歉收。米業一落千丈。已暫時停頓。今則以樹膠爲大宗。在歐戰初起時。一時求過於供。價值陡漲。獲利者甚衆。如閩商陳嘉庚君。潮商林義順君。其最著者也。糖之經營者。首推瓜哇閩商黃奕住君。有糖郊（即甘蔗地）極多。每年獲利甚巨。錫礦之經營者。在昔首推粵人陸佑君。今則爲粵人余東旋君。其所經營皆規模宏大。開採冶鍊。全仰機器。足可與西人相頡頏。其規模狹小。人工開採者。尤指不勝屈。其他如椰子可作油食品及軍用品等。碩莪粉上者可作食料。下者可作染料。皆銷行歐美。海味香料皮料等。則皆銷行中國日本云。

星島居民以華人爲最夥。占全島人口十分之八。馬來人（卽當地土人）英人及日本人等共占十分之二。故遊於街市。幾全爲華人之營業。使不知其地爲英屬者。必認爲華人之領土也。本島通行之語言。以馬來語爲普通。其語言極簡單。約共五百字拼拆。一字多可用之數處。如犯罪過犯。大錯小錯。失誤。雖同係錯誤。而大小輕重不同。然在馬來語則用一字以解答。意義相同。故學之甚易。二三月之功。卽足應用。其次爲閩語粵語及英語。大約上等社會及政界多用英語。普通交際多用馬來語。而華人自相交際則多用閩語或粵語。文字則英華及馬來文並用。而交際書札則多英文或華文。馬來文僅少數馬來人用之。勢力殊狹小也。

星島爲英屬海峽殖民地之首府。英設總督府於其地。有議政局。卽地方議會。局員則以華英人之有名譽者。或富有財產者充之。馬來人居最少數。更有大理院及審判廳以理訴訟。並設有華民政務司。專理華民各種事務。司長爲英人。其屬員多華僑充之。警察廳土人謂之馬達樓。馬達爲馬來語。卽巡捕之意。故稱巡捕爲馬達。稱警長爲大九（讀如苟）則不知其何意也。稱偵探爲暗差（讀如排）附隸於警察廳。星地治安之維持。偵探之力爲最多。警廳除警長及偵探長爲英人外。其他多土住華人充之。馬來人則居少數。政權既屬英人。故華人於各種事

業之進行。嘗受牽掣。然因法律之保護。警察制度之完備。尚無顯然之侮辱。惟國權不振。待遇不平。則無可諱言者也。

星島華人既占多數。故俗尚一依華人。而馬來人英人居其次。馬來人皆崇奉回教。最喜讀經。每行其廟外。見廟內席地而坐。圍香爐讀經者。幾於無時無之。更且迎神賽會。動費巨資。英人亦不之禁。或且從而提倡之。亡人國之手段。亦云辣矣。其人多不著衣服。上身多圍布。或卽赤裸。稍富者則著西裝。如軍服式而不著領帶。係星島所特用。呼之曰叻裝。下身亦圍布。稱曰紗籠。(讀如郎)不著褲。多跣足。富者著拖鞋。與北京澡堂所用鞋式相似。後半無幫。其佳者或繡花。或用金線盤花。每雙所費。常至二十元。以至五十元。初無一定價目。或著木屐。非富商大賈不著皮鞋。惟皆不甚著襪。此則因地方濕熱。足不透風。極易染濕腫之症。女人上身多著短褂。式與華人鄉下裝相同。下身亦著紗籠。跣足著拖鞋。頭部亦圍以紗布。或洋布。使人不見其面。此則俗尚使然也。喜食檳榔。使其唇紅以爲美觀。又喜食辣。每飯非辣椒不飽。食飯不用箸。而用手。食物以米及黍麵爲大宗。婚喪禮節。一如回教。惟多迎婿至女家。與吾國俗尚適成反比例。其人服務教育界及政界商界者甚少。大多服賤務。如守門。駕汽車。御馬車。諸下役及苦力。

爲最多。但無拉人力車者。則以性懶體弱故也。其房屋建築。質純用木。地板之下。屋之四角。用高三尺方二尺之土臺以支之。下可通風。階梯而上。始可入室。室內陳設亦極簡單。大多無棹椅牀鋪。席地而坐。臥地板而眠。其富者雖有棹椅鐵牀。亦虛設不用。其貧者則架屋河上。屋頂覆以棕櫚科植物之葉。生活甚簡單焉。其戲劇近似歐戲。歌白相兼。亦嘗演中國劇。如殺子報等類。其戲詞皆華人所編訂。馬來人初無此種智識。其跳舞種類甚多。近似印度式。且歌且舞。普通宴會時。多招來其人。對舞而歌以爲樂。更能翻跟斗豎直立等。則又近似中國之歌妓。其人性淫。故私娼甚多。明娼反不及焉。

其人在星埠者。以閩人爲最多。潮州人次之。潮州北臨福建。言語與福建相似。與粵人不甚融洽。故自成一幫。粵人又次之。上海人（此指非閩粵籍者而言。非即完全上海人）當地呼爲外江人。則殊不多覩也。星埠華僑習尚。多粵閩俗。迷信甚深。而以閩潮幫爲最甚。粵人次之。每歲迎神賽會演戲酬神。時時有之。每次所費。動逾萬元。閩嘗統計之。每年所費。富不下數十萬金。聞之當地人云。在民國以前。每歲尙遠逾此數。近因民智日開。故迷信者已形銳減。其所尊者稱大伯公。無像無牌。僅用紅紙書之。每歲除迎送大伯公外。以七月之盂蘭會。最稱熱鬧。計自

七月十五日起至三十日止。各街酬神者踵相接。所陳供物。擺亘一街。更演劇焚蠟。宴賓招妓。糜費不資。其衣服多西式。卽中式者亦短衫無長袍。亦跣足著拖鞋。非宴會慶弔不著襪。貧者則跣足赤身。往來衝區。亦無所碍。婚喪宴樂。皆仍閩粵俗。其房屋建築皆西式。以兩層或三層者爲最多。其臨街皆留寬約五尺之走廊。呼曰騎樓。故雖炎日當空或暴雨驟下。行人亦無所苦。星埠有福建戲園二（卽上海戲）廣東戲園三。潮州戲園一。馬來戲園二。電影戲園六。其中最稱發達者爲電影戲。則以識之者衆也。其中純粹華人資本者三。他則股分公司華英資本皆有。至其他各種戲場。則下流角色。類多時輟時演。華人生於其地者曰土生。其習尙則各依其鄉風。兼雜以馬來俗。男子多服西裝。女人下身亦著紗籠。跣足著拖鞋。惟上身著長褂。長可及足。頗類前清男子之外褂。其人稱中國曰唐山。且馬來語中半雜閩語。則吾人至其地之年。代當可推知矣。娼妓以粵人爲最多。（聞英殖民政府歲入僅妓捐一項數逾百六十萬元云）日人馬來人次之。江西等處者。僅居少數。近來日人禁娼出口。星埠已少日娼足跡。不知吾人對之有何感想否。有粵人酒廳（卽飯館）六。潮人之酒廳一。其陳設大多粵式。每飲必招妓。如京津之花酒然。華人消遣之所。除戲園酒廳外。俱樂部亦甚多。呼之曰公館。內除少數設有書

報台球外。大多作無聊之消遣。如吸鴉片也。打麻雀也。招妓也。打四色牌也。公館內皆設之。每晚電燈輝煌。鏗鏘振耳。較之八埠熱鬧。殆過數倍。其組織多由友朋數十人。每人月出數金。共同租屋。每晚藉地消遣。而在館打麻雀賭錢者。則按拾抽水。(即抽頭)以補月費之不足。每星期並設酒宴一次。其公館之大者。每月僅抽水一項。已足開銷。故有自租房屋。招友賭博。而自抽水以爲營業者。不過居最少數而已。其他鴉片烟館甚多。隨處皆是。而吸之者皆吾華人。卽下流如馬來人亦無此惡習。且凡華人宴樂之地。如酒廳妓館公館皆特設之。英人不之禁。且提倡之。嗚呼。人必人侮。而後人侮之。華人不自強。亦無怪外侮之頻來也。咖啡茶館亦甚衆。經營者皆華人及馬來人。星埠除酒廳外。無小食飯館。下等社會。皆就攤而食。此等飯攤隨處皆有。多爲瓊州人所經營。其次則爲潮粵人。外人所經營者。計英人酒店二。荷人酒店一。日本則僅有小食飯館一二而已。

華僑對於祖國事。甚具熱心。如革命運動。天津水災。潮州地震。北省旱災。莫不聞風捐助。踴躍輸將。惟對於國事。反以淡然處之。閒嘗與當地友人。談及世事。或勸歸國興辦寔業。彼亦贊同。惟對於政府之舉動。及軍閥之強橫。深懷疑懼。蓋彼處於外人勢力之下。顧嘗得事理之平。而

對於本國。反慮法律不能爲之保障。政府誠能整理內政。使臻上理。將見寔業振興。不必假手外人。亦不必仰賴外債。曾憶民國六年某巨僑來京。有振興中國實業之意。及見政治種種不良。灰心南返。其時正值天津水災。南返後提倡捐募。不遺餘力。據聞民國初年內國公債。銷行於南洋者爲數甚巨。自內地時局不靖。雖少數亦不能銷售矣。

星島貨幣爲虛金銀本位制。故金幣對銀幣有一定之比例。由殖民政府公布之。每星銀幣一元。合英金二先令三辨士。以至四辨士。爲英殖民政府所頒定。故市面行用雖屬銀幣。寔與金幣無異。其本位銀幣一元。約合華銀五錢。而成色較高。輔幣爲五角二角一角五分數種。皆圓形。銅輔幣分一分半分四分之一數種。亦圓形。各幣皆以十進。每銅元百枚。合洋一元。無我國幣制凌亂之現象。其紙幣皆由英殖民政府發行。自歐戰後。銀貨缺乏。輔幣如二角一角者。皆用紙幣。現市面所流通者。全係紙幣。寔際已不能兌現。而人皆樂用。各銀行中雖存有少數銀幣。僅足爲櫃面之支付。然人皆趨重紙幣。與我國習慣適相反。則政府之信用。法律之保障。使然也。至大宗交易。用紙幣者亦屬少數。其最受歡迎者。爲銀行支票。蓋可免點數之煩。且可對於款項之支付。留伸縮之餘地。故支票之在星市。占重要之位置。是以銀行業極稱興盛。現歐

人在星。銀行林立。英有匯豐。有利渣打。美有花旗。荷蘭有小功。范打。法有法國銀行。德有德華。（已被英政沒收）日有台灣。最近添設者。又有日本之正金。中日合資之華日銀行。中法合資之中法實業銀行。皆各挾其海陸軍之威力。以分南洋之經濟權。每歲獲利。皆逾百萬。其主要營業。爲押匯兌貼現。往來存款。則除匯豐有利渣打台灣外。經營之者甚少。卽有之亦以此爲招徠匯兌之媒。非認爲主要業務也。而匯兌交易。則又各因其國籍之不同。而生自然之界限。各國僑商各就其本國銀行。以行交易。而銀行又各予其本國僑商以便利優待。以盡其扶持國外貿易之責任。故僑商與銀行勢若連雞。不可或分。而吾華僑則因本國無雄厚之銀行。不能不與他國銀行。交易來往。雖受重虧。亦無可如何。而新進之日人。自歐戰初起。卽竭力移民。以厚其勢力。予初赴南洋時。船中遇有日人。談及南洋現狀。每引日本南來之人數過少爲憾。其心可知也。而日政府更獎勵航船。優待銀行。上自富商。下至走卒。無不虎視南洋。對於商業。更益以學者設陳列館。組織商會。以討論進取之方針。且各業聯爲一氣。爲全體之進取。以互助之精神。爲經濟的戰爭。以故日貨充斥星市。而成一種可驚之勢力。將來足制吾南洋僑民之致命者。惟日本人爲最。返觀吾國僑民。勢如散沙。各圖己利。既無具體的研究。更無所謂

商業的策略。對於日人。不能不驚恐慚愧也。

華僑有鑒於銀行之重要。集資設立者甚夥。其著者爲四海通銀行。股東多潮州人。閩人少數。華商銀行。股東多閩人。潮州人少數。和豐銀行。資本八百萬。華僑銀行。資本二千萬。利華銀行。股東多係粵人。資本五百萬。及交通銀行之星加坡分行。其主要業務。以往來存款貼現匯兌爲大宗。往來存款。則存入爲週息二厘。往來借款爲月息九厘。以至一分二厘。則因借戶之信用而定。貼現則以南洋各埠及香港期票占大多數。其種類有見票三十日十五日或七日收款之分。皆另有恩日。星人謂之小限三日。惟票到星埠照票後。經付款人簽字承認。按星律付款人。對銀行已發生債務關係。且星人既喜用支票。故皆與銀行來往。銀行於受理貼現時。嘗不待調查。已稔知貼現戶及付款人之信用財產。既少通融期票之弊。而處理之手續又甚簡捷。月息九厘。利亦不爲不厚。星埠貨物轉運頻繁。故貼現單爲數甚夥。極力包攬。利頗可觀。至匯單一種。以對港爲最多。厦汕已居少數。津滬則不足數矣。其性質頗類貼現單。其貨物由九八行（係一種買賣經紀人後詳論之）代爲起卸。而款項即用匯單劃撥。故又似憑單放款。但提單不交銀行而已。此種業務不僅獲放款之利息。兼得匯兌上之利益。且因異地收款。更加

扣手續費。利益重重。營銀行業者。嘗注意及之。就中四海通銀行。經營安南暹羅之押匯爲大宗。該行在安南自有米田。兼營保險。故營業極稱發達。每歲獲利嘗在六十萬左右。華商銀行略遜之。且代理店亦較少。惟皆自有貨倉。該行近有與和豐合併說。資本將改爲三千萬。和豐銀行規模較宏。營業範圍亦較廣。在英倫紐約舊金山等處。皆託有花旗代理。經營少數之國際匯兌。將來進步。未可量也。華僑銀行。則設立僅及年餘。營業如何。尙未深悉。惟其中董事如林文慶君、林義順君等。則皆具願甚宏。不僅規模宏大。資本亦稱雄厚。有在滬設分行說。利華銀行。於今年（民國十年）九月九日始業。粵僑余東旋君之股份爲最多。總理吳勝鵬君。亦星埠巨商。而有聲譽者也。其在外埠者有吉隆坡之廣益銀行。沙撈越之廣利銀行。日裡之中興銀行。其規模營業如何。不知其詳。至交通分行。則以時局不靖。力求收縮。（現已停閉）夫以富庶之南洋。而國家設行其間。不能助長國外貿易。而獲厚利。至銀行內部之組織。除交通外。其他各行。多不完備。其帳簿則中英式皆具。其中式者則備股東之檢查。惟組織不甚清析。頗近似北京舊銀號之帳簿。其英式者。則以備英政府之稽核。記式統依英式。而對於各業務之處。理亦極簡單。故華人多樂就焉。

星埠地僅一島。需用皆仰給他處。如米多來自暹羅安南及仰光。菜蔬則來自香港等處。故米商最稱宏巨。其中自在暹羅安南置有米田者甚夥。有頭二三盤米郊之分。（米郊以商業之範圍言其頭盤二盤三盤依其資本之多寡定營業之廣狹既定之後不能改易星政廳有此律以約束之）其頭盤米郊多自有米田。躉批來星。二盤者則或由頭盤躉批。或自向他商批購。再行批出。不作門市。三盤者則純作門市交易。資本亦小。其米商之大者。每年獲利。嘗逾百萬元。以至數百萬。前年（民國八年）暹羅禁米出口。他處歉收。於是英政府爲維持民食計。米歸公賣。米貿易遂一落千丈。欲圖恢復。當在取銷公賣後也。

星埠經營樹膠者甚夥。樹膠卽所謂橡皮。用途甚多。如各種車輪鞋底。以及各種器皿軍用品等皆是。而我國之不及見者尤多。用途之發明。方興未艾。將來發達。殊未易計。其種植法。自初栽至四年或五年。卽可割膠。而割膠最宜謹慎。出膠多寡。皆視割膠者之手法而定。蓋一侵及其內嫩皮。其處卽不能再出膠也。其法用刀割樹皮。寬約二寸長五六寸左右。按紋割之。於其下罅處。拴置小茶碗一。膠卽由是處流至碗內。然後將膠取回。加藥水於其內。用機器製成長約二尺寬約一尺之膠片。卽可出售。在歐戰初起時。歐美各國爭購之。以製軍用品。是以價值

陡漲。每担可值二百元左右。華僑因以致富者極衆。現在價值跌至每担八十元左右。（可參看第七章第二節）定原於歐洲工業未盡恢復。德商尙未活動。按德人發明之樹膠製物最多。故需用遠非他國所可比。非其物之用途不廣也。故經營之者仍日增不已。樹膠而外。九八行亦占重要。其性質極似買賣經紀人。因代辦百元。取得二元手續費。故名九八。而權利則較經紀人爲大。其經營法固在資本雄厚。而信用尤要。蓋星島爲轉運埠。貨物裝卸。集散頻繁。他埠商人。不便來星。故皆託星九八行。代爲買賣。其購貨價值。除經託購主自定外。多由九八行定之。故雖名九八。而於水脚之多開。及價值內之伸縮。每百元所獲。嘗自七八元以至十元。是又在經理之得人矣。而樹膠之小種植者。出貨無多。非批發商所樂購。故多託九八行代賣。或卽由九八行零星購入。而躉發批出。則其利尤厚。其他雜貨商。布商。洋貨商等。亦占重要。而雜貨商。布商。所經售者。多爲中國港粵厦油之土貨土布。自五四運動後。國貨益形暢銷。上海出品。尤爲華僑所歡迎。其他天津之酒。白菜。山東之綢。亦暢銷焉。惜乎提倡者乏人耳。國貨既暢銷於南洋。則爲國外貿易計。不能不有以提倡。其提倡之法。不外物品之精良。裝運之便利。及匯送之靈活。欲求此三者之完備。不能不仰給於銀行。尤仰給於內地分星之銀行。

以今日言之。交通星分行。其最適宜者也。其法假定於星加坡交通分行內。附設一國貨陳列館。一面託京津滬漢港粵厦油各地分行。轉勸國貨商。將其物樣標明價值。出產地。及批發商業細目。一一記明。送館陳列。而銀行即因其陳列占地之多寡。酌收租金。以助全館之開銷。並委一熟於國貨情形者一人。經理其事。在平時則調查星埠市況需求供給。及各貨之銷塞。一報知內地各商。而內地亦爲同式之調查報告。星埠此種報告。可由銀行及貨商並行之。因之即可代星埠及內地國貨商。購售各貨。如是則物品無不精良之弊。而售購皆有途徑可尋。一面更聯絡招商局。對南洋開一特別航線。以便其運輸。現在京津滬運星貨物。皆先運至厦汕或港。然後換輪運星。水脚及貨稅加重。若能直接運星。省費極多。交通分行林立。日能各稔。知其所在地之商情。則包攬押匯。如是一舉而數利具。蓋星貨多籍閩粵。於內地商情。不甚明瞭。自辦與託辦。既皆不便。若能以熟於內地商情者代之採辦。更益以銀行爲之保證。則其樂就也必矣。有志諸公。盍起圖之。星埠經營航海業者。亦正有人。惟皆插英旗。故不易調查。其公司之最大者。爲和豐輪船公司。股東爲閩商林君。亦星埠巨商也。其船多航行南洋各埠。及厦汕港及歐州等處云。

星埠工業界極幼稚。西人所組織者除一二公司外。規模宏大者蓋鮮。而華人則以木工爲較多。而尤以上海木工爲最受歡迎。其屬閩粵者。則極粗笨。蓋手巧工人。多不至其地也。勞働界亦華人占大多數。馬來人稍稍有之。歐美日本人極少。其華人之勞働者。除各商店種植廠及各碼頭裝卸搬運貨物外。以拉洋車者爲最夥。其人多隸閩籍。每車可坐二人。而車價較中國爲昂。每人每日約可得二三元。其他之勞働者及工人。每日所得。尙遠逾此數。倘人不懶惰。謀生寔易。蓋事多人少。不似中國之擁擠也。

星埠教育事業。尙稱發達。其英人所設立稱完備者四。其組織自初學至畢業共分九號。每號平均須一年卒多。若性質聰敏者。五六年即可卒業。遲鈍者則九年十年無定期也。其畢業之程度。與我國中學相彷彿。而學科則偏重商業智識。其中學生。則各國皆有。而華人尤占多數。各校更多附設商業補習科。稍授商業常識。惟無大學。今年經華英紳商合議。設來佛大學。惟成否尙不可知。其他英巫合辦者。尙有數校。日人自辦者一。其內容不得而詳。至華人之教育亦盛。在昔智識未開。各幫門戶之見深。故所有學校。皆各幫自辦。不相爲謀。近年民智日啓。門戶之見亦除。前年經閩商陳嘉庚君。（此君極熱心教育。福建之集美幼稚園小學中學大學

師範，皆其獨力所創辦。毀家興學，此君足當之無愧。提倡創設南洋華僑中學校一所。其基金皆全體閩僑所捐助。極稱雄厚。其董事每幫二人。蓋定合南洋全體之力不分畛域所創立者也。其校長爲涂開輿君。（湖南人係南京暨南學校之教員。而黃任之先生所推薦者也。）教員則各省皆有。純用國語教授。惟星埠與內地之情形不同。故辦理未能臻於完善。星人士多不滿意焉。其他兩等小學。大多各幫自辦。惟招收學生。則不限地域。現廣幫所辦者。爲養正學校。校長係粵人。教育亦多知名之士。規模宏敞。基金充足。現有學生三百餘人。尙有擴充爲中學說。校內組織整齊。校舍完好。有音樂隊一隊。童子軍一組。對於體育則有足球、壁壘、球網、球及柔術、技擊等課目。並有國語辯論會。以演習國語。尙能努力進行。堪作星埠華校之模範。閩幫所立者。爲道南學校。校長係滬人。教員亦多滬人。純用國語教授。是其特長。學生現有二百餘人。內部設施。尙稱完備。體育亦極講求。校舍與養正相頡頏。爲星埠華校建築之冠。潮幫所辦者。爲端蒙學校。瓊幫所辦者。爲育英學校。其他尙有啓發學校、愛同學校、崇德學校、光亞學校、公民學校、等女學校之最著者。有南洋女學校、南華女學校、華僑女學校等。就中以南洋女學校組織最稱完善。並附設師範班及其事補習班等。現有學生二百餘人。校長教員等皆

係滬人。則以注重國語故也。

統計星埠華人教育事業。不爲不發達。就中辦理完善者亦甚衆。顧以無具體的辦法。各行其是。不相聯絡。故成效不甚良好。且教育會形同虛設。私塾尙且林立。若不急圖整頓。則教育之退化堪虞。其整理之法。最要聯絡各校爲一氣。相互切磋。共圖改良。愚意以爲教育部對於當地領事。須加以委託。或就館員中加以委任。使負責有人。則教育會不致形同虛設。蓋星埠學校之不聯絡。其弊不在華僑。而在由內地聘來之職教員。原華僑對於教育事業。智識缺乏。無可諱言。以致聘來之校長教員。程度不齊。賢愚互見。因是互相忌視。各是其是。倘設專員董其事。則聘請校長教員。委託有人。監督有人。則不致受學界敗類之蒙蔽。則不僅僑民之幸。亦國家之光也。

該地有英政府設立圖書館一。博物館一。植物園一。其圖書館之書籍。皆英文者。博物館所陳列者。有南洋之海產禽獸礦產及古器等。海產中有鱷魚大龜。獸類中有象獅虎豹猿猴蟒等。鳥類中尤五光十色。羽毛華美。中國無此大觀也。礦產中以錫之種類爲最完備。煤次之。他皆無有。古器中頗多中國之物。如古磁盤古錢及刀劍。皆明代物也。其他如馬來人之風俗模型。

亦甚多。華人吸鴉片之形狀。婚喪所用之執事。皆作成模型。陳列其間。植物園中。異草奇花。觸目皆是。華人有書報社四。其中以同德書報社組織最稱完備。同文張氏等。則僅星報數份而已。

星埠有報館四。皆大報。無白話報。則以言語不同故也。其銷行最多者約二千份。或八九百份。就中以國民日報銷行最多。頗敢言語。曾經英政府封閉兩次。惟係國民黨之機關報。故嘗帶有黨派的意味。其次爲總匯新報。及叻報。然言論帶幾分保守氣。新聞多得之港滬各報。最近發行有者震南報。其報舊名振南報。係進步黨機關報。主筆爲邱菽園君。俟以銷行不利。遂倒與滬人。始改今名。現主筆爲沈職民君。言論尙極正大。性質則近乎商報。對於南洋商業。特注意焉。然星埠華報館雖有四家。惟因資本不豐。銷行不廣。多因陋就簡。各地之消息。極不靈通。多就英報翻譯。或選擇港滬各報轉載。誠爲遺憾。新聞爲地方之耳目。言論之代表。倘欲引起華僑內向之熱心。自不能不賴新聞紙之鼓吹傳導。欲奏其功。尤賴乎消息之靈通。然欲消息之靈通。定有待於內地報界之扶持。愚意以爲於京津滬之報界。遇有關於政治或商業之重要消息。以義務的通知星埠報館。而其電報費。可由星報館公墊付還。如是則內地消息得早

傳送於華僑。自能生其內向之心。而華僑消息。更可以此法。傳之內地。則兩地於無形中。自能聯絡。（即京津通信社之類）今則藉譯西報。不僅消息遲緩。亦可恥事也。英文報館有二家。就中以星加坡泰晤士報銷行最廣。新聞亦多。消息亦靈通。其次爲自由報。係華英合資。銷行亦頗可觀焉。

第八節 新架坡華僑生活狀況

南洋地居熱帶。物產富饒。農產如米、椰、甘蔗、碩莪、樹膠、烟草。家畜如豬、牛、雞、鴨。鑛產如錫、石油、石炭等。每年輸出口外。爲歐亞諸洲所仰給者。爲數至巨。宜乎物價低廉。衣食住諸費用較之中國內地爲廉。乃揆諸實際。反爲昂貴者（外洋貨物不在其內）推其原因。蓋因南洋人口無多。（馬來人雖多。但皆屬愚惰無用）天然物產雖饒。人工勞力特少。故耳。勞働者生活最易。我僑胞現擁百萬千萬之富家翁。其初則皆赤手空拳。無職業之苦工也。而中上流社會的生活。則適與之相反。雖每月數十元之薪金。不爲難得。然以維持其地位計。出門必須乘車。（南洋習慣。苟非苦工出門少步行者。）衣服必勤洗濯。（詳下）飲食必擇講究之所。一切費用殊巨。而下等社會。則衣黑赭之衣。居污穢之所。食不潔之食。不勤洗濯。不知講究。而且事事自己勞

動。工資處處可得。其多者每月所入不下數十元。與中流社會每月所入幾相等。且有過之者。然若計其每月之出入款。一則費用已盡。一則贏餘過半。月積年累。苟俟三年之久。則爲苦工者。已成小有之家。雖安坐而食。亦可與中流社會日出而作日入而息者相抗衡。若至數十年之久。往往積累至百萬千萬。而團團作富家翁矣。此吾國南洋僑胞生計之大較也。茲再詳述之如左。

南洋華僑以商業爲主。農工次之。英屬荷屬與美屬皆然。其各地之商權。大半在吾僑胞之手。試遊新架坡檳榔嶼馬六甲以及馬尼拉三寶壠泗水諸埠。莫不見僑胞商肆林立。佔埠中總數之八九。其中以雜貨商藥商（皆售吾國川廣空室藥材）茶商爲最多。其商業之大者。如銀行公司。亦所在多有。至於偏僻之區。雖山陬海隅。濃陰曲路。亦皆有華僑商販踪跡。當携三五友朋遠遊山巴（島內樹林深處也）時。常見路側樹底露茅屋數椽。門楣上懸貼吾國通俗之商業對聯。于蠻烟瘴雨林深窈密之鄉。忽覩中華風物。是何居。是卽吾國商業的遠征先鋒隊之寄廬也。山巴以內。英荷政府。曾使馬來人供力役之徵。荷屬地月中每人三日。開通道路。以期拓殖。吾國僑胞每於大路兩側。相距數里之遙。卽建築茅舍。以木板爲壁。以棕櫚科植物

之葉編覆於其頂。棲止家室。以行商賣於其地。然亦有因商業失敗。屋室雖存。而人則遷徙一空者。但調查山巴以內。馬來人實居十之八九。散處其間。專以種植爲事。絕不知經營商業。而該地業商者。則皆中國人。於此不禁嘆馬來人之知識愚下。不知注重商業。坐令利權外溢。漏卮莫塞。以致窮困無以自存。（馬來人殆無富者。大多數借貸於僑胞。漸漸不能償還。遂將各種利權讓渡於僑胞。）一面復慶我富有數百萬數千萬之僑胞。莫非以馬來人爲牛馬。瘠人以自肥者。因更推知商業之可以亡人國。既而思之。中華地大物博。然外貨充斥。全國碧眼紫鬚輩。恃其兵戰商戰之雄。莫不輦輸而來。捆載而去。中華美地。宛然一南洋羣島也。五族之混。混噩噩。不講商業。儼若馬來土人也。吾將自哀之不暇。又何暇乎哀人。華僑生業之概略也如此。茲更述叙其生活程度之一斑。但生活程度之標準。純視工資及物價以爲斷。工資之多寡。與物價之貴賤。在在與生活程度相關。現將新埠之工資物價錄出。以供參考。

新埠中人力車夫完全皆中國人。（南洋羣島英屬地內皆然。荷屬及美屬地內。則無人力車夫。）每月通常可得工資三四十元。以小舟載人運物者。則可得四五十元。理髮洗衣及咖啡館等職工。亦可得四五十元。伐木劈柴（劈成長方之塊。用爲火柴）之工人亦如之。最下等者

如割取樹膠夫及學校夫役等。中國人之至無能力者。始肯爲此。然每月除供給其飲食居住外。尙當與以十元之工資。各商店之司帳人及學校之教師。其每月薪水自四十元至五六十元不等。理髮費最少不下二角。普通者則爲三四角。咖啡館到處皆是。平均每商舖十家。卽有一家。一杯咖啡價值銅元一枚。一杯咖啡和牛乳。則價值三枚。茶一壺（其壺極小內中所盛之水僅有一小茶碗以每一人飲足爲度）亦銅元三枚。埠中各戶所飲之水。多到咖啡館中購買。晚間街中擺攤者尤多。充塞街衢。下等職工列坐飲食其中。其情形與吾國鄉村廟會相似。洗衣情形。近於歐化。除下等社會所衣黑衣。自行洗濯外。中上流社會所服皆白衣。每一星期須洗二次。每件大小平均價值三枚或四枚不等。每月每人當出二三元之洗衣費。以故洗衣房林立。業此者多屬浙江人。平均商店二三十家。當有一家。至於偏僻之所。清水不易得。則每件洗濯費增至八枚。計每件可得二枚之純益利。其餘如製造豆腐。爲日常用品。與中國內地情形相同。以其渣滓飼豕與喂養雞鴨。埠外往戶。每家皆飼養雞鴨之屬。其多者則有廠以容納之。另僱工人。每日放諸山林。家內復種一種池草。每日刈取以爲其食料。隨刈隨長。屢生不窮。該地雞貴鴨賤。因鴨多放養於水中。食料不豐。故其肉不肥美。雞則喂諸家內。食料充足。

肉多肥美雞卵每個價值銅元三枚猪肉一斤價洋五六角香蕉銅元一枚可買三枚婆羅則銅元三枚可購一枚飲食品極不一至埠中飯館多爲粵人所開設其品類則係粵式與中國北京上海品式大同小異舖中供役之人形極粗野全身不著衣服僅腰臀之際用比面巾稍大之布一塊以繞蔽之而已此外僑胞所設之洋式小飯館甚多每菜一味雞魚諸類價止洋元一角每人有二三角即可果腹然較諸下等苦工所食者已屬奢貴衣服皆服短裝洋服中國式之長服初無服之者歐戰初起時白色布衣服一套價止一元六七角後漸漲至二元五角民國六年漲至五元由此觀之歐戰關係世界生計亦云巨矣房屋形式皆爲二三層之樓房以磚造成房頂覆以紅色煉瓦埠外偏僻之地以及山巴以內則皆用檣櫚樹板片爲底壁屋頂覆以棕櫚科植物之葉房外臨街處皆有走廊彼此相連會客處卽在其初進房門之一室是室內陳列几席以大理石面之圓棹最爲普通書籍文具亦有設置其間以備溫讀之用者會客室以內始爲佳室及廚房冲涼房（南洋習慣無論何人每日必用冷水冲洗全身一二次據云身內毒熱可從水洩出體外否則內熱不能外洩不久卽生重病故南洋有風爲鬼水爲藥之諺此亦欲往南洋者不可不知之事也）多在樓上賃費平常之屋每間每月約四

五元數口之家租房四五間每月非二三十元莫辦。普通旅店每日房費五角。人力車費每一英里路程約一角。上下凡乘此車者皆不與車夫講價。下車後多寡酌給。無有爭者。此亦美俗之一端也。人力車之外更有電車。每英里收客位銀三分。特別位收五分。汽車尤多。計該埠有千餘輛。一九〇六年全埠則僅有一二輛。電車路共長十一英里。人力車二萬餘輛。電話綫長約三千餘英里。交通異常便捷。人力車夫皆福建福清縣人。駕駛汽車者則皆馬來人。外縣與他國人絕無有插足之地。亦一種特殊之現象也。以故每晚海濱大路汽車人力車電車往來不絕。路旁碧草如茵。浪擊岸石有聲。游人復三五成羣。漫談散步或席地坐臥以乘涼。海天風月有如畫圖。盤桓其間者直以爲海外桃源。忘其爲異鄉羈旅也。云。

第九節 歐人經營馬來半島史

總述 歐人經營馬來半島以葡萄牙國爲最先。西班牙國次之。英吉利荷蘭又次之。惟英人以後起資格。消除荷人勢力於半島之外。百餘年來獨力經營。而海峽殖民地而馬來聯邦而丁家奴四州而柔佛如蠶食桑葉。如牛步康莊。現半島全區已無一塊乾淨土矣。茲錄其事蹟於左。

西歷一五一二年葡萄牙佔有馬六甲

一六四一年西班牙逐葡人而代之

一七八六年英人佔有檳榔嶼。西班牙既佔有馬六甲得商業上之優勢，乃仇視歐人以思垂諸永久。斯時英國東印度公司已於中國印度間商業上發生極大關係，因注意於馬來半島。英人萊特氏久商於吉打，熟悉該地情形，上書於東印度公司，主張佔據檳榔嶼一島。公司理事某深然其說，吉打王當時以懼外患（暹羅爲最）故正思求助於人。一七八六年萊特氏遂與吉打王訂約，以檳榔嶼及其對岸威士雷讓與英國。惟吉打一日有外侮時，東印度公司當出兵相助，並每年東印度公司納費一萬元於吉打，以作讓與上二地之報酬。其期以領有該二地之期以爲期，此約延議甚久，至一八〇〇年始行雙方簽字，是爲英人經營馬來半島之第一步。

一七九五年荷蘭人佔有馬六甲

一八一九年英人領有新嘉坡

英人於未得馬六甲時，常思於其近傍得一根據地，以發展商業，抵抗荷蘭時在蘇門答臘之英人萊弗爾氏（Livingstone）看透將來新嘉坡島之重要，獻策於

印度太守赫斯卿遂於一八一九年以六十萬弗之報償及歲納年金二萬四千弗之契約自柔佛王獲得此島之領有權當時僅有半商半賊之華僑一百五十人及馬來人百六十人至現在不過百年竟有人口三十萬餘歲輸出人總額達五千九百餘萬磅成爲東西洋交通之咽喉故萊弗爾氏之銅像矗立於新嘉坡海岸維多利亞廳前享永久紀念之榮譽是爲英人經營馬來半島之第二步

一八二四年英人以蘇門答臘培哥林易荷領印度某小區及馬六甲埠荷人雖佔有馬六甲然當時以英東印度公司之侵略行政司法雖歸荷蘭而軍隊軍艦則歸英統治實際上卽降服於英也至一八一八年歐洲拿破侖完全失敗各國土地權受公衆裁判維也納條約將此埠判歸荷有惟英荷二國以南洋之屬地犬牙相錯不能不從長計議一八二四年二國和議荷以馬六甲及印度之某小區與英屬蘇門答臘島之培哥林相易於是馬來半島遂完全入英人勢力範圍是爲英人經營馬來半島之第三步

一八六七年英人海峽殖民地政府機關成立英人佔有前所述三埠後東印度公司支

部遂由檳榔嶼而移於新嘉坡英國僑民以馬來半島爲東方商務之中心印度政府有鞭長

莫及之憾。上書國會請求脫離印度政府。另設殖民地政府。英政府允其所請。於一八六七年。使半島與印度政府脫離。另設立海峽殖民地政府。編入英王領殖民地部。置總督一人。其下設行政參議會。與立法參議會。兩機關。行政參議會由民政長、檳榔嶼、馬六甲、兩支廳長、檢事長、財務局長、出納長、工本長、及守備隊司令官八人組成。立法參議會由檳榔嶼、新嘉坡、兩商業會議所之代表員。及由英國臣民有權利之納稅者選出之非官選議員五名組成。是爲英人經營馬來半島之第四步。

一八七四年至一八八八年。英設輔政司於霹靂、雪蘭莪、彭亨。以監視其內政。英政府殖民地部囑海峽殖民地總督。對於馬來各邦。當取懷柔政策。如英國有可遣送顧問機會。卽當相機進行。總督克拉克氏奉行唯謹。遂於一八七四年。與霹靂王訂約。遣輔政司駐其地。凡國內行政、立法、司法等。除宗教風俗外。均須受其監視。是謂輔政制。是年更以雪蘭莪王之請。亦置一輔政司於其政府。彭亨一邦。隸屬於英統治之下。爲較晚。一八八八年。有英人某在彭亨境內被殺。英政府責彭亨酋長。保護不力。藉口保護英國僑民生命財產爲辭。置輔政司於彭亨。酋長不能拒許之。於是馬來半島中部。盡入於英人統治之下。是爲英人經營馬來半島第五

步。

一八九六年馬來聯邦制成。一八九六年前英所置輔政司三邦以斯維登漢氏之提議採取聯邦制而受英政府之保護。其要點在設立一總輔政司使各聯邦受同一之統制。而各邦之輔政司仍不廢。復設立要部於聯邦各政府以執行總輔政司之職務。定雪蘭莪之吉隆坡爲聯邦首府。以海峽殖民地總督兼任馬來聯邦之統領。各邦首領無異議。乃更合宋溪烏瓊祺立坡等五部爲芙蓉（馬來語九州之義也）州。設一輔政司而成爲馬來四州聯邦。馬是爲英人經營馬來半島第六步。

一九〇九年暹羅以吉寧丹等四州讓與英國政府。英人對於馬來半島如海峽殖民地

之整理。馬來聯邦之組織基礎堅固。實力充足。惟有靜候時機。以圖勢力之發展。適暹羅熱心於撤銷治外法權。英人遂與訂約。以割讓丁加奴、吉冷丹、吉打及丕里斯四州爲交換條件。一好虛名。一尚實利。各自如願以償。而丁加奴、吉冷丹兩支丹頗怨暹羅行動之過於專斷。然英國勢力已遍布於上下各方面。事實上已無可如何。終許英國設輔政司。而受其保護。此爲英人經營馬來半島第七步。

一九一四年柔佛國與英訂約受英保護。柔佛國位於馬來半島南端，面積九千方哩。人

口二十萬，華僑佔十分之七。其餘馬來人佔二分，瓜哇人佔一分。凡談南洋者，莫不談新嘉坡。談新嘉坡者，莫不談柔佛。蓋柔佛即明代所謂東西筓山，爲半島唯一之王國。新嘉坡博物館中，曾陳列柔佛王所坐之墊，墊黃金色，華麗無比。於一八八五年（一八八五年以前，英人只干涉其外交權）聘英人爲理事官，各種政務均咨詢理事。至一九一四年，更改前約，廢理事官，設總務顧問，除宗教之儀式，不加干涉外，餘均有執行之權力。質言之，即柔佛王國已由特別之地位，降下一級，而與聯邦諸州同等矣。是乃英人經營馬來半島第八步。

結論 英人對於馬來半島，自一七七一年自萊脫氏與吉打酋長訂約得檳榔嶼起，至一九一四年柔佛國歸英保護止，歷時百四十三年。而馬來半島全部七萬五千方哩之地，完全歸其勢力支配之下。其眼光之聰慧與步履之穩健，大有可得言者。

檳榔嶼新嘉坡最初不過一荒島，人跡疏稀。經萊特氏萊弗你氏看透將來地位之重要，著手經營，百餘年間，現有人口達五十萬，輸出入貿易額達八十萬磅，終成爲東西交通之咽喉。其創造力之偉大，有如是者。

英人者世界實利主義之代表也。故其經營半島亦以經濟爲主眼。海峽殖民地毋論矣。馬來聯邦自歸英保護後。其財政由英人整理。進步甚速。計一八九〇年之歲出入。歲入爲四八四、〇〇六五弗。歲出爲五二三、七二七五弗。一九〇〇年歲入增爲一五六〇、九八〇七弗。歲出增至一二七二、八九三〇弗。一九一〇年歲入增至二六五五、三〇一八弗。歲出增至二三五九、八六一〇弗。二十年間。增至五六倍之多。其理財能力。有如此者。

英領馬來半島面積。與吾國一省相埒。然其軍事上之設備。有英國兵一千六百五十八人。連印度兵總計二千五百人。此外有若干之義勇隊（華僑及馬來人自告奮勇者充之）及駐屯於檳榔嶼之射擊隊而已。其治理半島之規劃。則有殖民地。有聯邦。有保護國。有輔政司。有總輔政司。法制變化不窮。曲盡其當。其待對人民。則取「易其政而不違其俗」主義。風儀上無共同之標準。如噴煙吐霧之華僑。跣足裸體之蠻民。莫不來去自如。各得其所。遊其地者。大有入高等動物園之感。其對待舊酋長。則取「收其實而留其名」主義。各支丹之尊嚴名位。現今與昔日無殊。惟各邦事無大小。皆須經輔政官參與。然後施行。酋長不過傀儡而已。其政治手腕之巧妙。有如是者。

以上所言數事，尙不足以盡英人之長。當更觀其風氣與性質。英人素有鐵牛之稱。夫行走不必過驟。但一步一步，腳踏實地，堅忍強毅，前進而不退者，此牛之行路然也。英國國民性之優點，惟此鐵牛二字。始克描寫盡致者也。考英人自佔領檳榔嶼以來，設立海峽殖民地，組織馬來聯邦，闢草萊，開道路，使寂漠彈丸之地，成爲廣大著名之區，非毅力深遠者，曷克臻此。鐵牛之喻，信不誤矣。再者海峽殖民地總督，除轄海峽殖民地外，更掌握馬來聯邦及英屬婆羅洲方面最高政務之權。其位置甚爲重要。然總督府之官署，不過用傳令官一名及秘書官一名。其組織之簡單，與任事之精神，大有一人如一國之概。其轄有百倍本國之上地，十倍本國之人。民爲世界第一強國也。有以哉。

第二章 荷屬東印度……參考書地學雜誌、東方雜誌、南洋實地調查錄、評論雜誌、

第一節 荷屬東印度地理誌略

面積及人口 南洋荷屬領地由數多之島嶼而成。西起蘇門答臘島，東至新幾內亞之西方。北自婆羅洲，南至瓜哇島及底勿島，全部在熱帶中。總稱之曰荷領東印度。面積共五十八萬餘方哩。加荷領新基內亞約七十三萬餘方哩。大於荷蘭本國領土者六十倍。人口約三千

五百八十萬人多於本國之人口者六倍今列舉其重要島嶼之面積及人口數目與各地種別之細目如下

蘇門答臘 一六一六一二方哩 三一六八三二二人

瓜哇及馬都拉 五〇五五四 二八七四六六八八

婆羅洲 二二二七三七 一二二九八八九

西里伯斯 七一四七〇 一八七八四七三

摩鹿加 四三八六四 四一〇一九二

的摩爾 一七六九八 一一九三三九

巴里及郎波克 四〇六五 二〇四一六九九

彭加 四四四六 一〇六三〇五

比利敦 一八六三 四三三八六

瓜哇及馬都拉人口表

區域	歐人	東方人	土人	年限
萬丹 Bantam	592	4064	873443	19 17
巴達維亞 Patavia	29228	107592	2307818	“ ”
魄利昂格兒 Praanger	16840	28167	3327375	“ ”
井里汶 Cheribon	1794	28517	1400800	“ ”
北加浪安 Pekalongan	3345	23322	2237340	“ ”
三寶瓏 Samarang	12763	49536	2739636	“ ”
倫邦 Rembang	1986	26559	1618123	“ ”
泗水 Surabaya	26998	39700	2409146	“ ”
巴蘇魯安 Pasoerean	5779	19296	2029276	“ ”
白蘇基 Besoek	2737	9183	1204656	“ ”
班尊馬斯 Banjomas	2138	9282	1610270	“ ”
格渡 Kedoe	3335	17043	2093139	“ ”
日惹 Jokyaharta	4198	11375	1358598	“ ”
梭羅 Suracarta	3919	13997	2042954	“ ”
未利粉 Meioen	3173	6495	1592574	“ ”
諫義里 Kadiri	3896	15447	2132317	“ ”
馬都拉 Madoera	805	7175	1776265	“ ”
總數	111430	393723	33652230	“ ”

荷屬東印度外埠人口表

南洋見聞錄

六八

區域	歐人	東方人	土人	年限
蘇門答臘西岸(一名巴堂)Badang	3523	11922	1237170	19 17
他爬奴利 Tapanoeli	723	2671	761844	,, ,,
奔姑倫 Benkoelen	484	3299	226062	,, ,,
藍姆朋 Lampoeng	458	2858	168256	,, ,,
巴倫邦 Balambang	1400	12673	746435	,, ,,
家姆俾 Djambi	196	3959	203116	,, ,,
蘇門答臘東岸(一名投利)	6270	145655	742215	,, ,,
亞齊 Atjeh 及其所屬	1734	12982	695125	,, ,,
廖島 Riouw 及其所屬	419	21628	177602	,, ,,
網加 Banka 島	541	71714	81923	,, ,,
物里洞 Billiton	368	20762	38351	,, ,,
婆羅洲西岸	485	67015	506134	,, ,,
婆羅洲東南岸	1963	16616	926880	,, ,,
沒拿兒 Menads	1787	16726	729513	,, ,,
西里伯及其所屬	2436	7367	2352245	,, ,,
安姆擺納 Amboina <small>(包西南新幾 內亞在內)</small>	3181	2999	354754	,, ,,
特納特 Ternate <small>(北新幾納 亞在內)</small> 及其所屬	477	1193	198465	,, ,,
的摩耳 Timor	633	4821	1685875	,, ,,
巴里及龍目 Bali及Lombox	314	8081	1336485	,, ,,
總數	27451	238944	12579897	,, ,,

前表中所指東方人，其中含有印度阿剌伯及中國人，然其中三分之二皆中國人，餘二者只占三分之一而已。

政治 以瓜哇之巴達維亞爲政治策源地，荷蘭派遣總督駐此，以行使東印度之統治權。荷屬東印度除瓜哇島之梭羅及日惹二州，表面上仍歸土王管轄外，餘共分全土爲三十八州。各州置理事或知事，以連絡中央與地方之意旨，惟其政治上之意趣，則取間接治理方針。除對歐美及日本人歸理事官直轄外，其對於土民，則選舊來酋長王族，以膺統治之任。對於華僑，則選華僑中有財勢者，任以馬腰甲必丹諸職，其本身則立於背後監督之地位焉。其陸軍士卒，共三萬六千五百九十九人（一九〇六年）內歐人占一萬二千六百六十四人，其餘均屬土人，設陸軍部長一人以統之。其司令部設於巴城，其軍隊在瓜哇者分駐於巴城、彭動、三寶瓏、泗水四處，更移駐於瓜哇以外各島，以令其緩急相應。海軍以泗水港爲根據地，其艦隊分本國派遣隊及東印度特設部隊二種，總計各種艦隊四十七隻，共約四萬噸。（與我國海軍噸數略同）設司令官一人以統轄全部，其人員，士官三百三十七人，士卒三千零一名，士卒中三分之二爲歐洲人，三分之一爲土人。

都邑 荷屬東印度都邑瓜哇以泗水三寶壟巴達維亞檳羅日惹爲著以外各島如西里伯之望加錫蘇門答臘之日里巨港巴堂婆羅洲之坤甸等亦有名

物產 東印度羣島位於熱帶生物繁茂種類甚多其中最要者爲砂糖錫可可子煙草幾那茶石油咖啡米至其他如椰子獸皮胡椒藤檳榔碩莪煤油各地亦有相當產額不可忽視俟分詳於各篇中以見其富源之所窮焉

第二節 蘇門答臘地理誌略

蘇門答臘爲馬來羣島中第二大島長約一千一百哩寬自百里乃至二百五十哩面積十六萬餘方哩與我國兩粵二省大小相埒地勢低下港灣殊少山脈走勢與島形同一方向最高峯達三千七百米中多火山河流便於灌溉者不少地味肥沃氣候物產亦略同瓜哇惟非荷人政治根本地故發達甚遲本島主要物產第一爲煤油第二爲煙葉第三爲石炭而新興之橡皮業近來亦蒸蒸日上其餘如碩莪椰子檳榔等出產亦多

全島人口數約四百一十萬內土人三百八十七萬中國人二十萬印度及阿拉伯人三萬歐人不過三千而已

本島共分六州島之北端曰亞齊 *Niah* 亞齊之南面印度洋者曰拔唐 *Patung* (又名蘇門答臘西海岸地方) 北與嗎六呷海峽相對地方曰投利 (一名蘇門答臘西海岸地方) 投利東南曰巴倫彭 (*Balamban*) (島之南端曰浪奔 (*Lampiran*) 拔唐東南面印度洋者曰倍克倫 (*Bankoran*) 諸州中以巴倫彭爲最大浪奔爲最小其重要都市以巴鄰彭爲第一去海岸六十二里人口五萬三千煙草、米、橡皮等之集散甚盛次爲拔唐在西海岸中央人口二萬五千咖啡之貿易甚盛我國有領事駐馬投利州之棉蘭 (*Medan* 一作眉堂) 爲投利州煙葉及樹膠之重要市場有我國領事館及馬腰官 (參看本書華僑概要) 華僑有自立之學校及銀行將來甚有希望之市鎮也

第三節 望嘉麗 *Bangka* 記

望嘉麗南洋荷屬地一島嶼也位於東經一百零半度北緯二度半之間埠在該島南西隅與島同名南望蘇門答臘隔僅四百里許之海峽東去新架坡爲輪船一日夜之水程路中經峇頂宜一埠 (該埠人口之多寡及華僑狀況與望嘉麗略同) 背負馬六呷海峽鄙人於民國六年夏曾至其地居之半載與其地華僑相處甚歡每於相對晤談或携手同遊時輒訪問僑胞

之情狀。土地之物產。土人之文化。與夫荷人政治上之趨勢。往往津津有味。樂而忘倦。茲將耳目所得狀況。筆之於書。聊供一得之愚。以備博雅君子茶餘酒後之一資料焉。

是島面積較星洲（新架坡）略廣。地勢低下。無丘陵沿岸尤低。每當潮汐之際。海水與森林連合爲一。以目遠望。水與林木相連。無由辨析其岸綫之所在。且常侵入街衢之間。有礙行路。土脈非常肥沃。宜於種植。凡未經開闢之地。則古木參天。新拓之區。則腐朽木質堆累地上。數尺之厚。不見土壤。以致水分皆紅色。但其地人民飲用。亦不生疾病。其地力之厚可知。惟開拓之地。止在沿岸一英里。島中則森林無際。蔽地彌天。數步之外。不能望見人物。舟車不通。人跡罕至。島之東南岸有埠。與島同名。爲是島政治商業總匯之地。餘則人民散居各處。初無一可記載之地也。

氣候常年不一。最熱時上季在三四月。下季在九十月。通常溫度華氏寒暑表七十六度。最涼時上季在七八月。下季在十二月與一月。溫度降至七十度。此年內溫度之概略也。然每日間亦時有不同。大概正午前後時最熱。惟早晚時雖最熱。節候亦有風自海上吹來。頗覺涼爽。入夜則又如中國北方初秋時矣。至最冷之時。每年中不過數日焉。

雨量分上下二季。上季較下季雨量爲多。往往二三日卽一雨。亦有無日不雨者。惟無大雨滂沱之時。水皆紅色。含污質甚多。故是地人患皮膚病者不少。

是島人口總數約有六千人。馬來人約有五千。華僑約有一千。但馬來人皆散居島中。華僑則集居埠內。初到是埠則見工商各界之人。皆爲華僑。與中國內地景況多同。幾忘其置身於異域。此外若荷蘭印度及日本諸國人。則九牛一毛。初無足比數也。

本埠爲蘇門達臘東海濱省道治之地。置知府一以治理全島及其所轄各地。西至利芭咭峇眼等地。東至馬丁宜龜納燕鬆等處。南至蘇門達臘中部。皆歸其統轄。有府丞一人。以佐知府之不逮。有克地沙一人。馬來人充之。以備檢查華巫（馬來人）人之一切舉動。其各鄉村又有大頭及盤古路。皆巫人充之。以治理一鄉村之事。有下級審判廳一所以審判細小之事。有高級審判廳一所以審判全島及所管轄諸地之訟事。廳長以知府任之。有兵五十名。皆瓜哇人。一隊長荷人充之。以全島及所轄地計之。則有兵百名。皆携眷屬。居住營內。有監獄一所。規模頗整齊。現有囚犯約二百名。

交通機關尙稱完備。每週中往來星洲峇眼棉蘭諸地之船平均約四五艘。有荷船二艘。餘則

皆屬華僑所組織。海岸有荷蘭政府所建棧橋一所。長約四五十丈。費銀五萬餘盾。有郵局一所。以遞送信件。華僑多於商店內附設寄銀信之機關。有荷蘭銀行一所。爲本埠最大之金融機關。道路則沿全島海岸地帶。皆有大道。其僻遠之處。則有小道。兩傍茂林接天。濃蔭蔽地。清幽整潔。無異海外桃源也。修理之責。華巫共任之。巫人每月作工三日。華人則於其居住所臨地段。歸其修理。其程式則頒自荷蘭政府。惟無電信。近荷人抱進行主義。欲造海底電綫。以與他處相聯絡。且蘇門達臘西岸巴東產煤頗多。轉運遲緩。擬將西海岸鐵道延長。其路綫直貫中部。以達本埠。果能次第舉行。則是埠之興可預卜也。

本島農業大者有四。樹膠、椰子、檳榔、碩莪。是也。樹膠屬新興事業。近數年來人爭種植之。取其漿製爲片或塊。輸出口外。椰子及檳榔。則剖開以火焙乾之。盛以布袋。運至新架坡。再銷行歐亞。碩莪則取幹以鋸製成粉。除供本地人畜食用外。並銷行外國。椰子、檳榔及碩莪。自初種至得利益時。非十年左右不爲功。且所得利益。亦有定格。無何豐厚之可言。樹膠則異於是。五六年即可獲利。較之檳榔椰子等。優越數倍。故南洋華僑近數年來。將椰子、檳榔等除去。改植樹膠者。所在多有。因以致富者亦實繁有徒。惟近因歐戰發生。銷售不廣。轉不如椰子等之可以

獲利此四種外則以果品爲最多尤以香蕉波羅（一名鳳梨）爲最以銅元一枚可買得香蕉三枚以銅元二三枚即可買波羅一枚此二種無論何地何時皆有售者蔬菜類若韭菜茄子葱蒜之屬皆有惟不如中國內地之美竹筍尤多是地農產物若以十計則樹膠椰子檳榔各佔二份碩莪香蕉各佔一份其餘甘蔗波羅等之菓類與菜蔬合計之可佔二份焉家畜如雞鴨猪牛之屬甚夥猪牛皆爲白色與中國黑黃色者迥異雞鴨則與中國相同雞鴨猪家家多畜養之多者百餘頭少者亦有二三十頭大都飼以碩莪粉渣滓亦有養雞鴨廠每廠有雞鴨千百頭雇工人若干專司飼養之事但雞鴨雖多而雞卵價值甚昂每銅元三枚始可購雞卵一枚牛則較少然亦有牧養數十頭者或挽車或供食品羊亦有之商品出口者爲椰子檳榔片碩莪米（西穀米）樹膠而入口貨以米及麵粉爲大宗本島人所食米麵皆仰自舶來品餘如布類鴉片茶藥罐頭食物等來自外洋與中國者各居其半焉

華僑及巫人業漁者頗多沿海之岸漁船聚集或用釣餌或用網罟或用筊風颯浪動狀至不一每當月杪月中之際潮水盛漲漁船得以附岸則魚市中售魚者極多華僑漁業規模較巨多漬鹽曬干運銷外地及附近諸處獲利甚厚巫人則止售於市而已

商店種類不一。各種人所組織之數目亦多寡不同。計本埠商店共有八十九家。華僑所設者

六十餘家。內造酒廠二家。藥舖所售者中國藥品三家。飯館一家。咖啡館二家。賭碼即賭局歸荷人專辦。俾出資納於荷人以承

辦一家。鹽店一家。亦華僑承辦。歸荷人專賣。雜貨店中國貨如茶葉紙張紅煙廣東絲子煙紙烟罐頭。爆竹外國貨如布米麵粉及其他日用物品皆有。五十餘家。理

髮所一家。成衣舖一家。洗衣局一家。馬來人開設者共有二十家。專售布品。皆馬來人所常用之花條紋布及瓷

器者。馬來人所出瓷器以大盞為多。十餘家。咖啡館六七家。印度人所開設者一二家。皆放債之富翁。日本人所設之雜

貨店一家。總之本埠商店。華僑所開設者居十之七八。其商品則屬中國與外國者各居其半。

馬來人所開設者居十之一二。其商品則土貨少而外貨多。日本人所開設者只有一家。其商

品則皆為日貨。初無有一種他國商品陳列其間。非但是埠為然。南洋各地如新架坡諸處。無

不皆然是為其獨具之特色。所以日人在南洋人數雖少。頗為歐人所注目。將來為後起之俊。

可斷言也。吾僑胞雖屬先進。然彼此相較。一則如旭日之初升。一則如殘春之花柳。盛衰之機。

相去甚遠。苟不力進圖改良。則我國人在南洋之勢力。不被其侵奪以盡不止也。

華僑在本埠者。約有五百人。佔本埠人口十分之八九。凡商品之出入。皆經華僑之手。他種人

無一不仰其鼻息。島中之馬來人。三三兩兩。絡繹不絕於途。其肩擔手提之商品。皆我僑民供

給之。此就埠中言之也。島內之地。凡相距二三里。卽有華僑開設之商店。臨於道左。門楹皆有通俗商業之紅色對聯。如生意興隆通四海。財源茂盛達三江之類。海天遼闊之地。萬綠叢林之中。任吾人播布文物於其間。地主馬來人。反退避三舍。此就大路左近言之也。林內馬來人所種植椰子檳榔等物。集聚無多。思零星以出售者。其間提籃擔筐遊走之販運人。亦皆華僑爲之。總之是埠商權。無巨無細。無一不操於華人。手商業之外。如樹膠。椰子。檳榔。諸種園林之經營。亦在在皆有。凡規模較大者。多屬華僑所組織。馬來人遠不逮也。近來建築事業日興。作木工者尤多。馬來人則除自建草屋外。無他能焉。

華僑守舊者居多。故教育未能振興。埠中於民國三年開辦一培元學校。分初等與高等。有生徒八十名。校址臨海濱。後因經費缺乏。只有生徒五十名。教員三人。皆來自國內。因南洋華僑皆經營商業。曉教育者殆無人焉。常年捐款。每月約七八十元。皆富商捐助。學費每人月一元。初等五角。近來熱心教育者。提倡貨捐。因守舊派不贊成。遂中止。題捐者復行加捐。因以未至倒閉。有私塾一所。學生約有六七十名。與學校成分立之勢焉。

風俗極爲迷信。年中七月十五日。報賽之風盛行。是日華僑每家持菓物猪羊之屬。累案聯桌。

多不可紀。燃燈燃爆竹糜費無算。閩僑與粵僑分日舉行。閩僑爲七月十五日。粵僑爲二十日。省界之嚴。可想而知。正月復盛行演劇。每年聯演一二月不止。埠中有廟一所。近因修改捐銀有六七千元之譜。每日來廟中焚香問卜者甚多。法以木板二。上圓下方。擲於地上。視其仰俯以爲識。語言服飾。半同化於馬來人。婦女老幼。除自操閩粵語外。無一不能操馬來語者。幼年童子。自七八歲。卽能操馬來語。婦女多不服中國衣服。服紗籠。跣足。髮盤束於頭頂。間有纏足穿中國衣服者。惟其足極小。有如馬蹄。且皆爲閩人。粵人則無有也。男子皆服短衣。洋式衣服無穿中國長衫者。最下等者跣足。衣皆黑色。中上等人衣皆白色與黃色。中下等人穿木屨及拖鞋。鞋後半無鞋幫便於著脫者上等者則著皮鞋。亦多有服上海式之中國緞鞋者。

賭博之風盛行。木埠有賭碼一所。

賭局也。有洋謂之賭碼。

承辦賭碼者。必當至荷人政廳承充。月中納稅

欸四五百元。以木埠華僑五百人計之。每人每年當出十二元。由此傾家敗產者。不可勝計。每

日賭碼中有三兩羣黑衣華人。作苦工者多服黑衣。公然聚賭其間。錢聲上下。紙牌滿板。賭

者置方塊木板於地上。以代桌案。肆中賈人。應酬於其側。極現出一種營業之精神。中國人不

知自哀。外人更從整齊而利導之。吁。可慨也矣。

賭博之外。復嗜吸食鴉片。鴉片歸荷人專賣。瓜哇有管理鴉片專官。由荷國政廳購入。復從瓜哇分銷所轄各地。吸食之人。應將其煙灰還納於鴉片僑（政局公立之鴉片官賣局）是亦由華僑納資承充。爲南洋荷國屬地歲入最大欸項。其歲入總額爲二・三四一〇・〇八四五盾。而鴉片專賣爲二七九五・七二〇〇盾。南洋荷屬地約有中國人五十六萬。每人每年應消費五十盾。吸食者之多。可以知矣。

華僑性質多樸實勤勞。智力不如歐美及日本人。然遠出於馬來人之上。故以開闢南洋之富源。馬來人愚惰性成。庸劣不堪言狀。已失其主人翁之資格。歐美人又不能忍苦耐勞。亦不克當此衝繁之局。惟此最富於粘著性之華僑。擔負其完全責任。統計南洋數十萬方里。莽莽炎域。凡繁華之市鎮。鬱葱之園林。無一非華僑輦路。繼踵手胼足之成績。復富於貯蓄性。不肯稍事耗費。所以無論工業農業與商業。無不握有全權。他種人則悉在其指揮之下。惟不知結合團體。無遠大思想。國家觀念最爲薄弱。省界分析太嚴。福建廣東分爲二幫。各幫不相聯合。所以將政權拱手讓於他人。徒自爲人作嫁也。

是埠有甲必丹。以福建富翁黃熙澄充之。兼爲培元學校總理。專司中國人納稅出口入口。

及荷人管理華僑一切政令之事。每人每年所納之稅以貧富爲比例。差自一二元至二三元不等。歸甲必丹徵收。轉呈報荷人。凡中國人初來是埠者。必經有埠中具保。甲必丹給與居留字始可。否則不許登岸。出口與轉赴他埠時。亦以甲必丹給與憑證爲衡。否則以私逃論。爲甲必丹資。格只以財力多寡而論。荷人藉其金錢勢力。以節省經費。用以華治華政策。收效甚偉。不能不歎荷人政策之巧焉。

第四節 峇眼亞比記

蘇門答臘峇眼亞比 *Baan Athi* 爲蘇門答臘東海岸之一埠。位於北緯二度零一分。東經百度零八分處。木荒蕪之區。開拓不過四十餘年。昔屬碩項蘇丹所管。繼屬華僑。今屬荷蘭。碧眼虬鬚輩。對於有色人種。嗜嗚叱咤。惟我獨尊矣。嗚乎。吾先僑披荆斬棘。胼手胝足。所手創之大好河山。坐令淪沒於不知不覺之境。其隱痛爲何如也。

埠建於鹿干河口。水量雖深。而潮流湍急。航海者苦之。華人之居木埠者。約萬人。番人不過數百而已。華人業捕魚者最多。營商者次之。捕魚以槽枰（福建土音）爲主。共約四百槽。均以修長之木料建豎而成。資本至少三四千盾。多則倍之。餘如大網蝦廊一百餘槽。綾仔七八十

槽。鉤釣二十餘槽。出口貨以臭魚爲大宗。月約七千餘件（凡裝包裝箱裝篋俱名一件）有頂隻天隻豬魚之別。銷瓜哇井里汶（*Cheribon*）三寶壠（*Samarang*）吧城（*Batavia*）峇煎（巫語稱 *Batjan*）一千件。有一號二號之分。銷泗水（*Surabaya*）井里汶吧城蝦米蝦糠共約一千担。沙魚肉數百担。三板跳魚一萬尾。三牙大魚什魚等約一千五百担。至二千担則英荷各屬均銷之。若山頂（指鹿千河流域而言）之籐柴料、椰子、樹膠、檳榔，諸土產亦由此裝入輪船。運往新架坡瓜哇棉蘭各埠發售。

交通以海道爲主。陸路大道有開往山頂之議。然自荷官易人後。事遂廢弛。汽船往來各埠者。每週約六艘。郵電局已設行政官最高爲君的力（*Comrouleur*）又有惹沙（*Diponegoro*）才得里（*Manulri*）雷珍蘭（*Lufennont*）甲長（*Wekm elir*）等。一日甲乙二華僑有交涉事。竟直接拘往惹沙巫官處查問。致被種種爲難。竊思僑居荷屬之華人。凡有訴訟事件。必先向華僑長處經過。不直。乃送交荷官。今乃不然。語曰（該埠俗語）『頭人不顧百姓艱苦』余憶此語。不禁爲之三歎。

市場分爲三部。中央巴惹爲商店之林。瓦式與亞鉛式之屋。計凡四百餘間。餘部則均屬茅舍草屋。爲漁房貨棧萃集地點。民國八年四五月間。失慎店屋盡成灰燼。焚去店屋二百餘間。合

商業上之損失幾達三百萬盾。越後五日祝融煽虐復焚去七十餘間。損失亦八九十萬盾。聞起火時。荷官並未出面監督救火。迨火盛時仍忙碌自搬。已物亦不見。一水龍車來。是時人衆雜沓。無賴黨徒及番人兵士等。則乘機攘奪秩序大亂。故哀鴻遍野無家可居者。觸目皆是。後來各埠慈善家寄來之番薯。又過十餘日。才開始分發。近復遭水師橫行。船舶板柵破壞無數。槽枓亦倒去二百餘座。損失不下百餘萬盾。嗟矣。何華僑之弗幸。而竟遭此浩劫也。

民德閱書報社。本與華商會社合辦。火災時同兆焚如。聞現在報社會社相繼恢復。社址位置頗稱適當。屋宇寬敞。整頓尙稱完備。聞係黃天降君之力居多。學校恢復籌辦處亦附設其中。近來埠中僑衆已公同議決。徵收出入口貨捐。以備學校恢復之基金。其餘團體不下十餘。然對於社會上毫無裨益。且時時互鬥。發生種種不規則舉動。致爲當地政府所封禁。現在水陸稽查極嚴。聞亦因有成羣結黨之野蠻社會人員肆意劫財害命所致也。

第五節 利芭蜡記

利芭蜡 *Ranipahan* 距峇眼亞比不遠。華人一千有四百。以捕魚爲業。故出口亦以乾魚爲多。每

月不下二千餘担。聞皆以帆船運入檳榔嶼 *Panang* 麻六甲 *Malacca* 吉龍 *Kuning* 亞沙漢 *Sohang*

直民丁宜

Yong King Tin

先達

P. Z. Zanten

棉蘭 Medan

勿撈灣

Banuan

勿撈涯

Bedang

新加坡

及瓜哇各埠。商店大小不過二十餘間。營乾魚者。因近來魚價大跌。故多虧本。有學校一所。學生五十餘。免費。教員三人。校中精神形式。兩稱完美。經費則藉貨捐及月捐。聞亦有貨捐不照數交納者。諸董事對於校務。頗盡力維持。埠中僅以一甲必丹治理之。該甲長丘君克峻。和藹可掬。愛護同胞。熱心公益。余往見之。殷勤招待。非似某雷珍蘭之傲物。凌人可比。利芭蚶有一黨派。共計二三百人。勢力極大。該黨宗旨無論何事。皆以武力對待。不分親友。惟以同黨者爲最親愛。雖父母或親族之勸告改善。彼亦不顧。當地警察亦多人。此會故彼等敢藉勢凌人。未卜荷政府有何以善其後也。

民國八年。峇眼亞比利。芭蚶。罹風災甚劇。錫江（西里伯之望加錫）報記載其事蹟頗詳。茲節錄其原文於左。以供參考。

『去年古歷十月十八日夜。利芭蚶狂風大作。海潮漲波浪滔天。爲開埠（不過四十餘年）以來所未曾有。計倒去茅屋四五間（計全埠約一百五十間）。板樑二十餘排。長橋三座及損壞船艙多艘。尤甚者。凡稍低之屋。多爲浪花滲濕。全埠居海中。聞其損失總

數約一萬盾海中捕魚器(俗呼槽枰)倒去四十三座每座資本至少一千盾多則三千盾以千五百盾平均計之亦損失六萬餘盾其轄下頂角頭 Look Pitih 地方由利芭蜡小路半小時可通華僑不及白人諸椰園約二十餘區海水亦大漲園中水深沒脛利芭蜡聯泰公司主人丘克峻君所經營之灰窰損失尤巨計約四百盾下角頭在利芭蜡北方茅舍十數椽華僑不過五六十人均以捕魚爲業茅舍亦倒去七八椽而華豐號主人丘克峻陳遠濕損失魚乾五六十担及諸附屬品至少亦約一千二百盾雙安南 Shan Nong 地在峇眼亞比與利芭蜡之中華僑不多業漁王水賞君(該埠代理僑長)之板枰亦被怒浪衝倒聞同時峇眼亞比板枰損壞百餘座大小船舶破碎者數十艘中有多艘滿載魚乾數運出他埠者亦都送往龍宮矣計每船魚乾其值至少七八千盾據海關調查損失額數至少八萬盾海中槽枰完全傾倒者二百餘座衝壞一部分者更僕難數按峇眼槽枰規模較別埠爲巨每座資本至少五千盾多則一萬盾是此次之損失當一百萬盾不特此也各種商業亦大受影響尤以漁商爲甚噫嘻火災之瘡痍未了風水之慘禍又來何峇眼華僑之多慘苦厄運也峇眼轄埠之井水港 Sumat 由峇眼往來水

程汽船三小時。華僑八百人。業漁。七星（捕魚具之名稱）倒去四十餘座。此種七星上皆建茅舍以居。人及曝魚棧魚。故傾倒時。漁者墜海不下二三十人。失踪者數人。損失總數達十餘萬盾。其港口之臭礁芭地方。茅舍二十椽。被大水衝倒破壞者。幾半數。峇眼對岸之四角芭（小島也）高務等地方。檣枰板枰房屋之傾倒破壞者。損失亦頗不資。又聞班哖 *Pindah* 轄之黎哖 *Laidong* 白沙坡等處之檣枰板枰。計倒去約百座。漁者失踪多名。損失須十萬盾云。是統計此次之損失。至少須二百餘萬盾。誠蘇門答臘空前之大水災也云云。』

第六節 民禮埠之實地調查

民禮埠在棉蘭之西。相距二十餘英里。地多平衍。間有邱陵起伏。土脈肥美。宜於種植。河流自西南來。東北流。至籠葛以入海。下游淺狹。不宜于行舟。近埠之地。大半開闢。計有煙園三十餘所。菜園四萬餘家。雨水充足。氣候炎熱。因有海風調劑。故夜間稍寒。早晚則清爽。宜人居。此堪稱樂土云。

此地昔爲麻打民族之故土。後爲馬來民族侵入。麻打民族乃退居山谷。平原廣野悉爲馬來

人種所占據。然麻打人固蠢如鹿豕。而馬來人亦不過彼勝於此。採果而食。鼓腹而嬉。大好河山。依然荒棄。荷人見而垂涎。要求馬來酋長許其代爲開闢。治理酋長許之。荷人乃廣招華工。從事開墾。時西歷一千八百十年間。距今僅百年耳。前之荆棘徧地者。今則變爲良疇沃野。昔之瘴癘不可向邇者。今則化爲山明水媚。昔也毒蛇猛獸。在在皆爲人害。道路不通。往來阻塞。今則猛獸遠遁。交通便利。百里如一堂矣。凡此與瘴癘惡木毒蛇猛獸戰而勝之者。皆我黃帝子孫。辛苦經營。徒使他人享其利益。亦可哀也。埠之繁盛。殆三十餘年。從前鐵路未通。吾華人大抵皆食力煙園之中。埠中不過零星茅屋數家小販耳。現已有商舖三百餘間。亦云盛矣。此地以馬來人爲多。其風俗有影響及於吾僑民者。茲先述馬來人之風俗及宗教。大凡熱帶之人。長受強烈日光之蒸。迫腦筋昏鈍。作事易倦。加以得食甚易。故皆流於怠惰。馬來人處此。自亦不能違此原則。其居於埠中及執役公署機關者。衣履略整潔。多西裝兼服紗籠。其鄉居之民。多蜷伏茅屋之中（形如中國北方鄉間瓜田中之瓜棚）。卑濕暗陋。下畜雞鴨之屬。人則寢饋其上。試遊巫人棲息之村。聞惡氣而欲嘔。見污穢而却步。零星散處。無聚衆同居之俗。兒童喜吸煙。鬥雞婦女頗知廉恥。喜裝飾。男女之界頗嚴。不知蓄積收獲之後。糶售殆盡。奉回教。

不食豬肉。每逢星期五。多往教堂念經。父母死子女笑而不哭。哭則咸斥爲不孝。笑則人皆稱爲賢。其違反人情之風俗。殊可怪也。吾華人久居於此者。相習成風。亦多服巫服。操巫語。習巫俗。婦人及兒童之染其惡俗者尤深。生於斯長於斯之青年。有不知中國爲何物者。有知之而羞稱爲中國之民者。見來自祖國之新客。望望然去之。若將挽然。此學校未設以前之現象也。及學校設立以後。風氣略轉。喪葬儀式。僅守舊禮。春期祭掃。極爲誠敬。嫁娶禮文。漸次改良。畛域之見漸泯。惟賭博之風極盛。婦女嗜賭。尤爲風俗人心之大害。不可不求改良也。若夫自奉儉約。任事勤勞耐苦。此則吾華人之特長。至今尙能保存者也。本埠有回教堂一。巫人崇信甚謹。宣道堂一。創辦伊始。人數不多。鎮元宮（華僑所建廟名）極爲熱鬧。每年演戲酬神。耗費不貲。亦可見吾華人迷信神權之一般矣。

行政權屬於荷政府。副擔（官名）駐焉。以華僑人數衆多。交涉事繁。特准華人公舉一人爲僑長。名曰甲必丹。巫人有酋長一名。俗呼之爲巫王。中等裁判廳一所。係棉蘭中等裁判官兼理。本埠所有警察及刑事訴訟。歸副擔治理。遇有重大事件。必稟承駐籠葛之大擔辦理。大擔每星來埠二次。巫人與巫人爭訟。其罰款在二十五盾以內。徒刑在三個月以內者。得由巫王

判結之。否則必稟請大擔及籠葛之巫酋公同裁判。焉民事訴訟。歸中等裁判廳辦理。棉蘭裁判官。每星期來一次。華人居此者。須向甲必丹出居留字一紙。過埠須再批明。否則以犯例論罰。每年納人頭稅自數盾至數十盾不等。巫人每年每人須納修路費六盾。昔無人頭稅。現則一體照納矣。

物產以烟葉爲大宗。樹膠椰子果品次之。

交通便利。有鐵路。有馬路。可以四達。有電報電話郵政等局。消息頗爲靈通。

學校有中華民國高等小學一所。學生一百三十餘人。巫來由學校一所。學生百餘人。荷人夜學校一所。學生二十餘人。英文學校一所。學生十餘人。中華閱書報社一所。每日閱報者平均八人。

本埠商店二百餘家。多我華人所經營。大抵以日用雜貨爲多。金舖亦不少。惟無金融機關。資本不能周轉者。多向吉靈人（馬來人之一種。專以放債爲業）稱貸。而納高利率之息金。此項漏卮。每歲約三十萬盾以上。亦云鉅矣。現有多數僑商。組織儲蓄銀行。不日即可成立。華人居埠中者。約三千四百餘人。多從事工商業。在煙園中任勞働之役者。約萬三千人。餘從

事農業者約八百餘人。近年來因歐戰影響。生計日艱。不似往年之有餘利。可寄歸鄉梓。

第七節 玲沙埠

蘇門答臘爲世界第五大島。上廣人稀。玲沙爲該島西部最新關之商場。水土甚佳。地價絕廉。農業適宜之區也。今錄之如左。

玲沙爲荷屬蘇島亞齊之一縣治也。前此以荷官計畫疎漏。目的不定。屢經播遷。華僑受損失甚大。是以發達極爲遲滯。自一千九百〇九年。始奠定開埠於此。建築碼頭。趕造鐵路。交通既便。商務遂興。區區一隅之荒野。八年前後之暑刻。商店由二十餘間。一躍而增至二百餘。零星茅舍。變爲渠渠夏屋。戲院兩座。製電磨粟諸機廠。相繼成立。荷非因數年來歐戰之影響。則進步當不止此。據當局云。該地之交通便利。田野森林礦產均富。數十年後。當駕棉蘭而上之。非虛言也。

位置在東經九十九度。北緯四度之交點。該管區域約五百餘方哩。東瀕麻拉甲海峽。西接哥羅連山。南連瓜勝新邦。北連怡里。東北距檳城約十六句鐘之海程。港灣澄深。不論何時。可容巨舶之出入。由碼頭市鎮。計程九哩。鐵路可通。汽車之幹路。始自本島極北之亞齊。經士吉里。

司馬委怡里抵本埠。再南抵勿斯董。計程七百九十餘哩。自勿斯董至火水山之鐵路。不日可相銜接。則可直達沙灣矣。鐵軌所經。馬車亦相輔並行。故道傍開闢之地。及小市村亦漸增加。蠢惰如豕鹿之土人。現亦稍稍知種植矣。

南洋羣島之士著。以亞齊人爲最慄悍。立國甚早。率奉回教。荷人領此。雖已百有餘年。而叛服無常。揭竿起事者。時有所聞。其蟄居深山大澤者。迄今尙未屈服。而商埠之荷人。幾乎無年不慘遭暗殺。故荷人不得不擁戴其酋長。以資鎮攝。並給其各村長以土地稅之徵取及土地之自由權。該處荷官對華僑之政策。似較他處略寬。蓋欲藉此以招致勤勞之華人。繁榮此寂寥之市埠。但隨身須帶居留字。越縣須領護照。警察裁判權等例。尙未改良。（上列諸件。於爪哇一帶已經改定矣。）揣其意蓋以棉埠諸煙園。苦工（名猪仔）甚多。恐被逃脫耳。將來能否禁止此損傷國體慘無人道之販賣人口惡俗。惟在我政府之留心。與夫國民之自覺。而運動促進此種政策之主動力。舍華僑誰屬乎。黑奴之沉淪。林肯且拼命救之。况我同胞之溺此深淵。日受慘酷者。凡屬吾輩。又安能坐視之乎。本埠僑寓華人之丁壯。現計九百九十四名。連婦孺計之。約二千餘人。再合該屬各村市計之。總數計八千餘人。土著爲亞齊人。邇年以來。頗受馴

化大變其頑蠻之性較北部之士民尤爲柔順。故向來視爲畏途者。今已蜂擁而來。吾僑寓此。多半營商。事農牧者甚少。除江蘇上海之美仁公司以外。範圍皆甚狹小。工界僅有建築上木匠及些小木工商之店戶。並起卸之苦力而已。人力車夫。前亦有之。後以僑人相戒不爲。今已絕跡。土產以胡椒爲最多。樹膠次之。柴皮木炭。藤椰之屬又次之。餘則零星不足屬也。礦產之已開採者。只有煤油。用自流管輸至火水山。而後製煉出口焉。入口貨以食料布尺爲大宗。餘如各種雜貨亦皆有之。

美國人李多馬博士。曾著論謂：「華人所至之地。雖窮鄉僻壤。靡不帶偶像邪魔與之俱至。十室之邑。便有佛廟。」余讀其言。嘗深嘆同胞受迷信之毒。盤入頭腦。牢不可破。乃不料今日得身履無木偶無庵廟之乾淨土。此玲沙僑界所足以自豪。而堪爲各大埠模範者也。矧僑此之民。因不求媚鬼神。不費迷信用款。惟致力職業。故其營業之發展甚驟。居處安甯。並無所謂陰魂餓鬼之糾纏。迷信之徒亦可以返矣。自民國紀元前二年。方君文良。陳君鏡秋來此。介紹同盟會員。傳播共和種子。及辛亥八月二十七日。大同書報社於以建設中華學校。亦接踵成立。而商場亦一律改用陽歷。自是以來。團體漸固。省界觀念亦漸泯。但方言不通。寸衷難達。故積

習舊見，尙不能一掃而空之。而救匡此弊，則在速傳播普通國語，增長愛國熱忱而已。謂余不信，則請觀本埠學校諸生。雖粵閩參半，然因用普通語，禁用方言之故，感情融洽，並無省界之閼隔。其效果蓋可知已。本處學校與報界聯絡併在一所，職員經濟皆無區別。經費之來源，分月捐貨捐兩種。月捐由各熱心家自認，年一千盾左右。貨捐由出入口各貨，每件抽銀二仙。總計年約三千盾左右。建築費小半由前清時擬欲建祖師庵之公款移充，大半由合埠僑界樂捐。而校址則由荷政府贈送。計費銀八千餘盾，式爲兩層樓。下層分三間，中爲報社，左右爲課室。上分四間爲教員書記宿舍及課室一所。後爲廚房校役及浴所廁所。中隔天井爲女生操場。前面地與左邊將爲學校園，右爲操場。一切佈置頗稱適用。惟操場尙嫌太窄耳。學生無寄宿者。學費一概不取。民國元年開辦，學生只三十餘人。現已增至八十六名。計五班，分爲兩級。高等一年班十一名，國民一年班三十五名，合爲一級。國民四年班十八名，三年班九名。二年班十三名，合爲一級。教員二名，每週教授三十小時。除英文外，各科悉用普通語教授。茲有該埠中華學校高等一年級生鍾利生國文成績一篇，附錄於左。觀此亦可推知僑學之一

鴉片之流毒論

哈沙中華學校高
等一年級十二歲 鍾利生

嗚呼。鴉片之爲害烈矣。蓋因其中多含毒質。有醉麻性。吸之生癮。欲戒甚難。既損精神。又失光陰。其爲害實不可勝言者。乃我國之人。吸之甚多。日夜不息。以致財耗身弱。此遠東病夫國之訛所由來也。考鴉片之源流。我國漢代已有之。原名罌粟。爲治病良藥。有止痛收斂之功。及百年來。英人始由印度而入中國。清廷禁之。遂釀戰禍。南京之條約告成。而鴉片之來源。絡繹不絕矣。噫。嘻。病國殃民。至於此極。凡我青年。可不引爲厲禁乎哉。

第八節 網甲島 *Thalang* 華工

一總說 蘇門答臘之東萬里洞 *Billiton* 之西有島曰網加。南洋羣島之一也。位於赤道南二度至三度。東子午線百零五度至百零七度之間。面積百五十萬方基羅。(一基羅合華尺一尺八寸) 叢林惡木榛莽。荒蕪與萬里洞等。植物以榕椰子蕉橡檳橘爲多。動物以野豬猴類爲最。沿海沙泥淤積。無泊船佳港。北部有一海灣。形勢頗佳。惟水淺礁多。輪船往來。仍極不便。幸四週濱海之地。長河小港。視他島爲多。故其漁業甚爲發達。尤以南部與東南部爲最。其他若島之東南端。附近有小島曰列巴 (*Pulau*) 人民專以漁業爲生活。

島之北部多山其最高峯高達六百九十九米突綠樹彌山風流雲動山麓有溫泉人跡罕至南部地勢漸低然仍無大平原其間山林邱壑培塿滿目幾與北部無差異惟潮汐往還濕氣較北部爲重而瀝水亦多漁業因此盛於南部胡椒性喜爽境北部甚爲乾燥故椒園以北部爲宜吾國工人之來此者除礦工而外在北部者多以椒業爲生在南部者多以漁業自給

(二) 荷人佔領網島之史略 十七世紀初葉此島本爲蘇門答臘之巴鄰傍 *Balindong* 國領

土荷蘭得瓜哇而後知羽翼孤懸海中難以保全獨立不得不遍覓海洋各島以爲異日鯨吞之計於是與巴鄰傍國王通好訂定與網甲通商條約並要求該島之採鑛權時巴國王不知鑛爲何物貿然許之此荷人來此島開鑛之嚆矢也十八世紀時拿破侖席捲歐洲漸及亞澳此島遂爲法人佔領未幾拿破侖失敗英人乘勝而吞併之於是網甲島完全與巴鄰傍國斷絕關係徵之文獻網島入於歐人之手蓋是時也華人之來此者爲數不尠其後歐亂消弭英人以此地隔絕重洋交通不便遂與荷領英屬附近三島而易之荷因將與巴鄰傍國通商條約完全廢止而斯島政治之主權純屬荷國礦業之興由此益盛

(三) 人口 人口總數全島約十九萬餘人華人九萬馬來人約十萬荷蘭人合政學軍礦各

色人等共六百餘人。陸軍全島四百餘人。除少數之軍官屬白人外。餘皆瓜哇之馬來人。充之海軍。無根據地。只就瓜哇所部之巡洋艦時往而巡視之。華僑之在此島者。半屬鑛工。半屬營商。及開墾種植等事。然其生活現象。較萬里洞爲優。以該島之開闢較廣。人口較繁。故其謀生亦較萬里洞爲易。茲將各埠華僑人口實數列表於左。

地名	男	婦	童	女	鑛工	合計
文島	一五三三人	七四三人	四五七人	四三〇人	一六〇四人	四七五七人
濱島	三六七三人	二四八〇人	一九六二人	一四一三人	三九〇八人	一三二六四人
暗南	一〇〇三人	六六四〇人	四五〇人	四〇二人	一三〇七人	三八二六人
沙旺	一九一三人	一〇〇八人	六五二人	五三九人	一八七〇人	五五八二人
高木	二〇七七人	一一一九人	七二一人	五一八人	一九六〇人	六三九五八
硫石	二五四〇人	一四二五人	七九六人	七三三人	一四二九人	六九二三人
烈港	三三一九人	二五二三人	二六六一人	二四五八人	四七五〇人	一六六一三人
勿里洋	三〇九〇人	一八八八人	一五一〇人	一四九八人	三九八〇人	一六六六六人
南旺	三三二九人	一五八七人	八九一人	七五七人	一四九四人	七九五八人

總計

七七—八五人

尙有各埠椒園工人未在其列。因椒園工人概係私人僱傭。一時未能查明。大概首推疏石爲最。約一千四百人。次勿里洋約一千三百餘人。又次烈港濱港約千人。其餘如文島南旺沙旺高木等處。每埠亦有四百人。是全島椒園一項亦七千有零。統計前後人口在八萬以上。其餘一萬餘人。大概卽鑛工之一部。執是以觀。則此一島亦吾國緊要之殖民地。未可以等閒視之。

(四)教育狀況 全島九大埠各埠有中華學校一所。文島中華學校生徒五十一名。濱港中華學校生徒一百零三名。暗南中華學校生徒四十八名。沙旺中華學校生徒七十二名。高木中華學校生徒六十九名。烈港中華學校生徒一百七十名。勿里洋中華學校生徒九十八名。南旺中華學校生徒六十二名。疏石中華學校業已停閉。有改良私塾三所。生徒共九十三名。碼池塘中華學校一所。生徒四十三名。其他鄉村市鎮鑛地私塾林立。生徒之多。實超學校生徒八分之五。然學校狀況大概處於風雨飄搖之中。非受荷人暗中破壞。卽感經濟困難之苦。而願讀祖國文字者尙屬寥寥。推原其故。要因荷人欲吸收吾國人民爲彼殖民地之民籍。威

酋利誘之所致耳。故各埠僑生有資本者。大都肄業荷校。其讀中國書者。不過少數之兒童。誠教育前途之一問題也。

(五)吾人對於該島之關係。大凡立國要素。以民爲體。以財爲用。體用兼收。然後國基鞏固。假使有民無財。尙不足慮。以其猶可經營實業。儕國家於富強之域也。如有財無民。譬輪機一具。作用雖能。駕人工之上。若無人力爲之驅使。其機關仍不能旋轉自如。利雖倍蓰。亦何用哉。可見輪機生死關頭。仍操諸人力之手。人力不足。豈得謂爲國家之幸歟。馬來人之在此島者。僅十萬人。而其所立經濟界之地步亦甚狹小。如南旺一隅。吾國人七千有餘。馬來人亦與吾國人數相伯仲。然其中只富商一人。詢其資本不過數千盾。其餘可由此推知。緣彼等神經頑鈍。凡吾僑民所至。彼族則退避三舍。其賴以生活者。近山林則以開荒種植爲生。近海濱則以泛舟爲業。毫無公共團體。卽有所得。大都出入於吾國人之手。故經濟界之勢力。毫無足道也。荷人雖握有此島之主權。而實力不足。事事仰給外人。深恐民智日開。終非得策。近日乃有殖民戶籍之施行。其用心可想而知。至吾國人之在彼島。實力之厚。馬來人固不能比肩。卽荷人亦當瞻望馬首。茲將該島經濟界之四大部。分述於後。以見吾國人民對於該島之關係。(一)鑛

業。鑛業全部純屬華工。據該島僑商報告約有四萬餘人。即調查時向該公司詢其實數亦有二萬二千餘人。其餘之數大概即吾國工人之自辦及隱匿不報者。今亦以二萬工人論。據文島礦局云。每年每工可得純錫九担。每担約值銀二百五十盾。則二萬人每年可得銀四千萬有零。此華工關係彼島之實力者一也。(二)椒工。椒園工人分兩部。一屬華人。一屬土人。土人一部勢力甚小。因其所辦椒園零星散漫。且每園胡椒至多不過二三百株。再增則無能力辦理。以其限於人力經濟兩方面也。華僑所辦之椒園則不然。大則數萬株。小亦數千株。每年每株約出銀一盾八鈔。每年每千株需椒工一人。今以全島七千餘工人計算。則所種之胡椒當在七十餘萬株以上。每年共得銀一百二十六萬盾。此華工關係彼島之實力者二也。(三)商業。全島商業除一慕娘公司而外。商權皆握於華人之手。但斯島慕娘公司之權力較萬里洞稍遜。因是島人民繁衍。該公司魄力不能吞及全島。故吾國商人尙得自由。未受該公司之支配。其他姑勿論。即以調查時所見之抵制日貨而言。即可以概其餘。當抵制日貨風潮劇烈之際。荷政府曾在星架坡三井洋行購定暹羅米十萬包。維持網甲民食。荷人以無此巨資。曾邀請吾國商人。合資購辦。吾國商人以爲屬三井洋行之物。抗不應命。該島遂大起缺米恐慌。嗣由吾

國商人出資十五萬。由瓜哇購運接濟。而該島情事始定。此華商關係彼島之實力者三也。
(四)租稅。租稅之日繁多。其一切細則姑不計。即以所得稅一項而論已甚可觀。查濱港暗南二埠人口。就民國七年調查。共有華僑一萬二千五百人。其中有所得稅者。四千二百三十七人。約佔兩埠人口十分之四。平均每人每年納稅五十盾。兩埠之所得稅。約計二十餘萬。可知網甲全島九萬人。共有所得稅者當在三萬七千人以上。每人每年五十盾。約計一百八十餘萬。馬來人未始無此所得稅。但因其實業不興。商務未旺。故納所得稅者亦甚微。此吾國人關係彼島之實力者四也。

綜上諸端觀之。吾國人關係彼島之重可知。在昔荷人。尚以吾國人民國家觀念薄弱。初不介意。近來愛國思想甚爲發達。因而亟籌遏抑之法。乃與華人以土地佔有權。未入籍者與以自治權。已入籍者與以參政權。但吾國人民多數不受其牢籠。當民國八年九月。因荷人殖民兵籍之實行。吾國人民風聞凡在荷屬地生長者。(此事本已宣佈然華人尚多不知)即爲荷屬地之民籍。至年十八時。應盡殖民地充兵義務若干年。欲回國者須繳保證金三百盾。否則不許出口。(保證金事尙未實行)風聲所播。全島騷然。就濱港一埠而論。半月之間陸續歸國

者七八百人。荷官聞之甚爲驚恐。曾傳各地甲必丹。令其勸導華人。至兵籍之實行。荷政府只限定瓜哇一隅云。由此可見華人爲荷人倚賴之深。蓋南洋羣島僑工。卽開闢土地殖產生業之主動者。原主人翁之馬來人。既無經營之能力。新主人翁之荷人。人少勢弱。只因有國力爲之後盾。故克坐享其成。此所以人倚賴華僑大有不可一日無此君之勢也。

第九節 西里伯誌略

西里伯島 *Sulawesi* 長八百餘哩。面積六萬九千餘方哩。等於我國一省。人口百八十七萬。種族甚多。北部有阿爾福拉人。中部西部有布幾人。南部有馬加薩人。沿岸市埠有中國人。西班牙人。阿拉伯人。日本人。中國人。本島只望加錫一埠。卽有一萬四千。合計之當有數萬。本島所轄諸島。共有一萬二千三百三十人。首埠曰馬加薩或稱望加錫 *Makassar*。扼西里伯之咽喉。與瓜哇之泗水港相對。人稱爲第二之新架坡。荷屬東方要港也。人口五萬。華僑一萬四千。荷人千餘。日人六十餘而已。荷屬東印度副總督駐焉。以統轄西里伯全島及其附近諸島嶼。駐有陸軍部隊。海軍亦時時入港。蓋荷人欲以此爲南洋之軍港兼商港。內以開發利源。外以維持其霸權於東海也。西里伯有布幾族人。相傳其祖先爲中國人。然無文獻可考。故不能證明。然有

帶刀之俗。住於馬加薩附近之哥亞部落。其酋長有刀。爲中國元時之物。其俗相傳酋長之祖先。當時蓋直接得之中國人。則中國人之在元時。曾與是島交通可知也。布幾族勇悍好武。雖荷政府亦不能征服之。近來漸有統一於其酋長下之勢焉。望加錫物產。大致與他埠相同。茲將一九一〇年主要之輸出額。錄之於左。

物品	數量
咖啡	一七七〇噸
橡皮	四八五〇〇担
籐	六〇〇〇〇担
香料 <small>丁香 豆蔻</small>	四〇八〇〇〇担
獸皮 <small>水牛山羊及 鹿皮爲主</small>	一三七〇〇〇担(牛皮)
眞珠貝	多至七千担 少至二七三五担

第十節 望加錫 *Magasat* 華僑狀況

華僑至錫遠在朱明時代。有前明故
墓可證時久根深。於經濟薄有勢力。現錫埠華僑共一萬四千人。

自設有貯蓄銀行一所大小商店三百餘家。然而金融操縱權握諸外人。移轉通挪時際。難免受制。進步遲遲。病殆坐此。幸僑人信用素孚。三數大商。尙爲外國銀行所心許。一切貼現貸款。幸不十分排擠。大商與銀行來往。小商恃大商周濟。交相維持。賴以周轉。日本商人團體。則以銀行政策壓迫外人。故人亦以銀行政策報之。在錫日商。無論資本厚薄。銀行靡有願與通款者。國勢強弱使然乎。抑商業道德之差也。

本埠有荷蘭商會一。農工商局一。商會分子。亦有非荷籍之西人。西人營業向多假手華僑。蓋上番智識蒙昧。不敢直接與西人貿易。西人以其混沌初闢。程度太低。亦不樂與親近。非華僑爲之介紹。則餘粟餘布。兩方均受困難。華僑乘其兩不聞問。因得操奇計贏。藉博厚利。今土番已拾級而登。西人漸降格以就。薄膜一層。洞破非遙。爲狗爲弓。言之心悸。現在雖不易即刻作到。顧西商已分遣哇哇。各國僑民在居留地生長者俗稱哇哇四出兜攬。兼收並蓄。細大不捐。或於各埠廣設小棧。

自貿自易。終臂奪食。損失宜然。猶幸所雇傭人。耐勞不慣。於貨之出銷地情形。尙未甚稔。且掣肘諸多。動遭意外。勤樸冒險之華僑。差有餘地自奮耳。至於包辦鴉片典當等事業。則與瓜哇一例。荷人悉數收回。非復華人所得問津矣。

華僑在錫歷時不爲不久。人數不爲不多。然終不能握商業主權者。則以歐美進口貨必向西商定買。少能逕購之於歐美工場。其價恆居奇。本地出口貨。除專銷中國外。必賴西商轉運。少能逕售之於歐美都會。其價恆抑勒。操權自彼。莫可如何。有老於商者。嘗謂荷中國似歐洲烟突滿空。工廠徧地。能銷納南洋所出生貨。復以經製造之熟貨。返銷南洋。則東西各族。無足競爭。祖國華僑。均沾大利。雖欲不富。其烏可得。觀此則我華僑可不於實業注意。注重注意乎。

望埠關稅之外。以所得稅爲巨額。

或稱身稅。俗曰人頭稅。

每百抽四至四五。

或云已漸加至百分之五。

華僑除教員醫生及

不操職業之婦女外。年登十六以上。苟非未入學校。或窮極無所得資者。皆當納稅。雖月入僅數盾。救死猶恐不贍。亦必按額責由甲必丹。甲必丹首抽收。錫僑全體。每年約納五十萬盾。甲必丹抽百分之幾爲辦公費。及各甲首薪水。數略相當。荷人坐享其成耳。土番苦癩甚。每年至少稅三盾。作官工。或月三日。或月七日。糧食自備。不給傭金。甚或徒步一二百里。以充力役之征。其指揮不如意者。且不免於鞭撻。慘哉。亡國奴。吾半死瀕亡者之候補者。寧無警覺於中耶。至日本及歐洲人。號稱文明。程度較高者。納稅程度反較下。每人每年所得不上九百盾。不納此稅。納矣。又必除去男女僕費。（工錢飯食等）如九百盾減爲六百盾。僅課三分之二。若一般商

店東人無固定年薪可計。則視出入口貨多寡及營業之盛衰。意定贏餘若干。依數按分抽之。其中以作仲買者爲最受虧。一經派定。固不能不如數繳納也。

所得稅之外有屋稅。按其屋十年內之時價。每百盾每年抽稅七角半。如某屋值一萬盾。則屋稅年徵七十五盾。其出租者。並視租額多少而參酌之。惟貨倉學校及諸公益機關則免。有器用稅。如椅棹牀榻等。凡爲住家及類於住家者。均須納稅。其稅率約照房租之額十二分取一。房租月十盾。則椅棹牀榻年徵十盾。十盾以上類推。以下免。學校及公益機關免。商店不兼住家不設廚室及牀位免。自由車即脚踏車每年稅三盾。兩輪馬車稅八盾。四輪馬車稅二十四盾。牛車免

兩輪小汽車與脚踏車同式稅八盾。摩托車稅約四五十盾。有遺產稅。每百抽五。有馬稅。一匹年六盾。

二匹年十二盾。三匹則第三者須納八盾。四匹則第四者須納十盾。五匹則第五者須納十二盾。防遏奢華。多取非虐。然亦限於家用。出稅者則抽其所得。不重征也。有狗稅。每隻年六盾。宰牛每隻規費四盾二角。宰猪大隻三盾六角。小隻三盾二角。作居留限字即登坡字。每張規費二盾。

六閱月轉字一次費五角。日本及歐美人一年轉一次。完納所得稅年八盾七角以上。至三年滿得改作王字。

即永久居留字。費十盾。不及八盾七角者。須緩至五年。日本及歐美人三年滿後。出水路字費六角。出水路字如欲言歸中國

者須先拍一照像存據由甲必丹認爲守分之人再向荷官用字始得邀准否則認爲違法此係千九百十六年之新例彼所謂守分者不知何所指證人心不同有如其而該甲必丹非置一照心鏡究何從一一知之即知之亦安能必其不感情用事耶非法之法曷勝浩歎

婚姻登記費一等二十八盾半二等十二盾半三等七盾半最少五盾半商業註冊費視資本之厚薄由百盾以上至五六百盾不等其中損失最大者卽華僑沒後無子遺產未定誰屬幾千幾萬悉數入官日後雖有正當承受人亦未一定能領回至沒後子幼則依禁治產條例聲稱代爲收存每年由政府核其用度發出生活費若干如不殤得長成至婚娶者乃經若干手續照數頭回此十數年間之利殖名義上雖亦算付而實等於無據中荷兩國所訂荷蘭領地殖民地領事條約第十二條中國臣民在荷蘭領地殖民地死亡如無嗣續人並無從查知執行遺囑之人則荷蘭國領地殖民地法律命令所定管理嗣續事務官員應從速知照中國領事官俾其切實通知利益關係人如領事官先知其事亦當知照荷蘭國嗣續事務官該管地方官應將死亡證據正式錄稿送交領事官以爲補證（前項之知照不收費）按吾國領事職務條例第九條僑民在外身故所遺產業如未留有遺囑無親屬證明領取者得由領事證明暫爲接收一面詳報外交部轉行核辦誠使荷蘭官員與吾國領事各能信守條約尊重僑民權利則遺產可以保守而無失綜計荷蘭屬地七十五萬方哩華僑一二百

萬歷時二百餘載。其中所保存者。不知幾千萬盾矣。

附錄西里伯斯島暫居字內容如左

茲有華人

生在中國

年

由新加坡搭

火車

管駕官

抵吧於一

千九百

年

月

日准限居因蘭地六個月。遵和蘭國一千八百七十二年第四十

二號國例之第一款。若無通商海口不得便往。第二款已經畫定。華人村界之外。不許居住。並不許寄宿。

該六個月限字。各宜仔細收藏。如將近至限。速將該字繳呈保黎司關。都以便再展限期。如有欲往別處。不論水程陸程。均宜懇給路照。違者罰銀五十盾。其無六個月限字。及居因蘭地案奪字者。罰銀一百盾。并逐出因蘭地外。若非由六個月字再求展其限期者。即不准給與案奪字。（按瓜哇居留則例較寬）

以上均華僑對外關係。層層高壓。重重重負。所以遏僑產之增殖。抑僑力之膨脹者。已如水銀瀉地。無孔不入。華僑不自警覺。其相互間之交涉。每每逸出正軌。他殺不足。似欲自殺。以助之。有如經營同業。旗鼓相當者。收入則競趨高價。而土番利售出。則競貶低價。而西人利或因競

爭而生惡感。因惡感而圖破壞種種。嗚呼！人信用損壞營業等行爲。莫不徇行逆施。甚至爲虎作倀。教猱升木。害人自害。結果皆虧取快。一時遺患畢世。失今不返。同歸於盡耳。荷蘭某報有言曰：『華人自邇年來已移排外性爲排內性。凡華人與華人間之爭競。莫不大告奮勇。如因小口角而鬥狠。雖殺身無所悔。當兵死敵恐未敢也。因小財貨而涉訟。雖毀家勿暇。輸財助邊。或未聞某業利厚而經營者屬華人。繼起而加爭之者亦華人。如某摩托車公司甫慶得利。第摩托車公司出矣。其何人非日人。乃同國同族。或且同省同縣之別。一華人某製冰廠與某製冰廠亦猶是。吾不知依樣者心理若何。早稔該業可作乎。曷爲不先出世也。果志在競爭以求進步乎。東西洋人所營種種事業。獲利多可駭人。曷爲不亦效顰乎。吾誠知華人如此。如此非於吾有關係。第既號稱人類。竟有此種奇異之排內性。不可謂非怪現象。吾愚不解。吾欲質問華人以吾所見華人行爲。可爲排內性之證明者。難以枚舉。上述二例。則瓊埠所共知。華人幸勿謂予誣。嗚呼！噫。嗚呼！同胞其諦聽者。華僑在外。既有上述劣點。故其愛重國貨之心。亦異於他國人。夫以華僑林總之衆。通常所需諸日用品。何可勝數。倘能一一取給祖邦。並藉自設商業機關。紹介推銷於外人。則吾華之貿易額。直可超過各國。雖曰內地工業未興。

商品供應不足，第使銳意擴張，至總貿易之半，則挽回利權已屬不少，乃蹉跎失敗，未脫荷報之所謂排內性，不但不愛重華貨，且鄙夷華貨，更甚於異種人。由是華貨之輸入，西里伯斯島者，僅有海味、乾菓、茶葉、藥品、紙張、帳簿、筆、墨、硯、各色藥酒、紹興酒、及廈門陶瓦、上海泰豐暨廣東各處之罐頭食物、閩粵兩省所出之油紙、雨傘、毛刷、缸甕、紅煙、金絲煙、條絲煙、及南洋兄弟煙草公司所出香煙。奉天諸省所出黃豆等，自中日新交涉發生，振興國貨之聲，普徧國內外，華產布疋紡綢銷數始大擴。餘如石炭、蠟燭、及廣生行所出雜貨，輸入亦稍見增多。爲一般愛國者所樂用，是可喜也。

民國紀元前十一年，錫僑李連喜、陳福水二君，慨華童失學，倡設學校。李君捐銀八千盾，獻出地業一段，價值四千五百盾。陳君捐銀五千盾，埠中富而仁者，或千或百，相與贊助，幸慶成立。維時風氣未開，學科尙難完備。迨民國紀元前三年，湯河清等創立華商總會，遂將學校併入商會兼辦，並再建新校一座。兩校基本財產約計有七萬盾。歲入學費約四千盾，貨捐約有六千七百盾。店租約千五百盾。義務捐及雜款約四百盾。歲中教員薪俸約七千三百盾。庶務及書記薪俸約九百六十盾。丁役傭金約千盾。修繕及消耗費約八百盾。學費徵收，有無相濟。

主義稱其家之貧富。公定等別一等月四盾。二等二盾半。三等一盾。孤貧者免。旭日方升。明光大放。越至民國二年。學額遞增至二百餘。初非荷人所及料也。

中華學校既呈破天荒之進步。由是而荷人亦露破天荒之注意。吸收華童。施以同化。今將其所立華僑小學校錄之如下。

荷立華僑小學。成立於西歷紀元一九〇八年。專招華童入學。最粗淺之第一二冊中。均將愛國愛種獨立自強諸名詞。刪除淨盡。薄中國而崇荷國。爲書中主旨。華僑因其有利謀生。就學者漸衆。由數十人增至百餘人。一九一五年。竟達二百六十四人。分七級。男教員三。女教員四。一九一六年。學額更進。校莫能容。荷政府擬更建廣大校舍。可容五六百人。學費最多月四盾。最少月一盾。用品費在內。七年畢業後。可入荷蘭中學預備科。輟學者。介紹入西人商店服務。天秤稱物。一端翹起。則一端必下垂。華僑立中華學校。與荷立中華學校。爲相對之兩端也。荷立受僑立之激刺。而進行益銳。僑立受荷立之競爭。而朝氣轉窒。民國三年。商會會董有建議取消貨捐者。經費告絀。勉強維持。學生名額與年遞減。雖於重建校舍。不無刷新氣象。而兩校合併教室。僅五。亦乏擴充餘地。民國五年。學生數祇餘百二十名。豈僑胞果不荷人若耶。是在

錫校諸驛員之自奮耳

中華女學校民國二年八月成立學生二十餘初任教員爲何遠楨女士何氏品端學粹僑界頗歡迎之長年婦女多於晚間從之學閱寒女界漸放光明未周年而何氏卒續聘林俠華女士弄書兩女士以女校位置不在各生住所中央通學路程遠近懸絕距離稍遠者欲乘車則耗費不盡能堪欲步行則迷途又覺可慮學額因之不甚發達

中華商務總會成立於前清光緒三十四年十一月會址在中華街會所卽前福建公祠頗寬綽適用商學書報社成立於民國元年初時社員衆多每星期日必開演說會平日之氣欣動全埠越一載餘毅力不繼勢如弩末後得舊社董鄭浚卿君廖躍門君朱容吾君新社員鄭英才君施荷農君水玉山君等合力維持舊觀稍復矣聯義會館係廣州人組織同仁會館係梅縣人組織均以團結衆力聯絡鄉誼爲其建設之旨趣福州會館宗旨亦同同鄉抱病關餘室以將護之新客無業合羣力而紹介之雖有畛域之私尙具愛鄉之熱民國既建陳煥章博士倡孔教於國內錫江順此潮流亦有孔聖會之設立其信仰孔聖者多僑生而少新客以致滿壁規條非尙文卽巫字開會演說非巫語卽上談據聞現將逐漸改進聘定一宣講員以閩語

或國語宣講孔道並摘要譯成十字印送全僑女界蓋十字易學僑生婦女無不識之欲利用之以行其化也餘如長安堂光裕堂樂善社德善社等皆以弔喪助葬爲其共通目的與各埠所謂喪事會略同其成立最易其會員最多西人政策僑胞程度可以覘焉

冰廠有二一者均華僑非西人棄其利而不爭也華僑聯股份挾雄資薄利殖貶冰價以與西人角屢角屢勝結果遂爲華僑所專利電影劇兩臺亦華僑所有荷官徵其利之十一贏獲尙優厚蓋幾經歷厲始奏此外競之凱歌軒轅管子吾筆吾墨且助慶焉中華新戲社藝員皆屬中布置一如新戲惜所演多馬來故事度曲說白儼然第二馬來人幸諸藝員熱心愛國國民捐水災捐學校捐借助殊屬不少椰油廠一華僑合股經理執事概屬荷人勢力不侔利益差異太阿倒持實華僑之自貽伊戚也

耶穌教堂一奉新教者歸之天主教堂一奉舊教者歸之病院一內部稍隘位置尙佳入院分三等末等不收費惟須執有各該甲政(官名)之介紹書僑長湯重昇君以其不便吾僑慨然自設濟醫局聘林君庭槐主醫務每日午前自七點至十點午後自三點至五點爲贈診時間置醫簿一內分存根處方二面凡就診者必詳誌其姓名及所處之方劑所患之病症所呈之

效驗。以負責任而備調查。厥後林君移寓泗水。涂君道周繼其任。今涂君歸國矣。濟醫局亦與之俱去。爲仁不倦。望湯君之有以善其後也。

古物陳列所一。內藏上番之舊兵器、舊樂器、及古人形、古衣服、古牀帳、番酋屋式、小舟模樣。觀者費三角。觸目驚心。華僑自別具懸想。不知故主人感覺何如也。邇因吾國光復影響。上番中亦有革命運動之破獲。該所遂閉而不開。西族深心吾爲此懼。或謂由陳物屢失。故嚴扃之。恐淺之乎。測荷人也。

由中華街南行至巖孫街。意即空地草場一方。綠樹叢立。音樂亭俱樂部錯綜其間。中有銅像焉。卽

開關之首功者。有公墳焉。卽開關之戰死者紀念前勳。策勵後進。蓋非特衛生之助。而實寓社會教育之意焉。

由日本街前行。有華僑公塚。向乏照護。牛也馬也犬也羊也。一任其蹄躑踐踏於墳壙墓田間。塋域傾圮。形骸暴露。雖至曠達者。目擊亦難爲情。前年張君崇傑等出爲提倡。募各商號。資雇數番役。逐日鏟鋤荒草。修葺塚道。並稟荷官立案。於公塚出入兩門。得自由關閉。有欲營葬或掃墓者。必由甲必丹廳出字。否則不能隨意入內。整治有章。澤及枯骨。費微而德至厚焉。

甲必丹官名。荷人設之以資統馭。其性質半屬官派。半屬民選。其他位則華僑甲必丹與巫來由甲必丹阿刺伯甲必丹無上下牀之別。歐美白人。大和民族。居留政府不爲設此榮銜。抑亦彼不願居留政府。以此榮銜相加贈。惟甲必丹爵秩雖微。而對於華僑則頗有權力。愛羣耶。媚外耶。造福耶。賈禍耶。悉本於甲必丹之一心。欲爲善則善。欲爲惡則惡。欲流芳則芳。欲遺臭則臭。悉聽諸甲必丹之自擇。錫江前甲政湯河清諳練法律。勇於任事。荷官有創例壓制華商者。必訴而除之。荷警有違法逮捕吾僑者。必爭而釋之。若者辱國。若者病民。凡可以何種方法減輕蠲免者。莫不散其財。殫其力。偉哉湯公。千載後口碑猶載道也。甲必丹之下有雷珍蘭。有甲首。規制略如上民。

錫江僑生婦女。性情習慣。言語裝束。與番女初無甚殊。惟番女外出遊行。類多蒙頭跣足。華婦女則不然。辨別之點。賴有是耳。番無姓。不出五代。卽互相結婚。富家婚娶。例於前數夜出遊。鑼鼓鑿鑿。燈燭輝煌。新郎居彩座之中。番族隨者百十數。衆口喃喃。恍若持咒。華僑尊重祖制。古禮未忘。姓氏宗族。世守勿失。雖不能用夏變夷。幸尙不爲夷變。至於飲食居住。每多濡染番俗。男女將屆長成。甚或沿行割禮。在華僑以爲無關宏旨。而西族則恆引以爲笑。庚辛而後。風氣

漸開陋習稍殺民國成立易服改裝尤爲革新之大紀元然好清潔重衛生哇哇終勝於新客。房屋必整齊衣服必清潔善爲種種戶外運動靈捷或過歐人交際頗和藹賓朋宴會料酒司煙躬親執役不辭勞苦辦理社會事務亦皆秩然有序能使觀者肅然起敬惜乎對於生身父母比較的少能敬重順從服勞奉養有如伍秩庸博士所記美國某少年謂父母生彼未嘗經彼同意故父母之於彼有以正當方法撫育之之義務而奉養父母則非彼之義務之一種怪心理猶憶某老者言某街某哇哇向父索錢父不與哇哇推之仆地冷然笑曰「冀意新客力強早知如此搏之久矣」蠻野情態聞之髮指某街某哇哇通荷文服務於某商店月薪三百盾既娶卽自父析居一日至父家父命寫賒酒單爲值不過兩盾許寫畢請父簽字父曰「若簽之可矣」某怫然曰「爲若代勞又爲若出資耶」以頓年教養之恩無一罌醪酒之報世之抱獨身主義者其亦有感於若輩不欲爲子孫空作牛馬歟

距錫江海岸十八英里有村市曰嗎律華僑約百餘商店三四十號屋之建築或以銻（卽鉛板）或以棕欄葉土產米爲多亦有甘招里等由嗎律前進六英里曰萬定武汝有一山泉清而冷每值星期養生者恒驅車就浴此外有選遇民拉紗出產芒果尊加拉拉出產綠豆馬加

來因初無特著之產品。自僑長湯君重畀購爲墾牧場。聘蔡君師堯經理墾牧。所出香蕉波羅及各種糧穀雞子頗盛。誰謂吾國無實業家耶。

第十一節 明清制錢通行地之安班瀾 *Amboina* 及巴里 *Bali*

安班瀾簡稱瀾江北距望加錫西距泗水均爲一日餘之水程。碼頭建築不及望加錫遠甚。來往輪船下碇海中客貨起落俱用木船轉載。風吹浪作欹側不定。惟傾覆者絕少。以輪船式合宜。逆來能順受也。土產煙米爲大宗。煙質佳。色澤油潤。可收貯二三年。業煙者多居奇待價。雖歷一二載。而芬芳馥郁。轉勝於前。華僑每年裝載外埠約三萬担。荷商運輸歐洲。上番直接貿易數亦不少。米廠華荷各二。在昔穀米初登。土人多負販於市。華僑薄有資本者。買賤賣貴。頗獲贏餘。今則同族相競爭。就土人採買。土人乘機抬價。大收漁利。老（樹名其葉可以同檳榔嚼食土人嗜之）葉初無出口。近因峇厘峇磨各埠產額不豐。全賴此地接濟。每日運往他處者不下十數萬簍。芝叻（植物名）皮色白熬水調德國靛可爲染料。本無出口稅。聞有某某者欲專其利。自與荷約。每百斤願納出口稅七角半。由是凡經營是業者。欲輸出若干担。必先向荷官出字還稅明白。方許放行。否則將貨截留。若私鹽然。顧商人雖按担完納。而放行之字。時

復不免延擱。停越數天。銷路因致阻滯。椰乾年約三四萬担。中西大商號。初僅收買乾椰。近因各爭利權。並生椰亦雇傭採購。從事晒曝。餘如綠豆、赤皮、甘蔗、里殼、尖尾螺等。均爲主要輸出品。

安班瀾昔曾內附吾國明清制錢。今猶有用之者。三十年前。峇厘番亦嘗主此土。所謂峇厘十八國。安班瀾其一也。對面之山。峇厘王居之。所領田土廣闊。四望無垠。當其盛時。貫朽粟紅。固數數見。然際茲強權世界。既不能遏外力於機先。又未能張己力於不敗。致十八兄弟之國。僅二十年間。先後爲荷蘭所併。聞當日荷兵迫境。王慮強弱不敵。頗將順之。皮幣犬馬。曲意奉事。而暗中出巨資。購輪船。以通貨物。殖財用。並託華商秘運軍火。救國未始無心。惟華商勸於海口。建造礮臺。防備不測。王因循未能聽。既而與荷人構兵。倉卒之間。發憤抗戰。被圍半載。效力拒。竟殲其全師。危而復存。後荷蘭續發大兵。並以巨礮轟擊。土王戰器不利。遂爲所俘。解往吧城。華僑早履是邦者。身猶及見。其因戰爭所受損失。無所取償者二百餘萬。

峇厘王同族。有稱爲貽踏。牛實地。各分級。猶滿清親王貝子。土人有二種。曰峇厘。曰熱熱。熱熱係色南種類。人數居十分之八。叛服靡常。荷兵既至。密作嚮導。性狡詐無信用。荷政府限制之。

且論各種人等。凡與此種人交易。買賣賒借。至多不可過二十五盾。蓋華商常被拖欠不還。訴於有司。有司不勝其煩。故立此限制也。峇厘人居十分之二。男子耽逸樂。懶謀生。惟賦性慷慨。勇於拒敵。平居外出。恒插刀劍於臂後。劍鞘刀柄。鑲珠爲飾。以自豪。婦女經營生業。信用尚佳。華僑多樂與交易。峇厘人待嚙嚙人若佃工。傭奴。甚至嫁娶亦不平等。峇厘人可娶嚙嚙女子爲婦。嚙嚙人不得娶峇厘女子爲婦。貴賤尊卑。沿爲定例。今歸荷蘭。階級稍稍殺矣。

當土王未敗時。雖卑視嚙嚙。而極愛重華僑。時王約六十餘歲。猶康健矍鑠。華僑甫至。乏資本。買薄物爲贄。往面王。王卽與以銅錢。或數十千。或數百千。俾各自營生業。日久稔熟。再向王求某物專賣權。無不應者。緣此而埠中各貨多有包戶。瀾語謂之萬達包戶既繁。土民遂受刻制之苦。其

與今日中國舉生計大權。不惜讓與斷送於異國異族者。將毋同。又何暇爲土民哀哉。

又有一事可記者。荷屬各埠米之買賣。均三十担爲一車。安班瀾則三十二担爲一車。其以王愛華僑故。因初到未有生業。勢不能一一推食解衣。必暫寄身於各包戶。王乃與包主約。令賣米者以三十二担作一車。買者仍得三十担。餘兩担爲華僑初至者膳宿費。又於各包戶處察其舖中多華僑食指。則色然喜。否則責其不能安養華僑。有傷已德。故爲包戶者。恒以少寓華

來新客爲羞蓋欲順王意也

土民以農作爲主業。暇則駕車營利。現計全埠兩輪馬車已達七百餘號。四輪馬車尙少。摩托車僅有十餘輪。荷人設大摩托車二三輛。車身可容三四十人。專備僦客往來拔來野戈邦納務峇利等處。每英里每人稅五仙。帶貨者酌量加費。商旅便焉。

色濫派之囂囂人。每年於鄉黨中擇其有名望者一二人往瞻聖城（回教聖城美低拿）回鄉後可稱爲緞哈喻於其去也。則盡傾鄉中人以送之。及其歸也亦盡到海濱以迓之。蓋渠經一度之遊歷。智識自增進多少。自歐戰興起。禁不放行。所省遊費一年約二三十萬盾。

土人有所謂盤璘勝者。蓄全髮盤旋作螺髻狀。如我國道士裝。男女皆同。樓屋不敢入。謂恐受污穢。袒裼裸裎。婦女則以綢巾掩其乳。吹角搖鐘。大呼小叫。富人遭喪必請此盤璘勝誦經懺悔。然後火化骸骨。送其灰於海濱。未化以前。須先求其符水洗淨。此符水之價值無可衡量。視其家之貧富而定多寡。雖前土王之尊。亦必聽其需索。不敢少吝。且與抗禮公庭。奉爲上客。請神祀鬼。均待此輩之指揮。行香獻花。尸位致祭。諸儀節皆與中國略同。最異者凡父母之喪。門前燃燈。燈上必蓋以麻布。情景絕類吾國。或謂宋神宗曾以宮女下嫁峇厘王。規制相傳至今。

代遠年湮。蓋難以稽考矣。

海關稅率略如望加錫。惟荷蘭有短期輪船。恒於星期日抵安。商人向海關領出口字者。例納簽字費一元。如在夜間配貨。每閱一小時。亦須加費一盾。稍逾分晷。卽作一小時計。是亦一種苛索也。房屋稅器用稅。昔時均由官署書記稽查而定稅額。邇年更易章程。令人民自行投報。其有稅過多不能堪命者。可於未訂前自行分訴。賭有禁。各色人民若以某種事由向政府求出賭字。每日繳費五十盾。包餉者所得實利。或至十倍以上。然期限至短。且爲萬矢之的。尙德知耻者羞爲之。

全埠商店八九十號。華僑總數數千有餘。中華商務總會成立於前清光緒三十四年。會董三十二人。出入口貨屬華僑所經營者。皆酌量抽捐助費。中華學校頗發達。男女生計百餘名。有高等一級。國民四級。歲出經費六千餘盾。歲入學費及義務捐約千盾。不敷之數。均由商會補助。校舍從新建築。址在吧剎橫街。與商會毘連。落成後擬別聘女教員爲振興女學計。是可欽也。

巴里

由瀾江西駛水程十餘小時至峇厘陵或稱巴里。港內波濤迭起。輪舶不能傍

岸以舢板載卸貨物。間被浪花傾覆。一長橋貫海而出。橋之極端架一亭樓。左右設板櫂。華荷各界暇輒就憩於此。樓側可艤舟。拾級卽上。前行十餘武。荷海關在焉。左轉入市廛。有銀行一。商店約三四十號。明清制錢。行用頗廣。每角易六十文。歐戰起後。銅鐵價昂。輸出星洲。日輒數萬。荷政府以主權所係。蓄意掃清。不似我國號稱獨立。習用西班牙墨西哥日本銀。固恬不爲怪。華僑總數兩千餘。中華學校成立於清宣統元年。教室二。學生百六十。校長教員各一。華商總會成立於清光緒三十四年。會董三十人。會費藉貨捐挹注。歷年積下基金。核計有三萬盾。最近貨捐停歇。拮据驟形。又於三萬盾項下。提出萬八千盾。建築新會所。新校舍。尙餘萬二千盾。存放生息。並收十座房租。爲維持商學費。荷立小學校。教授土人及各色僑民。西歷一九一五年再建初等補習學校一所。規模精美。蔚然大觀。

土產咖啡。年約六七萬担。椰乾年約四五萬担。運輸歐洲。華商少能直接貿易。價格每爲猶太人所把持。欲升升。欲跌跌。華商幾未能抵拒。土番一面又能伺察升跌之勢。以定售否。故經營亦復不易。落花生六月下種。收成在九十月之間。約有三萬餘担。除本地銷售外。餘額悉輸星洲。阿參約有三萬担。土芬絲六月收成。至九月完竣。約有二千餘担。上莊每担三十餘盾。生豬

生牛輸出亦盛。

上番不御衣服。婦女遊行街市。乳峯垂露。狀若搖鈴。食猪肉爲各地土番所絕忌。性迷信。每年某日。必行逐鬼禮。名曰熟悲。男撞鐘。女擊臼。聲勢洶洶。作驅逐貌。如此一日或三天。晝不舉炊。夜不篝火。行人車馬咸無能越。意恐魔鬼附驥。入社爲崇。又嘗迎神海濱。音樂前導。番婦盛裝魚貫而行。髻插金花。搖搖生動。手托銀盤。滿貯香花椰子檳榔等。背後各一人捧華蓋。蓋中結新布。最後有男子拾小輦。輦中空空。意卽虛位以待神。其音樂聲韻悠揚。頗類閩樂。用器亦酷似。然皆土人所手造者。詎非傳自吾國歟。

第十二節 瓜哇誌略

瓜哇 Sumatra 爲荷蘭東印度最主要之島。東西長六百二十餘哩。南北廣百二十餘哩。面積合馬都拉共約五萬方哩。人口約二千八百七十四萬人。每方哩約得五百七十人。其密度在世界中少與比倫（僅次於比利時）

氣候絕少變化。熱時達二十六度三（五月）冷時爲二十五度一（二月）此雖就巴城言之。然各地亦與此無大差異。

本島重要物產。爲甘蔗、咖啡、煙草、幾那、茶、米、胡椒、藍靛。其餘如林木、石油產出亦盛。交通甚爲便利。島之中央有橫貫東西大鐵路。主要各地皆可相通。道路亦頗完備。

本島大埠一、巴達維亞 *Batavia* 爲荷屬東印度之首府。總督駐焉。人口十一萬六千（內歐人八千九百十人，七萬八千我國人，二萬七千其他二千人）。我國有領事駐焉。二、蘇拉巴雅（泗水）*Surabaya* 在島之東北部。人口約十四萬七千。中國人三萬。爲本島第一都會。造船業甚盛。海軍駐焉。商港兼軍港之良好地也。我國有領事駐此。三、三寶壟 *Semarang* 在本島中部北岸。人口九萬。有我國人約三萬。爲本島三大市場之一。四、梭羅 *Solo* 在泗水之西南內地。人口十一萬。本島第三都會也。爲梭羅州首府。中央有土王之宮城。五、日惹 *Jogyakarta* 在三寶壟之南。爲日惹王之首府。與梭羅同爲自治州。惟荷人派理事官以監督之。名爲自治。實則荷人之傀儡而已。

第十三節 瓜哇商業中心之泗水 *Surabaya* 港

泗水爲瓜哇島商業之中心。埠中華僑總數約三萬四千餘。商店六百餘。多屬糖米、咖啡、國貨、雜貨、鐵器、番藥諸業。歐人總數一萬一千餘。惟凡新客入口頗覺不易。新客入口之手續數年

來日益嚴厲。當民國紀元前。僅由船主列報搭客名數於入口檢查員。經醫生檢驗無傳染病或瘋狂病者。即許登陸。由關員或巡役查驗箱籠。並於小室內摸捫衣袋。無犯禁或走稅等弊。便可自由前往八芝蘭市集。民國紀元後。始定東方新客入口由稽查員在船中發給登陸照。每照繳費二十五盾。旋定華籍新客入口於繳費發給登陸後三日以內。設第三日適遇星期或荷蘭合律休息日得延至第四日若亦係星期或合律休息日得再延一日須覓安人同至居留字辦公所。即移民事務所擔保。方許給換暫居字。暫居字上向例須由木人用大指指模代簽號。如能書英荷巫文者。亦可以英荷巫文簽之。獨不許用華文。吾僑深以為耻。民國四年經泗水華商總會會長中華學校總理李雙輝君商請荷官刪去指模之例。改用華文簽號。如有一二不識華文並不識英荷巫文者。仍用指模。當經荷官據情轉稟吧督。由吧督核准。惟擔保之人。須依法定資格年納所得稅二十五盾者可保一人。年納二十六盾至五十盾可保二人。以上類推。中華商會名亦得擔保之。旋復改定入口稅二十五盾。須於出發地之上海香港廈門等處。預先還清。到瓜哇時如其人執有王字（即永久居留字）或合法出水字。或係屬地生長之哇哇。則將前納之二十五盾退還。至新客之擔保者。除依法定資格外。又必為店主確欲聘用該被擔保者。充當何職。該被擔保者。亦必應答相符。且相

其情狀。可以勝任該職。方得邀准。如擔保與被擔保者所語略有不符。或因年齡過老過少。暨其他種種形相略有疑問。即不准發給暫居字。然當初猶有三日限。近來留難益甚。凡船自中國或新嘉坡來泗。所有華籍新客以前未曾居留瓜哇。執有居留准字者。不能自由登岸。須荷官一律帶往居留字辦公所。逐一查問何人何號。請若來此職任何事。是人如應答清楚。係受某人某號之聘職任某事。荷官立傳其所應答之某人。到此查問相符。始得擔保放行。否則羈留該所。隨船配回。惟據某荷蘭律師云。新客到埠。只納二十五盾擔保有人。便可登坡居留。並無他項手續。此則吾僑所不可不知者也。

入口新客。既執有暫居字。即須擔負一切租稅。平居規行矩步。不違犯一切命令法律。繼續居留在二年以上。身稅亦完過二年。即准換給王字。一九一六年八月九月間。忽有住滿四年方准換給王字之說。輿論甚不贊成。泗水華僑腰乃邀集各社會領袖。在瑪腰廳商議。保虞社振文學校總理業王水君謂此事關係華僑全體利害。畢竟四年准換之理由如何。非由多數人詳加研究不可。瑪腰主張改期再行討論。現尙懸而未決。以值價一盾半之西葛紙。

繕具請願書。書式明簡。一姓名。二入口年月日。三年齡籍貫。四僑居地址。五現在職業。六入稟年月日。照式填寫。寫就逕送亞絲石珍衙門。亞絲石珍將原暫居字批明發還本人收執。彙集請願書轉呈吧督。審核邀准後。發由該地方官直接頒給。或轉由華僑瑪腰廳給領。向領者隨

帶本身相片一方粘貼於上。由甲首問明年齡籍貫。一一無訛。再由木人在所貼相片騎縫用華文或英荷巫文或指模簽押領回。較前之請給王字者。先由甲首轉遞俟若干月後發到居留字辦公所。再向該所領取者手續簡易多矣。

第十四節 三萬華僑之三寶壠

三寶壠 *Semarang* 瓜哇島北岸之巨埠也。全州土人二百六十餘萬。歐人一萬餘。阿拉伯人一千。其餘各國人共二千餘。華僑在木埠者二萬餘。有謂三萬餘者。有謂一萬餘者。茲取其中數一統計是埠所轄各地計之約有五、六萬。以閩之漳泉人爲多。壠川（卽三寶壠）市場繁華。次於泗水。華僑商店多係二百年前舊式。分布北高然街、甲板街、東街、亞朗街、淡馬蘭街、南夢街、班地安街、瞞派街、亭後街、中街、西街、茄令岸、大吧利等處。華僑旅館有小揚州、遠香棧 在北高然高遮巷。保安居、平安居 均在南夢安。三寶壠客棧 現移亭后街。亞細亞小旅館 在班地安。四歸居 現移地未詳。諸號。日本旅館在外岸律。該旅館含有日人俱樂部性質。近來因警廳取締娼妓。旅館已爲藏垢納污。惟一之藪。澤荷警不過問也。華僑大道銀行。方在籌辦。黃氏私立銀行不依銀行通例。惟注重放債存款。致埋茂絨之東。日時望安獅頭山。係故僑長黃志信氏私地。三保洞。卽在其間。洞爲一大石。供

明三保太監王公景宏遺像章太炎先生曾題一聯曰尋君千載後而我一能無相傳陰歷六月三十日爲三保航抵瓜哇紀念日年年此日大覺寺必循例進香。大覺寺原建在八芝蘭內亭後街後移近北高然街雖屬迷信亦歷史上之光榮也。

華僑公堂

或曰瑪腰廳

在芝蘭內觀音亭側以華瑪腰甲必丹雷珍蘭組織之其職權與他埠華僑

公堂等。邇來居留政府擬廢華僑公堂取銷瑪腰以下諸職別設一華民政務司任荷人司其事。另雇華書記員爲佐。巴城華僑對於此事意見尙未確切表示。壠川華僑則謂華僑公堂一廢。華人對於治理僑事永無斧柯可假之日。華民政務司長既爲荷人。例諸他種荷官當無毫髮區別。書記一席屬在雇員。除薪水問題外初無何等權責。且世所不滿於瑪腰等職亦謂歷任多不得其人耳。今以用人不當之故。遂欲舉瑪腰等制度排而去之。甚且欲以瑪腰等職所附屬之華僑公堂爲殉。是以對人問題。制度問題。機關問題混而爲一。與因噎廢食何異。壠川華僑既以除廢華僑公堂爲華僑之不利。爰由各社會團體凡二十六公組織華僑公堂維持會。懇由漢務司長。荷語稱曰凱士據情報告吧督。俯察衆情。使華僑公堂機關得以繼續存在。該機關事務得以繼續由華僑領袖辦理。必欲改組爲華民政務司。亦請以華僑承任該職爲宜。漢務

司長雖允轉達。結果尙未決定。泗水各社團則已繼起協同請願繼續維持矣。

華商總會

即中華商務總會

在八芝蘭內中街。成立於民國紀元前五年正月。會員三百十五名。會董三十二名。經費狀況。依民國四年決算。歲入總額一萬五千二百四十五盾三角六仙半。計分會員應納會費五千二百二十盾。徵收商捐九千八百二十七盾七角五仙半。存放銀行利息一百九十七盾六角一仙。歲出總額一萬四千六百八十四盾七角四仙半。計商會一切用費共六千零三十四盾七角四仙半。補助中華學校經費八千六百五十盾。

中華會館在馬氏東園內。成立較商會爲先。樂羣書報社在亞朗街。屢參入中國政治運動。中華營業會附設於中華會館。華僑公會爲前上海華僑聯合會之分支。華友會館宗旨如俱樂部。青年會爲華荷各校華僑學生聯合組織。會員二百六十。以開發青年之德智體三育爲宗旨。居恆演劇鳩資襄助善舉。爲各界所歡迎。近更附設一貧兒夜學。學費不收。學額無限制。教科爲國文巫文算術等。國文用漳泉音教授。文獻堂在中街三萬興在亭後街。南夢安會友在南夢安。皆屬喪事會。指南齋附設華僑公堂內。施捨棺木。陳聖王廟爲陳姓團體。天后宮爲林姓團體。六官祠爲郭姓團體。辦理入土祭祖祀神等事。中央瓜哇新報博聞報哇拉哇打絲那

瓜哇巴勿里打三寶瓏皆巫文報主之者爲我華僑地方自治會又名民治公所爲法定議事機關。華僑曾畢業於荷蘭中學者得被選。然僅二名。備員而已。

荷蘭公會譯名實達絲珍。會內並設有電影劇成立已久。會員衆多。荷文新日報資本約二十萬盾。其股東爲荷蘭英吉利及中華民國三種人聯絡而成。爲提倡屬地主義之政黨機關報。時時露頭角。土人方面除著名瓜哇政客集多醫士一人外。餘皆荷蘭僑生混血族華人人會者亦不少。大率不佔勢力。日本人亦有三數人會。一九一六年萬隆評報主筆日人威挪衛被捕在禁者。卽該會之會員。回教聯合會在壠勢力猶大。一九一六年乘吧督至壠之便要求面見。并提出關於土地權事件。關於一九一三年文通安慘殺華僑案犯。一九一三年三月二十七號午後五時至八時三寶瓏監

光文通安地方土番聚衆二三千人圍林茂盛及其鄰右華僑家肆行殺戮計當場斫斃者爲馮亞明一命而林茂盛葉亞用亞下李長如陳和元等皆徧體鱗傷一息垂斃事後驗明送入醫院林茂盛等幸餘亦以重傷故半成殘廢狀至慘酷

以及其他等等事件。曾連續開議。至一星期餘會中人熱心蒞會。對於議案上多所討論。我同胞殆未能及。近更議決上稟吧督請願。實行限制華人居住地段。不得擅徙界外。所持理由一爲生計上易被侵奪。二爲宗教不同。習俗殊異。錯居雜處。易釀釁端。三爲華人恃其財力。任意收買房屋。瓜哇人只貪目前之利。不計後日之害。一旦彼此易位。華人爲業主。瓜哇人爲佃客。

驅逐命下。無處安身云云。咄咄逼人。我華僑將何以待之。又有 *Chinese* 會之立。會內宗旨於社會主義爲近。會中以荷蘭混血族爲中堅。歐人亦間有之。瓜哇女界報。出版於一九一六年。四五個月間。內容分九類。一育兒智識。二家政。三衛生。四女工。五婦女之常識。六各界新聞。七已故之瓜哇女界大學問家加兒底汝之遺著。八女界進步。九女界之裨益。土人程度猛進。於此可見中華學校。成立於清光緒二十五年。學生四百八十餘。共分十四班。校中設有郵筒。由年長學生數人管理。以備學生與學生間實地練習通信。遇星期日則開講演會。理科研究會。及社會雛形之練習等。又以每日授課時間。係由早晨七點半鐘至中午十二點半鐘。該校校長石鳴球君擬就下午三點至五點之兩小時間。增設一單級半日國民學校。學費以極低廉之限度爲準。貧者免費。書籍文具並由該校供給。私立正誼小學校。教員一。學生十餘。貧兒夜學爲南夢安會。會名譯意近於勤勉二字之義所附設。學費豁免。學額無限制。教科爲國文。巫文。算術等。國文用漳泉音教授。華英中學校成立於民國五年三月。教員八人。校長爲英人。學生九十。華文英文並授。共分六班。上午甲乙丙等班上英文課。則丁戊己等班上華文課。下午甲乙丙等班上華文課。則丁戊己等班上英文課。另設特別補習班。華英文各依必要情形編入。其結果英文時數仍視

華文爲多。聘英人爲校長。該校董事現正積極進行提議建築新校舍以能容學生四百人爲率。建築費預算四十萬盾。籌款之法擬以該校名義發行一種公債票。卽將該校爲抵押品。週息四釐。如瓜哇合格學生不及四百名則兼收荷屬各島。如再不及四百名則兼收英屬學費擬分三等。一、等照繳。二、等減價。三、等免納。說者謂該校於科學上之配置。倘能依照章太炎先生議。英文課每來復最多不過六小時。其他各科又能參照我國中學課程表。則完全美善。來學之人不患其不接踵而至也。

官立中學校。師範學校。師範學校在距墟約十五英里之謂雅蘭地方私立簡易實業學校各一。官立荷蘭男女小學校八所。男女教員共三十五名。男女學生一千三百餘名。

第十五節 婆羅洲 *Borneo* 地理誌略

婆羅洲爲世界第三大島。全面積二十八萬七千九百方哩。山脈由島之中央爲放射狀而分走。河流發源於中央山地。分流四方。均有舟楫之便。植物椰子、檳榔、碩莪、竹、籐最盛。英屬薩拉瓦克碩莪產額。稱爲世界第一。米、咖啡、甘蔗、煙草等亦有鑛產以石炭、金剛石爲主。且有燕窩之名產。本島天產雖稱富饒。惟人口稀少。故多未開發也。

住民數約一百九十一萬其中主要者爲印度尼西亞派之達雅克 *Dajak* 族此種除沿海以外遍地皆是其他有馬來人(約四十萬)布幾 *Betis* 族巴卓沃 *Batus* 族中國人支宋族(馬來人中國人達雅克人之雜種)維斯開亞 *Biskayan* 族(馬來達亞克之雜種)等計荷領地有人口一百五十萬內中國人約十餘萬(據日人井上馨氏謂有二十萬中國與南洋雜誌載東方人約八萬)歐洲人二千四百餘爲土人英領地有六十九萬其宗教以動物教 *Hinduism* 爲主餘多信回教

巨埠荷屬以西岸之坤甸 *Pontianak* 及南岸之班遮邁森 *Batavia* 爲最班遮邁森有人口五萬爲本島第一都會又爲首屈一指之貿易港坤甸爲荷領婆羅洲首府係自由港船舶出入者甚多貿易亦盛人口一萬五千餘如山口羊 *Yankawong* 有華僑五千北婆羅 *North Borneo* 之山打根 *Sandakan* 人口六千亦稍有名

第十六節 華僑首創之坤甸及喃吧哇

荷屬婆羅洲西南兩岸有坤甸 *Pontianak* 喃吧哇 *Manipava* 諸埠坤甸開闢之祖爲奧人羅芳伯計傳七世距今三十年前始爲荷蘭吞併現埠中尙有羅芳伯廟華僑留寓商埠者約七千

人合附近各村市共兩萬有奇。以梅縣人爲最佔多數。梅籍哇哇多認華文。通曉梅語中華學校附設羅芳伯廟中。學生百餘名。教授用梅語國語別爲一班。校長一教員三。又有華校一。創辦者爲潮州人。名曰振強學校。學生亦百餘。教員四。經費歲入萬餘盾。中華女學校一。學生五六十。中華商會總會一。成立於清光緒三十四年。

坤甸有可法士河。河身甚長。小商輪可航達七八百里。水路四通。木船甚夥。遠行者多舍陸而就水。其結果坤甸府幾無一車輛。地勢低下。氣候炎熱。華僑均住木屋。屋頂一切無不用木屋。式同番人。離地建築。以避濕氣。出產煤油、石炭、椰乾、橡皮、藤、猴爲多。入口貨大半與星洲直接。金礦有已開者。有未開者。森林最盛。一望濃綠。土地多未墾闢。農業甫在萌芽。土番常焚山澤去荆棘。然後掘地播穀。欲得火則鑽取於木。如我國太古時代。性嗜殺。好斫人頭以爲樂。番衆亦榮之。僻野亂山中。男女均不穿衣裳。其種名曰嘜子。蓋幾乎人而獸者也。賭不禁。每年賭餉三十六萬餘盾。華僑包辦之。酒專賣亦歸華僑。鴉片專賣則歸荷人。郵政電報局各一。荷蘭行政官最高者曰緞西靈。約如前清知府。兵警寥寥無幾。民國三年十月。因荷政府下令。命華僑作工修路。華僑不可。政府嚴促華僑。華僑走險集衆。擊斃一甲長。燬官署。斷電線。宋姓某某爲

首領招番兵樹國旗與荷兵宣戰。各死傷不少。兼旬之間。秩序大亂。後由吧城調兵赴援。約巨兩月之久。亂事始平。宋某逃之新架坡。其父被執。牽累華僑多名。結果亦從寬辦理。華僑揭竿之前一年。德人某在坤甸運動土番革命。土番戴爲黨首。事雖發覺。德人卒不被捕。同因異果。則國家強弱不同之故也。

坤甸所屬有喃吧哇埠。縱四十英里。橫七十五英里。地曠人稀。客民多以稼穡畜牧資生活。嚙子爲本埠土著。已漸衰微。有喃吧哇河。發源於東北山麓。西南流入海。河之北岸曰百武院。打嚙牙河之南。曰松栢港。淡水港。勿哩哩。因地勢低窪。河流近處。間有泛漲之虞。氣候較西里伯斯島熱。然藉海風調劑。炎炎之威尙不甚酷。荷公署設於喃吧哇河南岸。距商場約三英里。土酋有喃吧漢一邦。車蘭二。受荷政府令。治理土人。全埠駐步兵約三十。警察二十許。華僑供職者有甲必丹。老大徵收華僑身稅。器用稅。狗馬稅等。均歸其承辦。華人新到。須覓殷商擔保。非遇星期日。或合律休息日。而逾二十四小時。未立居留字者。監禁一月。出水他往。未執旅行券者。罰銀五十盾至百盾。或驅逐出境。然華人以迫於生活。故隱忍將順。統計閣埠。在留僑民。尙有萬人。左右十之七。業農。十之三。業商。粵省梅縣人較多。閩人次之。中華學校已成立。書報社。

亦經創設。祖國文化。浸浸輸入。上產椰乾。甘蜜爲大宗。每年約各六十萬盾。白藤胡椒次之。年各數萬盾。又有猴膏。鯊魚。鮫魚等。至於金屬礦產。年來已漸少矣。

第十七節 煙賭世界之山口羊 *Singsing*

山口羊在婆羅洲之西岸。東南界坤甸。西北界那憂。正邦憂。正。西爲大海。以山口羊爲總埠。左爲汶肚宜埠。右爲石角鹽廳。阿塔港。大完肚。再下紅沙港。百無烟各埠。沿大路東入爲骨律約。丁加限埠。至此分支。左行爲木官。烏洛。昔邦。盧末。二羅埠。從丁加限。右行爲百萬突。再分爲左右二支。左行爲白芒頭。凹下。高橋。嘮。哇里。麻云。右行爲打嘮。鹿。夾里。罇。山口羊隸屬三十餘埠。華僑約二萬人。茲將各埠人數列舉如左。

山口羊日本埠約五千人 汶肚宜約千人 木官約二百人

骨律約三百人 昔邦二百人 烏洛二百人

盧末三百人 二羅二百人 百萬突二百人

白芒頭二百人 凹下二百人 高橋二百人

嘮嘮千五百人 哇里八百人 麻云四百人

打撈鹿二千人

夾巴罇三百人

路下橫三百人

石角三百人

鹽廳三百人

阿答港四百人

大完肚千人

再下三百人

紅沙港四百人

百無烟三百人

山口羊屬埠華僑十分之六以種植爲業十分之四在埠經商土生者居十之七八以福建之漳泉二州廣東之新豐陸豐人爲最多十年以前三點會盛行埠人無不入會會中又分幾派每因故相殘近因僑民逐漸開通此風乃大戢

該處華僑素稱野蠻十之七八不識文字通常交際禮貌蔑如尊卑無度男女混雜家無浴室者一遇夕陽西下則羣浴於河男女不別性情則勇樸爽直崇尚室事近爲荷政府所激刺民風不變爲國事慷慨以助資者甚多較前專事墾植愚昧無識者遠矣

山口羊屬工商業全爲華人佔有各埠商店皆華人所設此外相距二三里卽有華人小販店一二間在埠者以他埠載辦之熟貨輸入內地內地則以生貨輸出埠中再運出口外僑民商業大者必兼種植種植大者亦兼貿易除工商外更有專賣之物如鴉片猪肉酒賭四種鴉片

近年收歸官賣。猪酒賭三種。每三年開縛（即開標）一次。欲承充者。屆期至坤甸總碼投標。價多者得之。總碼亦三年一次。至荷官處承充。本屆總碼承定。每月繳納縛銀費三萬六千盾。山口羊繳總碼二千餘盾。近因賭客稀少。各碼所入不足供承充之費。聯懇荷督核減。現准減少五分之一。

本屬鴉片。山荷官設館專賣。山口羊本埠。每月可售二千盾。各屬埠銷售最少之處。每月亦可得數百盾（按是款所入皆出自華僑。蓋土人曾無有吸食者）。

猪酒賭三碼。無埠不有。各碼所入。以賭占其半數。山口羊本埠。每日猪酒平均可售三百盾。賭碼近雖大減。每日尙可收入百盾以上。各埠三碼所入。亦每日百盾以上。酒除白蘭地外。皆由承充者設廠自釀。凡非經本碼認定之處。不許他人業酒。猪賭三碼。違者照罰。

總計鴉片及賭碼所入。月可二萬餘盾。一年應有二十四萬盾之譜。加酒猪三碼。可有三十餘萬盾。除鴉片及猪酒之成本外。亦常有二十餘萬盾之收入。即華僑每人每年對於荷蘭政府當納二十盾有害無益之出款。

山口羊屬有二口岸。每日有期船往來新加坡巴城間。出口貨以椰乾爲最。甘蜜次之。樹膠

又次之。山口羊本埠。每期輸出椰子約二千五百担。百斤爲一担。每担值銀平均十二盾。共值三萬盾。胡椒二百五十担。每担四十五盾。共值銀一萬一千二百五十盾。甘蜜二百五十担。每担十五盾。共值銀三千七百五十盾。樹膠約四十担。每担三百盾。共值銀一萬四千盾以上。四宗每期出口至新加坡者。計值五萬八千七百五十盾。運至巴城者。以甘蜜爲多。約計每期出貨之值。有新加坡十分之三。汶肚宜口岸。共出口貨值山口羊五分之二。中以椰子占十分之五。胡椒甘蜜佔十分之五。

進口貨據最近調查。僅佔出口貨三分之二。就中以油米鹽佔十分之五。洋布雜貨佔十分之三。中國茶烟紙料食品佔十分之二。載貨輪船。原由中荷輪迭次運載。今規定屬坤甸一方歸中國輪船運載。山口羊以北至三發埠之貨。由荷輪運載。

入口貨到時。由荷人海關。按百抽十五之稅。嚴密徵收。遇綢緞類則任意加徵。凡僑民行李過關傾箱倒篋。雖一物之微。亦不能免稅。

第十八節 三發埠

位置 本埠位置在婆羅洲北部一隅。西北毗連邦巖。東南隣峇嚟。南界英屬沙撈越。北瀕

於海地勢南部稍高。北部平坦。形若三角。縱二十一英里。橫十二英里。土地肥沃。樹木葱蘢。利於種植。誠農牧最適宜之區也。

交通 本埠水程四達。自港口開駛輪船。到星嘉坡三十六句鐘。到坤甸十六句鐘。到巴達

維亞六十二句鐘。到沙勝越三十四句鐘。到邦巖六句鐘。到山口羊八句鐘。運輸頗爲便利。惟往來沙勝越者。僅有帆船數艘。而汽船則無有也。往峇嚟則用駕槳之駁艇。計有百餘艘。蓋峇嚟地勢稍高。港水淺狹。小船行艘較便利故也。陸路與邦巖山口羊坤甸峇嚟沙羅越均可通行。惟鐵路未築。故不若水路交通之利便也。

市區 本埠商店七十餘間。分前後街兩列。前街瀕海。往來船舸輻輳環繞。頗覺繁盛。名三發坡。一名曰古達城。過港對面西偏數十武。有商店十餘間。亦瀕港而居。名曰巴殺把宜。西行十一英里。有商店二十餘間。名曰芒拈頭。巫人呼爲實卯貽。轉向西南再行九英里。有商店十餘間。及胡椒、甘蜜園數十處。名曰新宜興。又轉向東南行二十英里。有商店數間。及胡椒、甘蜜園甚衆。名曰獅窪。再進則爲峇嚟埠之境界矣。

人數 華僑寓於本埠之丁壯約有千餘人。合婦女兒童計之約有一千六百餘人。客籍佔

有千人。潮籍有四百餘人。閩籍僅百人。若廣州及瓊籍祇十餘人而已。閩潮二籍之人大半營商。客籍人則種植胡椒甘蜜園者爲多數也。

出產 本埠出產以烏白胡椒及甘蜜爲大宗。檳榔、椰乾次之。山中物產則以碩莪及各色樹乳爲最多。各種籐類次之。餘若柴皮、燕窩、鹿角諸類皆零星之數。不足數也。

入口貨 入口貨以米、糖、油、烟、布爲大宗。其餘則爲食料品及消耗品。諸貨皆運自星嘉坡及巴達維亞、三寶壟、泗水等埠。

商務 本埠商業專營碩莪出口者三戶。專業打金者（卽首飾店）三戶。餘皆營販糖、米、布帛之類。是謂什貨店。營什貨兼胡椒甘蜜者亦僅三戶而已。兼營樹乳及各款山貨者則有十餘戶。查商場現狀。惟兼營胡椒甘蜜者較之從前。大多利市數倍。其餘皆不能及也。

種藝 數十年前華人僑居此地。經營種藝者。惟種植胡椒甘蜜及椰子而已。近數年來。則皆買地種植橡樹。雖苟安成性之巫人亦競相墾地種植。惟振興未久。現時所產樹膠尤屬少數。若至十年以後。必成爲富沃之區矣。

歷史 本埠原爲巫人蘇丹統治之地。如邦巖山口羊皆其轄屬。百餘年前。卽有華人到此。

最初爲三條溝之人。人少而弱。恒爲大港之人欺侮。甚至金礦亦被侵佔。訴諸蘇丹。蘇丹力不足。以服之。至西歷一千八百五十一年。蘇丹函請瓜哇荷官派兵援助。荷官乃派軍官一員。領礮兵二百人來發埠。新宜興山。欲以武力服之。大港之人拒之。與戰數日。敗績。荷乃盡逐潰兵。遂建築營壘及官署於新宜興。以統馭華人。後華人到此營商者漸衆。復結市肆於埠之東北。部。而荷官衙署亦移設於市區近地。置地方行政官及稅官警察等。華人之裁判權及納稅等項。皆握諸荷人之手。遂成荷屬之縣治。爲坤甸府轄。然巫人及山番之統治權。猶歸於蘇丹。迨一千九百一十五年。巫人及山番亦歸荷官統治。每月荷政府給蘇丹優養費二千盾。山是蘇丹之統治權及土地權。乃完全喪失矣。

政治 華人由他屬來寓斯埠者。初入境。稅二十五盾。荷政府給居留字一紙。方准居留。否則不得入境。又另須向荷政府領取監光字一紙。（字上註明居住何社。何所謂之監光字）隨帶於身。以爲居住某處之憑證。若徙居別處。則須向官署換領新監光字。否則被警察查獲。或罰金。或監禁一個月。若欲往他縣治之地。則須向官署領出口字一紙。隨身携往。否則亦罰金及監禁。民事及刑事。皆執行警察裁判權。華人若傭工輩。每年得薪水三百盾。須納身稅十

盾左右。商家則須納營業稅。種植家則納地租稅。皆視每年獲息若干。以四巴仙計之。出入口貨亦須納稅。每資本一盾。或抽五仙或十仙不等。設置甲必丹。老太甲。長三級。僑長以領率僑民。承宣荷官命令。徵收身稅。及營業地租各稅爲職。近數年來。且欲取締華僑。創設書報社。及公會。公所。會館。各團體。不加禁止者。惟學校而已。最爲難堪者。則華人不得捐貲輸助祖國政府。違則驅逐出境。或監禁。噫。吾儕遠離祖國。寄人治下。人欲奴隸之。則奴隸之。人欲牛馬之。則牛馬之。苟欲與世界爭享平等自由之權利。惟在我國民與我政府之自覺自圖而已。

風俗 本埠風氣閉塞。一般僑民。腦根頑舊。凡慶典婚儀喪弔年節等事。皆守舊制。革新之人。十僅二三而已。且甚迷信鬼神。每有病人。卽求神以禱禳之。埠有公共佛廟二所。一年中釀資酬神二十餘次。人情樸陋。出街遊玩。鮮有穿外衫者。僅一汗衫而已。婦女則學巫來山人之妝飾。埠中並無俱樂部及公所等遊戲之區。故一般僑民。皆以賭場烟窟爲消遣地。推原其故。皆由一般資本家。無愛羣之心。自私自利。對於同羣若秦人之視越人。每逢捐貲創辦公益。大有一毛不拔之概。以故埠中並無書報社及智育德育青年等會。以啓僑智而革陋風。雖有一二熱心家欲行倡辦。人咸譏其好事。卽有一二有心志士。演說開導。衆皆訕其爲病狂。噫。頑固

如此。良足悲也。

教育 民國紀元前數十年並無華僑學校。迨民國光復後一二志士鑑於他埠競相興學。乃集資建築一校於巴殺把宜。名曰達三學校。惟校舍距埠市隔一帶水。交通不便。閩潮之兒童皆不肯入校肄業。入者僅客籍之子弟少數而已。去年學生共有四十餘人。今則僅存二十餘人。民國四年春。閩潮之人復另組一校於坡中。名曰啓新學校。成立之初。有學生六十餘人。今則僅存三十餘人。越五年冬。閩人創設一學社。名曰羣益學社。附設夜課兼國民學校日課。成立之始頗有蓬勃之盛氣。今則現出一種麻木不仁之象。由是觀之。即可知教育之興衰矣。推原其故。蓋三籍人不能聯合一氣。各執意見。劃分畛域。互相猜忌。致使經費窘絀。難收良好之效果。要之亦各校之董事不能同心同德。競爭進步耳。吾甚願有心人急起提倡聯合團體。混除意見。共組一完善之學校。以爲斯埠僑童造將來無窮之幸福。乃爲幸甚。此外有荷人所辦荷文學校一所。華人及巫人之子女。皆有入校修業者。然開設已歷數年。亦無甚成績可見。又有天主教堂一所。僑民奉其宗教者約數十人。本年附設中西文日課於教所內。所有就學者。惟教徒之子弟。現計其學生約有二十餘人云。

第十九節 荷人經營東印度史

一五九〇年。西班牙鎖里士本港。禁止荷人船舶出入。荷人乃立遠東公司。率二百五十人。乘大船三艘東航。最先抵蘇門答臘西部恩加那島。復抵奔德 Benteng 灣內之本祥島。載印度產物而歸。是爲第一次。一五九八年。復組織新東印度航海公司。亦派海船三艘。此兩公司未久合併。曰舊公司。又創設新勃拉彭德公司。至一六〇〇年。與舊公司合併。曰亞摩斯德而登公司。厥後公司輩出。互相攻擊不止焉。

荷之政治家鑒於各公司紊亂。思統一之。乃由會議議決。設立荷蘭特許東印度公司。許以占有荷蘭對於印度貿易之特權。以二百年爲期。今日之有此大殖民地。實於此奠其基焉。一面爲股分組織之商業機關。一面爲政治機關之作用。得以自由宣戰議和。與土人王侯締結條約。此等事宜。悉以荷蘭議會名義行之。其人民與國家之聯絡如此。宜乎其有如此大於國土數十倍之殖民地。我國南洋僑民。計有四百萬之衆。土人而外。無有及者。而竟屈伏於他人手下。卽正坐此相反之病也。

東印度公司。以商業爲目的。以貿易獨占權爲出發點。思漸獲得印度政治的支配權者也。故

當時巴達維亞所駐荷蘭總督亦止圖公司之利益保護其權利而已。統治印度人民之舉尙未下手也。荷蘭與印度諸島最初之關係。資產全部讓與荷蘭政府。巴達維亞共和國一八〇〇年。此公司與共和政府同時失其存在。於是此公司在印度之勢力地域爲荷蘭政府所繼承。將向屬商業機關之殖民地移歸國家所有。迨至一八〇八年著名之唐特耳斯氏被任爲印度總督。銳意謀印度之改革。限制土酋及攝政之勢力。向來土酋對於攝政遵奉履行以後。悉改爲對於國家遵奉履行。且築縱貫瓜哇之大路。向從瓜哇西部至東部。旅行約四十日。自此路工竣後。遂減至一星期。瓜哇之所以發達。有賴於此路者甚大。然當歐洲諸國爲拿破倫所蹂躪時。荷蘭合併於法。殖民地遂移至法國治下。而唐特爾斯氏之事業亦以一八一一年告終。當時英國海軍最強。法國在亞洲殖民地多爲英所占領。瓜哇亦在其例。英人遂任辣富爾斯氏爲瓜哇總督。厥後荷蘭離法獨立。英國對法政策以援助荷蘭爲上計。乃將瓜哇還諸荷蘭。並將英國屬地蘇門達臘盡行讓與。惟荷蘭應將印度大陸麻六甲之城市屬地及新加坡島讓與英國。於是東印度羣島又歸荷人管領矣。（婆羅洲之荷英界則以一八九一年倫敦條約定之）。

荷人從前係以貿易爲本位。取間接保護國之態度。此後荷蘭政府。確認爲殖民地。直接行使其統治權。乃廢其對於王侯酋長之連合契約。而代以辭令。欲使自主的君主之各酋長王侯。變爲荷人政府任命之官吏。經百年之經營。今日東印度諸島。於名義上及實質上。居然全部爲荷蘭之領土。然未達如此結果以前。實費幾多之經營變遷。今統括而分析之。可分爲三時期。第一期自一八一六至一八七七年。爲收入超過時代。第二期自一八七八至一八九七年。爲過渡時代。第三期自一八九八至現在。爲自由主義時代。今略述之如左。

東印度公司既以商業之目的東來。其對於東印度雖帶有政治的臭味。然其歸結終以得多數利益爲事。對於土人。視如奴隸。蔑視其人格。荷蘭政府之目的。亦不過以獨占貿易確保其他商業之利益爲目的。其後東印度公司漸次以統治者自任。開始活動。或令土酋等承認其永住權。或與多數之有力土人。結同盟條約。至於實際之統治權。尙放任於印度之王侯酋長輩。計在十七世紀。瓜哇荷人勢力圈之面積。達瓜哇全島十分之一。六。至十八世紀則達十分之九。三焉。

該公司與土人訂立合同。年年由東印度供給一定數量之一定物產。其中如棉花、米、胡椒、藍

油、木料及咖啡等物是。公司當一六〇六年所分紅利竟達股本原數十分之七。五利益之厚從古所未聞。然從此因公司辦事人員乘公司勢盛機會逞其威暴。以公司之內部爲罪惡之巢窟。以公司及印度土人爲犧牲者。層出不窮。至一七八五年該公司竟虧耗至百餘萬元。而內部之腐敗日甚一日。甚至將該公司獨占貨物之咖啡香料私賣與他國。在本國之公司總機關部已失其駕御印度人員之威力。至一七九二年公司之虧耗達一萬萬一二千百萬格爾登（貨幣名）其於經濟上文化上開通印度之舉。則暫置不問。此收入超過主義名稱之所由來也。厥後荷人漸知瓜哇以外之諸島尙埋藏有絕大利源。抱自由主義者每反對『祇以母國財政而犧牲殖民地之利益』之方針。荷蘭政府漸有覺悟。於是一八七七年遂爲超過主義政策告終之期。蓋荷蘭政府歲入豫算中印度收入之部實以是年撤廢故也。次爲過渡時代。此時代中其對印度政策之進行最冷淡而缺乏熱心。一八七三年之亞齊戰事共歷二十五年。其叛亂始克鎮定。自是以後乃大刷新殖民地政策。漸次實施領外諸島（瓜哇以外之諸島）利源之開發及開通土人之事業。於是遂入最重要自由主義時代矣。荷人對於蘇門答臘婆羅洲西里伯新基內亞諸島向以荒野不毛之地視之。絕無開通之望。故與瓜哇

相對待稱之曰外領。厥後見其所存之利源不亞於瓜哇。遂肆力開拓。凡蘇門答臘小生的羣島婆羅洲新基內亞。皆施行荷蘭之政治。且取消自治州消極不干涉的制度而定直接管理之新章。凡自治州之王侯酋長。皆須宣誓遵奉荷蘭長官一切之命令。又須承認印度總督之名義。代行自治州之政治。於是山酋長上侯地方分權政治時代。而入於中央集權政治時代矣。自是三百自治州。殆全部實施此項新章。其猶有一二用舊章者。則不過例外而已。（現有自治權者。只梭羅日惹二州而已。）至於今日。雖謂荷屬東印度諸島無一立於荷國政府勢力圈以外者可也。

荷蘭政府既破壞其酋長專制的政治。現時東印度各地之酋長。僅歲與以若干之薪俸。情況與清室之王公同。僅有爵秩之尊。俸養之厚。安富尊榮。以盡其天年而已。對於土人。則極謀增進其幸福。保障其權利。以維持殖民地之安寧。一九〇三年。又施行地方分權之法律。（此地方分權以人民為主體。與前所謂土侯酋長之地方分權不同）蓋前此取中央集權。此則更進一步。採地方分權主義矣。據新頒之法律。在各地地方之州或都市中。法人之資格在某程度以下。得於行政上為獨立之行動。其目的在令各地方自治團體。使其歲入辦理地方公共事

業收良好之成績。故該地方之州會或市會得向印度總督辨護其管轄地方行政區域之利害。得自掌其地方財政及制定公布命令（有處須得總督之許可）此種州會及市會以歐洲人議員及土人議員共同組織之。倘其州中或市中住有大多數其他洲之人民。則須從該州市人民中舉出代表參預議會。

荷蘭政府既於政治一方面大施改革。同時又大注意於增進土人之地位。瓜哇及磨嶼兩島向雖許土人服官。但僅限於極卑下之地位。今則不然。土人優於才能者亦得爲行政官或司法官。受白盾以上之月薪。他如醫官（各口岸檢驗船客之醫生多土人爲之。性多貪慝。若船客有時不向其行賄。則多方留難。）及官立土人小學校教員亦均採用土人。並設各種學校以養成是各項之人材。如巴達維亞法律家養成學校及師範學校。土官養成所是也。近來仍本此主義向前進行。此則荷人三百餘年經營東印度羣島之大略也。

第三章

澳洲淚……………參考書小說月報

人有幼年青年壯年老年之分。地理亦猶是焉。亞洲爲世界文明最初發源地。現在則江山依舊。人物已非。老大病夫。頹然欲斃。已入於老年時代矣。歐洲自近世紀以來。文運復興。科學日

盛勢力澎脹。漸及五洲。新舊大陸。高瞻獨步。正在壯年的時代。美洲自哥倫布發現以來。白人移殖其間。大好山河。任其開發。不數百年。而交通（美國有六十萬餘里鐵路。在各洲中爲最長）富力（世界每人平均富力以美國人爲最）冠絕五洲。文運新潮。漸瞻馬首。斯時正在青年時代。將來繼歐洲霸業而執世界牛耳者。必美洲也。雖然。美洲之外。有一洲焉。屈伏海隅。文化無所顯。勢力無所著。但其資格。其地位。正在培養時期。數百年後。羽毛豐滿。必有一飛衝天之勢。不過現在尙屬幼年耳。此何洲也。卽位於吾國南方。與我四百萬僑民所錯處之南洋羣島海疆相接之澳洲也。

澳洲何以有後生可畏之資格。今就地理上現狀。試言其一二。海岸綫與文明有密切關係。而澳洲海岸綫與面積之比較。每二九六方哩卽有一哩。其長僅次於歐洲。居於世界第二位。無論亞洲南美。不能與比。卽北美亦不及焉。此其一也。物產爲文化發生之主因。而澳洲綿羊一項。已達八千萬頭。羊毛之產額。位世界第一。馬、牛、羊、豚等家畜之合計。數達九千五百五十萬。以四百萬人數分配之。每人約合二十三頭。畜產之盛。世莫與敵。金之產額。僅次於非洲。脫蘭斯瓦。小麥產額。亦占世界之一二位。銅則占世界第四位。舉動植鑛三項言之。亦足以壓

倒全球。此其二也。本洲居民總數約四百十二萬九千。其中英人占三百九十萬九千。我國人三萬三千。南洋諸島人九千二百。印度人四千五百。日本人三千三百七十。舊有土番不過六萬內外而已。名雖獨立。實則白澳與北美合衆國趣意略同。此其三也。雖面積不過二百九十四萬餘方哩。僅及歐洲四分之一。不足亞洲五分之一。且少港灣半島高山大河。然地跨溫熱二帶。沿岸氣候良好。物產亦甚豐饒。加以優良白人墾植其間。天然人事皆足。作許後生可畏。資格將無慮。其不達吾國地處亞洲。現與澳雖被海水分割。然以地勢氣脈論。遠古時代本來聯爲一片。（據日本地質學家橫山又次郎氏之地史學講話系統誌四。中生界篇謂侏羅紀亞洲東南部與南洋羣島及澳洲相連。地史學上名之曰中澳大陸。）且吾四百萬僑胞散處南洋羣島。如英屬海峽殖民地。美屬菲律賓。荷屬東印度。以實際勢力論。實不啻我國一外府。其頂點直達於將來。最有希望之澳洲。吾人言念及此。當不禁忻怵鼓舞。踴躍歡呼。爲吾國家吾僑胞前途幸。孰知實際上。反踣促束縛於外人勢力之下。一舉一動。受人牽掣。生命財產。任人宰割。政府不知保護愛惜。僑胞亦不能自保。言念及此。不能不爲僑胞前途危也。茲略述其事蹟如左。

考前清光緒初年旅澳華僑數約三十萬至季年則減至十餘萬。今距光緒三十年頒行禁例之時，不過十餘年耳。復由十餘萬而減至三四萬矣。此皆被擯於白澳二字之中。乃不謂今又有白太平洋之輿論發佈，以爲太平洋本白色人種之太平洋。其第一義則太平洋中之航路，應由白人握其全權。現黃種人中除日人稍分一席外，第一目的已無慮其不達矣。若第二義，則爲澳洲工黨中大計畫。舉凡航行太平洋之商輪，其船員水手等職務，應公認爲白人唯一之生計。此議創於歐戰以前。彼時頗有瀰漫全澳之勢。幸歐戰條起，連亘數載，故進行暫時停滯。否則我僑澳華民，又當受迎頭之打擊，而人數更將驟減矣。

夫太平洋爲我國應享之海權，讓一步言，公海尤人人可以通行。今先鞭讓人，追悔無及。然回溯往事，則其咎更不能不屬之我國政府。猶憶十數年以前，本洲華僑鑒華澳間之航路，急待開通，合議創一澳港輪船公司。股本由澳僑合籌三分之二，香港招三分之一，及公推代表回華，向當道立案，並要求酌與津貼。此本各國通行之例。時粵省外交官爲于式枚（據原文如此，不識外交官指何項官廳。然于式枚則確係當時主持之人也）因立案文中有要求津貼之語。于氏詫爲得未曾有，并立案亦批斥不准，而垂成之事，因以中止。今則坐視澳洲東方行。

喇行日本行三公司專享航商之利且彼時新例尙未頒行苟能與祖國早謀聯絡則新例或有打消希望至於今日我雖欲發商輪不僅資本無著即澳政府亦難於允許矣

嗣是而我華人。不復能染指於交通矣。雖然。全太平洋權利。不能享有。亦無足深怪。凡至并個人自由。亦受種種限制。尤可慨也。新例頒行。華人不能復來澳埠。此固其尤著者。然偶然通過。其又奚傷。飛枝大溪各埠。其坐落均在澳洲附近。或爲自立小國。或爲法荷屬地。向無限制華人入口之禁。惟華僑航達該地。中間必經雪梨埠。通過船至雪埠。裝搭客停必數日。白人得自由登岸遊覽。而華人則一步雷池。便干重罰。惟有悶坐艙中數日。靜候彼商輪之開行。此尙以人類待我華僑乎。若必不得已而登陸。則仍須出現金百磅。商店環保。始得邀一線期之人情。每見在船局促之華人。目覩雪埠外觀之壯麗。思登岸一擴眼界以爲快者。咸憤然作色曰。我祖若父。生前作何大孽。而墮落我爲中國人民也。嗚呼。我祖國諸君聽者。

我華僑以數萬人。散處全澳六省之中。接洽至不易。所幸者航路如鯽。鐵道貫串。日夜不輟。而電話綫可至五百英里之遙。較之華里則幾及一千七百里矣。職是之故。我華僑藉以傳達消息。感情尙能融洽。惟近來頒行新例。凡以電話傳達消息。其川語一併用英語。而華語乃被

摺於通行之外矣。無論年老華僑。英語不能純熟。況在德律風傳達。不無影響模糊之弊。故向之得以華語自由通問者。今已不復有此便利。若以傳達秘密消息。則更危險不可思議矣。自歐戰發生以來。本洲政府因戒嚴之故。新設電報監督。新聞監督。郵政監督。蓋防本洲之德國人也。然我華人則無端殃及矣。關於歐洲戰信。電局固一概扣留。即關於中國革命消息。亦復認爲違禁。而不與送達。故當辛亥初次革命時。內地戰報。由電信傳來者。早發夕至。三次革命之事。則僅接電報一次。即六月六日袁世凱之死耗是也。然此亦由美國轉來。始得達耳。暗碼固一律不通。明碼則檢查之嚴。出人意外。例如商事電報電尾。偶有時事多艱。伏維珍重等套語。監督亦爲涉及國事而扣留矣。

祖國三次革命事起。本洲熱心僑民。湊集數百磅。意將匯往日本東京及雲南。交黨人收納。竟爲本洲監督官截留。諸多交涉。尙未收回。而華人匯寄唯一方法。祇有買銀行票向郵局附寄而已。然此又烏能匯寄大宗款項也。至各國報紙。自民國四年六月以前。一概不准入口。船到埠時。各報付之一炬。七月以後。此例始弛。而吾人乃不啻身處甕中。交通完全斷絕矣。

澳洲工黨具絕大勢力。政府多爲所左右。故其保護工人。無所不至。即以工價及工作時期論

之。亦居地球首位。工價以一星期論值。凡男子過十三四歲者。至少每星期亦當二磅。其工作期間。每星期爲五日半。定爲成例。不遵者有罰。凡資本家支出工資。必受工黨社會之監督。年終並應造具清冊。開明用若干人。支出若干工資。呈報政府。稍違例禁。便予重罰。此事於世界經濟人工支配。爲利爲害。當然另一問題。茲不具論。惟我華人在此。既以工人爲多數。工人亦受工黨之保護。則表面上我華人不爲無利。然七日之間。作工五日半。此一日半之時間。在白人。有學校。有教會。有俱樂部。足以增長學識。陶養性情。而華人則遊手好閒。不僅糜費金錢。抑且敗壞行止。是愛之適以害之也。

若謂所得工資之數既巨。則華人將易於致富乎。是又不然。試將雪埠一隅之必要生活程度言之。一金磅合華銀約十元。一先令合華銀約五角。一辦士合華銀約四分。如買米十二兩。價四辦士。則合一角七分矣。茶十二兩。價一先令。三辦士。則合二角六分矣。煙葉十二兩。價五先令。則合二元五角矣。酒一瓶。如五加皮玫瑰露之類。價五先令。則合二元五角矣。卽雞蛋一枚。價亦四辦士至五辦士。此外如洗衣一件。價六辦士。平常小屋。可住兩三人者。每星期租價一磅。稍新潔者。且三磅至四磅不等。故就一人每月必要之生活程度言之。至少亦在五磅至六

磅之數。而工價所得。雖益於此。然每月四星期平均得六日無事。其所餘之數。已悉浪費於此。六日中矣。萬一疾病痛癢。此外復有人情往來。善自爲謀者。尙可支持。不善爲謀者。則依然終歲勤劬。一貧如洗。此僑工大較也。

工人之外爲商人。商人生活程度。較工人爲尤高。然平均一歲所得。未必較工人爲多。除開設坐肆販賣華人應用什物。多半仍恃華人爲生活者不計外。其餘能與白人直接貿易者。磁器漆貨。顧繡骨董爲最。然資本薄弱。不能獨樹一幟。至各種大公司。足以操縱市場之營業。白人固不許吾人染指。而華人亦決無如許財力可以入股。卽如紐絲崙島爲澳洲之附屬地。其地以種植畜牧爲主業。有一宰牲公司。每日宰牲至一萬頭。所宰之肉。以雪水凝固之。以砵碱配置之。爲英倫市場唯一之食品。此莫大之利源也。然其始則固華僑集資小試其端者。事爲白人所悉。乃開辦現今之大公司。爲一網打盡之計。果不數年。華人退出而權利悉入於白人之手矣。

最近之新聞。或可爲華人之生計者。則前述之飛枝島。非所允許華人自由出入者乎。然正惟因雜色種人均可自由出入。則華人可往。印度人亦無不可往矣。論工價之貴賤。華人較白人

爲賤故資本家喜於舍白而就華。印度人更較華人爲賤。故資本家復樂舍華而就印。職是之故。所以飛鳥無限止。華工入口之禁。而以工價低廉之不若印人。該島遂爲印人唯一殖工之地。此數年前之現狀也。最近則不知英人因何感觸。印度政府突下一令。不准印人再往該島。作種種牛馬奴隸之役。尊重人道歟。抑別有原因歟。吾人且不暇深究。惟因大宗印人次第勒令回國。而向以蔗糖爲出產最富之飛枝島。近已有地無人。工作缺乏。於是英人所設之糖公司。乃有招致華工之舉。然而工價則尙未議定也。拾人唾餘。言下頗有得色。能無爲白人齒冷。然弱國人又何能計及此等小節也。

若祖國政府而猶有垂憐澳僑之一念也。則此後不無可乘之機會。自歐戰開始以來。屬於交戰國之人民。兩年來先後回國從戎者。統計約百之十五。而強戰尙未告終。僑澳白人。除老年幼稚婦女三類。無所增減外。其壯年掛名軍籍者。仍必日減其數。戰事終結而後。當然以發展經濟爲首務。全澳六省域。如新南威爾士、維克多利亞、及北澳三省。爲已開通之域。南省以沙漠不毛。無可生發。若西省與昆士蘭省。地稍偏僻。以實行白澳之故。既不准華人染指於各項實業。而自力又貫注不周。故未經開闢之地。尙居十之七八。微聞洲政府常會。有人提議廢

止制例之說。且聞當時議場。並無反對者。則其機已動矣。大約歐戰終了之日。或即廢止禁例之期。以工價低廉之僑民。任發展富源之勞役。此事於白人仍有百利而無一害。所慮招之即來。揮之即去。我政府尙能稍稍垂念也。則此亦交涉之一事。其亦代我僑民籌一久遠之計乎。澳僑之待遇如此其酷。生計如此之艱。此後之希望又如此其不可必。吾人何復如此其戀戀不舍也。一言蔽之。政治爲比較的。則人民享受政治幸福之程度。自亦不能無比較的觀念。澳例酷矣。生計艱矣。我近年號爲共和國之政治。其必較勝於是乎。以積久經營之僑民事業。決然舍去。無論如何。必難忍置。况僂僇者又將何之乎。除特定苛例之外。民刑訴訟。有準據之法律。官民互接。無氣勢之凌人。疾病有養。賦稅有額。較之祖國託命於一人。侈然自大。自相殘賊。而莫敢誰何者。遷地既弗能良。則亦吞聲忍氣受之而已。特不知名爲政府。有教養斯民之責者。其又何以並立於今日世界各國也。此則不僅爲我僑民悲。抑亦無暇爲我僑民悲矣。

第四章 菲律濱……參考書南洋華僑雜誌中國與南洋雜誌

第一節 舊世界中新式的菲律濱

菲律濱羣島 Philippine Is. 誌略 菲律濱羣島合大小五千餘小島嶼而成。分爲五羣。一

呂宋羣島 Luzon Is. 二維蘇亞羣島 Visaya Is. 三敏達那莪羣島 Mindanao Is. 四巴刺灣羣島

Palawan Is. 五蘇錄羣島 Iulu Is. 中以呂宋爲最大。故亦名大呂宋。而以馬尼拉爲小呂宋。

合計面積爲十一萬五千方英哩。

羣島之地勢。皆山岳起伏。不少著名之火山。最著者爲麻雲峰。峙於大呂宋之南。高達八千九百餘尺。此外大呂宋尙有二十六座火山。屬活火山者十餘座。羣島土脈。皆肥沃異常。自初闢後三四十年。可不用肥料。生產力仍不減少。氣候雖在熱帶中。然因海洋之調和。尙無苦熱之感。(南洋羣島大致皆然)一年分乾濕二季。濕季自六七月起。至十一月止。約五六月。此期降雨甚多。乾期由十一月起。至翌年五月止。此季降雨甚少。惟當氣候風交代之際。時有颶風爲災。

菲律濱羣島。星羅基布。地處熱帶。土壤肥美。故天要出產物極豐富。以數十年美人之極力教導。農工商業日進未已。此十餘萬方哩之地。內中公地佔百分之七十二。私地百份之二十八。計公私地宜農而未墾者。佔百分之四十二。(四九一一六英方里)已墾者僅佔百分之十九。(二二一一六〇英方里)荒地如此之多。故非政府於農業提倡極力。定一定條例。凡美人非人

一夫一婦成家者。得向政府土地局領地十六海克忒（合中國四百畝）耕種五年之內無稅。領費祇須納菲金（約合中國一元）二十五圓。三年之內。政府不過問。至四年時必須居住於所耕之地域。五年之後。即升科。至於農產物則以稻麻爲著。茲將一九一六年各種產額列表如下。

稻	五七五四六〇七五菲幣
麻	四二七六七三三九
甘蔗	三四一三六一三四
椰	二四四三〇九五九
玉蜀黍	一四七二三九二六
烟葉	六九〇九〇五九
松脂	二一一五九三
橡皮	一二三六四

以上所列物產。稻居第一位。麻居第二位。此麻實爲一種芭蕉之纖維。長及二丈。非我國草本

之麻也。多輸出於日本。爲製草帽縵之原料。每年出口約值百萬非金。甘蔗之高大則較我國幾及二三倍。煙業亦屬著名物產。所謂呂宋烟者。卽爲此地所產。橡皮在非地出產不多。近來正在提倡種植。椰子爲出產大宗。與英荷羣島相同。此外尙有香蕉、咖啡、可可、茄蕪、芝麻、橘、薑、山芋、瓜等甚夥。林木亦爲非地大宗出產。島中鋸木廠甚多。此等木廠大多數爲華僑所設立。森林局本廠統計。總資本爲非金七一七七〇〇〇〇。每日出產木料爲四〇四一〇〇〇尺云。

全島住民以一九〇三年之調查。約七百六十三萬五千四百二十六人。內分各國文明人。稍開化之土人。及野蠻之土人三種。列表如左。

野蠻人

六四七七四〇人

文野未詳者

六九三一五四八人

各國文明人

六五一三八人其中

中國人

四一〇三五人

日本人

九三三人

英國人 六六七人

美國人 八二三五人

德國人 三六八人

其他 一〇二四人

其政治機關之組織。由合衆國派遣總督一人。又委員七人（內美國四人菲律賓三人）辨立法事宜。行政機關。分爲內務、財政、司法、商務、警察、教育、諸部。各部長官。卽以前記之美人四委員充之。全部分爲四十州。各州設知事及書記官。城鎮卿制全採自治制度。兵員約二萬有餘。以卡維得（在馬尼拉西南方）爲海軍根據地。

都邑以馬尼刺 *Manila* 爲本羣島之首府。人口約二十二萬。此地當南洋交通衝要。爲本島商貨會集之所。以輸出馬尼刺麻、馬尼刺煙草有名。我國有總領事駐焉。伊羅伊羅 *Iloilo* 在班艾島。人口一萬五千。爲次於馬尼拉之通商口岸。

菲律賓濱雖去中國不遠。然在地理上最初正式發見者則爲歐人。當一五一九年。葡萄牙人麥哲倫奉西班牙王查爾士五世之命。率船四艘。週遊世界。中經麥哲倫海峽。於一五二二年始

至此島。由是遂有西班牙領土。其後二十年。遂以西班牙王斐律布二世之名名羣島。計西班牙領有此地。約三百七十餘年。而斐律濱之開發。無甚進步。又復對於土人。專制暴虐。惟利是圖。因以激動土人之怒。當一八九六年。古巴叛西時。斐律濱亦舉獨立之旗。以阿奇那德爲首領。一八九七年。建共和政府。一八九八年。美國因扶持古巴及斐律濱計。遂與西班牙開戰。依同年法國巴黎所締結之條約。古巴脫西人羈絆。歸美國保護。西班牙以五百萬金磅讓此羣於美國。美國興師破斐律濱獨立軍。虜阿奇那德。於是此島遂由西班牙人之手。移歸美人統治之下焉。

華僑狀況 菲律濱自屬美後。極力經營。商業日盛。有東方紐約之稱。吾國人除僑居是地

外。多有往遊。以探其盛況者。然自禁工之例發生。凡遊美屬者。必先向華官（廈門有交涉司專理此事）請給護照。送與所駐美領事簽字。如美領事以其人不合遊歷資格。則惟有望洋興嗟已耳。美屬因華工少。其工值比英荷各屬。常四五倍而強。勞力工人。恒有冒通商遊歷。以僥倖一試者。美領事爲慎重起見。多方盤詰。遇有稱文人學士者。則出題面試。彼中幕友。漢文程度又極有限。曾聞有一孝廉。面試被黜。辨無可辨。垂頭喪氣。徒呼倒運而已。從中國至菲。搭

客有新舊之別。新客如遊歷人員等是也。舊客又有工商之別。自菲島屬西班牙以來。華工無自營商號。凡欲回華者。必將居留字向海關換取工照。往華只限一年。過期該字卽作爲無效。往時祇能附三等輪。若有商號之華人回華時。給與商照。不限年月。往來自由。且可携眷偕行。然必居頭等房艙。此非美政府頒有成例也。不過公司船與旅館互相授意。自訂爲不成文法。以多取利而已。（凡欲買船單。必持護照爲憑。以杜僞渡之弊。故誰工誰商皆知其詳。）船將拔錨之時。搭客皆雁立左右。美領事偕醫生上船。逐名查驗身體。有無疾病。三等輪之搭客。且羣驅入浴船焉。船將入口時。距馬尼拉首府四十英里之遙。有所謂馬拉微里者。美政府在山旁築一防疫所。如先期衛生局得有鼠疫之電。凡到埠之船。不能卽時登岸。須先到防疫所中。居留五日或七日。待醫生診驗。恐帶有暴烈之百斯託種子。散布馬埠中也。防疫所建築於海濱。汽船傍岸時。凡搭客必將衣箱內所有數號。點交船主。用蒸汽炊之。使微生蟲盡死。故搭客登岸不能帶一縷一絲。赤條條驅入浴室中洗澡。稍有文雅氣習者。無不面赤耳紅。視爲莫大恥辱。若女搭客由女醫管轄。則不能知其究竟如何矣。

防疫所之建築。空氣光線皆講究。前後地址闊大。細草如茵。圍以木欄。受禁之搭客。不能越出

範圍以外。周圍樹木蔭翳。鳥鳴格磔。可謂洗盡塵氛。所中搭客。醫生每日查驗身體一次。如有病者。則須再拘留調治。屆時不隨衆上岸。行旅中無可消遣。大都三五成羣。作樗蒲之戲。叫囂終夜。必待老成者出爲制止。至若有益於身體上之運動或遊戲。則全不知講究。嗟乎華僑。毋怪外人之輕視也。

一星期之禁例滿。醫生查訖。全數搭客驅登小輪船。行四時抵馬尼拉。關員逐名點訖。並尋搜身體行李。有無私帶違禁之物。舊客以護照換取居留字。新客則必經醫生相驗。有無目痧之病。據云此病傳染極易。且最劇烈。在病者平日亦不知其有無。經醫生驗後。指爲有目痧病者。則不容一日居留。否則亦必自請入醫館調治。病愈後始許登岸焉。

當荒榛未闢。首先來此地教土人以簡單耕種及工藝知識者。厥爲華人。故至今日菲人家用器械名詞與漳泉語混合者甚多。使當日國家知行殖民政策。則菲律賓濱可爲今日我國之外府。現時政治上勢力。雖操自白人而商業上。霸權則仍握諸華人。華人在菲島之商務。佔全島百分之七十。種類以進出口貨爲大宗。餘如航業、米、酒、布類雜貨等皆有之。雖極小島嶼。必有華人。性善經商。能和平遷就。以合社會心理。設與非島人各開一店。人皆樂就華人之店貿易。

按諸民國六年時統計。營業稅之出自華人者佔百分之六七。五郵局則每一局均雇用一華人。使閱信面之寫華文者。（英屬新架坡檳榔嶼郵局人員華僑占多數）印花稅通知單書華英西班牙三國文字。亦可見華人之勢力矣。大概此地華人商業。分爲三等。第一等者即收買土產。輸入歐美各國。各業中之超出者。糖業爲炳記公司。木業爲吳投戈。絲業爲楊孫獺。烟草業爲林爲亨等。此數十家。皆有數百萬資本。其次則爲布業及 *Bank*。此等商業。乃販賣歐美各時式貨。凡日用諸物皆有。其最著也。再次則爲雜貨業。七萬餘之華僑。業此者幾佔三分之二。商業如此其盛。故有若干之街。皆純全華人商號。一遇國家大慶典日。五色國旗飄揚。幾忘其爲白人殖民地。我輩乃託人守下者。旅非之華人。以福建漳泉二屬爲多。廣東人居最少數。初來皆赤手經營。不數年遂以致富。蓋因此地放債利率甚厚。年利可四五分。尙爲普通之率。現家產達千萬元以上者十餘人。百萬元者數十人。每年以金銀寄歸閩粵者不下千萬。其富力之雄厚。流品之整齊。（非島華僑無作苦工者）實爲南洋諸島之冠。雖統計之較英荷各屬。不無遜色。然其急公好義。慷慨樂輸。殊不居人後也。

中國銀行爲非島華僑偉大之商業組織。規模較小於此者。則不可更僕數。其貿易都用欠賒

及交換制。貿易物品之範圍極爲廣泛。幾無不備。阿派里 Apari 大呂宋 Luzon 北之商埠也。其附近之開格陽谷 Cagayan Valley 地帶盛產烟葉。茲述阿派里一埠華僑之經營烟葉。以窺其商況之一斑。在賅埠中華僑之煙棧林立。各棧皆與開格陽谷中各區產煙業者有密切關係。煙商先以各種物品賒售於產煙者。待煙葉成熟。卽按其所欠之多少。收其煙葉償還。其煙葉之得輸入市上者。皆華僑爲之媒介也。喬羅 Yolo 之水產物。若珍珠、蛤殼等。亦藉華僑之貿易而輸入市場。華僑設肆於該地。以糧市、水果、布匹及其他日用必需品。易蘇羅海 Sulu Sea 中著名之水產物。以所得之物品。假外商或其代理人之手。以銷售西婆、小呂宋石、抱加各地。由是觀之。華僑與土人之貿易。全以信用爲根本。雖然華商之信用。並不限於土人。當芋麻上市時。銀行每藉其一言之諾。立可以數百萬披蘇（西班牙銀幣名。約合華銀七八角）借與之。以應其需用。華僑反對西文簿記案時。其上議會函中有云『非島華僑五十年來因倒賬而構成之損失。其總數恐不及近數月來他商行一家破產數之大。』信用之大。誠足以自豪矣。非列濱羣島各種土產品之第一收買者。皆爲華僑。計於一九一九年所收之芋麻。值九千一百萬披蘇。所收之米。值七千五百萬披蘇。其所收煙葉、咖啡、穀及各種農產水產林產品之總數。

更難以數計。華僑於菲島商業地位之重。於此可見矣。

菲島食糧店皆中國人所經營。若果同盟罷市。則一星期內。必釀成菲島飢荒。各舖之主顧。平時雖罵中國食糧店爲強盜。畜鬼狡徒。然若無此華商。彼當窮乏之時。曾無人賒以食品。以濟其困。蓋華商與之相習既久。熟知誰誠誰詐。相機賒貸。苟或爲人所騙。則只自怨失察。絕不尤人而訴諸法律也。且菲人所需菜蔬。皆華僑所種植。所食之肉類。及各種外洋食品。皆假手於華僑而得之。故菲島農會。因華僑優於工作。曾屢次請政府廣招華工。來墾菲地。並主張華工入境。除關於衛生一端外。不宜加以限制。惟華工入菲。皆據美國僑民法案。取締頗嚴。所請不能見諸施行。是則華僑之有造於菲人者。匪淺也。

在昔菲人混沌未開。且又生長熱帶。懶於經營。全無積蓄思想。至工商業上知識。則更毫未夢見。我華人學識上之程度。與彼固相伯仲。惟勤儉二字。實爲至優美之天性。故多有目不識丁。並無一毫憑藉。白手造成數百萬家資。面團團作富家翁者。由是遂養成一尊重勞動鄙薄文人之習慣。意謂滿腹經綸。在此地不過司筆札。年薪數百金已耳。焉有發展之希望。某也家財百萬。某也產業雲連。然皆目不識丁。一若腹有詩書。反足爲發財之累者。但菲人教育發達。智

識進步。今之視昔。幾不可以道里計。今後華商尙能以目不識丁。白手起家。否余殊未之敢信也。華僑不特勤儉爲優美之天性。且富於冒險性。如窮鄉僻壤。所居住者。皆爲半開化之民族。蠻野之性。猶未盡除。華人之作小本經營者。（發售柴米油鹽之類）以有利可圖。多設商店於是地。造成富翁者有之。生命被戕者有之。利之所在。害且不顧。爲智爲愚。吾不敢遽下斷語矣。統計菲律賓濱華僑七萬餘。閩人居其七。粵人居其三。而閩人又皆漳泉人。漳泉各鄉鎮。類多聚族而居。家人父子外。惟同姓血統之關係。視爲最相親密。故雖族居外洋。去家千里。而木本水源。彌益關懷。由是有一姓會之組織。如吳姓爲讓德堂。黃姓爲江夏堂。施姓爲臨濮堂。林姓爲西河堂等。其族小人稀。不能自成一會者。則合數姓結爲一會。如關張趙馬。則根據三國演義之五虎將。黃姓不與者。以堪獨樹一幟也。各一姓會皆無擴充進步之思想。與發展文明之競爭。不過彼姓如是。我姓亦當如是。爲謀相抵制之計。嗟夫。萍飄異地。既知敦族睦婣。然同爲黃帝子孫。何不結一大團體。以免外人以散沙之譏乎。一姓之外。有商會。爲大資本家所組成。有善舉公所。由華僑各大小商戶。每月釀金創辦華人醫院。及其他諸善舉事業。此外如營木業者。有木幫。營米業者。有米幫。營布業者。有布幫。大小團體。計四十餘種。惟教育會年來始行成。

立。爲各會派員組成。專謀教育之進行。將來其惟此會最著成效乎。後來居上。吾將拭目俟之。商業上金錢勢力。既爲華僑所獨佔。卽各會開會時發言者之價值。亦視金錢勢力爲轉移。有獨抱高超見解。屈於末席。秘而不宣者。有登臺激昂。言驚四座。而衆笑爲老生常談者。皆絀於金錢勢力故也。故一會之會長。必金錢勢力最厚者。所提議案。幾無不通過。所有議員數目。不過居贊成地位而已。

所謂華僑具勤儉二字之美德。不僅見諸苦力勞動。彼身擁百十萬之資本家。一聞禮拜鐘鳴。八下。卽入辦公室視事。至下午四時始休。在昔隸西班牙時代。更崇尚樸質。區區一洋布襪。且視爲非分。（當時有華人三副半襪之諺。卽甲必丹副甲必丹管理華人身稅之財政官始敢穿襪。有時則否。）自民國成立。剪髮風行。舊式衣服。易爲洋裝鞋屨。然衣褲大率以斜紋布爲之。（熱帶地可常年穿此服）而老成者。已發江河日下。習爲奢侈之歎矣。

勞動之傭金。無論爲書記。爲苦力。舉其普通者言之。每年皆有千金。而食宿等費。又皆取給於店東。使稍知積蓄。大概三年卽可回唐。（唐指中國言。華僑稱祖國曰唐。自稱曰唐人。回中國曰回唐。或曰回唐山。中國人所住之街。曰唐人街。街中所掛洗衣服之招牌。則書「洗唐洋衣

服。」蓋因唐時武力隆盛。威振南洋。外人因以唐名錫中國及中國人。中國人亦因之自稱云。常有外地充苦力。故鄉則廣置田宅爲長子孫計者比比也。

煙賭之禁。雷厲風行。嫖之一途。則自西班牙管轄時代。甲必丹陳最戈（華商名下皆綴以〇二字母之略語譯之爲戈尊之之詞也）有華女不得爲娼之禁。至今猶相與遵守。有業此者。則羣相鄙棄。不爲社會所齒。近則日妓盛行。別營巢於 *Zimplode* 地方幽僻。樹木陰涼。有所謂美酒樓。華人酒樓。分門別戶。黃白種之嫖客不相混雜。夕陽西下。車水馬龍。珠簾閃爍。羣花列坐廳中。聽客選擇。華僑因此傾家蕩產者亦有其人。然稍顧名譽者。則視爲畏途。較之我國繁盛商埠。以叫條逛窰爲循常應酬者。則又略勝一籌矣。

華僑學校機關。十數年前。卽已萌芽。因當時華僑。競致力於金錢界。所謂報館學校。不過偶受外界激刺。人云亦云耳。近則非人教育進步。大有一日千里。與白人並駕齊驅之勢。華僑稍以開通自命者。羣知優勝劣敗。不能逆此進化之潮流。於是以推廣教育相號召。一二年來。公立中西學校。日夜課。學生有五百五十人之多。成績亦佳。惜限於校地。不能多容。而籌設華僑公學之計畫。遂應時而起。計建築認股者。已二十萬金。（董其事者爲華僑教育會）地址購定。

現已興工。校中預備組織中等商業及高初小學各班。按畢業以次遞升。校舍可容學生五百餘人。并於適中地點。及外埠各處。多立初等小學。每年經費照所納美國營業稅加抽百分之四。每年可得五萬餘金。其計畫可謂遠大。華僑文明生機。其起點於此乎。

入禮拜堂受洗禮。(俗謂之拜祖父)華僑視爲最有榮譽之事。卽如我國舊官場拜老師認座主之老例。視金錢之勢力爲轉移。其年齒或相伯仲成反倒置。可不必論。此事菲俗亦極盛行。其關係密切。重於親串戚友。而各禮拜寺之僧侶。亦視洗禮錢爲每年入款大宗。

南洋羣島。民族混合。種類最多。菲律賓亦然。其與西班牙族混合者。俗謂之 *Mestizo Español*。今日在政學界負有聲譽者多屬此輩。其與漢人混合者。俗謂之 *Mestizo Chino*。則富有金錢之勢力。多爲各埠之大地主。其他若本地之 *Jabalos* 族。客藉之 *Visaya* 族。則膚色黃褐。智識簡單。皆作販負苦力生涯。證以優勝劣敗之公例。將日就漸滅矣。然有一事足增吾人惆悵者。凡遊英荷各埠。華僑娶有馬來婦人客之生子。皆自認爲中華大國民。而置母族於不顧。予觀於菲律濱則不然。其華僑客生子。皆薄父族而重母族。聞西班牙時代。僧侶勢力最大。其處心積慮。欲離間華人與非人之感情。并以殺華人商務上之特權。故恒對大衆宣佈中國人種種污穢。

種種腐敗。中國人爲輪迴道中畜類所降生。故頭上有尾。如此荒謬之言論。時貫輸於不識不知之腦中。遂引起菲人鄙薄華人之習慣。故雖客生子明明以華人血統之關係。承襲乃翁數十百千萬之財產。面團團作大資本家。一再傳而後。卽不承認爲華人。亦不屑語華語。甚且舉華人種種惡習慣以相譏笑。漢兒學得胡兒語。爭上城頭罵漢兒。予誦斯言。愈望華僑擴充教育爲不可緩矣。

荷屬各地華僑皆受不平等之待遇。甲必丹種種名目。卽藉華人治華之政策。其中爲虎作倀者。恒假其淫威以虐待同胞。遊泗水婆羅洲諸地。見各國居留僑民。惟我華僑幾與本地土人受同一之待遇。惟在菲律濱者則異是。不論何國何種之人。皆受治於同一法律之下。無所謂甲必丹制度也。（西班牙時華人亦自舉甲必丹三年一任及美管轄菲島其例始除）凡民事及刑事訴訟皆受判斷于初級審判。不服則可上控。辨護士事事藉法律爲解決。故華僑與歐美人訴訟因理直而勝。并取得賠償費者。時聞其事。卽或因居留問題。（美例凡承襲商業須未成年時來菲。方許給與居留字。可往來自由。華僑有以已成年冒爲未成年者。海關常不許其居留。）亦可向地方廳控告海關人員。彼亦必派員到堂對質。一若視爲尋常之事。全不

因此挾恨。蓋彼視爲國家服務。非藉官以妄作威福也。昔華僑中有某某兩。會積不相能。我國領事以其日事爭鬪。有擾亂華商秩序。密請總督拘會中要人。發配回華。該會不服。延請辨護士向法院控告。非督違法。該總督自以有統治藩屬全權。三數華人擾亂地方秩序。應由總督自行拘配。法庭則以爲若有犯罪行爲。未經司法判決。可由總督自行定罪。則焉用設此法庭。兩相爭執。各訴之於華盛頓政府。非督終屈服於法庭。其尊重法律若此。故彼屈服專制政府之民族。恒願一履斯土。以吐納文明空氣也。

法律平等。雖有如前所述。然其對待華僑。終有不平之處。於是民國十年遂有西文簿記案通過美國會。定于當年十一月實行。條文細則如下。

第一則 凡個人公司團體等或工業及商業於菲律賓濱羣島享有利益。關於此種出入帳目。均須用英文西班牙文及各種菲律賓土語之一種登記。否則以違法論。

第二則 凡違犯此條例。得科以一萬元以下之罰金。或二年以內之監禁。或罰金與監禁二者同科。

華僑以此種條例與華僑經營商業大有關係。且違反中美條約同等待遇本旨。一面由駐菲

領事電中國政府嚴重交涉。一面擬派精通國際法者爲代表。赴美華盛頓政府。陳訴一切。按此非直接關係于吾華僑商業。而間接于吾國文化上種族上尤有莫大之關係。吾政府吾國民。幸勿視爲菲律賓一隅之損害。而淡漠置之也。

美人治菲概略

美人管轄菲律賓之政策。洵欲扶持其獨立。非如英荷政府對於南洋各

殖民地。視爲牛馬奴隸。有種種不平等之待遇。其開宗明義。卽以擴充教育改造菲人固有之腦筋爲主。一千八百八十年以前。菲律賓以千八百九十九年脫離西班牙。固猶狃榛時代也。今則南至蘇洛。Sulu 北至明屹。Bacilin 雖窮僻壤之間。皆設立半日學校。有年齡及格兒童之不學者。則警察入家勸導其父母。教員皆由岷里岫督學局派往。以收整齊劃一之效。其教育發達如此。故雖一負販什物之小童。其英語筆算皆甚純熟。非若前日之蠢如鹿豕矣。聞之老於岷中者云。昔日菲人極不知講求生計。如上午購米二升。午餐後猶餘米三分之一。則持此餘米換購糖品果餌。晚餐之米。待用時再購。算法亦不講究。百以上之乘法分法。卽全茫然。使三人合購一土產。必待華商爲之按多寡而分攤之。而華商又往往於中取贏。諸如此類。不可勝記。南洋馬來人種性質愚惰。到處如此。參看本書馬來人之文化卽知。

菲律賓濱教育行政。純取中央集權制。設教育局置局長一副局長二。以下分三部。(甲)總務部。(乙)中央學務監督部。(丙)學區監督部。全島普通行政區域。劃爲三十六省。(或謂四十省)教育行政則除岷尼納都城直轄於中央。芒吞省獨設一學區外。餘則別分爲四十一學區。每區置學區長。由教育局委任。直接受中央指揮。而不屬於所在地之省長。省以下爲市。凡省立學校校長教員。由學區長舉薦。請教育局長委任。市立學校校長教員。由該區之巡迴教員薦舉。請學區長委任。各於省長市長無與焉。區學務與省之關係。惟學務經費依法律歸省議會議決。此外無有。其與市之關係亦同。省立學校經費其來源有兩種。其一由省擔任。凡學校建築費設備費及雜費是也。其二由中央擔任。教職員薪水是也。每省必有一中學校。一工藝學校。一家事學校。一高等小學校。市學務經費分四種。其一中央委任之教員薪水。由中央擔任。其二額定不動產稅收入至少百分之二十五。其三除地稅外。全省收入百分之十。其四臨時要求市議會增加。市立學校教員亦可得中央委任之。而受其薪水之補助。但必須合於下開兩種資格之一。其一經學區長查明該市財力不足。而將來有發達之希望者。其二查明該市學齡兒童多而財力不足者。全島教育經費。由中央擔任者。歲四百萬元。由省擔任者。歲五十萬元。由

市擔任者。歲三十萬元。別有捐款五十萬元。合計歲出四百萬元。對於九百萬之全島居民。平均每人教育費九角弱。其現在所收效果如下。(一)全島學齡兒童受教育者之數。得百分之五十以上。(二)受體育之學生得百分之九十五。(三)全島受職業教育者六十萬人。內有四萬八千人在家自營農工。教員往而助之。全島教員由中央派出者二千人。全島之校舍形式一律。教科書一律。乃至校具黑板。統由中央教育局財產科物品支配股選定頒發。其統一之精神。可想而知。觀教育局與學區長辦公所辦事員無一人缺席。辦公時間無一息暇逸。其奔走於中央與各省區各學校者。學區長也。巡迴視學也。巡迴教員也。水陸交通往來如織。亦可見其教育精神之一斑矣。

菲島政治機關最高之官吏。本皆操自美人。自民主黨選舉得勝。菲島美代表圭順氏 *Quinan* 曰。與此黨聯絡。故有鐘氏獨立議案之提出。夏里信 *L. H. Sison* 督菲之任命。夏氏抵菲。大改前福督(共和黨)政策。除海關稅務司外。最高級之行政官吏。非人居其半。由是美人間散者日多。一旦無可位置。至有行李蕭條。欲歸不得窮。因無聊拍賣家俱以度日者。宦海浮沉。人事滄桑。世界無論何國。固有同此浩歎者。

美人經營非島。教育而外。首重路政。鐵道線如極北之明屹。Brisbane 在羣山重疊中。一遇殘冬。非裘不暖。昔時荒涼寂寞爲蠻族出沒之所者。非島有一種半開化之民族名曰 (Moro) 一二年來汽車直抵山麓。再進而爲摩托車路。綠蔭載道。人煙稠密。中西巨商。皆擇地築別墅。一遇盛暑來此地作寓公者。皆爲政界商界之巨子。儼有瑞士山中風味。一九一五年十二月。更舉行嘉年華會。火車費止收半價。爲遊客之提倡。將來商業林業。定可蒸蒸日上。道鐵而外。爲摩托車路。凡鐵道所能至者。必另築摩托車路。幾爲並行線。一以便利行旅之交通。一以收軍事上指臂之效果。一千九百十三年。開菲律賓物品出產會。美術品中之油畫部。繪各處道路。今昔比較。昔也羊腸。今也康莊。競爭進步之思想。令人油然而生。至若街道之電車馬車牛車等。路亦皆四通八達。不形擁擠。十數年來。岷尼納一隅。修築道路費。每年平均幾近五百萬。然交通既便。商業日益繁盛。地稅日益增加。間接得其利益者。其數豈勝計哉。

旅行菲律賓各島。見有一事最合人道主義者。則不見有人力車之蹤跡也。(南洋英屬地各埠皆有人力車。車夫皆中國人。初無一他種及他國人。亦一奇異之現象也。蓋他國他種人不屑爲此。馬來人則又懶惰性成。且南洋各種事業。皆各有團體。外人不易插足。如新架坡之

司摩托車者。盡馬來人。人力車夫盡中國福靖縣人是也。至於荷屬瓜哇亦無人力車。一聞父老云。數年前亦曾散見於各處。有一西人以傘柄擊車夫。誤傷面部。血流淋漓。全島車夫因此罷工。相約不再作此牛馬生涯。人謂非人團體力之堅固。予則謂此與生活程度上大有關係耳。

美人素以富聞於世界。然其對於職守則甚勤。自奉則甚儉。無論官商各界。除休假日外。皆以每早八點入辦事所。下午五點休息。至青年婦女。步行街衝中。購買輕便物件。皆手自提携。不藉僕婦。當夫曉鐘一動。朝曦初昇。審檢廳上之推事檢察官。原被告之律師。皆與勞働工人同坐一電車中。於節儉之中。寓平等精神。曾不以此爲稍損尊嚴。聞屬西班牙時代。一推事之排場。幾尊同神聖。非有四輪包車。前列衛兵。則不輕易出門。堂簾深遠。賄賂公行。終釀成革命風潮者。非無故也。

黃衣黃冠之警察。皆軀幹雄偉。一望而令人生畏。然惟車馬叢雜之處。散見一二。以指揮秩序。彼蓋不行站崗制度。故警察若有若無。若暗探則四處密佈。專偵察買賣違禁之物。（如鴉片嗎啡等）并刺探作奸犯科之盜賊。聞美人初治非時。外埠盜風甚熾。劫殺掠奪案。日有數起。

有數大偵探託爲失業美人。往外埠盜賊出沒處。開設私窩。收買贓物。由是諸盜奉爲盟主。藉爲護符。不二年各盜藏匿之所。如掌上螺紋。警兵一至。無一漏網。盜風自是少戢云。

土人概況。非島有語言。無文字。西班牙既握政權三百年。於是其民競讀西班牙文。習西班牙語。美取而代之。乃教英語。今公立各學校。觸處皆張條告。不準用一言一字非英語。而一部分華僑。又操其固有之閩粵語。商業所川簿記。皆華文。現在商業簿記條例施行。華僑羣起反對。未識終局如何也。非島土語有十七種之多。此島與彼島不相通行。較爲通行者有三種。曰太加洛語。曰維瑟耶語。曰拍拍加語。非島之家庭組織。浸染歐風。子娶婦後。獨立門戶。決無與父母同居者。母老多依女不依子。故普通皆重生女。遺產之繼承法。三之一平均給其所生之子若女。其一得自由給與某子或某女。又其一得自由給與其戚友。此爲西班牙法律。至今尙踵行之。

人民之婚姻絕對自由。男女交際極發達。自小學至大學。皆男女同校。至若男女跳舞會。各鄉村皆有之。僅小小數十家村落。亦有跳舞場。黃昏時候。琴聲間作。男女多携手褰裳而來。可見其風俗之一班矣。女子出嫁。從前僅十五六歲。今文明漸進。大都展至二十一二歲。甚者願與

科學爲伴侶。矢志第身不嫁者。婚禮大都行於教堂或法庭。

全島九百萬人口。奉天主教者六百萬。奉耶穌教者二百五十萬。其餘奉回教者五十萬人。皆在南方蘇錄等島。當西班牙時代。基督教勢力最大。政教不分。僧侶甚遭人民疾視。乃致釀成革命。今者教育行政。全操於政府。然舊教所立學校。猶不少。而一般士紳。每有寧令其子弟入此等學校者。因緣篤信舊教者多。然亦別有二原因。其一舊教會學校。教授用西班牙文。其二馬教科偏重文科。皆深合舊社會心理也。人死卽葬。舊時亦有公墓。今政府於各市規定地點。令叢葬之。人死親友至其家。笑談竟夜。爲喪主解悲苦。無舉哀者。棺小如箱。或以玻璃爲蓋。可於葬前見死者之面。死後須於二十四小時內。送其棺至墓屋。陳列死者之物。弔者皆贈花圈。臂圍黑紗。此紗在持服最重之家人。以一年爲期。墓以塞門德土爲之。或在屋中。或在屋外。此西班牙舊俗。至今猶相沿未改。

門鷄爲非人固有習慣。美政府屢欲懸爲厲禁。因羣起反對。始訂每期一次。屆期門鷄場外。車則擁擠異常。不知者皆疑爲特別盛會。華僑勞動家。因此喪資者比比。近因美人在菲發行某日報。謂非地各政黨爲門鷄政客。非人引爲大辱。由是上流社會人士。大爲歛跡。而下流勞動

家。則仍如故焉。

非人體育發達。亦屬可駭可愕之事。春秋佳日。星期餘暇。凡廣場隙地。皆以皮球爲惟一運動品。體魄既健。自饒進取之雄心。將來國際上可以佔重要地位者。皆自此體育中來。斯言誠不誣也。彼經理皮毬業者。亦時懸銀盃爲得勝者之紀念品。一則提倡體育。一則招徠生意。兩利兼收。計莫便於此者。

文明國民之職業。惟醫生律師最爲高尚。蓋醫生可保衛生命。律師爲擁護法律。人民皆望而生敬。視爲有直接關係。時勢所趨。故近非人畢業於醫科法科者。年以百計。然供過於求。又不免生優勝劣敗之公例。不得志而困頓無聊者。亦大有人焉。自獨立案提出。熱心時局之政客。以合全菲羣島計。凡開墾堪耕種之地。尙未滿十分之三。天然膏腴之沃壤。棄而不闢。糧食一道。反坐待外地之輸入。利權外溢。何可勝言。於是籌設農林學校於各埠。各日報雜誌。亦以改良農業相號召。今則農林大學畢業者。已有兩屆。種植公司。墾荒公司。日漸擴充。其組織如此。將來不十年全菲糧食。可無仰給外地矣。

非人好客。爲其天性。凡佳節盛會。皆喜邀集親朋。言笑一堂。宴飲之後。必繼以跳舞。雖繩樞囊

牖之人家。亦時聞有 *Quadrata* (跳舞時所作之樂) 之聲。至若洗禮結婚。則更視爲畢生大典。非良朋賁臨。不足以爲門閭光。且菲人宴客。有一奇俗。凡一份請帖。必多備十份食位。蓋凡作客者。多喜邀彼侶伴。聯袂偕來。藉示交情親密。恒有滿座來賓。全與主人素未謀面。必待二三次。一一介紹。賓主始握手問訊。交換名片。華人娶菲婦者。中戶人家。每年宴客費亦必列爲大宗出款云。

西班牙教權最重。迷信亦最深。非人秉其遺毒。剷除未盡。各市鎮鄉村之禮拜寺。輪流慶典。幾佔全年光陰五分之一。屆時軍樂前導。高抬偶像。遊行所管轄之地點。如中國閩省。每年境主都爺。(如北方之城皇) 必出巡四境一次。藉資鎮壓者也。老婦小兒。皆手燃白燭。長跪道旁。默頌聖經以祈福。紅男綠女。則競尙新妝。自命開通。大有人醉我醒。笑彼迷信之無謂。遊覽一周。卽預赴今夜親宴會。耗財廢時。莫此爲甚。但信教自由。美政府固不禁也。

耶蘇聖誕爲歲終令節。一星期前。凡親朋戚屬。各互送禮物。賀年之明信片。亦必於聖節前由郵局寄呈。此二三日間。身荷皮袋。履聲橐橐之郵丁。無非爲送信忙。彼青年男女。情絲已牽。則更搜羅精緻名片。作將來結婚紀念。計消售此項名片。亦爲年終一大宗營業。

十二月三十號爲利撒 *Louis Brand* 紀念日。利撒生長菲島留學歐洲以醫科大學畢業。目擊西政府專制暴虐。民不堪命。日發揮民族民權主義。喚醒同胞。爲西政府所捕。卽於是日就義。由是革命風潮。日以磅礴。卒逐西人而謀自立。今全菲統治權雖歸之美人。然扶助獨立之義聲。美人已宣言在前。較之屬西人時代。非人所享受之幸福。相去已不啻霄壤。故菲人崇拜利撒。如美人之崇拜華盛頓。紀念日百業休息。各學校各社會各團體皆整隊到利撒紀念碑下。繞行一週。三色之獨立旗。沿途飄揚。（美政府特許菲人是日高飄三色獨立旗卽革命時之旗章也）而乘涼地 *Zinjeta*（利撒紀念碑建築此地）車水馬龍。幾無插足之地。

十二月三十一夜。菲人家庭皆興高采烈。作送舊迎新之預備。美人在 *Beach* 設立公共跳舞場。無論何國士女。皆可入塲跳舞。晚餐後沿街遊人。熙熙攘攘。或爲滑稽裝束。互擲紙花以爲樂。禮拜寺鐘鳴十二。則各工廠各汽船。皆長吹汽笛。家居之兒女。亦敲動鑼鼓。喧譁叫囂之聲。至天明始止。問之老於此地者。則曰美人治菲後。特設此制。無他爲送舊迎新儀注耳。

嘉年華會 *Carnival* 發源於羅馬。歐洲各大都會皆行之。美治菲後。於一九〇九年。創設於菲首府岷尼納。由是年年行之。未開幕以前。先有選舉女皇 *Cornwall Queen* 之運動。會場佈置在乘涼

地。周幾一英里。開幕之日。無論團體個人。皆可自由裝束。列爲遊街隊。而以學校學生爲最多。皆粧爲歷史上及野蠻時代人物。以博他人之發噱。女皇乘鑾輿前行。各隊繼之。自開幕至閉幕共九夜。場中羅列菲屬各地出產品。凡屬私家怪奇之物。亦可先納租金。參與陳列。觀者必納資二角或五角不等。入嘉年華會觀遊者。每人納入場券費二角。每年此項之收入。據該會佈告。恒有十萬餘金。則會中盛況可想而知。凡入會場之士女。無論爲舊識。爲新交。或素未謀面。皆可互擲紙花以相問訊。鬼面衣之怪裝。更觸目皆是。粉墨登場。全異本來面目。華英字典譯爲 *Charivari* 聖狂節。誠哉。全菲士女如飲狂泉。此幾日中。幾若別成一世界者。茲將蔣維喬先生所記菲律賓嘉年華會錄之於下。以觀其詳。

民國六年陽歷二月。余以考察教育至菲律賓濱。初離滬時。天方沍寒。將至菲在舟已覺漸暖。及抵馬尼納海岸。則氣候竟如滬上五六月矣。登岸之日。卽爲嘉年華會開幕之期。見道中行人。無論男女老幼。皆著奇詭之衣服。戴鬼面遊街市中。不特菲地土人爲然。美國男女亦多效之。衣服之形色。既有種種。而鬼面之或長或短。或大或小。或黑或白。或紅或紫。色與相有種種不同。其人恒手持布包。中貯紅綠色碎紙。逢人便撮一握撒其面以爲

戲遇婦女尤甚。受者不可含怒。或亦撒碎紙報之。其會場之大。較我國南洋勸業會有過之。其中種種娛樂或雜技或跳舞或音樂。耳不暇聽。目不暇接。而喬裝鬼面之人愈益多。撒碎紙徧地。然會場中有特闢之陳列所。爲非政府各局所設立者。如教育局之各種教育品。農務局之各種農產。森林局之各種木材。鑛務局之各種礦質。皆有精密之圖表統計。比較歷年生產之數。此外如印刷局之印機。海陸之槍礮。皆一一陳列。而非律濱全島之體育大會。亦於會場中舉行。是知遊戲娛樂中。兼寓社會教育之意矣。嘉年華會。每歲於將行之前。例必選舉花皇。所舉必爲未嫁之女子。凡納資取得會中股東之資格者。均有選舉權。以各報館爲選舉機關。刊選舉票於報紙。選舉人剪下書被選舉者姓名而投之。至揭曉之日。以得票最多者爲花皇。去歲當選者爲菲女。今歲當選者美女也。聞選舉內幕。亦未必盡憑容貌資格。亦如共和國之總統。有連動作用焉。花皇當選之後。必擇日出巡馬尼拉全市。然後至會場行加冕禮。二月五日爲出巡之期。是日全島之人。如醉如狂。出巡儀仗之盛。長及數里。而皆含滑稽之意味。余於是日往觀之。先導者爲樂隊。其次有一廣車長而方。車上裝成山海之形。以四馬駕之。一女背出臨海。衣紅衣手執一旗端

坐於中。前後立侍女數人。旗上大書平洋皇后數字。卽花皇也。或曰花皇未加冕。不出巡。此假皇耳。花皇車後隨以黑衣高蹠之兩怪人。高可二丈。其後鬼臉隨者無數。次爲馬隊。軍樂步隊。飛艇隊。及大礮一尊。聞各種軍隊皆學生所演也。復有高大之摩托車。上坐多人。爲菲島將來獨立後之總統及內閣。又有女子多人持一旗。上書女子選舉權。非人政治思想於此可見一斑。旣而聞礮聲隆隆。則一兵車四週駕礮。沿途開放。放出者皆紅綠碎紙也。各種商店利用此機會。鈎心鬥角。演成種種廣告。車聲磷磷。上作假山茅屋之形。女子數人坐而浣衣。則洗衣店之廣告也。工人百餘列隊而行。衣半臂衣。戴奇異之帽。帽與衣皆五彩印紙爲之。則刷印店之廣告也。魔鬼之人。頭大如斗。共乘車中。上車種植煙草。花葉美麗。則煙草公司之廣告也。凡是種種。不能盡述。俄兒高車駟馬。昂然端坐。手作揮霍狀。後有數十人。肩負紙紮之銀元。掩其半車。隨車疾走。則調刺揮金如上之人也。最後有摩托車裝成一船。船中少女數人。船上大書曰行矣。不走自由之域不止。則又提倡菲律濱獨立之微意也。花皇巡行旣畢。於是日之夕。乃蒞會場而行加冕之禮。禮場爲圓形頗廣大。周圍上下。飾以電燈。輝煌奪目。以文本爲地。光滑寶座。高可數十級。場之四週

設座位以待觀者。觀者入場。必納菲金五元。可帶女子一二人。蓋預備跳舞也。迨花皇蒞止。前有侍衛執戟護從。後有宮女簇擁而入。花后升寶座。侍者奉冕加其首。冠飾以珠玉。價值巨萬。此時觀者男女自爲配合。在花皇座前行跳舞。按音樂之節拍爲步舞之疾徐。周旋中規。折旋中矩。樂作則作。樂止則止。落花墜叙者無數。是日喬裝鬼面之人愈多。衣服之鬥巧爭奇。殆無相同者。有西班牙夫婦二人。男則戴紅頂花翎衣補服持摺扇。女則繡衣霞帔持團扇。洋洋入場。意甚得也。聞花皇派委員數人秘密調查。服飾之奇異者。頒以賞品。場中有中國人開設一肆。專售前清翎頂補服之屬。利市三倍。會期自二月三日起。十日止。菲全島多來與會。會畢日。場中所撒紅綠碎紙。鋪於地上者。厚可盈寸云。

美人經營菲島。道路修整。如上所述。又深慮商民無處消閒也。更就海濱填築乘涼地方十數英畝。關內外馬路二圈。右路可容十輛摩托車並行。中畫畦分區遍植細草。置無數沙發椅備遊人休息。每當夕陽西下。軍樂悠揚。每夜軍樂在此奏技二時。鞭絲帽影。男女聯翩。清風徐來。塵襟頓爽。儼然一天然公園也。利撒銅像屹立道旁。大理石牌高聳雲際。遊人或供獻生花。或止步留連。無他崇拜英雄之心。到此自覺油然而生耳。乘涼地南爲海軍俱樂部。地勢清涼。

建築寬廠。必海陸軍中重要人物。始有會員資格。北爲岷尼納旅館。Manila Hotel 美商合股開設。資本美金五十萬圓。菲島中有名建築物也。在此寄宿者多爲西來官商。樓高六層。上層佈置屋頂花園。登最高一層以遠眺。青蒼萬疊。奔赴眼底。附近之城市樓閣。皆若縮小其結構。而大工廠之烟筒。時吐濃烟。蜿蜒空際。喧譁煩惱中。乃有此清曠幽雅之一境。誠不可多得也。

安提匏洛 Antipolo 距岷尼納首府三十里。羣山錯雜。古木蕭蕭。居民架木爲屋。結草爲廬。猶未脫狃榛時代也。羣村適中之點。建一禮拜寺。五六月間。每星期皆建設道場。迎神出遊。菲人華僑三五成羣。或則携眷偕來。爲此地寓公。蓋地處幽僻。偵探警察皆不注意。而鴉片賭博。遂應華人非人（非人性極好博）之需求。而徧設各處。竹籬花樓中。呼么喝六。通霄達旦。聲震戶外。倦則席地爲榻。吞煙吐霧。藉資消遣。外人欲知中國下流社會怪現狀。卽此可爲代表矣。經營烟賭營業者。名曰燭厝。（華人住 Antipolo 者展拜該地禮拜寺皆以白燭一對爲貢獻品）此二月中之得利。恒在數千以外。倚此爲生活者。亦有數十家云。

是地西班牙人。視爲化外。不甚經營。昔日行旅之代步。俗名老淵。Duyan 純爲生番時代用品。今猶有存者。美政府爲利便行客計。築摩托車路。自岷尼納起程。一點鐘可到。火車公司更披

荆斬棘。敷行鐵路。法國人在山頂開設旅館。由是時屆盛暑。華僑無大無小。咸籌一宗旅行。tipolo 之盤費。中西上等社會人士到彼亦有棲息地。天然之山色湖光。儘堪流連。明屹 Bas 而外。堪爲首屈一指矣。

總觀南洋羣島。島嶼散佈。物產富饒。政權握諸白人。商權握於華僑。除澳洲外。無不皆然。惟美人對於非人以扶持其獨立爲宗旨。與英荷行政方針大異其趣。將來樹獨立之幟。開自由之花。堪爲南洋各民族放一異彩。誠舊世界中之新式也歟。

參考書名

南洋華僑雜誌

中外地理大全

考察菲律賓濱教育記

中國與南洋雜誌

申報

第二節 菲島內湖仙答洛華僑概況……錄中國與南洋雜誌

菲律賓屬內湖省 *Laguna* 爲呂宋中之一省。仙答洛 *Santa Cruz* 爲內湖省一巨鎮。距岷尼拉

Manila 有八十八基羅密達之路程。全鎮人口五萬餘。土產以椰子爲大宗。土人皆有恒產。教育頗發達。地方路政亦甚修理。電燈自來水俱備。在昔西班牙統治時代。交通閉塞。無商務之可言。蓋緣地處高峯。轉運爲艱。且西政府時代。盜賊出沒於荒山叢草間。專以搶劫爲生者。比比皆是。故凡交通不便之區。商務咸多裹足不前。而尤以此地爲尤甚。在火車未通時。華僑居此者。爲數寥寥。距此二十基羅米達有一小鎮名嗎怡 *Bay*。戶口稀少。地處湖旁。倚山帶水。利於交通。輪船行四時可達岷里納港。輪船行二點鐘。可達內湖首鎮 *Santa Cruz Laguna*。故凡仙答洛之土產品皆齎集於此。糧食需要品亦均從此取給。出入貨皆以此爲轉運地點。吾華僑之經營土貨及販運大宗貨品者。咸集於此。迨乎英人入主菲島。對於交通事業。銳意整頓。火車汽車。四通八達。於是華僑之營業。乃棄嗎怡而遷於出產豐富之仙答洛。十數年來。吾華人到者日有增加。而商務乃藉以進步矣。

華僑之現狀 自交通便利以迄於今。昔之華僑商店。惟區區七八間。（一間卽一家也）

現已增至一百三十餘間。昔者華僑數不盈百。今則增至五百餘人。并有華僑女眷。近因內地

擾亂。避居南來。爲數已二十家有奇。蓋自南北失和。閩省亦轉入戰爭漩渦。閩南一帶。盜匪蠶起。稍一失虞。搶人焚屋。雞犬爲之不甯。對於僑眷尤甚。故凡外地稍有資產者。皆携眷南渡。倘南北統一無期。戰爭未能早息。則僑眷之繼續南來者。必日益增加。因大多數華僑心理。皆視家鄉爲畏途。土匪之橫行。軍隊之騷擾。地方官吏之魚肉。實在不堪其苦。咸以南洋爲樂郊。此亦理之固然。非然者。吾僑素以鄉里爲懷。祖宗廬墓。何忍置之不顧。深望執政諸公。申警地方官吏。對於所屬軍隊。加以約束。則僑民之幸也。亦卽國家社會之幸也。

華僑受人魚肉之經過 華僑來此。大半爲謀一己之衣食。故凡公益事業。素不注意。且省界縣界甚嚴。甚至一鄉一姓。各立門戶。不相來往。團結力極形渙散。甚至因營業相競。迭起爭端。同屬華胄。因細故涉訟。數見不鮮。吾華僑既乏團結力。更時起鬪牆。貽土人以笑柄。而起其蔑視之心。是故居留地官吏。對吾華人。每加輕視。任意魚肉。下至糞夫走卒。皆視吾輩人若無物。欺侮凌蔑。視爲常事。雖有領事之駐紮。大都尸位素餐。任僑民受人鞭撻凌辱。不肯出而干涉。華僑只好逆來順受。忍氣吞聲而已。

華僑團體運動之大略 自辛亥武昌起義。民國肇興。海外民氣爲之一振。滬港（港香港

也。報紙之銷售於南洋者。幾有洛陽紙貴之概。而海外華僑報館之誕生者。亦比比皆是。故凡粗知文理者。咸購報紙一份。藉聞祖國政況。由是報紙中愛羣愛國愛種諸名詞。漸灌輸於僑胞心理。僑胞與僑胞。不復如從前秦越之相視矣。

民國元年冬。有僑商陳某之商店。店夥楊某。偶因細故。被本地土人戕傷。勢甚沉重。該土人爲社中極有勢力之人。且其叔某爲警察局長。故敢橫行若是。楊某被戕後。該警長更濫施威權。將陳某全店五人。一并提禁拘留所。濫施刑威。該警長以爲華人易欺。百般壓抑。最後吾華人必更向其哀懇關說。以求了事。其姪戕傷華僑。可以免成刑律。孰知全社僑衆憤慨激昂。曰：是可忍。孰不可忍。此而不較。吾華人將無立足地矣。於是邀集僑衆。籌謀對待方法。募捐巨款。以作控告之費。結局兇手繫獄。警長革職。自始至終。警長耗去運動費數萬金。幾成破產。乃得免受刑律懲辦。華僑至是。羣知固結團體之不容緩。而華僑中和團體會適應運而產生矣。

華僑團結後之國民外交

自團體會組成而後。凡華僑中有爭鬪者。均由會中以至公平之主旨。出爲調停和解。深服僑衆心理。自是而後。僑中凡有往來轆轤或爭端者。皆請會中代爲處理。會中董事。以團體所關。亦樂於照辦。間亦有因銀錢差錯。欺項不直等情事。往往調人

代爲賠償。故能得僑衆尊重。數年以來。華僑中之對簿公庭者。實未之有也。對於外人一方。地方官吏。視吾人已有團體。乃一變其輕視爲親善。凡地方稍有勢力者亦然。間或有一二不肖之士人。猶存意與吾人爲難者。皆得地方官吏依法嚴懲。故均斂跡於無形。然吾人又能融和意見。所有因營業競爭嫉妬惡感之風。皆一變而爲相親相愛。此皆固結團體之效也。

關於公益事業之興辦 華僑中和團體會自成立以來。歷任會中董事職員。對於公益之事。莫不極力提倡創設。如修理華僑義山。建築公共會場。創設學校。先後次第成立。所需之款項。皆出自全社僑衆所題捐。舉凡會中應辦各項公益事。對於募捐款項。大多數之僑胞。莫不踴躍輸將。雖由辦事者之熱心毅力。未始非僑衆同心一德。熱誠贊助。有以致之也。

華僑義山概略 華僑之有義山。乃在未有團體以前所購買。斯時埠中華僑人數尙不滿百。派別殊異。然對於義山事。皆一致贊成。華僑鑒於華族客死他鄉。椰林叢樹間。爲其窀穸之所。牛羊踐踏。難慰靈魂。乃議置義山。以爲叢葬之所。斯時適有荒地一片。距社不遠。地勢高燥。正待價出售。有識者以爲機不可失。乃出向僑衆募捐購買。義山之舉遂成。但斯時僑中未有公衆團體。管理之人。對於設備整理。諸多缺如。迨團體會成立。卽歸會中管理。更由董事中提

倡修理事宜。於是繪圖註冊。豎立界址標牌。週迴通繞以鐵欄以絕牛羊之跡。門首建築二亭。甚爲華麗壯觀。更由會中公舉管理專員。立簿籍。編號碼。俾有親屬者之欲撥骸歸葬故國。易於識別。華僑義山。遂立永固之基矣。

華僑會所之新建築 初華僑團體會成立之始。乃租地一段。由僑衆捐助款項。建築兩層洋樓一所。爲會所。工程甫畢。未及一週。遽遭回祿之災。數年之間。會所係暫租。迨至民國六年。適有民居破屋連地基一段。待價而售。遂由會中出價購買。重新建築。作爲會所。地價及建築費計萬餘金。然斯時物料尙未達於最高價格。若在現時。百物騰貴。開銷必更鉅也。

教育 華僑團體會所既建立。諸董事以華童南渡者日多。此輩幼稚兒童。在內地時大多未曾受有相當教育。且觀非人教育之進步。此後非具有普通知識。不足以競生存。况乎潮流所趨。世界文物日演日進。學校之設。實爲華僑目前無上之要需。惟教育以經費爲先。教育機關。尤應籌劃周妥。庶幾可維持久遠。不至中途廢輟。乃由會中議決。就全社僑商營業之大小。分等第認捐。逐月繳納。藉充校費。深承全體僑商贊成。爭先蓋印認捐。預計每月可得二百餘金。然董其事者。猶未敢草率從事。乃疊開會議。籌謀增加入款以維永久。最終由大多數僑衆

決議就華僑所組織之煤油公司盈餘項下撥下一半捐助學款。極承全體股東贊許於是學校始爲成立。定名爲中和學校。初議學生不收學費。繼恐經費。或有不敷。故議每學期收費六元以資補益。更爲普及教育起見。凡無力繳納學費之華僑兒童。可以免費。至學校設立。係在民國七年春。轉瞬已經數載。現時全校經費。年需三千餘元。入款年約四千餘圓。對於經費一層。頗有餘裕。堪爲教育前途幸也。

學校內容 學校自開辦以來。每學期學生略有增加。成績亦屬可觀。學生共二十八名。分高等級國民級及英文專修科。學科高等級爲修身、國文、歷史、地理、理科、商業、珠算、圖畫、英文、筆算、國語、尺牘、體操。國民級爲修身、國文、尺牘、圖畫、國語、英文、體操。更附設夜學。以爲青年失學及年長有職業者之補習。夜學編制簡單。有中英文各專修科。且注重實用。夜學中文科爲國文、修身、尺牘、商業。英文科爲讀本、會話、文法、拼句。現夜學生有三十餘名。合日課生共五十餘名。現有教員二人。中英文各一。訓育皆從嚴格。校長兼中文教員。英文教員爲菲人。學問經驗均甚豐富云。

華僑煤油公司 民國二年。菲島有勢力之菲人。欲絕吾華人煤油營業之命脈。乃合組一

煤油公司。并運動市政會議。特訂一煤油限制條例。以爲壟斷煤油業全權計。該條例內容凡商店貨倉。及附近居民地點。皆不能屯積煤油三桶以上。犯者罰款五十元。以至五百元。或處以監禁之刑。吾華人習慣。不論大小商店。皆兼售煤油。因格於條例。店內及貨棧不能貯蓄。不得不向該非人公司購取。以應顧客。中和會鑒於事事受該公司牽制。憤不能忍。以爲欲謀與彼對抗。非組織相當公司不可。乃由會中董事發起。組合煤油股份有限公司。全社僑商無不踴躍爭先認股。更由會中公約。凡屬華僑商店。須認股。視營業之大小。規認股之多寡。凡華商所銷售之煤油。皆由公司中購取。不向非人公司或他處交易。犯者一經查出。由僑衆共棄之。并將其所投股款充公。公司總理及董事。就公司職員有股份者。舉使兼任。經理人由總理引荐任用。專司營業事項。自此公司成立後。該非人公司以營業冷淡。不數月遂歇業。間雖有一二外人。繼該公司以經營煤油業者。皆旋起旋滅。故數年來之煤油業。又皆操諸吾華僑之手矣。際茲商戰時代。南洋土人教育日形發達。商業知識日漸進步。吾華僑若不謀開通知識。結合團體。將來恐無立足之一日。區區煤油公司。猶其小焉者耳。

第五章 華僑及日僑概要……參考書飲冰室文集教育叢刊商業研究會雜誌

第一節 南洋華僑總述

(一)人口之分布 我國海外僑民以南洋羣島爲最多。合各埠與內地計之。數約四百六十六萬。內中荷領印度百八十萬。暹羅皆百五十萬。馬來半島八十萬。法領印度二十五萬。緬甸十三萬。菲律賓濱羣島七萬。澳洲及新錫蘭各二萬五千。較四千萬土人。約成十與一之比。其分布狀況亦與土人相反。土人皆散布島內。華僑多集居沿岸。土人多在荒涼之地。華僑則在繁盛之區。土人散居四方。疏密一致。華僑則多集居市鎮。成堆集狀況。吾人試涉足南洋各埠。如新架坡及蘇門答臘諸處。其市民十八九皆中國人。初不疑置身於異域也。今試將英屬海峽殖民地及馬來聯邦二處人口之差別列表如下。以例其餘。

海峽殖民地	中國人	馬來人	印度人
歐美人	歐美混血人	馬來人	印度人
七·三八六	八·〇七二	三六九·八四三	三四〇·二〇六
		一二一·〇五五	

表 口
 其他各國人……………三〇五二五
 合計 七二四〇九六

馬 來 聯 邦 人 口 表

中國人	四三三・二四四
馬來人	四一九・七六三
印度人	一七二・四七六
歐美人	一七二・四七六
歐美混血人	三・二八四
其他各國人	二・六七九
總計	一〇二五・九三三

觀上二表。則可知華僑人口之多。然尤以新架坡檳榔嶼二處為最。華僑人口佔全數十分之九。馬來半島西岸富庶之地。如吉隆坡怡保太平諸埠。皆與新檳二埠相似。其中馬來人不過十之一二。餘皆僻處山林。從事農漁。絕少團聚之象。

(二) 勞働者 南洋主人翁之馬來人。率皆知識卑下。性情懦弱。渾渾噩噩。毫無向上活動之

機能。欲使其經營事業。開發利源。無異引跛登山。牽牛上樹。白色人種其冒險活動能力。固出
乎華僑之上。然忍苦耐勞。勤儉貯蓄。則不及華僑遠甚。又人數少。以開拓此森林葱鬱。煙瘴
雨之鄉。責之。彼亦必遜謝不遑。嘗聞美國一雜誌記者曰。「當數百年前。中國商人。因爭毫末
之利。而能出入凶猛無匹之弱羅蠻人中。以賭其生命。」云云。故披草萊。斬荆棘。開闢利源。
戰勝天然而利用之。殆有天賦權能。舍我其誰之勢。設使華僑一旦棄新土而歸故國。則瓜哇
之糖。馬來半島之錫。蘇門答臘之石油煙葉。以及各繁盛之都市。與夫偉大之園林工廠。必至
荒涼拋棄。頓成衰象。雖自稱能征服自然之白人。亦必束手無策。茲分述勞働者之類別如左。

猪仔 南洋之有需於中國人。既如前所述。於是所謂「猪仔」之名稱。遂出現於此莽莽炎
域中矣。何謂猪仔。卽中國窮困無業游民。被人拐賣。迫令工作不得自由之名稱。此類人十之
八九屬閩粵籍。南洋有專以販賣工人爲業者。密布爪牙於內地。甘言誘惑。無所不至。一墜其
術中。則載運南來。抵埠後驅入猪仔館。鞭撻橫加。聲聞里巷。復由猪仔館轉運於各埠。賣成之
後。由買主帶赴華民政務司存案。該政務司統於英人。猪仔來此不通英語。由猪仔館代爲問
答。統以『自願工作』對。而猪仔又不識字。不知約上所載如何。無從辨其利害。問答既畢。遂令

其執筆畫一十字以代簽押。立約既定。遂永沉奴海。由工頭帶至工作之地。凌虐鞭笞。慘無人道。而深林鑛地。人跡稀疏。交通莫便。雖呼天籲地。亦無聞知。終日汗流沾背。止可得銅元四枚。又爲工頭剋扣殆盡。工頭則凶惡如鬼卒。月中工資不下數百元。對於工人。箝束驅撻。無所不至。故有被人殺害者。聞從前有日人在東三省誘買中國人若干。運到南洋工作。窮苦不得生還。中國領事聞之。備資送還。始得回國。又有某地一附生。亦誤被拐賣。曾竊上書哀告於中國領事。領事與某園主交涉。竟未得確切辦法。

人力車夫 新架坡有人力車二萬輛。其車夫完全爲中國人。且多爲閩省之福清人。蓋中國人鄉土關係界限甚嚴。如某縣人先至某地經營某事業。於是某地與某種事業。十之八九皆爲某縣人所把持。帶有排外意味。他縣人卽不易插足於其內。程度愈下。此種情形愈甚。此新架坡福清車夫之所由來也。黑衣垢面。跣足編髮。身任牛馬事業。不知怨且不知羞。終日奮征不息。其日入一元至三元不等。英屬地各大埠皆有。惟瓜哇與呂宋無之。其市埠交通之機關。皆用馬車焉。

鑛夫

南洋華僑勞働界最著者。爲『鑛夫』。馬來半島之西岸產錫著於世界。其產額約占

全球總額之半。其鑛夫總數達二十萬人。而其中十分之九爲廣州福州及瓊州人。又由新架坡放舟南行。越二三島嶼。有一小島西與蘇門答臘相呼應。其島名彭加（Banka）彭加之背爲皮利冬（Belitong）二島合計面積六十餘方哩。人口十九萬。華僑九萬餘。然荷政府在此大如貓頭之地。實年年收得二千數百萬『盾』之利益者也。惟此可驚可駭之大富源。實賴我勤勉刻苦寰球無比之僑民。馬來人不與焉。僅計彭加島之錫鑛業。其採掘與精煉之工人。全爲中國人。數約四萬。他處亦可推知。錫礦之外。則爲石油鑛。試自新架坡西航繞行蘇門答臘之側。則遙見水涯山巔白色圓桶狀之石油庫。參差矗立其上。數不可記。按世界石油鑛之最著者。初爲俄油。次爲美油。再次則爲荷油。今者荷俄合併爲亞細亞公司。與美孚公司。並立於世。計荷油產額共一・二五三・二八四吉羅格蘭（單位爲千吉羅格蘭。）其公司之技師及職員。雖皆爲歐洲人。而其鑛夫則多半爲中國人。及瓜哇人。製油廠之職工亦以中國人爲最多。鑛夫工資每日約四角。高等職工間亦有每日得一『盾』乃至三『盾』以上者。煙園工人。蘇門答臘之煙葉。現時在南洋當首屈一指。實駕呂宋煙葉之上。計一萬畝以上之大公司凡十五。每一公司用勞働者約一萬五千人。乃至二萬人。每年產額約三七七

九二八擔。其工人亦大半爲中國人。蘇門答臘島棉蘭埠之西有埠曰民禮。計華僑居埠中者約三千四百餘人。而在煙園中任勞働之役者約一萬三千餘人。從事農業者約八百餘人。從此可見作工煙園者之多矣。問觀南洋國民日報載有工人淚一篇。茲節錄之以供參考。

(棉蘭)『華人來日里種煙者。例以三年爲期。期滿之後。聽其工人自由工作。該處之頭家。必以擔保字據。俾其工人携到埠中。』甲必丹公署「換取居留字。此不易之例也。月之十日。(民國六年某月)余(訪員自謂)到巴敢埠一行。見有華工十餘人。羣聚街邊議論紛紛。其中似有一種不平之氣概。余上前叩其故。其人曰：『吾等係自園邱工作期滿打紙而來者。携有頭家擔保字。則甲必丹公署換取居留字。甲必丹說：『頭家之担保無效。要埠中之商店擔保始可。』吾等來自園邱。如出自深谷中。埠中又無知己。又無親屬。何從覓得商店擔保。徒束手待斃而已。華工之苛遇艱難。於此可見一斑。然亦可知甲必丹不知惠愛同胞之狀況矣。』

(三生業) 南洋華僑。生業最著者。爲營商。凡繁盛之埠頭。以及叢爾之市鎮。其中商店及商人。十之八九。皆華僑。馬來人雖較華僑多十倍。然皆僻處山林。從事農業。經營商業者。百無一。

二凡南洋產物之輸出。用品之輸入。十之八九皆經華僑之手。或設立公司。直商歐亞。或販運。坐賣。以取贏餘。類多市利。倍蓰南洋。除澳洲外。英荷美屬地。無不皆然。統計經商人數。可佔僑民之半。歐美人眼光能力。與所營事業。固皆較華僑爲偉大。然人數過少。不能與僑胞抗衡。土人更不足比數矣。商業之外。則爲農業。無論大小埠。凡經營商業者。大半兼營種植。南洋種植業多爲椰子。檳榔。樹膠。碩莪四項。樹膠爲近數年來新興之業。獲利數倍。投資墾植者甚多。亦有斬伐檳榔椰子改種者。因之致富者。實繁有徒。惟自歐戰發生以後。銷路忽滯。獲利不豐。檳榔椰子及碩莪三項。其普通與內地綿麻五穀相類。商農之外。則爲傭工。分爲農鑛二類。此外細小生業。尙有數種。新架坡浮小舟爲家。以載渡爲生者。共有八千餘人。因調查而逃亡者尙多。實數猶不止此。沿海捕魚者尤多。除生售外。更以鹽漬之。運銷他地。獲利頗厚。惟業漁者多賭博及吸食鴉片。故所獲有時不能償所失。爲可惜耳。南洋地居熱帶。洗濯爲勤。故洗衣局到處皆是。計中上等社會。每年每人當出洗衣費二十元。每百件大小合計價銅元三百枚。或四百枚不等。可得半價之純益。業此者極多。吾國豆腐之製造。著名全球。南洋僑民多業此者。以其渣滓飼豕。更以餘暇兼經營種植及蔬菜之屬。又馬來半島西岸錫鑛最富。以採錫致

富者。指不勝屈。朝無立錐之地。夕時掘得錫米。頓然車馬盈門。儼類素封者。所在多有。計新架坡出口貨以錫爲大宗。樹膠椰子等次之。試南登斯埠。則見船中三稜形白色如銀之錫塊。裝載滿船。運銷外埠。此著名物產。大半賴我僑民血汗力所經營。英人坐享其利。宜其受白人無上之歡迎。然因採掘無著以致虧折資本。窮乏不堪者。亦比比也。總之南洋華僑生業。以營商爲主。農工次之。故商會勢力。非常偉大。茲將南洋華僑所有商會。列表如左。(民國四年)

名稱	所在地
南圻中華商務總會	法屬越南
暹羅中華商務總會	暹羅
新嘉坡中華總商會	新嘉坡
檳榔嶼中華商務總會	檳榔嶼
霹靂怡保華僑總商會	霹靂怡保
雪蘭莪中華商務總會	雪蘭莪
麻株巴轄中華商務分會	麻株巴轄

<p>彭亨關丹中華商會 緬甸仰光中華商務總會</p>	<p>小呂宋中華總商會 蘇祿中華總商會</p>	<p>地</p>	<p>彭亨關丹 緬甸仰光</p>
<p>泗水商務總會 三寶壠中華商務總會 巴達維亞中華商務總會 梭羅中華商務總會 日惹中華商務總會 坤甸華商總會 渤安良中華商務總會 望加錫中華商務總會 安班瀾中華商務總會 峇厘中華商務總會</p>	<p>地屬美</p>	<p>瓜哇泗水 瓜哇三寶壠 瓜哇巴達維亞 瓜哇梭羅 瓜哇日惹 婆羅洲坤甸 瓜哇渤安良 西里伯島望加錫 三把達烏安班瀾 瓜哇峇釐</p>	

萬里洞中華商務總會	萬里洞島盤丹
松栢港中華商務分會	婆羅洲松栢港
巨港中華商務總會	蘇門答臘島巴倫彭
多隆亞公中華商務總會	瓜哇多隆亞公
山口羊中華商務總會	婆羅洲山口羊
日麗中華商務總會	蘇門答臘日里棉蘭
地	

以上所載華僑商會共二十六所。其中以荷屬地為最多。共十有六所。英屬地次之。觀商會之所在。亦可推知華僑人數之多寡。及商業之盛衰。蓋人少勢弱之地。當然不能有商會之發生也。

(四)類別 我國福建廣東二省海岸線最長。交通便利。距離南洋羣島又最近。加以人口日

繁。生計惟艱。復因清初台灣鄭氏之故。多有畏罪遠颺者。南洋天氣溫暖。物產豐富。適於生活。

因之國內窮困無業者。率多趨之。或殖田疇長子孫。或經營商業。以其贏餘。轉寄回國。以是二

省人為獨多。到處成對立之勢。各有會館。互分界限。凡事多分道並行。復因語言（潮州語瓊

州語及廣州語各不相同）及地理上之關係。粵省中復分為『潮州』『瓊州』及『廣肇惠』三

大幫其餘各省僑民以浙江爲最多。廣西湖廣次之。除閩粵二省外。合各省統計之。別名曰「外江人」。外江人所組織之會館曰「三江會館」。合計外江人亦遠不敵閩粵二省中一省人數之衆。無何等勢力可言。

(五) 富力 華僑在南洋勢力。政治上雖無可言。經濟上則無論何種人。無有不仰其鼻息者。約計擁千萬之富者十餘人。擁百萬之富者數十人。至握有十餘萬金者。則不可以更僕數。聞南洋華僑最富者爲爪哇黃仲涵。係福建廈門人。約有資產一萬萬元。初以糖業致富。在三寶壠（爪哇北岸大埠）設有建源號。新架坡香港上海。俱有分號。各部事業聘有歐人顧問技師。事務員不少。在爪哇設有建源銀行。資本八百萬元。又有輪船公司。內有汽船三十餘艘。此外新架坡有陸佑。係廣東人。有資產四千餘萬元。沒後無子。其財產大半歸英人管理。實爲可惜。此其特著者耳。試遊新架坡與檳榔嶼市中。見宅舍輝煌。儼如王公府第者。數見不鮮。其中殷實富商。無一非中國人。故新架坡市政會議員。多以華僑充之。以參與市政。至美屬之菲律賓。與荷屬之爪哇。華僑富力。更遠在他處上。閩諺有云。「呂律各拉八」（即巴達維亞）靡有一千也有八百。」閩省廈門島有一鄉名上店。全鄉人皆至呂律營商。無一貧戶。其富者多至數百

萬少亦數萬元。全鄉整理極佳。屋舍一律。路直如矢。並鋪以磚。路之兩傍有溝。六丈距離處有一電燈路之灣處。則設鐵門以防盜。鄉內滿布電話機關。有公共客廳一所。凡外人至鄉覓人者。必先至是處。然後始有人介紹。有鄉團。以鄉人編成之。教師爲陸軍畢業生。有軍樂一隊。有砲台一座。有機關槍數架。毛瑟槍二百餘支。有公共墓地三所。全鄉兒童無一失學者。在呂宋有經營本鄉之經費。存儲於銀行中。此外尚有數村與之約同。故廣州潮州廈門諸港。每年華僑匯銀回國者不止數千萬元。民國革命成功。大得孫黃之助。而孫黃當窮迫時。便逃往南洋。僑民時多捐助。因以屢蹶屢起。卒用成功。則有資於中國者。正復不少也。

(六)教育 華僑教育情況。與內地有同一之比例。內地學校。皆自前清光緒二十六年以後

始漸開辦。南洋亦自光緒三十一年始行建設。內地自開辦後。漸次增加。南洋亦如之。現時仍進行未已。凡稍大之市鎮。有華僑一二十人。即有學校一所。私塾則無論通都大邑。以及較小之市鎮。皆與學校成對立之勢。其學生數目。大率亦與內地學校中學生數目相埒。至於經費之籌集。則至爲複雜。有以公共款項爲基金者。如廟產公款。族姓公款。會館公款之類。有爲公衆題捐者。分爲常年及臨時兩種。臨時則用提倡人發起。富紳捐助。各處開辦情形。多屬此類。

然後再由富紳商戶按年月捐助。多寡隨各人自認。然亦有純屬私人設立者。但爲數甚少。華僑客居異地。凡事皆由公衆自行組合。故舉辦亦易。且華僑皆置身農商界中。出資匪難。惟教育多有未諳。故籌畫之事。多半任之職教員。至荷屬與英屬。微有不同。荷屬有馬腰甲必丹。經費多有由進口貨及營業項下增加稅款。以充學費者。英屬無之。故此法不易舉行。各校皆有總理一人。董事若干人。主持財政。但總理與董事。多有終年不到校者。校中事務。皆由校長主持。校長教員多來自內地。僑民任教員者。百無一二。一因南洋無師範之設立。二因僑民多以商業爲主。初不樂從事教育也。所以僻陋之地。開辦學校。登報聘教員。有以初等小學畢業爲合格者。近來一二有識者。以客卿遠來內地。諸多不便。因倡立師範學校焉。至於教科與內地大致相同。皆爲國民及高小班。國民班每週有國語一二點鐘。至高等班畢業。卽能操普通國語。學生數目多寡不一。有三五百人者。有百餘人者。有數十人者。以數十人者爲最多。惟海外華僑學校。以在他國領土之內。我國不便派員調查。民國二年。教育部與外交部商議辦法。委託中國駐外領事兼管。三年一月。教育部規定華僑學校簡明調查表之樣式。命各埠領事調查報告表列事項。茲以各校報部立案者爲據。英荷美三屬地。共二百二十八校。計新架坡

椰嶼爪哇仰光四中學校外。餘皆為高小國民及兩等學校。生徒共一萬六千五百餘人。但此不過報部之數耳。至其因交通不便及其他項原因未曾報部者。其數當二倍於此。又法屬安南及暹羅二地。因無駐在領事。故學務狀況不明。斯亦我政府所當注意之事也。茲以呈報教育部者之學校為根據。列表如左。

國別	地方	校數	學生數
英屬緬甸	仰光	四	四四九
	吉桃	二	六九
	敏建	—	二九
	雅賽光	—	二五
	登籍	—	二二
	望懶	—	三〇
	沼直呀	—	二三
	良禮鐘	—	二〇
	渤生	—	五〇
	杰柳軍	—	二五
	秉黎貢	—	四二
	買斗	—	二一
	彪	—	三五

英屬各島

新嘉坡 一四

一七五六

雪蘭莪 七

五六〇

大霹靂 二三

七八二

芙蓉 二

九四

彭亨 二

八九

金寶 五

一八〇

麻六甲 一

八三

麻坡 一

八〇

納閩 一

七〇

柔佛 一

九四

安順 一

一二一

檳榔嶼 一〇

八七四

法屬安南

海防 一

一三二

爪哇 八三

六九二四

馬都拉 一

四六

小巽他羣島 三

一六三

萬里洞島 一

六三

西里伯島 一

三〇二

蘇門答臘島 二七

一四六七

網加島 八

六六五

荷屬各地

南洋見聞錄

廖島	一	一二〇
婆羅洲	二三	一〇九〇
雪梨	二	五〇
澳洲	一	一二
美麗賓	一	一二

以上統計 二二八 一六五二四

前表所載係譯自最近日本支那年鑑(下同)惟按民國十一年私人調查結果緬甸華僑所設學校有名目者共三十五所。其未知名者尙有四十餘所。計仰光一地共八校。其中有學生三百餘人者三校。是則仰光一處學生已不下二三千人。由此推之。表中所載校數與學生數。不過十之二三耳。其實在數目。與此相去甚遠。不可不有比較之標準。茲將新嘉坡及檳榔嶼二地學校名稱錄出以供研究。

新嘉坡各學校名稱表

- | | | | | |
|----|----|----|----|----|
| 養正 | 道南 | 崇正 | 愛同 | 應新 |
| 育英 | 甯陽 | 培根 | 興亞 | 光亞 |

啟發 端蒙 南強

新嘉坡華僑中學 (以上男校)

華僑 中華 純德 南洋 華英

崇福 (以上女校)

檳榔嶼各學校名稱表

中華 時中 丘氏 謝氏 陳氏

楊氏 林氏 同善 南華 商務

蒙養 鍾靈 檳榔嶼華僑中學校 (以上男校)

璧如 務內 (以上女校)

暹羅與我國未曾定約通商。派遣領事。故其地華僑學校狀況。前表未曾列入。茲據華僑聯合會董事許冀公於民國九年間調查結果錄之如下

許君謂暹羅華僑學校。最先設立者爲新民學校。時在前清宣統三年。現在共計十三校。學生二千餘人。學科分國民及高小二種。教授科程。悉遵我國教育部定章。惟暹羅教育部近年頒發章程。高小一、二、三年級。每週須讀暹文五時。國民三、四年級。每週須讀暹文五時。二年級二時。又充校長者。須通暹文。暹語爲教員者。須能閱暹羅公文。未悉暹文者。應以能教授學生者爲合格。否則須補習六個月以上。以至及格爲止。不及格者。不許任充教員。是則暹羅對於華僑之教育。較諸英荷美三屬地。尤爲嚴格。卽不通暹文者。不能任教職。不習暹文者。不能受教育。身旅異邦。任人箝制。是亦吾國人不可不注意之點也。

以上所述學校之外。更有私塾及外人所設立之學校。其學生數目當二倍於此。聞從前荷人禁止中國人入其學校。後華僑自設學校。甚形發達。荷人嫉之。欲收攬教育權。適某學校絀於經費。荷人欲撥款補助。華僑悉其情。却之。英人亦有欲補助某學校。欲自爲董事者。亦被華僑拒絕。惟英人以其政府勢力。提倡本國文字。故僑民子弟。從學校畢業者。半出英人所設學校。其教科純用英文。故英語英文字。雖十齡左右兒童。皆能應用不窮。至於國語國文。則茫無所知。至有不知其祖父及己身姓氏者。英人更於一九二〇年。頒布學校注冊令。凡彼政府認爲不

適宜者。皆可下令取消教職員及學校之資格。華僑教育前途。真有不堪設想者矣。故華僑學制。鄙意當急加以改變。凡高小與國民教科。亦當令中文與外國文相等。每一學校中分爲二部。一部教科與國內相同。一部中文與英文相等。令學生自由選擇。庶可廣收學生。教育權不至終於旁落也。

學校而外。關於社會教育者。有新聞紙。關於聯絡及幫助學校者。有教育會。是二者在南洋華僑界中。甚爲發達。蓋國內各學校有統轄機關。國外無之。所藉以聯絡而資臂助者。惟此教育會耳。是會每年中招集會員。對於教育進行事宜。共同研究。新嘉坡華僑教育總會。其會由英屬各學校中各派出一人以組織之。遇有事件。卽行集衆研究。鄙人亦曾被推爲臨時會長。惟屆時會員因地點關係。到者甚多。且所議決事件。各校遵行者。往往只居半數。新聞紙種類甚多。極爲發達。其中以漢文爲主。巫文英文者亦不少。惟有一種好打筆墨仗風氣。往往遇有極小題目。二新聞紙每日中譏辨不休。令人聞之生厭。器度狹小。無可諱言。其中義旨。且分爲二類。一爲舊派。一爲新派。意趣不同。故聲調完全各異。如新嘉坡國民日報屬新派。振南報屬舊派。檳榔嶼光華日報屬新派。檳城報屬舊派。到處兩兩相對。亦可徵社會心理之潮流也。此外

各學校各社團多組織閱報社。亦有組織團體赴各地遊行講演者。茲將華僑於各地所組織新聞紙及教育會列表如下

南洋華僑教育會一覽表

會名	所在地	教育部許可年月
荷屬華僑學務總會	三寶壟泗水巴達維亞三大埠輪流經理	民國元年七月
日麗華僑教育會	日麗棉蘭	民國三年八月
坤甸華僑教育會	坤甸	民國四年三月
英屬華僑教育總會	新嘉坡	民國四年三月
檳榔嶼華僑教育會	檳榔嶼	民國二年九月
緬甸華僑學務總會	仰光	民國三年二月

南洋華僑新聞紙一覽表(民國十年)

國別	報名	所在地
馬來聯邦	益羣日報	吉隆坡
海峽殖民地	新國民日報	新嘉坡
全上	總匯	全上

<p>瓜哇 全上</p>	<p>蘇門答臘 全上</p>	<p>全上 全上 全上 全上 全上 全上</p>	<p>菲律賓</p>	<p>全上</p>	<p>全上 全上 全上 全上 全上 全上</p>	<p>全上 全上 全上 全上 全上 全上</p>	<p>全上</p>
<p>全上</p>	<p>蘇門答臘日報 巴東影報(巫文)</p>	<p>華僑教育週刊 平民月刊 華僑商報(月刊)</p>	<p>公理 民號 教育週刊</p>	<p>全上</p>	<p>全上 全上 全上 全上 全上 全上</p>	<p>全上 全上 全上 全上 全上 全上</p>	<p>全上</p>
<p>全上</p>	<p>巴達維亞</p>	<p>全上</p>	<p>馬尼拉</p>	<p>全上</p>	<p>全上 全上 全上 全上 全上 全上</p>	<p>全上 全上 全上 全上 全上 全上</p>	<p>全上</p>
<p>全上</p>	<p>棉蘭</p>	<p>全上</p>	<p>馬尼拉</p>	<p>全上</p>	<p>全上 全上 全上 全上 全上 全上</p>	<p>全上 全上 全上 全上 全上 全上</p>	<p>全上</p>
<p>全上</p>	<p>巴東</p>	<p>全上</p>	<p>馬尼拉</p>	<p>全上</p>	<p>全上 全上 全上 全上 全上 全上</p>	<p>全上 全上 全上 全上 全上 全上</p>	<p>全上</p>
<p>全上</p>	<p>巴東</p>	<p>全上</p>	<p>馬尼拉</p>	<p>全上</p>	<p>全上 全上 全上 全上 全上 全上</p>	<p>全上 全上 全上 全上 全上 全上</p>	<p>全上</p>
<p>全上</p>	<p>巴東</p>	<p>全上</p>	<p>馬尼拉</p>	<p>全上</p>	<p>全上 全上 全上 全上 全上 全上</p>	<p>全上 全上 全上 全上 全上 全上</p>	<p>全上</p>
<p>全上</p>	<p>巴東</p>	<p>全上</p>	<p>馬尼拉</p>	<p>全上</p>	<p>全上 全上 全上 全上 全上 全上</p>	<p>全上 全上 全上 全上 全上 全上</p>	<p>全上</p>

(七) 風俗 華僑之初至南洋也。多屬無業貧民。大半未有家室。婦女自內地南來者。較男子爲艱。故娶土女爲妻者不少。所生子女面貌性情。皆與土人相似。至中國婦女所生者。(廣東人謂之『土生仔』) 生於斯。長於斯。所見所聞皆土人風味。操土人語言。習土人風俗。中國之語言文字風俗。大半不知。甚至於己之姓氏亦皆遺忘。凡女子皆服紗籠。跣足。間亦有纏足及服上海裝飾者。食飯多不用箸而用手。

西里伯	全上	中華維新報(巫文)	全上
	全上	泗濱日報	泗水
	全上	泗水日報(巫文)	泗水
	全上	春秋日報(巫文)	全上
	全上	瑪瓏東耀報	全上
		中華瓜哇日報(巫文)	三寶壠
		博聞日報(巫文)	三寶壠
		錫江	望加錫

屋室之建築。大埠之地。多用磚造成。有廊之樓房爲多。客廳卽在首門之內。中多設大理石之圓面棹。會客消遣以及溫課諸事。皆在是地。故多有於室傍設置書櫥者。客廳之內。卽爲住室。衝繁之地。地皮甚貴。住室率皆狹隘。但富厚者則多築室山傍。綠竹爲圍。芳草爲園。雜以紅白花色。畫棟綵廊。和風明月。海外桃源不啻也。至鄉僻之區。埠中雖用磚瓦。林內則皆架木板爲臺。植木板爲壁。上則覆以棕櫚科植物之葉焉。

閩粵人甚迷信。故所到之處。皆有廟宇。人煙稠密之區。規模特大。費用較多。每值月之初一十五二日。焚香者車馬盈門。充途塞巷。燃放爆竹。聲聒耳鼓。復時時作戲迎神。平日婦女老幼焚香祈禱者。亦往來不絕。其占卜有用抽籤以求卜詞者。有用二木塊（長形上圓下平）用手屢擲地上。視其仰俯以定吉凶者。至人煙稀疏之所。凡有住戶數十家。卽有廟宇一座。其大小恒視其村落盛衰以爲差。雖百事未興。亦必先集資立廟。年中七月十五日。盛行演劇。是日街衢間潮州劇廣州劇。分頭並演。婆娑舞蹈。諸態備具。復盛焚冥紙。堆集道左。有如丘陵。燃時火光燭天。落灰滿地。頗碍行人。外人因俗施政。亦不曾加以禁止也。

妓館到處皆有。凡有人口數百家之埠頭。必有妓館一所。內貯雛姬三五。至於大邑。則爲數更

多。是項商女。以廣東人爲最多。大半服寬褲與半長衫。跣足。亦有服上海裝束者。

華僑風俗敗陋者甚多。其中尤以賭博爲最。無論英屬地與荷屬地。皆盛行。英荷政府並不加禁止。荷人且公然設『賭碼』（賭局也）以倡導之。爲歲入欸項之大宗焉。（參看第二章第一節望加麗記）賭之爲害。無異於洪水猛獸。因賭敗而自殺者。月必十數見。因賭敗而逃亡者。尤爲筆不勝書。然此就一班工人賭於『賭碼』言之耳。若大腹之賈。富家之兒。此等人固所謂有體面者。而溺於賭博。更甚於工人。除各地俱樂部終歲賭麻雀以消耗其光陰外。家家多視賭博爲利藪。動輒藉喜慶事。大開賭局。廣招賭徒。以謀抽頭水之利。開賭之主人。家財愈富。則其賭愈豪。所收頭水亦愈多。開賭之日。齊集紳商士庶於一室。大賭特賭。尤以日里（Deli）僑屬蘇門答臘東北岸一埠）爲最甚。據某報載『棉蘭埠張某以娶弟婦名義。借本埠廖某花園開賭三日四夜。預先派帖請通埠人士。名爲請酒。實則請賭。屆期招人來賭。分設賭攤。共有六七十處之多。抽頭水約三萬餘盾。其他則又有藉新屋落成。招人集賭。以思抵還建築之費用云。』觀此亦可知賭風之盛矣。賭博之外。則爲吸食鴉片。鴉片亦歸荷人設碼專賣。其吸食者之多。統計之每人每年應消費四十盾。

(八) 外人之待遇 南洋英美荷三國對待華僑各有不同之點。美人待遇一切平等。但禁止華工絕對不許登岸。欲至菲律賓者。非由美領事取得護照之遊歷家。即當爲携有資本之經商者。其商家亦必於未成年時來菲。方許給以居留字。往來可以自由。故欲入菲島經營商業者。非冒充他人子若孫。及携有巨資者不能也。惟既居菲島之後。則無論何國人。皆爲平等。毫無異視。

英人對於華僑。與美相反。持開放主義。並特設有優待條件以廣招徠。前數年北京英公使曾與我國外交部訂立華工赴北婆羅洲墾植之規例。茲錄於左方。以見其概。

(一) 每一華工及其家族。領受墾地十英畝。從事耕植。如於十英畝外尙能多種。得加給若干畝。

(二) 華工至北婆羅洲二年以後。其所墾之地。每一英畝須納地租五十仙於該政府。

(三) 華工對於其所墾地。如已納第二次租金於英政府。得視爲己產。而轉售於其他誠實可信之華人。

(四) 華工及其家族赴北婆羅洲之旅費。由英政府擔任。抵該洲後。每一男工日給銀三十

五仙。至墾地成熟後爲止。如家中婦女過多。耗用較大。所領日用得以加豐。

(五) 中國政府委派官吏一員。駐於其地。會同英國官吏。辦理華工事宜。

(六) 英國官吏爲便利華工及其家屬起見。對於華工居留之所。特有相當之布置。一切農器亦可由英政府代備。如華工領取農器後。實無力繳價。則須以其墾地爲擔保品。

(七) 英政府將特設學校。俾華工子女得受教育。

(八) 華工須將其所墾地畝之半。植米穀及咖啡。

蓋英人南洋屬地。森林葱鬱。地曠人稀。欲斬除荆棘。開發利源。使蕭條寂寞之鄉。變爲人口繁盛之所。舍華僑外。無能當此重任者。故不惜糜經費勞心力。以招徠之。至於出入口岸。均自由無拘束。一九一四年八月。新架坡總督。雖因戰事。曾暫頒禁港之例。然以勢度之。將來不難恢復原狀也。且大埠有華民政務司之設。專理華僑不諳英語者。一切訴訟案件。新架坡市政會。復得選出議員。以議市政焉。惟英政府於一千九百二十年。實行學校注冊條例。思一變驅策之計畫。而爲同化吾同胞之陰謀。余佩臬女士。跋涉萬里。求援救於北京政府。國內同胞紛紛抗爭。以圖挽救。乃駐英公使向英政府。一度交涉之結果。則僅以各國相同。中國不能獨異對。

豈知南洋英屬各地土人而外舍我僑民固罕有異國人乎政府不足恃而吾國今日之政府則更令人失望。所望國人加以注意。慎毋令受我僑民供給之英人。於安坐而食之外。更令其以印甸土人待我僑民也。

荷人之待遇華人。則又與英人不同。凡華人初入境者。必納二十盾之入口稅。尤須有商家擔保。每月得有二十五元以上之薪金者。始給與居留字。否則不得入境。又須另向荷政府領取『監光字』（紙上注明何社何所）一紙。隨帶於身。以爲居住某處之憑證。若徙居他所。則須向官署換取新『監光字』。否則被警察查獲時。罰金若干。或監禁一個月。若自此埠之彼埠時。當向官署領出口字一紙。其費用一角。否則以私逃論。傭工輩每年如得薪金三百盾。須納身稅十盾左右。商家則須納營業稅。農人則須納地租稅。多少則視其產物若干以爲斷。出入口貨。每資本一盾。抽稅一角或五分不定。又用以華治華法。各地設『馬腰』『甲必丹』『瑞丁南』三種官制。大埠設馬腰。次埠設甲必丹。再次設瑞丁南。統計荷屬地有馬腰十五。甲必丹六十三。瑞丁南百五十六。其官人之法。止論財產之多寡。餘皆不論。其中熱心公益愛護同胞者固不乏人。而爲虎作倀。假淫威以肆虐於同胞者。亦復不少也。

第二節 荷屬東印度對待華僑政策

荷人在東印度羣島對待各國僑民。有二種法律。一則施之歐人及其同等級之國民。一則施之土人及同等級之國民。日本與歐人同一待遇。華僑與土人同一取締。土人對於荷人有主屬之關係。其政治上設施。尙存惓念之意。至於華僑。則既無所惓念。復無所顧忌。惟利是圖。並土人之不若也。茲敘其概略如下。

管理機關

荷人管理華僑。取以華治華之法。其機關之組織。大約與管理土人及阿拉伯

人相同。其官吏皆以華僑充之。最大者曰馬腰。馬腰之下有甲必丹。再次有雷珍南。是等官吏之任命。純以其財力爲標準。並不以人材爲去取。卽以各地之最富有金錢勢力者爲馬腰。次之爲甲必丹。再次爲雷珍南。一方藉其財力。可以爲政府幫忙。一方又可收身使臂。臂使指之效。馬腰之職責。專管華僑一切行政事宜。凡關於華僑重大事件。皆由荷人通知馬腰。馬腰再通知甲必丹。凡通常詞訟。先由甲必丹判決。如有不服時。則再申之荷官。凡案件稍重者。如監禁三月及罰金百盾者。馬腰甲必丹有參與可否之權。如馬腰甲必丹以爲不可者。則荷官再行審判。此外如發給華僑出口護照及華僑入口時查驗之責。與徵收人頭稅發給阿片牌照

做居留字與攷察華人舉動諸事皆以甲必丹管理而以馬腰總其成如無馬腰之地則歸甲必丹奉承荷官命令辦理。甲必丹公費則由人頭稅中每百盾抽出八盾以助給之。馬腰每月薪金百七十五盾。凡繁盛巨埠皆設之。如日里泗水三寶瓏諸埠皆有。計荷屬地共有十五。甲必丹則通常市埠皆設之。每月薪金五十盾。計荷屬地共有六十三。至於雷珍南則統荷屬地計之有百五十六焉。馬腰甲必丹皆以華僑管理華僑之事。苟得其人固非無益。然其間依附詔諛助紂爲虐者實居多數。今將荷屬所有馬腰地列表如下。

Dali, 日里 1, Achin, 亞齊, 1, Banka, 彭加 1, Ternate, 特內塔 1, Batavia, 巴達維亞 2, Chorbon, 港里文, 1, Samorang, 三寶瓏, 2, Palembang 瑞奔, 1, Surakarta, 梭羅, 1, Kediri 開波, 1, Jogyakarta, 日惹, 1, 泗水, Surabaya, 2.

苛政 荷蘭對於土人其政治上設施。近年以還。不取收入超過主義。專以增進土人幸福處著眼。惟對於華僑則不然。凡事不顧華僑之利害。專以增加收入爲主。且因民國成立以後。華僑氣勢一振。教育日有進步。因畏生嫉。遂於民國元年設新律。凡華僑至瓜哇者。上岸時必須納二十五盾之入口稅。(遊歷人員與教員免稅)且須商家担保。其每月有二十五盾入款。

者始給與暫居字。至居留二年（現改爲四年）以上。確能擔負一切租稅。並未違犯法律。始准換給王字。（即永遠居留字）書明姓名籍貫職業。由地方官轉呈吧督以後。再由地方官頒給。此外又須有路字。即行路之執照。如甲地人欲赴乙地。必須攜帶路字。否則查出即以私逃論。或罰銀若干。此種苛律之設。蓋因瓜哇土人衆多。生計艱難。苟不設法禁止華僑入口。則土人將無立足之地。（其餘如蘇門答臘婆羅洲諸地。則荒蕪滿目。開闢需人。故不設是律）

既入其地。無論其作何種職業。除童稚及學生外。當依其所得之多寡以納稅。最少者年約四五盾。多至數十盾不等。至於營業各稅。則當貨物由外入口時。荷人由海關按值百抽十五之稅。遇綢緞類任意加徵。出口貨不納稅。然實比納稅爲苛。蓋平日須納山稅。每二十方尋年抽二十五生。（分）植物有出息時。加收植物稅。椰子每株抽二生。胡椒倍之。此外又有門牌稅。路燈費等。（華僑出路燈費日人則否）修路則責華人於其住所附近分段包修。（馬來人則每月當出力役三日）其路之式樣尺寸。則頒自荷人。如不能作工者。則納修路費若干。以上諸稅。雖有近於苛待。然其爲害也不巨。其爲害巨而且烈者。則爲賭碼及鴉片諸碼。（碼卽局也）東印度總會之巴達維亞。設有鴉片專官。總理鴉片事宜。鴉片自新架坡購入。製成後

再輸賣於所屬各埠。價格亦由此處規定。各地一律。從前甚賤。每兩約六盾。（合中國三四塊銀元）現則長至十二盾。各埠所分設之賣所曰鴉片碼。凡華僑開設是碼者。須至甲必丹處請牌。納稅若干。且吸過之煙灰。亦必繳回。送至巴達維亞總管理處。每兩給價二三盾。以使用以重製。鴉片碼承充手續。各處微有不同。大約各巨埠設總碼。由投標價多者承充之。再由總碼另設分碼於各小埠。凡有華僑足跡之地。幾無不有鴉片碼。計英屬海峽殖民地稅款之總收入。鴉片專賣稅佔其十分之四。荷屬其歲入總額二・三四一〇・〇八四五盾。而鴉片專賣爲二七九五・七二〇〇盾。按荷屬華僑人數統計之。（總數約百四十萬）每人每年應耗費二十盾。其爲害之巨可知矣。各埠於鴉片碼之外。皆有賭碼。賭碼亦有總碼分碼。總碼三年一易。屆時荷人政廳投標。以價格最高者承充之。現則改爲一年一易。然後再由總碼分設於各處。雖叢爾小埠。亦有分碼。黑衣（中上社會皆白衣下等社會則衣黑衣）華僑三五成羣。賭於其內。主人守候於側。意興甚濃。因此敗業。以致變爲游民。窮困不能自存者比比也。鴉片碼賭碼之外。又有酒碼。豬肉碼與鹽碼。凡承充酒碼者。當以荷人指定地點設廠製造。（惟不許造白蘭地酒）計凡用工人二三十人之造酒廠。每月納稅約九百盾。非經本碼認定之處。

不許他人經營酒業。違者照罰。豬肉舊鹽價之承充者。與酒價約同。總之荷人對於華僑。其待遇之不平。與五僑之爲害。實與英美各屬地。大有不同之點。我國人盍注意及之。

第三節 拓殖家李馬奔傳

李馬奔者。福建泉州人也。泉州濱海。其人多雄杰。明萬歷間。馬奔因官吏多苛法。不樂居內地。去而爲海盜。出沒面海。以劫掠爲業。嘗慷慨與其曹言曰。我輩雖暫時爲海盜。要當如徐福之奮起于日本。但待時而動焉。衆均壯其言。適會海上。有帆船來自馬尼刺者。馬奔劫之。卽以捕虜爲嚮導。率帆船二十二艘。水陸兵二千。婦女千有五百。直抵菲律賓濱。時萬歷二年冬也。菲律賓濱者。小呂宋一大海口也。小呂宋距廈門水程匪遙。西人來艦躡之。仍名小呂宋。中國人向以菲律賓爲小呂宋。遂以西歐之王國爲大呂宋。馬奔旣至。因宿重兵於此。以殖民地視之。馬奔旣欲規取菲律賓。遂率艦隊達馬尼拉。使部將日本人莊公將兵六百人先入。會暴風起。舟多覆。溺者幾二百人。莊公收合殘兵。進薄馬尼拉城外。適西國副將。西兵大震。退保桑的亞哥。是爲李馬奔得勢之時期。馬奔旣得勝。遂圖深入。適西國援師至。莊公以衆寡不敵。稍稍引退。西兵乘勢追擊。血戰數時。莊公退回本營。馬奔激勵將士。兵氣復奮。進迫馬尼拉。時西酋勒斯比

已死其孫溫薩耳塞特方經略呂宋北部。及李公兵抵馬尼拉。急還謀防禦之策。兩軍相遇。李公下令進擊。莊公引兵千五百人登岸。縱火焚街市。圍其堡壘。港外艦隊發砲助戰。莊公以所部入城。西軍殊死戰。莊公沒於陣。馬奔發兵五百救之。西軍嚮集。鏖戰累日。孤軍無援。故引退。此爲李公挫敗之時期。李公既不逞於馬尼拉。於是乃收拾餘衆。航呂宋島西岸。數日至亞格諾海口。降服土人。得河上四里地。築城居焉。溫薩爾塞特聞之。大舉兵來薄。李公知不敵。留兵城中。牽掣敵軍。乘間出海而遁。其留者走匿深山間。至今菲律賓濱有伊哥羅支那種者。其苗裔也。自是李公遁迹海外。不知所終。

第四節 海外政治家鄭昭傳

鄭昭粵之澄海人也。隨父流寓暹羅仕焉。位至宰相。暹與緬甸密爾。世爲仇讐。明永歷中。李定國部將江國泰約暹攻緬。共分其地。會吳三桂弒永歷事寢。以是緬於清乾隆三十六年（西歷一七七一年）緬王孟駿遂攻暹。滅之。王族盡殲。昭時已罷相居南部。年五十餘矣。國變後。停辛貯苦。陰結國人謀光復。四十三年。與緬人三戰三破之。故地盡復。暹民戴爲王。明年復大攻舉緬破之。緬方與中國交兵。前此餉源半取諸暹。至是益困蹙。乾隆征緬之役。得獲奏凱者。

實昭犄角之功云。五十年薨。傳位其婿華策格里華暹人也。昭養子。以女妻之。性驍勇。復國征緬諸役戰功第一。五二年。遣使北京告喪。表稱鄭華清冊封爲暹羅王。世承王統。至今弗替焉。

第五節 張傑諸傳

張傑諸廣東潮州人。幼失學。年十二。無所依賴。聞里中有駛甲板船者。往乞爲船中小使。隨航南洋羣島。止於瓜亞及冠。復航瓜亞海帝汶海間。與各小島土人貿易。中有安斑瀾島名沙頓人者。約占該島土人七分之一。皆宋明亡兵之苗裔也。傑諸至。愛之。認爲兄弟。一日。沙頓人因小事與土人鬪。人少而弱。不能敵。賴傑諸調停。遂得安謐。沙頓人德之。彌益親愛。傑諸見親己者不能敵土人。殊憤懣。因勸其低心下氣。以作後圖。晝經商。夜習武藝。閱數年。相安無事。傑諸弗敢懈。每與沙頓人追談往事。恆摩拳擦掌。誓欲蹴倒土人以洩其憤。聽者皆爲動容。各欲一試。其數年來所嫻之武藝。躍躍而不能自己。傑諸乃爲之編分三團。教以攻守各要道。層次井然。沙頓人大悅。公推傑諸爲團總。傑諸因以己意創徵煙稅。以供團費。沙頓人靡不遵納。翌年行諸土人。土人大譁。因與之戰。勝之。土人乃服。初土王但徵人頭稅於土人及沙頓人。至是復下煙稅令。沙頓人抗之。土人之狡者。復兩邊推諉而不肯納。土王怒。命人擒傑諸。傑諸逐之。鑿

戰數仗。卒獲勝。更進追之。土王乃遷避於鄰近之哈里島。沙頓人大喜。公舉傑諸以代。固辭不獲。乃約曰。必聽我令。乃可。衆皆諾。遂受王位。於是改法制。用嚴刑。出入各貨物。分別加稅。新章既布。人人駭異。因傑諸性燥急。觸其怒。日若饑虎。眈眈欲噬人。人素畏之。且又震於一時戰功。不獲已。皆勉強從命。先土王有妖術。名曰鋼條。無遠近。能使人迷信。既遁之明年。率哈里親王之黨人來寇。土人輒助之。勢甚熾。傑諸乃設伏於山。自統沙頓兵往海口迎戰。詐敗。誘入山。伏兵突起。截來兵爲二。使前後不相顧。傑諸廻兵反攻。適風緊。塵埃蔽空。對面不能見。但聞四面吹海螺角者。聲震山岳。若有無數雄兵。哈里人大驚潰散。自相踐踏。紛紛逃至海口。急覓己船。已悉爲傑諸牽去。勢大窘。追兵且至。因急匿於土人處。越數日。土人厭惡之。互相衝突。哈里人大悔痛哭。莫可如何。傑諸偵悉其事。多贈食物及帆船。遣送回國。時惟土王潛逃鄰島。厥後屢圖報復。卒不能逞。當傑諸既擁王位。查在安斑瀾者。除己一人外。無華人蹤蹟。因設特別優待之策。招之使來。安斑瀾多米之出口甚多。其量法以三千斤爲一車。傑諸令賣者出米三千二百斤爲一車。買者仍得三千斤。餘二百斤儲存倉庫。備供華人初到之需。並廣登告白。於是吾國人人。在瓜亞西里百等埠者。輻輳而至。至者各賜米千斤。兼附少女一人。以資伺應。第安斑

瀾風土險惡。每至陽歷二三月。東南風日夜不息。且地土卑濕。華人不慣。故初到者往往患頭痛脚腫等病。死亡相望。來者日少。傑諸父設特別保護之法。每於此時令僑寓華人避居他島。財產貨物。則付沙頓人守護。造清冊存王府。以資稽核。返時按冊交回。不爽纒黍。自此華人商業日見繁盛。十餘年間。大小店戶驟增至百餘間。並握該島商業之牛耳。如福建之泉州永春州等處人往而致富者尤夥。一千八百八十二年。荷蘭人以兵力強借其海口。越數年暴病而薨。身後無嗣。荷蘭官爰抄沒其財產。計金三千八百餘萬盾。連珠寶者三百人。日往返三。凡三日夜乃盡。其王位遂選其前土王之親屬以嗣。

第六節 毀家興學陳嘉庚事蹟

陳君嘉庚。廈門人。其父經商新架坡。晚年失利。陳君既長。乃盡以先人所遺月入數百元廈門產業。讓與異母弟。自往南洋經營。凡事能利害。燭于機先。心力復強毅而銳敏。故能無往不獲。用以致富。對於國事及教育事業。尤爲熱心倡辦。不遺餘力。南洋華僑歲入數千萬數百萬之富豪。所在皆有。陳君歲入約百萬。然計其所創辦學校。其捐資之鉅。與夫志願之宏。實爲我國僑民之巨擘。茲叙其概略如下。

民國元年陳君自出資財。在廈門本鄉創建一集美小學校。既開辦。感小學校教師之缺乏。乃復出資續辦師範及中學。建築校舍。購買器械。計畫未及一半。已耗去二十萬金。而陳君不較也。現已經成立者。師範及中學有學生二百餘。新生百餘。小學校學生二百餘。女學校學生九十餘。蒙養園兒童百。又有夜學校通俗圖書館。歲費數百金。在校內設辦事處。析爲師範部、中學部、小學部、女學部、蒙養園部、通俗教育部、女學部、教育補助部。部各聘校長或主任主之。其捐充集美基金。依陳君在廈門浮嶼集所宣布如下。

(甲) 新架坡店屋貨棧基地。面積二十萬方尺。月收租金萬圓。又價值同等之地三十萬方尺。甫在建築。按三年完工。尙餘百萬方尺。價值稍次。俟數年後再作計算。

(乙) 樹膠園七千英畝。至本年春完全栽畢。栽最久者八年。餘爲七年以下。及近日着手者。不欲急於取利。擬待足八年方采液。現已采者可五百畝。月收百餘擔。實利六七千圓。

以上不動產。陳君在南洋時決定捐充集美學校。永遠基業。然陳君以現所辦師範中校未足。乃更籌辦廈門大學附設高等師範學校。其宣言如下。

『專制之積弊未除。共和之建設未備。地方之實業未興。此三者欲望其各臻完善。非有

高等教育專門學識不足以達。吾閩僻處海隅。地瘠民貧。莘莘學子。難造高深者。良以遠方求學則費重。省內興辦則政府難期。長此以往。吾民豈有幸福之日耶。且門戶洞開。強鄰環伺。存亡絕續。迫於眉睫。吾人若復袖手旁觀。放棄責任。後患何堪設想。鄙人久客南洋。志懷祖國。希圖報效。已非一日。不揣冒昧。擬倡辦大學校並附設高等師範於廈門。……謹訂七月十三日下午三點鐘假座浮嶼陳氏祖祠開特別大會。報告籌辦詳情。……」

其籌建大學之計畫。以廈門演武場一帶。地廣數千畝。足備後日之擴張。自民國九年。起五年內共認捐開辦費百萬圓。開校後認捐常年費二十五年。每年十二萬圓。合開辦費共四百萬圓。大學內學生不分省界。高等師範學生規定閩省若干。他省若干。此其大略也。陳君所以有此超羣之舉。非偶然而爲之者。實本其慷慨激昂沉毅深痛之志願也。其言曰『財由我辛苦得來。亦當由我慷慨捐去。公益義務。苟使吾財。令子賢孫。何須憑藉。我漢族優秀性質。不讓東西洋。故到處營業。輒能立志競爭。惟但知競爭財利。而不競爭義務。羣德不進。奴隸由人。故國弱而民貧。古語有之。棟折樑摧。僑將厭焉。未敢視同秦越而不早爲之所。』又曰『嗟嗟我國

不競。強鄰生心。而最痛巨創深。莫吾國若。試觀吾國左臂。二十年前已斷送矣。野心家得隴望蜀。俟隙而動。若不早自猛省。後悔何及。誠能抱定宗旨進行。彼野心家能剗吾之肉。而不能傷吾之生。能斷吾之臂。而不能得吾之心。國脈尙存。決無甘居人下之理。今日不達。尙有來日。及身不達。尙有子孫。』壯哉陳君。聞其言當滿飲一大白。更望國內豪傑之士。聞風興起。以煥發吾族之光榮云。

第六節 日僑之勢力

自近世以來。西力東漸。英法荷葡諸國。逞其威力。席捲亞東。我中國無力抵禦。退避三舍。馬來人降心俯首。甘作馬牛。以印度洋爲其池沼。以南洋羣島爲其園林。俄人復自北東侵。攘我北邊。奪我滿洲。日人起視環顧。深識履霜堅冰之漸。復感唇亡齒寒之戒。奮起與鬥。遼東一役。擊退俄人。東漸勢力。一方中止。日本乘此戰勝餘威。雄心勃發。『南進』『北進』之說以起。自日韓合併以來。南進派以北進派成功之速。不甘自落人後。遂鼓舞前進。以實行移民爲前驅。於是南洋之海隅山陬。無不有木屐兒之蹤跡。雖較吾四百萬華僑。不過九牛一毛。然其南進之氣勢。正如旭日方升。後生可畏。以視吾僑民政治上甘受歐美人宰割。商業上復鮮國際的經營。

者不可同日語矣。日本某無名將軍近著『世界未來之大戰』一書。其中有『吾帝國當預備戰艦若干艘橫截美國與非利濱間之交通……當永久佔領南洋羣島』云云。日本井上馨氏著南洋與日本一書。亦盛唱南進論的聲調。其言曰『帝國之南有國焉。綠樹蒼蒼。輭風習習。四時不分寒暖。極樂之島。』(即霧島亦名黃金島爲南洋特產)爛漫之花。鬱鬱者椰子之林。累累者椰子之實。一如描寫印度古賢所理想之樂土。雖毒蟲怪鳥及半人半獸之蠻族。分介其間。然海底真珠。山中金錫。取之不盡。用之不竭。又何蠻煙瘴雨之足云哉。較之漠北赤地無寸草者。固不可同日語也。』觀此則日人對於南洋侵略志願之宏壯。已可概見。當歐戰開幕之初。日本更以日英同盟爲口實。加入協約國方面。對德宣戰。結果取得太平洋以北之德領土。以爲南進之根據。橫截美非目的。其初步已告成功。其商業上南進之成績。亦頗有可觀。如山井洋行正金銀行台灣銀行皆隱然佔南洋金融界重要之位置。其他商業以火柴一項爲最盛。計南洋英荷二國屬地。其輸入價值數目如下。

年限

自日本輸入者

自瑞士輸入者

一九〇五年

八・四九一六

四八三七四五盾

一九〇六年

一一二・四五八五

九七・五〇七〇

一九〇七年

一一五・一五七一

一二三・二五八七

一九〇八年

一四〇・二三六五

一二三・七〇四九

一九〇九年

一八九・六二六七

一六八・七九四五

觀此可知南洋羣島四十萬人。用日本之火柴者佔三之二。用瑞士者佔三之一。幾乎全爲所獨佔。此其南進派商戰之告成功者一也。至日本人在南洋人數。雖屬無多。然其勢足以撼懾英荷。較諸吾華僑任人宰割者。不可同日語也。西里伯島有果甲上 *Kokas* 屬埠。民國五年。因常道迫土人移處他埠。土人乘機搶劫。華僑損失財產。不知凡幾。中有戴某者。取日妓爲婦。亂事發生。戴某令日婦報告荷官。速爲保護。否則將來所有損失。當令賠償。荷官聞言。隨派小戰艦。將戴某一切家具載歸。因此華僑未受搶奪者。僅戴某一家而已。日婦背上。詎有百萬甲兵。竟令荷人敬畏若此。又鄙人昔在望嘉麗（蘇門答臘東岸一小島也）時。一日出遊市外。路中遇一荷人。彼卽注目審視。並問其他馬來人曰『西朗尼鉢』卽謂日本人抑中國人之意也。窺其意似有無限感觸者。又日本井上馨氏所著洋南與日本一書。中載伊在望加錫市外與某

酋長談話。其酋長謂伊曰『荷蘭人忌吾等與貴國人相接最甚。若聞吾等與日本人相歡叙。彼必大起誤解。宛如予等密謀叛亂事件者然。』由此觀之。則日人之威震南洋可見。歐戰起時。英人無力兼顧印度及南洋方面。以日英同盟之故。委託日人代為照顧。故斯時其勢力之在南洋。一時無兩。然日人在南洋之數目。男女合計不過一萬一百六十人。(一九一一年調查)與我四百萬華僑較。不過五百八十七分之一。茲將其分居各地數目。錄之於左。

馬來半島日本人數(一九一一年調查)

地名	男	女	合計
柔佛	三七九	七〇	四四九
芙蓉	七六	二一一	二八七
雪蘭莪	一〇九	四九一	六〇〇
霹靂	一七八	四九六	六七四
彭亨	二七	九六	一二三
其他各州	一五	一八	三三

合計

七八四

一三八二

二二六六

海峽殖民地及婆羅洲日本人數(一九一二年調查)

地名

男

女

合計

新嘉坡

一二四六

檳榔嶼

二七九

馬六甲

九〇

婆羅洲

一一一

一五五

二六六

合計

一八八一

荷屬東印度各島日本人數(明治四十四年)

地名

男

女

合計

瓜哇

三三三

二九三

六〇六

蘇門答臘

二八三

三四八

六三一

婆羅洲

六三

一二五

一八八

南洋見聞錄

二三九

西里伯斯

四五

四三

八八

亞羅

一五八

八二

三三九

其他諸島

三二

三六

六九

合計

八九五

九二七

一八二二

美屬菲律賓

九二一

澳洲

三三七〇

以上英荷美三國屬地合計。日本居留人數男女共一萬一百六十人。其中應行注意之點。卽婦女多於男子。且此種娘子軍事務。十分之八爲醜業婦。卽以新嘉坡論。日人總數（一二四六人）與華僑總數（約二十萬）比較。相差爲一百六十倍。然埠中。日人妓館數目。幾與華僑妓館數目相埒。其餘十分之二婦女。則係營雜業。充家婢。酌婦。及旅館下婢而已。此種現象。無論英荷屬地。大蓋相同。至於男子事務。可分三類。一爲大規模之營業。如新嘉坡之正金。及台灣銀行分號。郵船東洋兩輪船公司之代理店。馬來半島亦有日人經營三五小規模之橡皮園。如南亞公司。三五公司。三井。藤田等。其面積總數約二萬二千二百餘英畝。（時一九一一年

調查數)二爲零星之營業。此等零星之營業。以美術館、藥店、照相館、雜貨店爲多。其商品皆爲日人之國貨。雖街市中行街遊賣小商。其商品非日人自製之小玩物。卽其自製竹木紙籬等等小工藝。雖不能如華僑之米廠、椰油廠等吐納土貨之大規模的經營。然其以日人經營日貨之特色。遠非吾國人之所能及。此類情形。本於目覩。參諸聽聞。如婆羅洲、蘇門答臘以及馬來半島諸埠。大概相同者也。三爲勞動者。南洋各勞働者。純爲勤勉耐勞華僑所獨佔。他種人概不能與之競爭。日本人亦在其例。故凡石油、錫以及煙園諸等工人。日人亦無插足餘地。所可計者。惟有亞羅島 Arroe 珍珠採集業而已。

現今全世界珍珠之出產地。以澳洲西部菲律賓濱錫蘭眉格伊 (緬甸領地) 乃馬來半島西方一羣島也) 及亞羅爲主。以上各地。除錫蘭外。概有日人從事斯業於其間。而尤以亞羅島爲著。亞羅屬地東部一小島也。在小巽他羣島之東。澳大利亞之北。雖小如芥子。然荷屬各地之貿易表中。有四百二十萬盾之輸出貝類。均出於此島。及望加錫之沿岸者也。計在該島日人男女合計有二百三十九人 (日本明治三十一年統計年鑑) 咸從事於珍珠採集業。若推想到現在。其爲數當有三四百人 (多屬利歌山縣人) 以在南洋各地日人人數論。當以此島

爲最多。以職業論。亦以此事爲最著耳。

以上所述。乃日人在南洋各地勢力之一斑。其中特別之點。一爲人口之數。婦女多於男子。（華僑婦女往南洋者不過占男子數十之一二）二爲女子十之八皆以賣淫爲業（聞近來日本人已禁止日人往南洋爲娼）三無論大商小賈。皆販賣日本國貨。四威力足以震懾英荷。五其團結力量。觀察識見。勝於華僑。短長不齊。瑕瑜互見。我華僑苟不借助他山。力圖改進。恐將來在南洋勢力。不被其攘奪不止也。

第五章 土人狀況……參考書亞洲地理讀本、南洋實地調查錄、南洋

第一節 馬來人之文化

南洋地居熱帶。天氣終歲炎熱。物產富饒。是地之馬來種人。得自然界之恩惠。獨厚。不必有若何之競爭。自堪飽煖。其結果遂至愚惰成性。大有飢則求食。飽則棄餘之概。統計南洋羣島之馬來人。約四千萬。因其分布之地不同。性質不無微異。然大致性情貪惰。知識昏闇。聞之南洋華僑云。彼輩非常懶惰。散居山野間。終日蠕蠕而動。其自植之農產物。如香蕉、椰子、檳榔等物。成熟後。卽手提肩擔。出而售諸市肆。以所得之資。購日用物品以歸。非俟用度終了。不肯再爲

工作。且性情非常貪鄙。蓋既懶惰成性。必至貧乏。既然貧乏。則貪鄙隨之矣。吾國是地華僑。富豪屈指難數。彼種人則非常貧乏。無以自存。倚借貸度生活者。不知其幾百萬也。華僑富厚者。多擁資放債。土人貪目前小利。久之無力償還。遂不惜將各種權利。讓與華僑。設有資財以誘之。則彼無事不可以應承。華僑每日手提錢囊。行於街市。皆放債者。其利息之高。不止倍蓰。以致荷人定律。禁止高利以保護土人。又禁止土人售賣土地與外人。荷人之苦衷。與土人之愚陋。於此可見一斑矣。是種人從不知其自己年歲若干。及生辰爲何日者。其婚嫁等項。則止視其體格程度而定之。謂土耳其卽其國家。視月形之標幟。如文明國民之視其國旗。無量器。其量米及諸物。則用椰壳。無度與衡。輕重長短。用手揣木比而已。且奴隸根性非常之深。其稱荷人曰敦。猶言主人也。對吾國人亦復如是。予嘗行於於林間。沿途所遇之土人。對予必舉手行敬禮。言談之時。必鞠躬下氣。行過於主人之前。必曲躬如蛇形。趨而急走。男女與家庭間之關係。與中國適成反比例。男女定婚時。男子例出禮銀二三十元。多者至百元。女子則承受其母家財產。男子則與家庭脫離關係。外適女子之家。恰如我國女子適人者然。因此故其俗重女輕男。白樂天長恨歌有云。『遂令天下父母心。不重生男重生女。』當爲馬來人咏之。夫視其妻。

非常尊重。如有人讒謔其父母。無何介意。若讒謔其妻。則必怒詈相向矣。惟其離婚。亦與西洋文明國相似。如男女間欲行離異。即可離婚云。然爪哇人與蘇門達臘馬來半島等處之男女習尚。微有不同。爪哇土人重男輕女。男子則雲鬢峨峨。粉白黛綠。俾書作夜。嬉遊無度。女子則偃僕提携。蓬首垢面。鳩形菜色。狀如魑魅。凡一切市肆操作。多女子任之。男子則家居操井臼育兒女。女子勞動之成績。遠過男子。故華僑所雇勞力工人。多以女子充之。而男子則人皆不欲傭雇。遠不及女子之見重於社會。與吾國亦適成其反比例。實不啻說部中之女兒國云。

土人無論男女皆跣足。故視其婦女。上體則綵色斑斕。而下體則足趾鋪地。雄健異常。或著木屐。行路之際。橐橐有聲。或著皮製或木製之半鞋式。土名拖鞋。其式與北京澡堂之鞋相似。著脫之時。甚爲方便。惟間有歐化者著革履耳。女子皆不著褲而著紗籠。其形似鳥籠而無頂底。套於腰腿之際。上身復穿外衣。形與前清女髦衣相同。男子上身著西式短衫。下身多著褲。褲外復服紗籠。亦有不著褲者。惟交通方便地方。大多服西服。此等紗籠。皆爲綠色。多紅白相間。或紅藍相間不等。男子所著之帽。頂平形。與截斷圓錐相似。高約五六寸。色或黑或紅。質或呢或絨不一。其人無一地一時不戴帽者。蓋土人以露頂爲大不敬。英人荷人亦因其俗而治之。

雖審判時亦許其戴帽。婦人頭上復著紗籠。寬約二尺。高約一尺二三寸。斜跨頭上。以蔽其面。或斜跨肩腰間。貧者以綵紋布爲之。富者則以綵色花紋之綢爲之。其值甚昂。多有值三五十元者。斑斕鮮耀。以爲美觀。馬來人嗜好甚簡單。惟此頭上之紗籠。最爲喜悅。不惜重資以購之。此等紗籠多自上海輸入。吾國人若能研究其品色。投其所好。亦銷售國貨一好機會也。婦女耳有耳環。足有足環。手有戒指。男子無鬚髻。有蓄髮者。亦有不蓄髮者。蓄髮者多屬於下等社會。不蓄髮者多屬上等社會。正與吾國情況相同。婦女不肯以顏面向人。故凡乘船與購物時。必多方以蔽人之視看。有犯之者。必含有愠怒之意。與吾國婦女出中門以箕擁蔽其面者。正復相同云。

通常之屋。皆以檳榔椰子等之葉編成席狀。覆於屋上。旁以木板爲壁。復以木板架於空際。造成地板。高約一二尺。其昇降則製梯爲階。屋之週圍。多植短竹爲垣。望之如綠壁。甚爲美觀。飲食甚爲簡單。食品多米及玉蜀黍。食器多用瓷製之大盤。無用碗者。以手取菜飯。不用箸。菜品每食不離辣椒。近海者多食魚。復喜食檳榔子。故嘴唇皆爲紅色。

馬來人皆信奉回教。鄙人嘗邀三五僑胞。遊行於山林間。每見路旁草屋。三五成羣。圍坐誦經。

於其內者。喃喃不休。聞每年其教徒往麥加參拜者頗多。據荷政府之報告。一千九百零七年。共八千零五十四人。翌年共九千零六十八人。凡參拜而歸者。皆服一種黑色禮服。同教人見之。皆特別尊重之。俯首嗅其手以行敬禮。凡關於文學宗教禮儀等事。均歸僧侶掌理。此僧侶歸荷總督任命。各村復有村僧審判犯案。村僧可令被告者宣誓。其所用之曆與回教同。每年有一定之日數。無閏月閏年之分。及特令之規定。其教育機關。通荷屬地計之。有師範學校五所。每校學生定額百名。貴冑學校九所。每校學生定額六七十名。每年費用由荷政府支出。共約四十萬盾。(一盾約合中國五角)貴冑學校教授用荷蘭語。有三年畢業者。有五年畢業者。即土人士官養成所也。其小學校教育機關。荷屬地總數為二千四百二十三處。近年荷蘭政府又欲擴張土人之教育機關。獎勵村立小學校。其支出小學教育經費約二百三十萬盾。其學生數目。統計約三十一萬七千。荷人近鑑於中國教育之發達。擬特設學校以教育之。蓋欲使土人與之同化也。

馬來人之文字與回文略同。但與瓜哇人文字略有不同之處。瓜哇文字跡近方整。馬來文字形與火相似。凡荷屬地之銅元。皆印瓜哇與荷國二種文字。英屬地凡招牌廣告。則皆印中英

及來三種文字。至於馬來語則以居於主人翁之地位。故南洋各色種人。無論男女老幼。皆能操之。即中國人與中國人交談時。因各省語言反多不同。時多用馬來語。他國人亦復如是。總之馬來語者。爲各種人最通行之普通語。即他種人之家庭間兒童婦女之用語。亦大半操之。非只通行於種族間而已。

馬來人知識之愚闇。與性情之懶惰。較諸中國人。實有天淵之隔。故稍高之工商職業。幾無是種人插足之餘地。大多數皆從事農業與漁獵。然其成績。又遠不及中國人所經營者。以新架坡三十萬之人口。其工商十之七八在中國人手中。馬來人則以開設咖啡館者最多。磨托車之司機者。純粹皆馬來人充之。此外則初無一稍大之商店。其商品則皆售賣彼種人所日用之布類瓷器及其他零用外貨爲主。以人數計。中國人不過十人十分之一。以職業品類及勢力言。則遠過於土人者。奚啻什倍耶。

第二節 暹羅土俗

入湄南不見城市而先見浮村。編筏作屋。溝水爲巷。豈暹羅之人盡愛水居歟。曰否否。南亞多雨。而暹羅尤甚。歲自五月至十月。無日不雨者。平均計之。歲得四十時。當斯時也。江湖皆滿。盜

而上陸舉國之人。避入舟中。故其俗以水居爲便。陸居之人。其廬舍亦必去地數尺。以柱爲基。牆壁之屬。不著地也。如此則可防水患。水上之屋。以竹筏爲基。大者二丈。小者丈五。繫之於岸。潮汐長落。隨水上下。無虞其漂流也。屋頂甚銳。而皆有二。其形如篆文之凵字。屋下有簷。如船篷云。

水居之人。終日大啟其門。故雖在舟中。亦不難窺其居室。家具甚簡。人皆膝坐。如日本俗。古時日本流寓於暹羅者甚衆。山田長政且有大功於暹王。而得其信任。今故猶有日本之遺風歟。伏地而臥。無牀第者。以木爲枕。或中裹棉質。形大如磚。而堅亦如之。室隅無竈。以盛煤油之馬口鐵筒爲爐。中燃木炭。亦無窗。鑿洞於牆。大如杯藉之通光。亦不墮以玻璃。

水居之人。亦履王土。故地稅亦不能免。稅之輕重。視其地之便利與否爲差。村人將謀他徙。廬舍家具。以小舟載之。已無慮其不盡。既卜新居。則昔日游釣之鄉。惟其波路一川。無某樹某井。可以據陳跡而知之也。

此中亦有屠架魚欄餅鑪葷市。歸市之人。鼓掉往來者。左右於吾舟也。臨水人家。莫不具舟。以通往來。舟剝樹皮爲之。首方可容兩三人。裸體之童子。亦能擊槳中流。偷輕重一失其均。則有

滅頂之凶矣。

河中種種之船莫不畢現。操舟之人半屬婦女。暹羅之俗婦女勞苦於外以贍其家。男子家居從容笑談啜茶吸煙而已。人生不幸作女子身。更何不幸而作暹羅之女子哉。載穀蔬而往來水邨以求售者。皆少女也。大舟之中羅載百物而刺篙者。乃半裸之少女。或皺皮落髮之老婦。而其男子匿於後艙弄兒以爲樂。載客之渡船亦女子駕之。吾觀曼谷大波小波溝渠四達。其猶荷蘭之水街乎。宜其有東方威內薩 *Venice of the east* 之稱矣。

南亞如印度安南雖皆古國。而名王不作。陳跡已夷。都邑之間。所入於游人之目者。盡爲歐美之式。遺民青衫白帽於於其間。無復當年之氣象。予來也晚。江山猶是。主人已非。往往感慨係之矣。其可以覽我黃種之功業者。則惟暹羅。暹羅之民。雖有苗、獠、代爲暹羅高等之民族。獯、代。猶俄羅斯之有白俄也。之

異。而要皆與我爲同種。故其體勢雅似日本人。惟唇略厚而鼻較平耳。少年之髮甚澤。一過中年。卽白髮盈顛矣。無論男女。皆挽髻於頂。男子在十歲以上。例不著衣。或於腰間繫一短裙。裙上必有符籙。暹羅人謂童子易爲魘魅所欺。故當藉佛法驅之。縱富貴家之童子亦然。吾在曼谷遇儺祭。國人皆集。暹王之少子僕從擁之。以寓目焉。王子亦裸。程如齊民。所不同者腰繫銀

絲之帶寬約寸許。腰上金釧一雙。指上亦有約指而已。

貧人之周身。惟布裙一束而止。裙廣者三尺。狹者半之。或更於肩上披巾一方。以爲上衣。日本之工人。工作之時。章身之具亦祇此而已。婦女亦裸其半身。少艾者。更裹巾於胸前。婦人出外操作。則遺其少子於簷下。遠視之。第見黃土一堆。而不知其爲孺子也。此黃土者。不知何名。謂塗之可以拒蠅蚋。曼谷卑濕。蟲之害人者甚多。

吾於舟中。又見一家方午飯。人皆膝跪而坐。共圍一桌。桌高尺許。其所食以米及八克兒 *Pattin* 爲主。米羹爲飯。以罐盛之。陳於坐上。無碗。亦如安南人之以手代箸。臨食。伸手罐中。取一飯團。搓之成丸。徐嚼之。（此種情形。馬來人皆然。吾國僑民多與之同化。）男子先食。婦女食其餒而已。吾聞舟中人之言曰。暹羅人不憂寒而憂饑。苟得飽飯。便爾無憂。嗜欲甚寡。所食以果蔬魚米爲大宗。獸肉則非佛教好生之意。故無故不殺其俗。以爲人死各依其生前之善惡。而轉爲獸身。

文化未開之人。視天然之身。不足爲美。而好爲矯揉造作。文身涅齒。由來久矣。文身之俗。存於緬甸日本。安南暹羅之人。則無不涅齒者。雖美若夷光。而吐舌若墨。露齒若漆。見者莫不駭視。

而却走。暹羅人好嚼檳榔。飲食之外。恒投此於口中。非至熟寐。則不得休。口津遺地。紅幾如血。諺曰『相狗有齒。狗齒則白。人而白齒。胡不遄死。』可見其俗矣。檳榔大如黑棗。皮綠質鬆。軟於海絲。吾嘗之味辛而澁。眉爲之蹙也。土人之所食者。和紅石灰與煙葉於中。兒童能語。卽向其母索檳榔粉。童齒未全。故飼以粉。人出必携檳榔自隨。乞人乞飯。亦乞檳榔。吾意暹羅人之嗜此。亦猶南美土人之嗜科楷葉。始藉以激動神經。而耐飢寒。久之遂以成俗。與檳榔並重者。則惟煙捲。縱婦女童子亦然。暹羅素產煙草。然猶不足於用。而世界之十七國。此指與暹羅立約之國而言莫不各以其煙品。至以饜其求。十之五六自美國來。繞日本經香港而上陸於曼谷也。

第三節 緬甸土俗

緬甸國民之數。倍於廣西全省。而與陝西相埒也。緬甸戶口約八百萬。上緬甸三百萬。下緬甸五百萬。其婦女耳珠之中。皆有大如拇指之木塞。以爲珥瑤。男子腰膝之間。皆刻龍蛇魚鳥之文。以爲美飾。無論男女。膚色皆如黃熟之青果。眼直鼻平。唇赭額短。髮長委地。椎結爲髻。男女皆同然也。其男子裹或紅或黃之巾。衣白葛之衣。垂白布之裙。女子之衣裳與男子同。惟終年覆頂。示別於男。又國中無男女貴賤老幼。皆跣足徒行。(南洋馬來人皆然)若此之國。豈不甚奇。此實緬甸人之狀態也。

然無論其衣冠之詭異若何。狀態之離奇若何。而文明之度。實在安南暹羅人之上。文字一音。一讀類於暹羅。長於韻致。善製歌謠。通國之人。女子之外。莫不知書。童子八歲入學。教育皆董於僧人。般若之寺。其學舍也。緇衣之徒。其教員也。授課之時。跪而聽教。兩手奉書。大聲朗誦。有輟讀者。治以夏楚。顧其目的。不過備他日剃度爲僧。可以照本諷誦而已。無所謂普通知識之教育。此其所以弱也。

女子縱不學。

佛氏謂夙孽未了。則投女人身。故女子不當學。

而其智識恒勝於男子。夫於其妻之言。不敢違也。說者謂東方之女權。無有若緬甸者。不觀日本乎。妻對於夫。自稱曰妾。不觀高麗乎。女子出行。必閉轎內。不觀暹羅乎。妻勞而夫逸。且其律以女子爲國王一分之產業。掠賣性命。不觀馬來乎。非有大故。終日閨處。不觀印度土耳其乎。女不見男。出必網面。若緬甸之女子。對於社會。則與夫敵體。對於一家。則其權力更在夫之上。營業謀生之道。亦與男子同。苟一步仰光之市。則店肆之執事者。道旁之賣果者。無往而非少女。少女之居市場也。明以就其職業。亦欲閱人而事之焉。婚禮甚簡。選日女至夫家。戚黨畢賀。男女同碗而飯。合盞之禮。盡於是矣。然早嫁之風頗盛。其俚語有曰。僧瘦則美。獸肥則美。男頹則美。女嫁則美。

旅館之中。供奔走者。少男少女皆備。吾諦童子。其身上之文。有徧者焉。有未徧者焉。問之知業此而食者。曰雕文之人。童子及歲。則至其家露股受刺。以鍼尖染墨刺之血與墨并其色終身不敗既畢。自遠視之。疑如一裏粉紫之巾。刺時極痛。雖強有力者。亦不能一朝而畢。必累年而後周也。文身之後。卽爲成人。此猶西印度人命名之禮歟。歷觀數人之文。無一同者。問之知緬人所以必文身之意。非爲美觀。意欲祓除不祥。其川等於符籙。所居之處。多苦某物之爲害者。則刺某物以制之。如某文。則知欲以避虎患也。某文則知欲以避蛇患也。下緬多水。一人自誇曰。吾所文者。可以入水而不濡。試之竟以溺死。又有某邑之塾師。治其學生。嚴人以意造一種之畫爲其子。刺之。以爲鞭扑。以可不傷。

至若緬女之穿耳。亦猶歐女之始加長衣。成人之道也。普通之俗。以年十二三爲穿耳之期。至日。父母治具。徧召戚友。以張其事。於中堂設席。令女側臥其上。然後椎之。女子號泣。則八音並作。以亂其聲。婦人出行。煙卷不須手携。納於耳孔而已足矣。

第四節 望加錫及泗水土人

望加錫埠土番。色櫻黑。言語兇暴。華來新客。恒無故被陵辱。日僑在甲午前。受侮與華人同。自

戰勝強俄後。土番悉其礮火精利。稍稍畏憚之。遇其反目。因冤憤而厭世。因厭世而喪心。以死

平等。隨意亂殺。必至力盡被執。或與索自戕而後已。風習與他番類。好嚼檳榔老葉。老樹名老葉。老樹之葉也。

中調石灰。取其能黏着齒間。易於過癮。初喫時。口紅紫似噴血。久則深若髹漆然。食物以米爲

主。番麥。即玉蜀黍。副之。菜喜酸。尤嗜嗜辣椒。馬來皆然。其食辣椒也。殆如吾人之食鹽。凡物不離南洋。有一種辣椒。其小幾似稻米色。亦紅辣味極重。殆天生此物。專供馬來人之用。非耶。

限於教旨。不敢食猪肉。非懼其有旋毛虫食之生疾也。他肉類多川煎炙法。小魚乾及鹹魚爲

佐飯常用品。每食以右手掬取。旁置杯水備濡濯。左手蒙不潔。例弗取食物。犯者怒爲大不敬。

屋室以竹爲樑。柱上覆棕欄葉。外編竹籬。地板距地四五尺。設短梯通上下。馬來人屋室。大概相同。內鋪以

席。起居飲食均於斯。富者居木屋。開小窗牖。置低椅棹。簷間繫竹籃。蒔花草。生活程度稍進焉。

男女多跣足。貧兒赤體。一縷不著。形枯槁。骨嶮巖。不問而知其苦狀。番工負戴道路。及作各種

勞役者。多不御衣服。僅以布數尺縫兩端。披圍上下體。巫語呼曰『紗籠』。富家子弟間效西裝。

惟西帽則不能濫戴。必先以巾纏頭部。或腰際垂緣外。露以與貴種示區別。番女梳髻簡單。形

如結繩。上衣長至膝。無領緣。領下對開三寸許。不加鈕。亦不用針結。袖頗窄。富者開其口。扣金

鈕。至十餘。腰下著紗籠。足不鞋。無長幼。必以類似紗籠之接縫布蒙其首。若不許人見者。無如

生計艱難賣身之價僅三十五盾輕賤不及一馬牛吁亦可哀也矣。

泗水土人散處各地。總數約二百三十三萬。男子除務農外。或作車夫。或爲工役。或業漁。或業船。當兵警者少數。婦女或操耕作。或販雜物。或充中荷人之答務。即女所居多在僻隅。房屋

狹小。門高約六尺。僅可棲身。朝夕饔飧。多不自理。飢則購食。以果腹。向晚工作罷。相率沐浴於

河。大小便亦均放入河中。男女混雜。毫不知耻。西歷一千九百年前。泗埠未設自來水。各種人

皆汲河水。用沙濾淨。以爲食。汲時。至有矢屑浮桶上。其污濁可謂甚矣。土番無姓。以其父之爲

號。男子至十二三歲時。必行割禮。回教之俗。土番奉回教。故皆行此禮。屆時大開宴會。徧請諸戚友。既長將娶。如知

某社某家有處女待字。無論相識與否。奉香蕉或他菓實一盤爲進見禮。便可入內相親。兩方

說妥。不問聘金多寡。只送女家川費而已。親迎之日。新郎新婦。必先到淡馬。土番官名處立結婚書。

由土官訊問。是否兩願。如果屬實。則主婚人押號。至晚新郎穿長服。戴禮帽。以花聯貫爲號。垂

於面部。端坐馬車。往女家親迎。後有男伴隨行。前則土番擊鼓拍掌。唱曲行歌。燈火高燒。遨遊

各街巷。凡此皆富室所爲。名曰『金萬珍』。貧者即於河中沐浴。自相擇配。父母兄弟。均不禁

阻。婦女雖嫁過十夫。亦不爲忤。夫妻反目。欲離異者。往白番官離婚。納離婚費一盾半。即可自

由。永不干涉。土番少業醫。亦少延醫。有病即請師巫念咒。師巫之名曰「老君」。土番與土番有切齒仇。亦請「老君」咒之。其人果得病。仍請「老君」念咒以愈疾。復請老君轉咒其人。至病以報仇。互相尋復。了無已時。土番得病死者。須先報荷官。派醫生檢驗。如係常病。固無何等留難。若爲疫症。必將全家人等無男女老幼悉驅至「鵝郎沙里」(傳染病隔離所)監禁七日或十天。其家屋上下用厚布遮密。燻以硫磺。此節華人亦然凡其屍用清水洗淨。扎以白布。兩目糊文烟等類。趾甲指甲均糊棉花。即放入類似棺木之柴箱或洋鐵箱內。由送殯之人合力舁往墳內埋之。沿途念經爲死者超度。病非疫症。屋不被封者。更於家內念經七日。七日後。乃備菜盃奠死者。祭畢。菜盃等物概投遠處。其墓碑有用木者。有用石者。有用磚者。碑小而狹。或書字。或書碼數。或空白無所書。參差不一。土番日歷以月初出一小線爲初一。約陰歷月之初二三。十二月爲一年。無閏月。依我國陰歷計。我爲三十年。彼則爲三十一年。故土畜過年。或在陰歷一二月。或五六月。或八九月之間。計日則以晚間六小時始至明日六小時止爲一日。譬如中國以三十晚爲屬於三十者。彼則以三十晚爲初一夜。新年元旦。以年終之夕。月痕初出爲期。月痕將出未出。土番多在海口伺候。及月甫現。則鳴鐘搗鼓以賀年。爆竹除舊。萬類更新。土番

互相稱慶。與華僑同。元月初八，各作糕品相致送。名曰『三吧央龜拔』。意如我國元宵。七月某日，家家戶戶，各買雜物菜蔬，携往墳墓致祭。名曰『峇里安』。如我國清明之狀。致祭品物及盤盂等均委棄之。十二月朔至除夕，名曰『蒲蘇』。終日不食。夜乃食之。每晚六句鐘至十二句鐘，卽其食時。將食，擊鼓爲號。直至新年元旦，方於晝間開食。聞其所以設此『蒲蘇』之俗，目的在乎求壽。惟苦力工人，因不食難以工作，亦有廢之者。

第五節 瓜哇土人

瓜哇土人俗風，因其種族衆多，言語各異，故各有幾分之差別。其中有如婆羅洲之大廈克人者，非常獍猛。瓜哇西部彭動洲之土人，亦慄悍好亂。又上說森林中隱棲之種族，亦尙存在。異姓異族，雜處其間，而其占大多數之瓜哇土人，亦以上下階級之差異，而生活狀態各有不同。如舊王貴族，今尙保存其舊日威風，與我封建時代相彷彿。從者數十人，荷長鎗，張高傘，闊步大道，神情甚妙。卽其邸宅及服裝，亦一如舊日。至於一般土人之男子，除官吏及公司使用人等，漸染歐風外，普通皆穿牛腿短褲，外罩長六尺幅四尺之更紗，以纏於腰部。出外時則加小袖之上衣。頭部卷以二尺五寸四方之更紗，冠以竹製笠帽，以纏於腰部者，名曰紗籠。爲土人第一

之日常裝飾品。女子服裝則隨地而異。下級賤婦。往往紗籠提高。不纏於腰。而纏於胸部。胸部以上皆裸體。出外時張小傘。稍上等者則下著襯衣。上罩喀柏耶。喀柏耶者。薄布之小袖上衣也。最上等者則以西人所用之透空花邊。飾於衣之胸部。惟瓜哇中部以東之女子。有以前面無縫跡之上衣。覆蓋頭部。以代喀柏耶者。彼等衣服之顏色。皆尚華麗。而更紗之最普通者。則爲藍色。男女皆帶指戒及手鐲。頭插香花。耳飾耳環。中流以下之女子。咸跣足。其住屋甚簡單。大半均係草葺。但得一挺山刀。一日即可竣工。屋之周圍植果樹作籬垣以圍之。或設土墀開小門。蓋雖曰土人。亦頗有風流氣也。（上中流者以木造。石造成磚瓦造之）其常食之物爲米。以椰子仁蔬菜及香料等爲肴。有時用牛羊等獸肉或魚作印度辣菜。又有以玉蜀黍樹薯等代米者。此外異風異族。不可縷述。唯瓜哇人無貯蓄心。乏向上之志。但有溫良從順之美質。服從荷蘭人之統治。其能努力奮鬪自立自全者甚少也。噫。是豈久陷於奴隸之境遇。已相沿成習。遂失其自覺之精神乎。抑由於氣候風土之關係。而人生之氣概。全被其消磨殆盡乎。蓋彼之祖先曾亦有大抗元。朝軍隊。或納克洛氏與荷蘭對抗至五十年之久等之武勇美譚者也。何至今銷沈若是哉。上。人生活。達於簡單之極。其所期望者。惟美麗之紗籠。喀柏耶指戒手鐲與夫紅辣椒。白胡椒。加。

里粉之類而已。有時或把酒一盞，怡然自娛，以解炎暑外，實更無絲毫之餘念者也。噫，尙有何日得自奮自勵，以成自主自治之國民者哉。蓋有待於外人之指導及開發者，洵急而且切也。

第六節 婆羅洲生番

婆羅洲爲世界三大島之一。北屬英，南屬荷，除海岸已經闢治十之三四外，餘則森林蒼鬱，遍地荆榛，棲息其間者，非未開化之生番，卽平常罕見之野獸。數年前，生番常出噬人劫物，近因交通漸多，野性稍馴矣。其中各立酋長，各分部落，不相往來，時相殘殺，族類有數種。曰大必罇番，曰大耳番，曰不乃子。此三種族，大必罇番最強，大耳番次之，不乃子，榛狁愈甚，部落最弱。其餘小部落甚多，惟聽命於大族而已。彼中無文字，無歷朔，以稻之收穫爲歲首，屆時各停工作，聚衆大嚼，惟收穫無定期，故有此處雖已屆歲首，他處尙稱舊歲。若遇水旱，米穀不熟，遂無歲首之可言。近與人相習，始稍知歲月，又不知數目，其計數之法，則用三數，湊集至三，另加一爲十，三十四十，依此遞加，若十五或二十三等，則必大費思索，百數以上，尤難索解。近與華人相習，亦稍知數目，亦無量法，賣物用手掬之，如三文一掬，六文二掬，量大物則用高度，置物於地，插木或竹，視竹木之高度定值，又無衡法，以日代秤，無度法，短物用手腕之下節度之，長物

則開兩膀度之。無分寸之可言。每當山貨產出時。如果子穀米之類。羣携至中國市場。交換衣類食類。如熊膽、猴棗、珍寶、鑽石之類。不知貴賤。輒以少數糖煙得之。今雖稍長其值。然其求亦不大也。番衆男女不御衣服。以幅一尺長數尺之布蔽腰下。其端交垂於前。不剪髮。繩縛於頂。宛如飛蓬。女用二尺寬之布或樹皮裹其下體。復以樹皮或布作極簡便之衫。蒙於上身。髮亦如男。近來上流男女。頗着衣服。食物亦甚簡約。以青菜及魚爲最普通之品。豬鹿牛羊。獵得則赴市場發售。餘則自食。不知烹飪。無論何菜。非煮卽炙。煮則細切置之。煮於水鍋中。炙則懸物架上。用火燒之。惟飯極潔白。負物不知擔法。用籐籃上大下小。其形圓長。籃兩邊用索繫之。掛於額上。置籃於背。居屋以竹木編架。上蓋茅草。或木瓦。樹皮爲壁。無地板。以竹織成簞形。或以徑寸之間。木用籐連綴成排。代地板。中無間隔也。居處無一定所在。此處果已食完。無可得飽。則就食他處。此處土地已瘠。無法使肥。則往他處。然舊地所有之果木。知不忍棄。則常留二三人看守。或時巡查之。其生活都在山林。故斧斤之屬。常不離身。雖未成年之男女。出入市野。無不佩刀。荷人不設禁。帶利器之例。仍其俗也。其不常出市之生番。一見華人。則避立路側。極尊崇敬畏之致。故與華人交際時。惟熟者始敢與並坐。餘則踞坐地下。或立於其側。似重視華人。

位置。高不敢抗。亦多有傭工於華人者。其值甚廉。惟工作遲鈍。所操之業。開山種植爲多。間有操舟負擔者。普通一般番人。對於荷人生畏。對於馬來人生厭。對於中國人則生敬。人問其故。則曰華人愛我。故敬之。馬來人害我。故厭之。荷人槍火利害。故畏之。故有時反抗馬來人。聚衆揭竿。必通告全體。凡遇有尾者不可殺之。尾卽指辦也。其所以敬華人者。因無業飢饉之人。一至華人之市場。必可得多少食物。且多藉傭工於華人以餬口也。戰器如刀斧槍戟。皆自製造。頗利。佳者每具常數十金。華人所製柴刀菜刀。皆其所造。惟生鐵銅條。則購自華人。爭戰無火器。矛柄甚長。善以脫矛射人。遠及十丈。并能命中。工藝如織藤蓆藤藍米篩藤帽木器草器等。奇巧精緻。不減華人。農事之外。狩獵亦用刀矛。善走山嶺。不畏荆棘。每遇野獸。或用阱。陷或用毒矢。無不獲者。通常不善蓄積。不善貿易。遇時飢時疫。無法自活。有錢時多購置銅質之鑿鉢盤碗等器。以爲富饒。尋常無所謂慶日。惟酋長生辰婚期。與他部戰勝歸來。乃舉慶典。至期銅鑼亂鳴。以召大衆。其地點卽在酋長宅旁。另設大茅棚。先將器皿陳列。所屬人民。各殺雞宰牲。以奉酋長。酋長亦宰殺牛豕。以奉大衆。此等牛豕。皆屬人民辦差。華人亦間對酋長。贈以烟糖椰子豆粉爆竹餅干等類。酋長無所謂政治機關。有事召集番民之佼佼者。議於酋長室自由。

言論大抵酋長之言莫不贊成然酋長亦不敢武斷平常無父子之可言大都少者服從老者弱者服從強者遇有衝突則由年老或有資望者聚而判斷不遵則任兩造私自尋仇火鬪矣。大必罽番之族最強與馬來人反抗爭鬪者多爲此族酋長亦頗具知識每身出入親隨數十人衣服華美各持長刀乘船亦極雅整隨船數艘軍械齊備并有火槍馬來人每不敢撻其鋒惟對華人甚和平也華人每於河干貿易常見婦女赤耳露體聚浴中流毫無顧忌然一爲見者所笑則以爲奇辱尋仇者必相尋而來。

大耳番族性兇頑種類亦頗盛男人耳上穿孔中實木塞或實以花葉爲飾孔徑自一分至三分頭面手足胸背滿刺鳥獸草木花愈多則以爲愈美女人多刺手足而額上耳上頸上手節足節纏花草以爲美觀此種番大都不着衣服僅藉一長布蔽其腰下更有一類性情兇獷異常剃眉不着衣服出市不獨腰垂長刀更執持矛戟不與人交接凡老年無用者由其親屬剝其肉食之或令上樹墜死。

不乃子爲未完成人類之種族穴居野處茹毛飲血不着衣服尻上有尻二三寸言語啾啾不與他番同莫能交通偶遇生人則撻而食之矯捷如猿無武器善用六七尺長之噴筒筒中彈

浸以毒藥。百步內外。無不命中。彈一入肉。須卽割去。否則腐爛及於全身。性重信。凡與人約定貿易。必如期至。所携者多猴棗。（猴爲山番鏢傷時。猴以草敷傷處。猴性急。屢屢抓視。日久長成結核如棗狀。名猴棗。可治病。）河猪山禽野獸果實等。以換食品粗布。初不言價。任其揀擇。大都以一物換一物。不强取也。故獲利甚厚。但觸其怒。卽有性命之虞。女人多穴居。不出。或出時以樹葉皮遮其下體。偷露體婦人爲人所笑。必殺見者而後已。

第七節 梭羅州降王

梭羅爲土酋舊治。瓜哇之首都。居島之中央。名義上仍爲土酋管轄。實權則概歸荷人。境內道路平坦。綠雲翳天。酋宮所居。危樓峻閣。千門萬戶。崇階砌玉。陸離光怪。傳國古器羅列。几筵而弓刀盾干等。猶夥。類皆古色斑斕。千年物也。

酋長尊如皇帝。聲色之奉。比於隋陳末帝。恒選民間美女百輩。以充後陳。皆披綾緞。凌波微步。風繳婀娜。宮中定例。凡美女非得幸而徵蘭兆者。寢不以床。惟席地臥起。宮中諸人。日給俸若干。各自執爨。宮內設圍園。儼如市廛。以供需要。侍臣見必肉袒蛇行。酋有問則拱手以對。不啻天威咫尺也。

凡酋之出入。必以金傘覆之。以示尊嚴。宮中素不許中國人入內。雖府門外教場。中國人亦不

許高車駟馬以過。違者有常刑。前清派楊士琦至。檢維曾延之入府。脫寶刀以贈。清使亦賜以寶星。以答其盛。明年。曾聞梭埠華僑興辦學校。頗有成效。乃延全體學生入府。盛設茶點。且恣學生遊觀。然曾外雖尊嚴。實如累囚。環曾之宮。荷人築炮台以鎮之。宮門則荷兵荷槍以守之。曾之函荷官檢查之。曾之出在十里以內。荷知事約束之。十里以外。瓜哇總督主之。苟未經荷官允許而擅自出入。則褫其王號。

曾之出多卜以夜。乘駟馬披生花。纓絡綵衣珠履。傅粉畫眉。盡態極妍。狀如好女。後車數十乘。車麟馬嘯。衣香鬢影。皆國中殊色。荷馬隊前後簇擁。遙遙即聞呵殿聲。名曰耀武。實則督視耳。每年荷女王誕日。曾必至荷府知事衙。捧觴祝荷王壽。儀仗奔赫。前鋒執戟擁盾。左右兩翼。弓矢斯張。塗面作夜叉狀。侍臣宮女各執傳國寶器以從。其大僚則峨冠錦衣長裙。惟皆跣足。每僚一人執金傘以隨。傘徑五尺。約數百具。望之黃雲輝日。洵奇觀也。曾坐金輦。服元帥服甚都。駕八駿。吼奔如龍。步兵數百爲殿。曾之歌妓舞女昇諸扇輿。以備娛樂。輿製與北京驟車同。惟略寬可坐四五人。雕楹刻桷。若神龜焉。道傍旗幟飄搖。羣曰今朝爾許煊赫。執戟作降王去矣。梭曾之亡。非亡於債。乃亡於租借地。荷人之來也。始皆以極和平之交涉。得步進步。今瓜哇全

島之地十之五六。現仍屬租借。每年荷人除整理地方及行政各費外。仍納若干歲幣與酋。惟逐年漸減。而久假不歸矣。（視此當思及各國在中國之租借地）傳聞百年前。華僑曾謀據首都。故不許華人居此。及荷人專政。乃稍稍弛禁。吾華人人境者。須先電准檢酋。現已往來自由矣。王族之專制甚酷。非貴族不得美衣華屋。違者重懲。至今國脉既絕。荷延殘喘。然土人官吏之壓制土人。尙有加無已。荷得充一荷軍警。則爲宗族交遊光寵。甚者睥睨儕輩。魚肉同類。而同類亦竊竊歎慕之一。若求之不得者。聞今酋爲太子時。前酋薨。未立儲。長子皆庶出。今酋雖嫡出而幼稚。荷官語諸子曰：「有能滅厥歲幣。則立之爲王。」荷官吏語今酋曰：「汝能滅。至若干則儼然王矣。否則吾不汝立。而俾爾兄汝其奈何。」酋遂忍淚俯從。而歲幣則又去其半。今酋又無嫡子。欲立儲。荷人不許。則將來之葫蘆。又可以依樣摹描矣。

境內凡屬私產。未租與荷人耕作之田畝。類皆荒蕪不治。其故由於酋之田俊（官名）掌其事者。任意暴斂。致土人寧忍飢而不爲佃。我華人則經商之外。多半放債者。緣酋之貴族。縱慾奢侈。所得俸每揮霍立盡。乃向華人借債。如二百者。作十二月完清。月還二十元。聞更有重於此者。然土人甘飲鳩而止渴。尤恐債之不多也。借債之法。華人必索其月俸歲俸之憑照。或田畝

收穫之抵押券以爲質信。噫！土酋之愚也如此。猶欲其不爲人之奴隸牛馬也。其可得乎。蓋優勝劣敗。天演公理。舉目五洲滔滔者皆是也。又豈獨一梭羅而已哉。

第六章 南洋物產誌……：參考書中國與南洋雜誌、南洋與日本、

南洋地居熱帶。物產豐饒。久已膾炙人口。惟品類繁多。無暇細舉。茲將最著物產與當地當世有關係者。提出說明。餘則以談叢體裁。拉雜言之。聊備博物家參考而已。

南洋最著物產。如後印度半島之米。英荷二國屬地之樹膠。椰子。碩莪。檳榔。瓜哇之糖。蘇門答臘婆羅洲之石油。馬來半島之錫。或產冠全球。或用饒一域。其他珍禽奇木。種類尤繁。久爲世人所注目。彼狡焉思逞者。莫不精心研究。竭力經營。想開爲本國外府。歐戰最大原因。此與有力焉。況與我僅一衣帶水之隔。華僑數百萬。羅列各地。饘粥於是。以餬其口。或殖田疇。長子孫焉。吾國一班人若竟漠然視之。茫然罔覺。豈非自棄其國民之責也哉。此對於南洋物產。所以有不能已於言者。

第一節 椰子

椰子屬棕櫚科植物。常綠喬木也。幹高四五丈。圍三四尺。葉爲羽狀。簇生幹頂。實爲橢圓形。生

於葉根大尺許。一樹有數十枚至百枚不等。實之外皮爲木質硬殼。色淡黃。厚三四分。硬殼內有纖維質一層。厚約五六分。纖維可作毛刷。棕墊等器之用。纖維質內有一黑色硬殼。質極堅。僅亞於鐵。蓋用以保護椰仁者。厚二三分。可做煙盒。點心盒等等器皿。做取水杓者尤多。中國北方誤呼爲檳榔杓者是也。黑色堅殼內附有白色軟肉一層。厚二三分。此部分功用最大。稱曰椰仁。土人以之爲日常菜食品。椰實成熟。摘下後。用斧開之。爆於日中。久之椰仁變爲黑色。乾裂與黑殼分離。拾而置諸袋中。稱曰椰干。椰實除椰干外。雖皆有用之物。然土人大概棄之如遺。製物利用者。不多見也。椰干由內地輸送到口岸。載以船舶。運諸歐美。以充商品。各口岸皆有倉庫以貯藏椰干。如我國內地貯糧糧棧然。椰干之在商場。其價值行情。報中每日登載。列爲主要商品之列。計荷屬地每年輸出者。約三十萬盾。可製爲油類。南洋所用食油。大多屬此。各地椰油廠。中國人多經營之者。更可作化粧品原料及牛油。椰粉等食料之用。椰仁之內爲中空。清水貯滿。取之可得數茶杯。味清可飲。總之椰樹功用甚大。幹可供建築及製造傢具之用。嫩葉可煮爲食料。長葉可編爲袋類或充燃料。全體無一棄物。宜爲南物主要物產之一也。椰子收穫量之大小。視地質之肥瘠及栽植之巧拙而異。計自初植至第七年起。卽結實。初每

月可生一顆。閏十二月而熟。一樹平均以一年計約生十顆。此其最初期的收穫量也。自是歷年增加。自初植至三四十為最發達時期。計一樹每年可百顆。樹命可達七八十年。

椰子木為南洋及印度洋原產。錫蘭島自六世紀時已早有種植椰子者。向來僅供土人作食用。今則始用大資本以從事於大規模的經營耳。美國暹羅緬甸菲律賓及中國南部的椰子林皆自印度及南洋方面所移殖而來。今將栽植椰子區域之大小列表於左。

栽植地名

椰子畝數 以英畝計

錫蘭島

七十萬

馬來半島及荷屬英屬南洋羣島

六十萬

荷美各國

五十萬

英屬印度及其領屬地

四十萬

太平洋諸島

二十萬

中央亞非利加

二十五萬

西印度

十一萬

觀上表總面積約三百萬英畝以錫蘭島產額爲最巨馬來半島及南洋羣島次之（可觀看本書望嘉麗記）其生產界線以在南北回歸線以內爲宜蓋椰子屬熱帶植物與氣候雨量大有關係也

椰子爲南洋最普遍最穩健之種植事業其獲利雖小然其用途廣大易於消耗（消費品）資本較輕（與樹膠相較爲十四與十一之比）經營較易（樹膠每二十五英畝須工人二十五名椰子二十五英畝工人一名即足）消路平穩（無大漲亦無大落）故馬來半島及荷美屬南洋羣島種者最多大半視爲主要農產物以其生殖所得轉易布帛稻米以供生活之資近年來樹膠事業新興多有將椰子林伐刈轉植樹膠者因而倍蓰獲利固實繁有徒惟歐戰起後商業停滯樹膠一項無人過問價格一落千丈因此破產者亦指不勝屈蘇門答臘棉蘭馬腰張鴻南爲華僑巨子有數千萬家資勢力雄厚爲華僑及荷蘭政府所倚恃其壽誕時荷蘭女王曾派專員賀壽近聞因受樹膠之累無法維持因以病沒故華僑中有識者當樹

膠盛行獲利之際。即指為投機事業。危險堪虞。不如椰子之平穩可靠也。今將椰子之種植費及收益列表如下。

百英畝椰子種植費概算表

第一年	四四四〇弗	領地測量地租伐木燒木除草造屋用人置器具醫藥等費合計
第二年	一五〇〇	
第三年	一二〇〇	
第四年	一〇〇〇	
第五年	一四〇〇	
第六年	一三〇〇	
第七年	一三〇〇	
第八年	一四〇〇	
合計	一三五四〇	

百英畝椰子假定一樹之結實以四十五顆計算平均一年所得利益如下

總樹數

七千株

椰子實

三十一萬五千顆

椰子仁產額

六十零十分之六噸

價格

一萬二千一百弗

除生產費

五千二百弗

贏餘

六千九百弗

以上係歐人所計算數目。至於華僑所經營者，其費用當少於歐人若干，生產當多於歐人若干。蓋勤儉耐勞，華僑所長，歐美民族，遠不能及，此則盡人所知，無庸細為解釋者也。

第二節 樹膠

樹膠係一種樹物。一名橡皮。其葉之形狀，與吾國槐樹葉相似。樹高二三丈，幹徑大者約七八寸。普通之種樹，每株距離二十呎。自初植至五六年，即可採液。平均一樹可得一磅。爾後一樹每年可增加半磅。最多時可至三餘磅。其液白色。採取之法，用刀將樹皮割破一道線。線之一端，繫一小碗，液即自樹身流至碗內。碗滿時取回廠中，用法製成樹膠餅，運至口岸輸出。取樹

膠液之工人。皆無能力之馬來人充之。月薪十元。宿膳費樹膠主人供給。華僑初不屑爲之也。樹膠爲南美巴西原產。最初由巴西之巴拉港輸出。故稱曰巴拉橡皮。去今四十年前。英人維克亨氏漫遊巴西內地。探得此種橡皮樹。謂可移植英國適當之地。得英國皇家花園園長某之援助。再赴巴西收拾其山中橡皮種子。由巴拉港密輸而出。齎歸英國。試種於皇家花園印度錫蘭及馬來半島等地。至現在南洋羣島爲橡皮之主產地。則謂維克亨氏爲橡皮業之鼻祖可也。

橡皮之供給與須要爲二十世紀以來世界市場一大新生產業。南洋羣島之初種植者。無不利市倍蓰。故往往有將椰子林刈伐。改植樹膠者。惟近來因歐戰及供過於求之影響。價額低落至數十倍之多。華僑因此傾家蕩產者。指不勝屈。則此業之不穩。已可概見。茲將近十七年中馬來半島樹膠輸出狀況書出。以備參考。

年限	量額 (噸)	價額 (磅)	每噸平均價
1906	430	240800560
1908	1620	729892	
1910	6504	4370688	

1912	21305	9548901
1914	50404	12701808
1916	99063	25938860
1918	135000	18900000.....140
1919	176000	39324000
1920	180000	30240000
1921	169000	10600000
1922	247651	1901155.....7.2.....

觀上表則知其產額年有增加而其價值之低落。十六七年間相差至八十七倍半之巨。業此者其致富者之快感與賠累者之痛苦。真不可同年而語矣。現在雖歐戰已停。價格漸漲。然將來如何。尙未敢妄爲臆斷也。

全世界橡皮產額。據一九一二年之調查。總數約八萬八千噸。其中自南美之巴西、秘魯等國者。約三萬八千噸。公果及其他之亞非利加方面者。二萬五千六百噸。其殘額二萬四千噸。即馬來半島、錫蘭、瓜哇、婆羅洲等南洋各地所產出者也。惟據前表一九一二年馬來半島之產

額。比初植時已增加五百倍。比一九一二年世界全產額尙多三倍。其餘各地產額之增加。當在意想之中矣。

經營樹膠比經營椰子費用較巨。其費用可爲數項言之。卽測量、報酬、地租、代木、燒棄、掃除、種植、除草諸費用。至採液期爲止。合計每英畝當費百六十弗。茲將每英畝各種費用。（自初種至採液期爲止）分錄如下。

植量費

一弗

報酬費

二弗至三弗

地租

最初六年每英畝約一弗至第七年視地之好壞三弗二弗不等

伐木

十二弗內外

燒棄

一弗

掃除

六弗

種植

六弗

除草費

自初種至採液期約除草三十次總費約四十五弗

合計

八十三弗

以上諸種費用外。如雜費、作業監督費、宿舍建築費、以及測量領地開拓種植諸費合計之一百英畝至達採液收益之期為止。當費金一萬六千弗。即每畝一百六十弗。此為馬來聯邦中有經驗種植家之言也。樹膠既至採液之期。則不可無製造上之設備。蓋一百英畝之樹膠。一日即有百磅之原液。計製造設備上各種的單位及其價值列表如下。

物名

價值

輪輾機 九點鐘內可製二百磅橡皮

五百弗

煤油發動機

二千弗

凝固用具

七十弗

壓搾機

三百弗

乾燥機

千三百弗

作工房三間

三百弗

凝固室八間

八百弗

合計

約五千弗

此外採液時之橡林一英畝須用工人一名。凡雇主須爲工人謀飲食之潔淨。且供給醫藥。設備病院。以保其健康。但小規模之經營者。則多共同組織病院。及共同聘請醫生。計採液工人每月工資十弗。飲食住宿諸費。共計不下二十弗。年中約二百弗。此以上所述。爲經營樹膠者所需費用之概略也。

其樹膠製造法。最初將汁液注入於凝固器中。加醋酸以分解水分。於是橡皮之成分。自然凝固。而沈澱。復將此沈澱物壓搾之。以去其殘餘之水分。再以輪輾機平押之。遂成爲板狀之粗製橡皮。待其乾燥。即可持往市場求售矣。樹膠用途甚廣。如製車製鞋。以及各種器用品類甚多。倫敦某車場。且築橡皮路於場內。惟因所須甚巨。此種計劃。尙難推行於世界耳。

第三節 蔗糖

糖有二種。一爲甘蔗糖。一爲甜菜糖。甜菜糖之產地。以歐洲爲主。範圍狹小。不甚普遍。甘蔗糖則新舊大陸皆產之。其區域以熱帶爲主。亞熱帶亦能生殖。茲欲知世界糖產額之狀況。不可不從統計入手。最近世界糖產總額。爲一千六百五十八萬噸。甘蔗糖佔一千一百七十萬四

千七百噸。甜菜糖佔四百七十五萬二千四百噸。今將最近五年間世界各國蔗糖及甜菜糖之產額(以噸為單位)列表如下。

糖 菜 甜		蔗 糖 產 額				
國名	國名	一九一九年	一九一八年	一九一七年	一九一六年	一九一五年
古巴	菲律賓	三・七三〇・一〇〇	三・九七一・八〇〇	三・四四六・一〇〇	三・〇二三・七〇〇	三・〇〇七・九〇〇
英領印度	台灣	三・〇四九・二〇〇	三・三三七・〇〇〇	三・三一〇・〇〇〇	二・七二八・〇〇〇	二・六三四・〇〇〇
瓜哇	非律濱	一・三三六・一〇〇	一・七七八・二〇〇	一・八二二・一〇〇	一・六二九・八〇〇	一・三一九・一〇〇
波多里哥	法國	四三三・八〇〇	三六二・六〇〇	四一四・〇〇〇	四四八・六〇〇	四三一・二〇〇
德國	奧匈	二六三・五〇〇	四一五・七〇〇	三九六・〇〇〇	四三四・〇〇〇	四〇五・二〇〇
奧匈	法國	二〇四・三〇〇	一九五・三〇〇	二一六・三〇〇	二〇二・七〇〇	三三二・二〇〇
法國	法國	一九一九年	一九一八年	一九一七年	一九一六年	一九一五年
奧匈	德國	七一九・九〇〇	一・三四一・六〇〇	一・五四一・一〇〇	一・五五七・九〇〇	一・五二五・二〇〇
法國	奧匈	五五〇・〇〇〇	七〇〇・〇〇〇	六七〇・〇〇〇	九四四・〇〇〇	九三九・〇〇〇
法國	法國	一六九・八〇〇	一一九・八〇〇	二一八・九〇〇	二〇二・二〇〇	一四・八一〇〇

額	產
荷蘭	一三三・七・五〇〇
俄國	二二五・〇〇〇
	七〇〇・〇〇〇
	一〇〇・二八・六〇〇
	一・三二四・六〇〇
	一・六五二・八〇〇
	二〇〇・〇〇〇
	二六五・二〇〇
	二四二・八〇〇

觀上表甜菜糖以德國所產為最多。蔗糖以古巴所產為最盛。甜菜糖不論只論蔗糖。瓜哇蔗糖產額次於印度。在世界居第三位。每年總輸出額約二億萬噸。以上占據屬東印度貿易總額二分之一。查瓜哇全面積為一千一百萬畝。現在所開墾面積為九百三十萬畝。蔗園面積僅占二十二萬畝。居已墾園地四十分之一。然瓜哇地味宜蔗。如同一面積而其收穫量在台灣五六萬斤者。在瓜哇則可出十五六萬斤。收穫量既豐。種植地域亦廣。故糖之產額獨盛。

瓜哇糖商的勢力以國籍別之。可分為五類。即歐洲、中國、日本、英屬、印度、亞拉伯是也。從前執瓜哇糖業牛耳者。關係歐洲商行。惟西歷一九三三年。日商行起而代之。中國商則居第三位。計是年日商行購入各種蔗糖。共九百九十九萬餘担。占全額百分之三十八。歐洲為七百五十九萬餘担。占全額百分之二十七。中國為七百五十萬擔。占全額百分之二十八。其餘商行

共占百分之五而已。

糖之需用甚廣。其消費額。有隨文明以俱進步之勢。據統計家之計算。每人每年消費量。(明治四十一年)瑞士九二斤。英國六九·七斤。美國六一·四斤。丹麥五七·六斤。德國三一·九斤。荷蘭三一·三斤。法國二七·五斤。日本九·七斤。中國二斤而已。

甘蔗莖葉純似高粱。自種苗以後。經十閱月。乃至十四閱月成熟。最高之地。因地勢乾燥。約須十八閱月。甘蔗既熟。即須著手刈穫。遲則其含有之糖分減少。其刈穫方法。有自根際平面切斷者。有連根拔起者。刈穫後。即去其葉莖之頭部。可保存之以作苗。其餘則送入工廠製糖。計每荷畝。可出糖蔗九百擔。得製粗糖一百五十擔。其製法。有用壓搾器。再四搾之。以取糖分者。有不用壓搾器。僅切為細段。投於熱湯中。以煮出其糖分者。惟現今則用新式壓搾器者為多。瓜哇人口稠密。為世界第一。故蔗園工人。資價極為便宜。每日工資。有時僅荷幣一角者。最貴時亦不過三角二三分而已。近年來業糖者。又採用一新法。即借資本於土人。令其自種甘蔗。其借貸數目。每荷畝約三十盾。刈穫後。則將甘蔗納於製糖所。扣去前資本。照市價找付餘額。聞其成績甚佳云。

菲律賓、砂糖爲四大農產物之一。其輸出額僅次於麻。年額約四百五十萬元。亦重要糖產地也。

第四節 錫鑛

南洋羣島重要物產。植物爲椰子、樹膠、甘蔗及稻米。鑛物爲錫及石油。植物狀況已述於前。茲再述錫及石油。以見其寶藏無窮焉。

現今世界錫之產額。以馬來半島及荷屬東印度爲最豐。計占世界全產額十分之七。就中馬來半島占十分之五。荷屬東印度占十分之二。近年世界之錫產額。約在十萬噸內外。而馬來半島產出約五萬噸內外。荷屬東印度產出一萬五千噸。乃至三萬噸。此外南美之秘魯產出一萬四五千噸。澳洲出六千噸。英國出四千餘噸而已。

荷屬產錫之地。以彭加 *Bangka*（參看本書之彭加島華工一節）皮利冬二島爲著。荷屬之錫十分之七出自彭加。其他則出自皮利冬 *Bellora*。荷人每年於此二島。獲得二千餘萬盾之利益。爲歲入一大宗。馬來半島以霹靂州爲第一。雪蘭莪次之。而芙蓉及彭亨一處。亦有相當產額。吉冷丹及吉打二處。錫脈亦多。惟尙未開採。無統計可據耳。今將前四州之鑛區面積及產

額錄之如左。

州名	一九〇九年	一九一〇年	一九一一年	過去二十年間產出總額
霹靂	一五〇三六七	英畝 一四八三二九	英畝 一四八六四四	四七・七九〇〇
雪蘭莪	七・五一〇四	七・五一四六	七・三四四八	二九・九五六四
彭亨	三・〇九九八	三・二七四二	三・二五五二	二・二九二四
合計	二八・一〇七〇	二八・〇二五四	二七・七四八一	八七・三七〇三

觀上表可知馬來半島之錫鑛霹靂占其過半數換言之則馬來半島錫之產額占全世界總額二分之一。而霹靂一州之所出又占馬來半島總產額二分之一以上是也。

霹靂州之錫鑛山計一年間可出五千擔以上者凡十。而在怡保之西路德拿鑛山爲最有世界第一之稱。其他產額數多者如雪蘭莪之吉隆坡附近及芙蓉之塞倫彭地方皆著名者也。

製錫之法至爲簡單。初自鑛山中採得之錫俗稱沙錫或曰錫米。將此錫米置於一籠。利用堰開水勢或以器攪拌之。則土沙洗去而錫質沈澱於籠底。然後運至溶解場以製粗製錫。再將此粗製錫送至新嘉坡或檳榔嶼精製之。卽成純錫。

鑛夫大半爲中國人。計一千九百十一年份之鑛夫。總數爲十九萬六千四百人。其中十分之九爲廣州、福州及瓊州人。按最初馬來半島之業錫者。不限定鑛區。凡願採錫者。得採鑛許可證。即可自由探索各地。及發見鑛脈。乃報告其鑛區面積。即得著手採掘。但業此者多中國人。故至今在馬來半島。擁數百萬財產之華僑。大半皆當年從自由採錫而致。新嘉坡有陸佑者。廣東人。家資有四十萬弗之巨。其初爲某鑛山擔泥工人。沒後無子。其家產暫爲英政府承管。一世之期。能致此巨富。恐在世界亦不多見。然則謂南洋爲吾國民唯一外府可也。

第五節 石油

按世界石油之出產。最古爲俄油。其次爲美油。再次爲荷油。現今荷俄合併。故全球煤油界。只有二大頭目。卽吾人所常目擊之美孚與亞細亞二公司而已。今以公司爲題目。略言荷油之一斑。

荷屬石油產額。以蘇門答臘爲最。其次爲婆羅洲。婆羅洲面積最廣。惟因初期著手開採。故出油尙少。再次爲瓜哇島。今將其鑛區面積及產額錄之如下。

荷屬石油鑛面積及產額表

島名

面積(以海克推為單位)產額(以一千吉羅格爾為單位)

瓜哇

九·二一三八

一三·五六七九

蘇門答臘

五·六一九五

七三·八五五六

婆羅洲

一八·〇五三七

三八·一〇四九

合計

四〇·二四九六

一二五·三二八四

荷屬地石油營業狀況以小公司為單位。凡各地之石油鑛區之所有者先組織一公司。採汲原油試辦後若其產額甚多則由有力之精油公司收買其油井。乃與所有者以若干資金。仍令依舊經營採集原油及運搬各事。其運出之原油亦按量給以一定之原價。如是將所集之原油精製而分類之。然後以協定市價讓渡於中央團體之一國際貿易社團。而國際貿易社團遂以之輸送於消費地而販賣焉。故該地石油公司雖多。要皆以採汲原油者為多。而荷屬地所有鑛區及事業或直接或間接皆歸巴達夫西一大石油公司所掌握。凡荷屬地有油田油井採取權之小公司均被彼收買。以買收金償還其資本。其後每年照其所出石油按量分配利益而已。是則巴達夫西公司者實荷屬地石油各公司之一公主也。

巴達夫西石油公司之資本共八千萬盾。其股份分A B二種。合計五大股。A爲老易特貿易公司。係荷蘭資本。作三大股。B爲西爾運輸貿易公司。係英國資本。作二大股。老易特先年曾受美孚石油公司挑戰的損害。因得英國資本家之援助。竟能通過難關。近年又新買收法國羅斯吉德家所經營之荷蘭石油公司。二所故巴達夫西公司之事業成爲英法荷三國資本家結合團體。將益進於世界的經營。如歐洲之羅馬尼亞非洲之埃及及均有其經營之油井。其地盤之穩固。已使美孚不能染一指。

巴達夫西石油公司內部之經營。分爲二部。凡油井之經營。原油之精製等。皆歸老易特擔任。石油之輸出及販賣。歸西爾公司擔任。在東方之荷蘭油販賣權實全歸此巴達夫西之變名。所謂亞細亞石油公司。所獨占。此「國際貿易社團」（即亞細亞公司）不獨事實上握全荷屬石油界之樞紐。且絕對防他人之潛入。如該社團欲收買油井時。則由老易特公司當其衝。其收買所需之資本則以老易特公司之股票。及西爾公司之股票。配合提供。以交賣主。此二公司股票之市價。常在票面額五倍以上。故公司之買收費意外低廉。且買收此等新公司之油田及油井時。而其所給與之股票面上。必有一條特別之規定。即三四年後。老易特公司得以

一定之價額有買回此股票之優先權是也。故該公司之股票總不出少數股東之手。得達其永久獨占之目的。西人財閥專制手段之辣有如是者。

以上所述即亞細亞公司之史略。亦即南洋荷領地石油產出之概況。我國地大物博。素稱天府。至如延長 承德著名石油礦。皆爲外人攫取以去。以供圖利之資。談述之際。能無愧色哉。

第六節 叢錄

米 南洋米產地以後印度半島爲第一。瓜哇鳥次之。其餘諸島植者甚少。或竟不植。其所食之米。純仰給於後印度半島。計暹羅一國所產。其輸出之額。竟達五千萬圓之巨。以暹羅五百萬人分配之。每人占有十元輸出之米價。其產額之多。可以推知。緬甸 安南之米產。與暹羅齊名。故華僑業者多經營之。占營業中重要位置焉。

煙葉 南洋羣島煙葉產地。以菲律賓 蘇門答臘 瓜哇三處爲主。菲律賓 濱煙葉。爲其地四大農產物之一。名聞世界。中國素名之曰「呂宋煙」。世界名之曰「馬尼拉煙草」。與馬尼拉捲煙。最近產額達二百七十萬元以上。瓜哇煙葉。在其產業中占重要位置。計一九〇九年之輸出額。達三千一百餘萬盾。一時曾與馬尼拉產及南美產相匹伍。而角逐於歐洲市場。惟因

耕地不知改良。新種不知選擇。以致品質漸落。跌入衰運。此後蘇門答臘島之煙葉大興。凌駕瓜哇。而得三倍以上之高價賣却。瓜哇人受其刺激。歐人之來此著手斯業者漸多。故其聲價與產額。又復增加矣。按蘇門答臘煙葉雖屬後起。而其產額與品質。實駕南洋各地而上之。計東海岸之煙葉種植公司。共約十五所以上。每公司之種植地域。皆在一萬荷畝以上。多者至九萬餘荷畝。每公司約用一萬五千乃至二萬之勞動者。此項勞動者多屬華僑。與馬來半島及彭加等島之錫鑛華工。有並駕齊驅之勢。計一九〇八年蘇島煙葉種植區域。共四六・九二九三荷畝。生產額三七・七九二八擔。且有鑑於瓜哇之失敗。採七年一期制。（即種植一年休養六年）故其品質甚良。計二百葉之重量。不過一磅。最適充雪茄煙外皮之用。惟蘇島煙葉。有同行會議所有悉數運往荷蘭本國某市場之規定。不准擅賣與他人。他國人需用者。皆須經荷蘭商人之手。專利壟斷。至乎其極矣。

碩莪 碩莪農產物之一種。一名西穀。棕櫚科植物也。樹高三四丈。葉長一二丈。幹圍六七尺。長二三丈。種植八九年。始可取用。幹之外表爲木質。厚一寸餘。外皮之內爲疏鬆木質。所充滿。其軟也有似玉蜀黍之櫟。土人將幹鋸成短截。刮去外皮。再用鋸將內饅鋸成碎末。置諸池

中浸之以水。用物搾壓。池邊有口。其漿即從口流至他池。久之其中水分滲完。所餘者爲雪白之物質。即所謂碩莪粉是也。此粉爲南洋土人之副食品。並可充漿衣服用之粉子。其渣滓可用喂豬雞之屬。棄物殊少。誠南洋有用之特產也。

咖啡 爲植物之一種。葉精圓對生。花白而香。生於葉腋。果纍纍如貫珠。色青紅如棗狀。食之甘美。可作飲料。歐美人及南洋羣島人皆嗜之。每擔值三四十盾。荷人在瓜哇島強制土人耕種之。現今荷屬諸島年中輸出者約值九百萬盾之巨。是樹自初植至七八年爲收穫初期。十年至二十年爲青年期。每株可收四五十斤。以至八九十斤。三四十十年爲中年期。產漸衰。至五六十一年則老而不能收穫矣。

胡椒 爲香料之一種。有黑白之分。不去皮者色黑。去皮者色白。非原來二種也。爲南洋重要物產之一。新嘉坡新聞紙上每日列有貿易之價目。荷屬諸島皆產之。計其輸出額年約七百萬盾。

藤 產於蘇門答臘與婆羅洲之東西兩岸。及西列伯斯諸島。每年中輸出歐美及我國上海爲數甚巨。約值五百萬盾。此外又得充土人製造各種藤器之用。

樹薯

又稱包豐。產於瓜哇島。種類有四大別。(甲)三月種。外皮淡褐色。地下莖大而多。由播

種之日起。達至百日即可收採。肉質白色微青。味甘。雖在瘠地亦能繁殖。栽於園圃。尤爲暢茂。

(乙)六月種。外皮褐色。地下莖較甲種稍殺。播種至收成期約六閱月。小粉多於甲種。(丙)九月種。

皮色與乙種相類。莖亦略同。九閱月方可收取。富有澱粉。甲乙二種均不及焉。(丁)一年種。地下

莖皮色與乙丙二種無異。澱粉質尤豐富。非歷一年後不可收採。因其日久。土人多不能待。種

者甚少。樹薯之莖。去淨外皮。肉質似甘薯。中有一細小木質。熟時抽去食之。味與甘薯相似。以

器磨成細屑。炊而食之。入赤糖少許。有如米糕。若製爲粉。以造各色餅乾。酥而且脆。爲土人副

食品。又法將炊熟樹薯。以木器搾扁。和以酒麴。則能發酵成酒。將生樹薯去皮切片。放於日下。

晒乾後。入油炸之。熟後取出。拌以糖。曝乾。藏於瓷器內。勿使濕氣侵入。隨時取食。不亞餅乾。查

歐人在瓜哇島投資一二百萬盾之農業公司。以經營樹薯者不少。瓜哇及馬都拉年中。此項

輸出品價值六六一八二七一盾。(一九〇九年)而樹薯粉全年輸出。英法德意美中日星

洲(新架坡)香港約共三十一萬餘担。價值百二十四盾焉。

樹薯之性不患蛙蟲旱乾水溢。更無所忌。種植不必擇地。田之垠園之旁。屋外雜土。不須鋤草。

萊下肥料。插之自能蕃衍。瓜哇氣候通常約在華氏表七八十度。循環施種。終年無已。我國地處溫帶。亦甚相宜。所慮者冬季霜雪。傷及種苗。苟研究藏苗之法。以免年年轉運。設法移植吾國。無虞水旱。可以抵禦災荒。裨益生計。當非淺鮮也。

檳榔 爲常綠喬木。屬棕櫚科。高約三丈。幹徑約五六寸。有葉無枝。形狀與椰子一樣。惟椰子大而高。檳榔小而矮耳。葉聚頂端。爲羽狀複葉。產於熱帶。五年始結實。初開黃花如稻穗。實聚生一簇。數可百枚。形圓。大如核桃。外皮色黯白柔韌而厚。中藏檳榔子。色櫻紫有紋。大如棗。卽吾人所常見而食之檳榔也。土人取檳榔子。切爲薄片。以火焙乾。用袋裝成。運至口岸。輸出他國。聞係多作染料之用。（我國多用爲藥材及嗜好品）南洋蘇門答臘東海岸。婆羅洲西海岸。及巴達維亞附近皆產之。計荷屬地每年輸出約四百萬盾。

樹糖 此樹枝葉狀態酷似檳榔。結實則較檳榔略小。如荷屬西里伯島之望加錫。婆羅洲之三發埠。皆有此樹。三發埠屬文丹山之糖樹。土人呼爲亞老。每晨以短棍搗其枝。更繫竹筒於枝下。俄而卽有液自枝下注入筒。及晚筒內液滿。取歸傾液於鍋。燃火煮之。而凝爲糖。色赤味甜。土人用爲食品。惟久貯則銷鎔矣。

樹鹽

英屬婆羅洲沙朥越產鹽樹葉形與枇杷葉相似採而煮之以水及冷則凝爲鹽其

味不若海鹽之清鹹該土人恒煮而食之華僑婦女於生產時亦購食此鹽以其可祛風濕也

流連

流連者南洋羣島最普通一種果品也形色與柚子略同惟表面滿布乳狀突起外

皮約有四五分厚其實亦與柚子外皮同去其外皮內分四房每房有暗紅色腎狀硬子七八枚子長不足一寸硬子之外被以濕軟白色之薄膜一層味甘而烈人所食者只此薄膜耳餘則皆屬棄物如室內暗放留連數枚其味充滿室中異常噴鼻嗜者以爲香不嗜者則以爲臭每年收穫期分二次一次爲六七月之間一次爲十二月與一月之間每值時街市兩傍陳集出售者連累不絕婦孺老幼趨赴市場購買每枚價約英銀一二角大有交易而退各得其所之狀

婆羅密

婆羅密爲綠喬木產於我國嶺南荷屬東印度及馬來半島諸地葉倒卵形花小

叢集成穗實橢圓而長大如冬瓜色黃表面有乳狀突起內分數房房內之肉層疊似橘瓢味

甘酸似柚在南洋者其每年中收穫期分二次與流連紅毛丹等同

紅毛丹、紅毛丹亦南洋羣島最普通之一種果實大如棗色紅黃之間外皮表面有蝟刺

狀軟毛甚長去其外皮。內有核。核之外被以白色肉質。可食。味酸甘甚美。其收穫期與流連同。燕窩 由海燕之窠所製之食料品也。海燕爲燕之一種。產於英領印度婆羅洲蘇門答臘瓜哇西里伯之東印度諸島。其人通常謂之拉客拉由 *Latuk* 我國廣東福建沿海亦稍宥之。其毛色薄黑。背部帶綠色。胸部爲淺藍色。較普通之燕略小。燕窩爲此鳥以沿海所生如眞珠苔之海藻所造成之膠質物也。可充食品。我國特珍重之。其形似吾國昔時之元寶錠。大小亦同。色有黑白之分。白者爲上品。所謂「雪白官燕」是也。雜黑色者次之。由南洋各大埠每年中出口數目甚多。在新嘉坡埠。色白之燕窩。每斤價值三十弗上下。色黑者每斤價值二十元左右。至上海色白者則值五十元左右。價目昂貴。故常有以日本之洋菜假造者。南洋土人鑑此獲利之厚。有故建屋宇以飼之者。此種名曰厝燕。天然者曰洞燕。養厝燕可獲厚利。且其質較洞燕尤佳。產豐利厚爲南洋羣島輸出商品之一種。計瓜哇泗水一港。於一九〇九年。輸出燕窩二千一百五十二担。價值三百二十二萬八千盾。銷往星洲（星嘉坡）及中國。若以南洋各埠輸出合計之。恐當在千萬盾以上也。故在星洲華僑經營是項商業者。店內倉篋排列。有似糧棧。黑白雜陳。待價而沽。至若計其資本。則數十萬以至數萬不等。華商財力之雄亦可

於此見之。

貝類 以眞珠爲多。產地以亞羅島及馬呷沙海爲主。有銀光金光之別。銀光又名白光。將珠投入玻璃器中。由外面望之而不見。且比重大者爲上品。有值千圓以至八九千圓者。上品者多輸出歐美。次者輸入中國充藥品之用。計每年輸出價額約四百萬圓云。

霧鳥 鳥翎黃金色。故亦名黃金鳥。日本人稱之爲極樂鳥。其形似燕。惟兩翅之端各有一極長之羽翎。（長約一尺）其莖細似蕪葉。莖端有一圓形羽翎。大如銅元。色帶黃。（北京張儀門商品陳列所內曾陳列之）在昔歐美二洲均銷行。西歷一九一三年。美利堅政府以權利損失之故。禁止入口。歐洲法人最好之。歐戰以前。佳者每戈里（一包也）可值千七八百盾。下者亦值三四百盾。亦可見西人奢侈之一斑。巴布亞一帶所產有黃袍褂。烏袍褂。銀頭長尾。大紅。小黃。等名稱。每戈里值十餘盾至百盾不等。歐戰起後。價格跌落一半。惟該鳥毛色美麗。疊遭傷害。產額日少。荷政府恐其絕種。出令一年內只半年爲弋獲期。違者處罰。且科以重稅。值百抽十。然因重利所在。故犯禁者。報紙傳載。屢不絕書云。

第七節

南洋羣島地力及土地借用制度

南洋羣島氣候炎熱。土脈肥沃。物產豐饒。爲世人所共悉。茲將實地觀察所得錄之如左。南洋羣島除澳洲一部分外。餘皆在熱帶以內。氣候終歲炎熱。只有暑季而無冬春之分。惟屬海洋性。故最熱時尙不及我國北京盛暑之烈。最涼時年中共二次。每一次不過一星期之久。與我國初秋氣候相似。當時只御袂衣而已。雨量充足。三五日一雨。甚則無日不雨。惟皆細雨淋漓。不久卽止。滂沱傾盆。連日累月者。初無有也。故以氣候論。雖在熱帶。而寒溫調節。暑濕平勻。非但我國蒙古甘肅一日中具一年寒暑之變化者。所可比擬。卽黃河下流諸省。亦遠不及焉。其氣候之溫和。有如此者。南洋羣島無論已闢未闢。非森林蔽日。卽古木參天。碩莪之叢。葉長三四丈。幹圍十餘尺。其密也過於葦塘。飛鳥難入。野生之木。葱鬱無旣。盛於窩集。儼似崇墉。數步之外。不見人物。已闢之路（南洋荷屬各地由政府派人修治道路。馬來人關於此項工作。每人每月三日。中國人僅於其居住地段。出若干修路費用。日本人則蓋不出資）兩旁林木。高入雲際。人行其間。如入萬丈深谷。仰視天空。僅見頭頂之上天光一線而已。其林木盛茂。有如此者。新闢之地。所伐樹木。橫集地上。高可四五尺。用火燃燒後。腐木柴灰。堆累造成地層。軟可沈脚。用棍插試。數尺之深。隨手而入。如二三月內不再斬除。則林木重生。高與人齊。如箬

如籬。復行伐刈。其新條嫩葉。委集地表。厚亦可二三尺。再行用火焚燒。始可種植。至於海濱水涯。腐物陳集。不測其深。人民於其上建造房屋。底多活動不穩。陸上多枯木朽株。水皆紅色。但人民飲之。亦不致病。其土脈肥沃。有如此者。其各類植物。無論何種。終歲綠色。不見黃葉。（其葉亦隨時黃脫。惟總計之不過萬分一二。故視之不能見。樹底黃葉因集累日久。漸成薄層。馬來人於街市內樹下。用物掃集。以火焚之。）果物如香蕉之屬。一年可四穫。流留紅毛丹之屬。一年可二穫。椰子檳榔之屬。則終歲開花結實。連續不斷。其收穫之普厚。有如此者。以此而講。求種植。何難利獲倍蓰。豈計耕九餘三。視吾國內地用若干資本。冀田終歲動動。上焉者始可畝益三鍾。相去誠不可以道里計。日人盛倡南進。夫豈無故。惟南洋一帶。以實際論。幾盡屬我國勢力範圍。後起日人。欲謀插足。其難也較諸我國不啻霄壤。（因南洋巨埠市人十七八皆中國人。商權皆在華僑之手。苟華僑盛倡排日。則在南洋各地之日僑。可置之死地有餘也。）考南洋未闢之地。十居八九。吾國人口稠密。省分每有人多地少之患。正可人民與官府互相結合。組織公司。招內地無業游民。前行墾闢。（此事甚易作到。因開闢南洋任務。馬來人愚惰而不能為。歐美人驕慣而不肯為。惟我華僑勤勞耐苦。最爲適當。故英屬婆羅洲。昔曾與我政

府訂有招工條約甚爲優待以廣招徠參看本書華僑概要可知）一可減少國內亂源二可擴張吾國勢力三可爲世界廣開利源一舉三得此亦我國政治家拓殖家在此廿世紀時期應有之覺悟我國民我政府其速起而圖之可也。

南洋土地制度英荷二國屬地略有不同英屬海峽殖民地與馬來各聯邦其間微有異同然大體則一也凡欲經營墾殖者將其地域面積人種原籍住址姓名等詳記向地方官提出領地願書官廳受此書後早則一星期遲則三四月以內給志願者以許可証書而志願者受此書後即須交納所規定之土地測量費若逾期不納則一切證券仍須取消至其土地測量費之多寡與土地面積之大小有關面積愈大其費愈減大率一百英畝爲一百三十五弗一千英畝爲八百二十弗平均約一英畝一弗至若地租則有一等二等三等之別一等者一英畝三弗普通者二弗在柔佛則第一年至第五年一英畝納地租五角其後爲二弗五角其他諸州最初六年間一英畝一弗第七年則一等地四弗其他三弗英屬婆羅洲制度可參見華僑概要一節。

荷屬東印度土地制度大別爲三種一爲政府所有地政府自由耕作以栽植咖啡爲限其不

種咖啡者。則使土人自由耕作。惟每人須課人頭稅一盾。二土人私有地。卽東印公司時代。或英國占領時代。已許其有永久所有權者。或由荷政府賞與舊王土酋者是也。惟此項土地所有權。大半屬諸華僑。或已移入荷蘭人手。土人所有者蓋甚少也。三爲永久借貸地。或名有限所有權。卽不問何國人。或何種團體。均得向荷政府所有山林薙澤。借而開墾之。其借地期限爲七十五年。期滿亦可續借。其欲將借地權轉讓他人者。經官府之許可。無論何人皆得行之。惟永久所有權。雖荷人亦不之許。其借地條件。第一須先有永住許可證。所謂永許可証者。以居荷屬一年以上。照納國稅者爲限。其土地測量費。各地不同。婆羅洲之東南部。每一荷畝約一盾。土地借貸金。最初五年免費。自第六年起。每荷畝之價。當與最初測量費同額。惟前數年閱南洋某報。中有荷人發出一種通告。有借貸地不許轉讓他人命令。後經華僑舉出理由。以與之爭。其中大意謂如栽植椰子等項植物。必經二三十年後。始得豐盛之收穫。如華僑一旦歸國。或因他故不能繼續經營。受此無理法令之約束。實不啻將其財產收沒之也。荷人自知理曲。此等不正當之命令。早無形消滅矣。

附錄

番客篇

嘉應黃公度先生遺稿

山雞愛舞鏡。海燕貪棲梁。衆鳥各自飛。無處無鴛鴦。今日大富人。新賦新婚行。插門桃柳枝。葉何相當。垂紅結綵毬。緋緋數尺長。上書大夫第。照曜間楣光。中庭壽星相。新筵供中央。隱囊班絲細。坐褥棋局方。兩旁螺鈿椅。有如兩翼張。丹楹綴錦聯。掩映螭粉牆。某某再拜賀。其語多吉祥。中懸剝風板。動搖時低昂。徧地紅藤簞。潑眼先生涼。地隔襯菟白。水紋鋪流黃。淅淅竹絲簾。內藏合懽牀。鏤花福壽字。點畫皆銀鑲。蚊幃挂碧綃。犀毘堆紅箱。旁室銅澡盆。滿儲七譜。指香湯。四壁垂流蘇。碎鏡隨風颺。華燈千百枝。徧繞曲曲廊。庭下衆樂人。西樂尤鏗鏘。高張梵字揮。抑復揚。傘口銅洞簫。蘆哨吹如簧。此乃故鄉音。過耳音難忘。番樂細腰鼓。手拍聲鏗鏘。喇叭與畢栗。驟聽似無腔。諸樂雜沓作。引客來登堂。白人挈婦來。手攜花盈筐。鼻端撐眼鏡。碧眼深汪汪。裏頭波斯胡。貪飲如渴羌。蚩蚩巫來由。肉袒親牽羊。餘皆閩粵人。到此均同鄉。嬉嬉婦女笑。入門道勝常。番身與漢身。均學時世妝。塗身百花露。影過壁亦香。洗面去丹粉。露足非白霜。鬢胸黃亞姑。作作騰光芒。沓沓屐履聲。偕來每雙雙。紅男并綠女。个个明月璫。卑衫纏白疊。尖

履拖紅裙。垂垂赤靈符。灑灑緋交襪。一冠攢百寶。論價難爲償。簇新好裝束。爭來看新郎。頭上珊瑚頂。碎片將玉瓊。背後紅絲條。交辯成文章。新製紺綾絛。衣補亦寶裝。平頭鵝頂靴。學步工趨踰。今行親迎禮。吉日復辰良。前導青羅繖。後引絳節幢。駕車四驢馬。一色紫絲纒。薄紗宮樣燈。白晝照路旁。海笛和雲鑼。八鸞鳴玲瓏。帕首立候人。白鷺遙相望。到門爆竹聲。羣童喜欲狂。兩三戴花媼。捧出新嫁娘。舉手露約指。如棗真金剛。一環五百萬。兩環千萬強。腰懸同心鏡。襯以紫荷囊。盤金作縵帶。旋繞九迴腸。上下籠統衫。強分名衣裳。平生不着襪。今段破天荒。明珠編成履。千緋當絲鑲。車輪曳踵行。蠻婢相扶將。丹書懸紅紙。麒麟與鳳皇。一雙龍紋燭。華燄光煌煌。第一拜天地。第二禮尊璋。後復交互拜。于飛燕頰頰。其他學檢衽。事事容儀莊。拍手齊歡呼。相送入洞房。此時簫鼓聲。已聞歌鱗鱗。點心嚼月餅。釘座堆冰糖。啖蔗過蔗尾。剖瓜餘瓜瓢。流連與波羅。爭以果爲糧。赤足絡繹來。大盤薦鹽齋。穿花串魚鮓。蒹紙批牛肋。今日良宴會。使我攢眉嘗。食物十八品。強半和椒薑。引手各搏飯。有杭有黃梁。薄桃百瓶酒。破碎用斗量。呼么復喝六。拇戰聲琅琅。頗黎小海鷗。舉白累十觴。既醉又飽腹。出看戲舞場。影戲紛牽絲。幻人巧尊檀。藍衫調鮓老。玉瞳輝文康。塌鞞肩背飛。迅若驚鳧翔。白打唱迴波。引杖相擊撞。金吾今弛

禁賭錢亦無妨。初投陞官圖。意取富貴昌。意錢十數人。相聚捉迷藏。到手十貫索。罔利各籌防。名爲葉子戲。均爲錢神忙。醉呼解醒酒。渴取冰齡漿。飲酪揀灌頂。烹茶試頭綱。吹烟出烟葉。消食分檳榔。舊藏淡巴菰。其味如詹唐。傾壺挑鼻烟。來自大西洋。一燈阿芙蓉。吹氣何芬芳。分光然石油。次第輝銀缸。入夜有火戲。語客留徜徉。行坐紛聚散。笑譚呼汝邛。中一蒜髮叟。就我深淺商。指問座上客。脚色能具詳。上頭衣白人。海漁業打漿。大風吹南來。布帆幸無恙。初操牛頭船。傍岸走近港。今有數十輪。大海恣來往。銀多恐飛去。龍圖東萬漚。多年甲必丹。早推蠻夷長。左邊黑色兒。乃翁久開礦。寶山空手回。失得不足償。忽然見斗錫。真乃無盡藏。有如窮秀才。得意挂金榜。沈沈積青曾。未知若干丈。百萬一紫標。多少聚錢缸。曷鼻土色人。此乃吾鄉黨。南方宜草木。所種盡沃壤。椰子樹千行。丁香花四放。豆蔻與胡椒。歲歲收豐穰。一畝值十鐘。往往過所望。擔糞縱餘臭。牛馬用谷量。利市得三倍。何異承天貺。右坐團團面。實具富者相。初來錐也無。此地甫草創。海旁占一席。露處關榛莽。蜃氣噓樓臺。漸次鐘疊嶂。黃金准土價。今竟成閭巷。有如千戶侯。裂地稱霸王。善知服食方。百味作供養。聞有小妻三。輪流搔背癢。長頸獼猴面。此物信巨駟。自從縛馬足。到處設魚網。夥願典衣庫。值十不一當。一飲生訟獄。誰敢傾家釀。自煎

粟膏。載土從芒碭。鷄泊竊更驚。顛倒多奇想。搜索徧筐篋。推敲到盆盎。龍斷兼雁鼎。巧奪等封掠。積錢千百萬。遮足供送葬。君看末座客。揮扇氣抗爽。此人巧心計。自負如葛亮。千里封鮮羹。絕域通枸醬。積着與均輸。洞悉萬物狀。錦繡離雲爵。妙能揣時尚。長袖善新舞。胡蘆棄舊樣。千帆復萬箱。百貨來交廣。遂與西域買。逐利爭衰旺。即今論家貲。問富過中上。凡我化外人。從來奉正朔。披衣襟在胸。剃髮辮垂索。是皆祖國裝。何曾變服着。初生設湯餅。及死備棺槨。祀神燭四照。宴賓酒三酌。凡百喪祭禮。高曾傳矩矱。風水講龍砂。卦卜用龜灼。相法學麻衣。推命本碌碌。禮俗概從同。口述僅大略。千金中人產。咸欲得封爵。今年燕晉饑。捐輸頗踴躍。溯從華海來。大抵出閩駱。當我鼻祖初。無異五丁鑿。傳世六七葉。略如華覆萼。富貴歸故鄉。比騎揚州鶴。豈不念家山。無奈鄉人薄。一聞番客歸。探囊直啓鑰。西鄰方責言。東市又相譖。親戚恣欺凌。鬼神助咀嚼。曾有利蘭客。攜歸百囊橐。眈眈虎視者。伸手不能攫。誣以通番罪。公然論首惡。國初海禁嚴。立意比驅鱷。借端累無辜。此事實大錯。事隔百餘年。聞之尙駭愕。誰肯跨海歸。走就烹人鑊。言此袂掩面。淚點已雨落。滿堂雜悲懽。環聽咸唯諾。到此氣慘傷。笳鼓歇不作。橐橐拍板聲。猶如痛呼譽。道咸通商來。雖有分明約。流轉四方人。何曾一字著。堂堂天朝語。祇以供戲謔。

譬彼猶太人。無國足安託。鼯鼠苦無能。橐駝苦無角。同族敢異心。頗奈國勢弱。雖則有室家。一家付飄泊。倉頡鳥獸迹。竟似畏海若。一丁亦不識。况復操筆削。若論佉盧子。此方實莊嶽。能通左行文。千人僅一鶚。此外回回經。等諸古渾噩。西人習南音。有譜比合樂。孩童亦能識。識則誇學博。識字亦安用。番漢兩棄卻。愚公傳子孫。痴絕誰能藥。不如無目人。引手善捫摸。近來出洋衆。更如水赴壑。南洋數十島。到處便插脚。他人殖民地。日見版圖廓。華民三百萬。反爲叢毆雀。螟蛉不撫子。犬羊且無羈。比聞歐澳美。日將黃種虐。向來寄生民。注籍今各各。周官說保富。番地應設學。誰能招島民。回來就城郭。羣携妻子歸。共唱太平樂。 (完)

南洋見聞錄 附錄

